


ИСОҚЖОН НИШОНОВ

6



АФГОН ШАМОЛИ

АДОЛАТ ЛАШКАРЛАРИ



ИСОҚЖОН НИШОНОВ

АФГОН ШАМОЛІШ

«АДОЛАТ ЛАШКАРЛАРИ»

Олтинчи китоб

Тұлдрилген қайта нашири


ЯНГИ АСР АВЛОДИ
ТОШКЕНТ
2016

УЎК: 821.512.133-31

КБК: 84(5Ў)7

Н – 69

Нишонов, Исоқжон

Аффон шамоли: роман. «Адолат лашкарлари». Олтинчи китоб. Исоқжон Нишонов. Тўлдирилган қайта нашри. – Тошкент: Янги аср авлоди, 2016. – 224 б.

ISBN 978-9943-27-824-0

«Аффон шамоли» роман-сериали ўткир сюжетларга бой ва воқеалар кетма-кетлиги ўқувчини доимий ҳаяжонда ушлаб туради. Наркобизнес олами, наркоқўръерларнинг жирканч қилмишлари китобхонда уларга нисбатан нафрат туйғусини уйғотмай қолмайди.

Романнинг ушбу китобида Мөхмединг Чегечи ҳамда рус мафия отаси – Вадим Вольфовичнинг ўлдирилиши, «Адолат лашкарлари»нинг қабоҳатга тўла ноҳаққиллари, ўзбек разведкачиси – Бўроннинг эрта-индин дунёнинг турли бурчакларига жўнаб кетиши кутилаётган камикадзеларни тунда портлатиб юбориши каби қизиқарли ва қалтис воқеалар ёритилган. Ўйлаймизки, романнинг бу серияси сиз, азиз ўқувчиларга манзур бўлади.

УЎК: 821.512.133-31

КБК: 84(5Ў)7

ISBN 978-9943-27-824-0

© Исоқжон Нишонов, «Аффон шамоли». Олтинчи китоб. «Наманганд», 2013 йил.

© Исоқжон Нишонов, «Аффон шамоли». Олтинчи китоб. «Янги аср авлоди», 2016 йил.

БИШКЕК – МОСКВА

Бишкек – Москва йўналиши бўйича йўлга чиқиши керак бўлган вагонларни тозалаш ва таъмирлаш мақсадида таркиб вокзалдан четга чиқарилди. Бу олдиндан кўзланган режани амалга ошириш мақсадида қилинган ҳаракат эди. Тун ярмида пастликдан чиқиб келган уч нафар кимса вагоннинг очиқ қолдирилган эшигидан ичкарига киришди. Улардан биро елкасига қоп орқалаб олганди. Бу Ҳикматнинг одами эди. Кузатувчи нотаниш кимсалар ичкарига киришлари биланоқ эшикни беркитишиди. Улар хоналардан бирига кириб, тахталарни кўчиришиди. Оралиқдаги бўшлиққа қопдаги «юк»ни жойлаштиришиди. Тахталар қайтадан михланиб, кейин бўёқ суртилди.

Поезд эрталаб йўлга чиқди. Ҳикмат Вадим Вольфовичнинг одамига қўнфироқ қилиб, «юк» жўнатилганлигини маълум қилди. Поезд Қозоғистон чўллари бағридаги пўлат издан шамол каби елиб, Москва сари кетиб бораётгани Мехмед Чегечининг қулоғига етиб ҳам борди. Чегечи «юк» яширилган жойни божхоначи ва чегерачилар сезишмаганидан мамнун бўлди. Ўзбек божхоначиларидан қаттиқ хавотирланганди у. «Сарҳаддан ўтиб олишибдими, демак – бу, «юк»-нинг Москвага етиб келгани», деб ич-ичидан қувон-

ди. Вольфович одамларини чақириб, «юк»ни кутиб олишга ҳозирлик кўришни тайинлади.

Мафия отаси Мехмединг шартини бажаришга ваъда бергани мухтарам ўқувчиларимизнинг ёдида. Понамарёв Москвага қайтиб келган захотиёқ, бу ҳакда Вольфовичга айтди. У Мудофаа вазирлигидаги таниши билан боғланиб, қурол тўғрисида сўраб-суриштирди. Ҳақиқатан ҳам бундай қурол ишлаб чиқарилганлигини, бироқ у қаттиқ қўриқланадётганлигини, вазирнинг рухсатисиз омбор очилмаслигини маълум қилди.

– Қандай қилиб бўлса-да, ўшандан ўн дона топиб берасан! – деб туриб олди Вадим Вольфович. – Пули тўғрисида тортишиб ўтирмайман. Оғзингга сиққанини ташлайман!

– Афсуски, уни омбордан олиб чиқишининг иложи йўқ, – деди таниши. – Менинг тишим ўтмайди бунга.

– Сени тишинг ўтмаса, тиши ўтадиган одамларни топ! Оғзига сиққан моянасини бераман.

Эртаси куни таниши Вольфовичга сим қоқди:

– Қанча бермоқчисиз, Вадим? – сўради таниши.

– Бир дона мина учун эллик минг доллар! Етадими?!

– Менга қолса етади, бироқ катталар кўнармикин?

– жавоб қилди таниши. Гапларидан унинг мафия отасининг бойликлари олдида таслим бўлаётганлиги билиниб турарди. Ҳақиқатан ҳам ҳозир Вольфовичнинг кўзига бойлик кўринмасди.

– Катталарингни кўндири! Кўнмаса қўш!

– Ўйлаб кўраман, керакли одамларни топиб, гаплашман. Бироқ бунинг учун озгина кутишингизга тўғри келади.

– Неча кун кутаман?

Вольфович, «камида бир-икки ой», деган жавобни эшитишдан чўчиганди.

– Бир ҳафта, – деди у.

Бу узоқ муддат эмасди. Мина Чегечининг одамларининг қўлига етиб боришига яна ўн кун бор.

– Яхши!

Орадан икки кун ўтиб, таниши яна телефон қилди.

– Вольфович, айтилган пулни жўнат!

Мафия отасининг юрагида чироқ ёнди. Пулни тўласа, мина эртагаёқ қўлига тегадигандек туюлди.

– Хозироқ жўнатаман, – деди шошиб.

– Сиз овора бўлманг, одамимиз олдингизга боради.

– Ишонсам бўладими?

– Менга ишонгандай ишонинг!

Кечга яқин ўша одам келди. Вольфович беш юз минг долларни унинг машинасига юклаб берди. Кўнгли ёришиди.

Бу пайтда поезд Россия чегарасига кириб келганди. Йўлда ҳеч ким вагонни текширмади. Йўловчиларнинг хужжатини ҳам одатдагидек синчилаб кўришмади. Қўшни вагонда Эргашнинг одамлари келишарди. Улар хавф-хатар ортда қолганидан хурсанд эдилар. Ҳикматга олдиндан тушунтириб қўйилганди. Поезд пойтахтга яқинлашганида олдиларига бошига чарм кепка кийган йигит келиб, исми Василий эканлигини айтиб, чекиш учун сигарета сўраши, меҳмонлар тамаки узатишганда, «мен бунақасидан сўрамадим», деган жавобни қилиши лозим эди. Унинг ўнг қўл бармоғининг бири йўқлиги ҳам уқтирилганди.

Поезд пойтахтга киришдан олдин кичкинагина бекатда икки дақика тўхтади. Ҳеч ким тушмаган бўлса-да, кепкали йигит ва учта балиқчи чиқишиди. Кепкали йигит ўн олтинчи хонанинг эшигини тақиллатди. Ичкаридан, «да», деган жавоб бўлгач, кирди. Ёнбошлаб ётган йигитларни кўриб, адашмаганини билди.

Халтасини тахтача устига қўяр экан, атайин бармок-сиз қўлини юк устига қўйди.

– Ўтирсам бўладими? – сўради у.

– Ўтир! – дейишди йўловчилар.

– Чекишдан борми?

Йигитлардан бири «Астра» узатди.

– Йўқ, мен бунақасидан сўрамадим!

– Бошқаси бизда ҳам йўқ! – жавоб қилди Хикмат.

Улар бир-бирларини тушунишди.

– Ҳаммаси жойидами? – сўради кепкали йигит.

– Жойида, – жавоб қилишди йўловчилар.

– «Юқ» қайси вагонда?

– Ўн олтинчида.

Йигитлар «юқ» яширилган жойни тушунтиришди.

– Проводник ҳаммасидан хабардор, у сизларга кўрсатиб қўяди. Фақат эҳтиёт бўлинглар!

– Бу ёғидан ташвишланманглар! Сизлар поезд тўхташи билан бекатга кирасизлар. У ерда хўжайнинг одамлари кутиб олишади. Қайтишга чипта олиб қўйишган.

Поезд бекатга кириб келди. Йўловчилар тушишди. Эргашнинг йигитлари ҳам юзлаб одамларнинг оқимига қўшилиб, бекат томон йўл олишди. Василий (кепкали йигитнинг исми шундай эди) шерикларини кутди. Вольфовичнинг одамлари атрофда пайдо бўла бошлиашди. Василий, «ҳаммаси жойида», дегандек уларга кўз қисиб қўйди. Паровоз таркибини бўш йўллардан бирига тортиб ўтди. Бу ерда вагонларни тозалаш, тартибга солиш ва жўнаш учун шай қилиб қўйиш лозим эди. Эртаси куни тонгда таркиб яна орқага қайтиши лозим эди.

Вольфовичнинг йигитлари проводник айтган жойнинг тахталарини эҳтиёткорлик билан қўчиришди. Целлофан идишларга солинган героинларни сумкаларга жойлашди. Лекин «юқ»нинг ҳаммасини олишга улгуришмади. Федерал хавфсизлик хизмати ходим-

лари ўзбекистонлик ҳамкаслари билан ҳамкорликда вагонни ўраб олишди...

ҚИРФИЗИСТОН – ҲИРОТ

Хукумат аъзоларининг таклифни рад этишганини эшитиб, Башир чўғни босиб олгандай типирчилади. Икки энлик мактуб битиб, Яхёга жўнатди. Шундай сўзлар битилганди унга:

«Одамларингиз билан биргаликда тутқунлардан иккитасини Ҳиротга олиб ўтинг. Иккитасини қўйиб юборинг. Худойбергановни йўқотинг, «Аждаргор»ни портлатинг!»

Яхё иккита раҳбарни қўйиб юборди. Мудофаа ва Ички ишлар вазирликларининг ўринбосарларини олиб қолди. Соқчилар уларнинг кўзларини боғлаб, пастга ҳайдаб тушишди. Сойдан ўтказиб, қўйиб юориши.

– Ўйлаб кўришларинг учун уч кун муҳлат. Талабимиз бажарилмаса, одамларингни қайтиб кўрмайсизлар! – деб яна бир бор ультиматум қўйишди жангарила.

– Биз ўз қароримизни айтдик! Уни ўзгартирмаймиз! – жавоб беришди озод бўлган асиirlар.

Ҳарбийлар жангарилаарни снайперлардан нишонга олиб туришарди. Ўн икки нафар қароқчини ер тишлаташилари мумкин эди. Бироқ гаровга олинган генераллар кўринмасди. Улар қаерда қолиши, деган савол милтиқ тепкисига қўйилган бармоқларни ишга солишдан тўхтатиб туради. Жангарилаар яна бирор ўйин кўрсатишмоқчи, деб хавотирланиши. Шу пайт тоғ орасидан «Жигули» чиқиб келди. Ичида қўл-оёқлари боғланган, оғзига скоч ёпиширилган Худойберганов ўтиради. Аниқроғи, уни суяб қўйишганди. Жангарилаар ҳарбийлардан юз қадам нарида тўхташди. Машинадан тушиб, аскарларга бақириши:

– Биз кўздан йўқолгунимизча бирортанг машинага яқинлашмайсан!

Улар милтиқларини Худойбергановга тўғрилаб, орқалари билан юриб, форга кўтарилишди. Иккита аскар машина томонга чопди. Худойберганов уларни яқинлаштирмаслик мақсадида типирчиларди, бироқ на пастга туша оларди, на бир оғиз гапира оларди. Аскарлар терга ботиб, азоб чекиб ўтирган ёрдамчинг юз-кўзларидаги маънони тушунишмади. Тезроқ қутқаришни, қўл-оёқларини чилвирдан бўшатишни ўйлашарди. Машинага жуда яқин келишганда ҳарбийлардан бири ойнадан кўзлари косасига сифмай кетган Худойбергановнинг ҳаракатларидан ниманидир тушунгандек бўлди. Тутқични ушлаган шеригига, «орқага қайт», деган сўзни айтганида у эшикни очишига ултурганди. Машина портлаб ўйинчоқдек осмонга учеб, иккига бўлинниб, ёниб кетди. Аскарлар ҳам машинага қўшилиб, қўкка учишди. Қоп-қора тутун қизфиш алангага қўшилиб, чархпалакдай айланиб, ерга тушди. Даҳшатли гумбурлаш тошларни жойидан кўчириб юборди.

Икки тутқун сойдан кечиб ўтиб, хавфсиз йўлакка чиқиб олишганди. Уларни ҳайдаб келган жангаришлар кўздан фойиб бўлишганди. Тутқунлар даҳшатли овозни эшитиб, орқаларига қарашибди. Машина ўрнида қора тутун кўтарилаётганини кўришибди. Шу чоғ «Аждарфор»да ҳам кучли портлаш рўй берди. Тошлар қулаб тушди. Ҳамманинг нигоҳи форга қадалганди. Наҳотки жангаришлар генералларни портлатишган бўлса, деган хаёлга боришибди.

Кутқариш гуруҳига етакчилик қилган полковник Усубалиев аскарларни эргаштириб юқорига чиқди. Форнинг оғзи тепалиқдан қулаб тушган улкан тошлар билан тўсилганди. Уларни силжитиш инсоннинг қўлидан келмасди. Полковник рация орқали пастда-

гиларга «генераллар фор ичида қолишганини, кутқаришнинг иложи йўқлигини маълум қилмоқчи бўлганида аскарлардан бири оёклари остида ётган бир парча қофозни топиб келди. Бу бизга юқорида маълум бўлган Баширнинг Яхёга йўллаган номаси эди...

Хукумат раҳбарининг иштирокида ўтказилган йиғилишда генералларни қутқариш масаласи муҳокама қилинди. Разведка бошқармасининг тажрибали, пуштун ва форс тилларини яхши биладиган, муқаддам Афғонистонда бўлган ходими подполковник Сейдаҳмедовни Афғонистонга ташлашга қарор қилинди. Генералларни ватанга қайтариш вазифаси топширилди унга. Чекист шу куниёқ йўлга отланди. Бир ҳафта тоғ йўлларидағи азобларни чекиб, Хиротга кириб борди. Жангарилар қўнган манзилни топиш осон кечмади. Шаҳар «Толибонлар» қўлида эди. Ҳар қадамда хатар «шарпаси» эсарди. Ёт одамлар қўлга олинар, шубҳа уйғотгудек бўлса, кўчаларга ўрнатилган дорга боши илинарди.

Сейдаҳмедов шаҳар марказида қолди. Бироқ тутқунлар шу ердами ёки бошқа жойга олиб кетишгани – бунга аниқлик киритиш лозим эди. Ҳар қандай тажрибали чекист биринчи галда ўзи учун ишончли алоқачи излайди. Сейдаҳмедов ҳам шу ердан ёрдамчи топишга қарор қилди. Бангиҳоналарга, ошхоналарга, кўнгилочар жойларга кирди. Бироқ омади чопмади. Кўнглига мос одам топилмади. Кунлар ўтмоқда. Тутқунларнинг бу шаҳарга олиб ўтилганига икки ҳафта бўлмоқда. Қийноқ ва азоб тегирмонига солишган уларни. Керакли маълумотларни олиб бўлишган, магарким, таклифларини рад этишган бўлишса, уларни пойтахтга олиб кетишган бўлишлари эҳтимолдан йироқ эмас.

Сейдаҳмедов нима қилишни билмай боши қотиб турган пайтда бандигонада Шерхон исмли ўзи тенги

йигит билан тасодифан танишиб қолди. Унинг юзида тушкунлик зохир эди. Нимадандир қаттиқ безовтала-наётгани сезилиб туради. Икковлашиб наша тортишди.

– Кўнглинг ғаш, охун? – сўради Сейдаҳмедов. – Юзинг худди ўлимга маҳкум этилган одамнинг юзига ўхшайди.

– Топдинг, ўлимга маҳкумман, биродар, – хўрсин-ди Шерхон.

– Бошингга не савдо тушди?

– Кекирдагимгача қарзга ботдим...

– Балки ёрдамим тегар?

Шерхон сухбатдошига қараб турди-да, кўнглини очди.

– Киморда бой бердим. Шерикларим бир ҳафта муддат беришиди. Ўн минг доллар топмасам, каллам кетади.

– Катта пул экан, – Сейдаҳмедов ачингандек бош чайқади. – Балки бу ердан қочганинг маъқулдир!

– Қаерга? Қочиш учун ҳам пул керак!

– Яхши йигитга ўхшайсан, балки бирор ёрдамим тегиб қолар...

– Агар ўн минг топиб берсанг, умримнинг охирига-ча хизматингни қиласдим. Қулоғингда бўлсин, Шерхон яхшиликни унутмайди!

Сейдаҳмедов қиморбозларнинг шаҳар ҳаётини яхши билишини биларди.

– Шерикларинг пул учун одам бошини узишдан тап тортмайдиган каллакесарларми?

– Пул инсон жони олдида ҳеч нарса эмас.

– Наҳотки қимор ўйнашдан бошқа ҳунарларинг бўлмаса?

– Ҳаммамиз шаҳар ҳокимиининг қўриқчиларимиз. Унинг ўзини ва уйини қўриқлаймиз. Бошқа ишимиз йўқ. Бўш қолдик дегунча, қимор ўйнаймиз.

«Ҳокимнинг қўриқчилари шаҳардаги воқеалардан яхшигина хабардор бўлишади. Олиб ўтилган асириларнинг қаерда сақланиши уларга маълум», ўйлади ўзича Сейдаҳмедов.

– Савдогар танишим бор, гаплашай, агар пулинин ишлатиб юбормаган бўлса, албатта сенга олиб бераман. Гаровга қўядиган нарсанг борми?

– Гаровга қўядиганим – кўкрагим остидаги алам ўтида ёнаётган юрагим. Танишингни ишонтир, худони ўртага қўйиб қасам ичаманки, пулинин, албатта қайтараман. Иложини топсанг, ҳозироқ олдига чоп. Гаплаш, кўнди!

– Қанча муддатга?

– Бир ойга!

– Кўнармикин?

– Илтимос қил!

– Яхши, гаплашиб кўраман...

Бангиҳонада одам кўпайганди. Сейдаҳмедовнинг жўнайдиган пайти бўлганди. Ўрнидан турди.

– Сен билан қачон учрашамиз? – умидвор кўзларини чекистдан узмай сўради Шерхон.

– Худо насиб қилса, эртага шу пайтда, шу жойда кўришамиз!

– Сен келгунингча ўша танишингга худодан инсофтилаб, дуода бўламан!

– Мени ҳам дуо қилиб тур!

Эртаси куни Сейдаҳмедов атайин кечроқ келди. Шерхон уни бетоқат бўлиб кутаётганди.

– Хўш, танишинг билан гаплашдингми?

– Гаплашдим...

– Хўш, нима деди?

– Икки-уч кун сабр қилишингга тўғри келади.

Шерхоннинг ранги оқарди.

– Ишонсам бўладими?

- Ҳаракат қилиб кўраман.
 - Пайшанба куни қарзни қайтаришим шарт, акс холда, бошим кетади.
 - Ҳафа бўлма, иложини топамиз!
 - Тушун, мени ўлим кутмоқда!
 - Тағин гаплашиб кўраман. Назаримда ишонмаяпти, – синашда давом этди Сейдаҳмедов.
 - Худонинг номини ўртага қўйиб, қасам ичаман! Ҳар қандай хизмати бўлса, кулдай адо этаман!
 - Мабодо, хизмати бўлса, сенинг номингдан ваъда берсан бўладими?
 - Ҳа-да, беравер!
 - Қалтисроқ бўлса-чи!
 - Одам ўлдиришдан ҳам қайтмайман. Қўлим қон! Курбонлар сафига яна биттаси қўшилса, дунёда одам сонининг баракаси учармиди?
- Мен сени қотилликка унダメоқчи эмасман.
 - Кечир, бир оз қизишидим.
 - Яхши, мен гапларингни танишимга етказаман!
 - Пайшанбани кутма, буғуноқ шеригингга учра.

Гаплаш! Кўндири!

Сейдаҳмедов ўрнидан қўзғалди.

– Эртага шу пайтда кўришамиз.

Хайрлашдилар. Шерхон унинг ортидан қараб қолар экан, «ишқилиб, пулни олиб келсин-да», деб қолди. Шу тун ухламади. Тонг ёришишини, танишининг тезроқ келишини кутди. Эрталаб ҳақдорлар уни огоҳлантириб қўйишиди: «Муддатга икки кун қолди. Тўламайдиган бўлсанг, жонингдан умидингни узавер!»

Шерхоннинг ичидан қиринди ўтиб, кўзига ўлим кўринарди. Бу ерлардан қочиб кетгиси келарди. Бирорқ қаёққа боради? Ҳақдорларнинг қўли узун. Ҳокимнинг уйидаги кўнгилсиз воқеаларни унинг гарданига юклаб қўйишлиари мумкин. Гарчи Сейдаҳмедов-

нинг келишига анчагина вақт бор бўлса-да, бангиҳона га жўнади. Аламини нашадан олди. Чекист кечикиб келди.

– Хўш, танишинг пулни берадиган бўлдими? – сўради ҳовлиқиб.

– Гаплашдим.

– Нима деди? – тоқатсизланди Шерхон.

– Кел, четроққа ўтайлик.

Шерхоннинг гурсиллаб ураётган юрагининг товуши чекистнинг қулоғига эшитилиб турарди. Улар четга чиқишиди.

– Танишимнинг арзимас топшириғи бор экан, – деди чекист.

– Қандай топшириқ экан? Одам ўлдиришим керакми?

– Айтишга ҳам қўрқяпман. Бирортаси эшитиб қолса...

– Хотиржам бўл, худонинг номини ўртага қўйиб, онт ичаман, сир иккимизнинг ўртамиизда қолади.

– Мен сенга ишонганимдан айтяпман.

– Тезроқ айта қолсанг-чи?

– Демак, гап бундай, танишим пулни берадиган бўлди. Лекин сен унинг арзимас шартини бажаришинг керак. Агар ҳалол ишласанг, у ҳақидан воз кечади.

– Айт!

– Яқинда бир тўда жангарилар Қирғизистондан икки нафар асири шу ерга олиб ўтишган. Улар қаерда сақланаётганини билишни истайди.

– Асиrlарми? Мабодо, қирғиз генералларини айт-маяпсанми?

– Мен уларнинг унвонларини билмайман, аммо қирғиз экан.

– Биламан!

– Қаерда?

– Аввал танишинг пулни берсин. Кейин мендан барча маълумотларни олади.

- Шубҳа қилмаслиги учун бирор исботинг борми?
 - Бор! Улардан бири мудофаа вазири, иккинчиси миршабларнинг каттаси. Душанба куни иккисини Кобулга – «Толибонлар»нинг қароргохига жўнатишади.
 - Хозир қаерда улар? – Сейдаҳмедов ҳаяжонлана бошлиганди.
 - Бориб айт ўша савдогарга, пулни чўзган заҳотиёқ тутқунларнинг сақланаётган жойини эмас, ўзларини ҳам кўрсатиб қўйиш менинг қўлимдан келади.
 - Савдогар менга ишонди. Пулни ҳам бериб юборди.
 - Кўрсат!
- Сейдаҳмедов қўйнидан ўн минг долларни чиқариб, Шерхоннинг олдига ташлади.
- Энди гапир? Тутқунлар қаерда? – Шерхоннинг ҳаяжони чекистга ўтганди.
- Қиморбоз пулни ҳамёнига жойлар экан, Сейдаҳмедовга қараб совуқ жилмайди, титраётган қўлини чўнтағига солди. Чекист тўппончанинг учини унга тўғрилади. Иккаласи бир-бирига тикилиб қолишиди.

ДУБАЙ

Faфурнинг ҳали ҳам топилмаётгани, бунинг устига, мафия отасининг анчагина пулларини олиб қочгани Чегечини қаттиқ фазаблантириди. Ўзини қўйгани жой тополмай, чўғ устида юрган одамдек типирчиларди. «Зудлик билан йўқотиш керак», деган фикр миясидан кетмасди. «Бироқ бу ишни ким уddyалайди? Ёрдам берадиган ишончли одам топиладими?» Ўзининг хизматкорларидан-ку, аллақачон ҳафсаласи пир бўлган. Айтган топширигини бажаришмайди. Бажарган чофида ҳам ортидан «чанг» чиқаришади.

Кария узоқ бош қотирди ва ёрдам қўлини чўзадиган бирдан-бир одам бу Петрсон эканлигини тан олди.

Бироқ қандай қилиб унга ёрилади? Бекордан-бекорга топширигини бажармайди. Олдига бир олам талабарини ташлайди. Уларнинг ҳар бири Чегечининг жонини суғуриб олиши муқаррар.

Чегечи қанчалик бош қотирмасин, ўйлаган режасини Петроннинг қўлисиз амалга ошириб бўлмаслиги ни англаб етди. Унга телефон қилишга қарор қилди.

— Петрон, ҳозироқ сизни кўришим керак!

Агент туркнинг қандай масалада чақираётганидан бехабар эди.

— Қулоғим сизда, ҳазратим, — деди у.

— Биласизми... мен айтадиган гап ўта мухим...

— Сизни тушундим. Қаерда кўришамиз?

— Агар малол келмаса, уйимга келсангиз!

— Ярим соатда остоңангизда бўламан.

Петрон айтилган пайтда туркнинг икки қаватли, муҳташам хонадонида ҳозир бўлди. Чегечи гапни айлантириб ўтиради.

— Faфур лагердан қочди, — деди бошини чайқаб.

Петрон чолнинг мақсадини тушунди ва киши билмас ҳаракатлар билан чўнтағидаги диктофоннинг тугмачасини босиб қўйди. У шу пайтгача Faфур билан кўришмаган, аммо у ҳакда кўп маълумотлардан огох эди. Лагердан кетганлиги ҳақидаги хабар ҳам унинг қулоғига чалинганди.

— Хиёнат қилган одамнинг жазосини бериш сизнинг қўлингиздан келади, — маслаҳат берган бўлди Петрон.

— Қўлимдан-ку келади-я, бироқ уни тутолмаяпман. Қаерга кетганини, кимларнинг паноҳидан макон топганини билсам, ўша заҳоти тутган бўлардим.

— Сиз уни қаерга кетган бўлиши мумкин, деб ўйлайсиз?

Чегечининг назарида Петрон унинг устидан кулаётгандек туюлди.

– Тахмин қилган жойларга одамларимни ташладим, афсуски, топишолмади. Охирги эшитган мълумотим ўн кунча муқаддам Fafur рус мафия отаси билан учрашган ва катта миқдордаги пулини олиб қочган.

– Вольфовичнинг одамлари уни топишолмаётгани қизик.

– Нимасини айтасиз, азизим, Fafurнинг қайси тешикка беркинганини тирик жон билмайди.

– У Москвада! – ишонч билан деди Петсон.

– Москвада? Бўлиши мумкин эмас.

– Вольфовичнинг пулини олиб қочгани чин бўлса, билингки у шаҳардан чиқиб кетолмайди. Атрофда яшириниб юрган.

– Худди хабардор одамдек айтяпсиз.

– Тажрибаларимда бундай одамларга кўп бор дуч келганман.

– Менга Fafur керак, Петсон!

– Тириклай керакми?

– Ҳа. Шу қўлларим билан уни бўғиб ўлдирмоқчиман!

– Наҳотки унинг очиқда юриши сизни қаттиқ ташвишга solaётган бўлса?

Петсон чолнинг ниятини билиш мақсадида атайин шундай савол ташлади.

– Унинг очиқда юриши ҳаммамизни қабристон сари етаклайди!

Чегечи бу сўзни алам билан, тишларини ғичирлаб тиббий айтганини агент сезди.

– Тушунарли... Унинг бирорта расмини менга беролмайсизми?

Чегечи бир лаҳза ўйга толди, кейин майда қадам ташлаб, пўлат сандиқнинг қаршисида тўхтади. Қофозлар орасидан бир дона суратни олиб, Петсоннинг қўлига тутқазди. Агент унга тикилиб турди-да, костюмининг чўнтағига жойлади. Қария буни, «топшириқ

бажарилади», деган маънода қабул қилган бўлса-да, буни унинг оғзидан эшишини истади.

– Илтимосимни бажаришингизга ишонсан бўладими?

Петрсон қарияга қаради. Унинг юзида фақат ўзига аён бўлган табассум зохир эди.

– Сиз учун ҳаракат қиласиз, ҳазратим!

– Илтимос, кечиктириманг!

– Афсуски, тирик одамни Москвадан посилка қилиб жўнатишнинг иложи йўқ! Кутасиз!

Чегечи бир оз ўйланиб турди. Петрсоннинг алдамаслигига ишонди.

– Ўлди, деган хабар етиб келса ҳам қасос оташида ёнаётган юрагимнинг ҳовури босилади!

Петрсон учунFaфурни топиш муаммо эмасди. Россиянинг барча шаҳарларида ишончли одамлари лабининг қимирлашига маҳтал бўлиб туришибди. Бир оғиз айтса, бас. Қидирувни бошлашади.

– Қаттиқ ташвишга тушманг, ҳазратим, Faфур қўлимизда. Бирок....

Петрсон айтмоқчи бўлган гапини ичига ютди ва ўйланганча туриб қолди. Чегечи унинг муддаосини тушунди.

– Мендан қандай хизмат?

Петрсон чолнинг юзига тикилиб турди-да:

– Саломатлигингиз керак, ҳазратим, – деди.

– Яхшилигингизни ўлгунимча унутмайман!

Петрсон туркка юзланди. Унинг кўзларида умид учқунлари ялтираб турарди. Агент сирли жилмайиб, бошини эгди-да, хонани тарқ этди. Чегечи унинг соувқ юзидаги ўзгаришдан нимадандир умидворлигини англаб етди.

* * *

Чегечининг ҳузуридан чиққан Петрсон қароргохга қайтишга мажбур бўлди. Бўлиб ўтган гап-сўзлардан янги бошлиғи Мартин Бреггни огоҳ қилиши лозим эди. Мартин ходимининг юзидағи ташвишли ифодаларни тезда англаб олди.

- Сенга нимадир бўлдими?
 - Чегечининг ҳузуридан келяпман, – жавоб қилди агент.
 - Уни қаерда учратдингиз?
 - Мени уйига чақиртириди.
 - Қандай масалада?
 - Faфур қочиби!
- Бу хабар Мартин учун янгилик эди.
- Қочиби?
 - Xa!
 - Қачон?
 - Бир хафтадан ўтибди.
 - Чегечи нима қилмоқчи?
 - Унинг изига одамларини ташлаган, бироқ топишолмаётганмиш.
 - Демак, уни излашмоқда!
 - Шундай, у бизнинг ёрдамимизга муҳтож.
- Мартин Бреггнинг боши қотди.
- Жуда яхши. Унинг қаерда яшаётгани тўғрисида бирорта маълумот ололдингми?
 - Яқинда Вадим Вольфович билан учрашган экан.
 - Демак, Faфур Москвада!
 - Бахтга қарши наркокуръернинг қўлидан ҳам қочган.
 - У Россия шаҳарларида юрибди, бошқа жойга кетолмайди!
 - Мен ҳам шундай фикрдаман.

– Вольфовичнинг одамлари ҳам уни излашмоқда.

Мартин бир оз жимлиқдан сўнг ўзининг қарорини маълум қилди:

– Faфурни фақат Москвадан топиш мумкин!

– Бу иш сизнинг қўлингиздан келади, деган умиддаман.

– Одамларимни ишга солсам, албатта бирор натижага эришаман.

– Уни Чегечининг қўлига топшириш керак, деб ўйлайсизми?

– Faфурнинг ўлими туркка ҳаводек зарур экан, демак, у анчагина сирлардан воқиф. Қолаверса, биздан юз ўтиromoқчи бўлган Башир ва мулла Умар жанобла-ри билан хисоб-китоб қилишимизда унинг ёрдами тегиб қолиши мумкин. Шундай экан, Faфур бизга ҳам керак. Гапимни тушунгандирсиз?

– Тушундим, сэр!

– Унда Москвадаги одамларингизга хабар жўна-тинг, Faфурнинг изига тушишсин!

– Топшириғингизни ҳозироқ етказаман уларга, сэр!

Петрсон ўша пайтнинг ўзидаёқ Москвадаги одамлари билан боғланиб, Faфурни топиш хақида топшириқ берди.

Орадан икки қун ўтгач, ширин уйқуда ётган Петронни телефон қўнғироғининг ёқимсиз овози уйғотиб юборди. Шошиб қўлини гўшакка узатди:

– Мехмон яшайдан жой аниқланди, сэр, – бу Москвадаги агентлардан бирининг овози эди.

– Уни кўздан қочирманг!

– Афсуски, бунинг иложи йўқ, сэр.

– Гапингизни тушунмадим!

– Мехмон ҳозир Лондонга учиб кетмоқда.

– Лондонга? Наҳотки уни қўлдан чиқарган бўйлсангиз?!

– Ушлаб қолишининг чорасини тополмадик...

Петрсон Мартиннинг ҳузурига ошиқди. Янгиликдан уни хабардор қилди. Буни эшитган Мартин хафа бўлмади. Аксинча,Faфурни Москвада тутишдан кўра, Лондонда қўлга олиш осон, деб ўйлади.

– Энди у бизники. Аэропортдан тушиши биланоқ ушлаймиз.

– Балки уни инглизлар ҳимоясига олгандир?

Бу сўздан Мартин Бретгнинг юзига табассум ёйилди.

– Унутманг, инглизлар мулла Умар, Башир ва Эргаш билан ишлашади. Унинг Англиядалигини билишса, ўша захотиёқ ушлаб, уларнинг қўлига топширишади.

– Қандай мақсадда Faфур Англияга учайдиган бўлиши мумкин?

– Балки Англия орқали бошқа давлатга ўтиб кетар!

Мартин Лондондаги одамлари билан боғланди.

– «Москва – Лондон» рейси бўйича учадиган самолёт қачон аэропортга қўнади? – сўради бошлиқ.

– Уч соатдан кейин, – жавоб қилди агент.

– Самолётда бизнинг меҳмонимиз бор. Уни кўздан қочирманг. Қайси меҳмонхонага жойлашгани ҳақида зудлик билан мени хабардор қилинг! Кимлар билан учрашиши ҳам мени қизиқтиради. Боргунимча кўз-кулоқ бўлиб туринг. Эртага кўришамиз.

Бошлиқ гўшакни жойига илди. Петроннинг юраги жойига тушди.

– Сиз Лондонга жўнамоқчимисиз? – сўради у шеригидан ўртага чўккан жимликни бузиб.

– Чегечи биздан анчагина қарздор. Кейинги пайтда бизларни кўп бор лақиллатиб юрганини ўзингиз яхши биласиз.

– Faфур кенгашнинг махфий сирларини фош қилишига ишончингиз комилми?

– Нафақат кенгашнинг, балки Чегечининг сиз-у биз билмаган ишларидан ҳам воқиф қиласди, деган умидаман. Дарвөке, сиз у билан бўлиб ўтган сухбатни магнит тасмасига ёзиб олганмидингиз?

– Чегечининг айтган гапидан тонишини мендан кўра сиз яхшироқ биласиз-ку, сэр!

Петрсон ён чўнтагидан миттигина овозёзгични олди ва унинг тугмачасини босди. Сухбатни Мартин дикқат билан тинглади.

– Мана, эшитдингизми, унинг ҳар бир сўзидан қочоқнинг қонига ташналиги сезилиб турибди.

Шундан кейин улар ўзларининг кейинги режалари хусусида сухбатлашишди. Бу мулоқот шу қадар узоқ давом этдики, вакт ўтганини икковлари ҳам пайқамай қолишли. Агар телефон жирингламаганида мулоқот яна қанча фурсат чўзиларди, буни ҳеч қайси лари билишмасди. Мартин Брэгг гўшакка қўл чўзар экан, юзидаги белгилардан қўнфироқ сухбатнинг белига тепганидан норозилик ифодаси зоҳир бўлганини уқиб олиш қийин эмасди. Рақамларга кўзи тушганда, қўнфироқ қилаётган кимса бу унинг Лондондаги агенти эканлигини дарров сезди ва юзидаги бояги белгилар фойиб бўлиб, жиддий тусга кирди.

– Қандай янгиликлар бор? – бетоқатлик билан сўради Мартин.

– Мехмон келган самолётида қайтиб кетмоқчи.

Брэгг устига бирор совуқ сув қўйиб юборгандек сесканди:

– Тушунмадим?!

– Мехмон ўтирган машина шаҳарга етиб бормасдан орқага қайтди.

– Ҳозир қаерда? – боягидан баландроқ овозда ўшқирди бошлиқ.

– Самолётда ўтирибди!

- Чиптани ким берди унга?
- Буни билмадим!
- Уни олиб келган машина рақамини аниқланг ва назоратга олинг!

Асабийлашган Мартин гўшакни жойига қўйди. Петрсоннинг ҳам кайфияти тушганди.

- НегаFaфур орқага қайтишга қарор қилди? – ўзига ўзи гапиргандек паст овозда деди Мартин сўнг ёрдамчи-сига юзланди: – Faфур инглиз тилини биладими?

– Оз-моз гаплаша олади, – Петрсон сухбатдоши-нинг мақсадини тушунмаган ҳолда жавоб қайтарди.

– Яқин орада Faфур ҳақида Англиядаги газеталардан бирортасида мақола берилмаганмиди?

– У ҳақда ҳар куни ёзишади...

– Менимча, ўзи ҳақида ёзилган мақолалардан бирига кўзи тушиб қолган.

– Каминанинг фикри эса тамомила бошқача, – деди Петрсон бошлиғининг сўзларига эътиroz билдириб. – Бу ишда русларнинг қўли бор.

– Нега айнан русларнинг? Балки инглизларнинг ишидир? Ахир, Faфур уларни биздан кўпроқ қизиқтиради.

– Фикрингизга эътиrozим бор, – Петрсон бу гал кўнглига келган гапни ошкора айтишга жазм қилди.

– Агар бу ишда русларнинг қўли бўладиган бўлса, уни Москвадаёқ тутиб олишарди.

– Faфур хужжатларини ўзгартирган бўлиши мумкин, Петрсон. Ахир, чегара чизиқларини кесиб ўтишини у сиз-у мендан кўра яхшироқ билади.

– Руслар уни Англияга жўнаб кетганини кейин сезган бўлишса-чи?

Петрсоннинг эътирози Мартинга ёқмади.

– Шуни унутмангки, азизим, кейинги пайтда инглиз разведкаси ўзининг ўнга яқин йўриқчисини Афго-

нистонга ташлаган. Улардан беш нафари айнан Эргашнинг лагерида жангариларга сабоқ беришаётгани бизга маълум. Мулла Умар биздан норози бўлаётганининг сабаби шунда. Яна бир янгиликдан сизни хабардор қилиб қўйишни ўзимнинг бурчим деб биламан: бундан бир неча ой муқаддам Эргаш билан Башир инглиз разведкасининг ходими билан учрашган. Улар ўртасида бир соатдан кўпроқ мулоқот бўлган. Афсуски, қандай масала хусусида гаплашишганини ҳозирча аниқлаганимиз йўқ.

– Ишонч билан айтаманки, Fafurri рус ёки ўзбек разведкаси қўлга олган. Беш йилдан бери уни Интерпол қидираётганини ҳам унутмаслигимиз керак.

– Петрсон, бу масалани кейин ҳал қиласиз. Ҳозир эса Fafurning Москвага қайтиб келиш масаласини ўйлаб қўришимиз лозим. Мабодо сиз айтгандек бу ишда русларнинг қўли бўлса, уни, албатта, аэропортнинг ўзидаёқ хибсга олишади. Шунинг учун одамларимизни зудлик билан оёққа турғазишмиз даркор. Улар Fafurning самолётдан тушишини кузатишсин.

Петрсон телефон олдига келди. Кодли рақамларни терди. Гўшакни олган агентга ўзлари учун тушунарли бўлган тилда Fafurri Москвага кетаётганини ва уни кузатувга олишни, ҳар ўн дақиқада маълумот бериб туришни тайинлади.

Энди ҳар иккиси жиддий ташвишга тушишганди. Кейинги ишлари ҳақида ўйлашарди. Айниқса, Петрсон ўзининг тахминлари исботини топишини жуда-жуда истарди. Кечки пайтда телефон «тилга кирди». Гўшакни Петрсон кўтарди.

– Мехмонни Федерал хавфсизлик хизмати ходимлари кутиб олишди, – деди Москвадаги агент.

– Уни қаерга олиб кетишганини аниқланг!

Ярим соатлар ўтиб, иккинчи телефон жириングлади.

– Мехмон ўтирган машина хавфсизлик хизматининг тергов изоляторига келиб тўхтади.

– Кейинги топшириқни кутинг!

Жиддий ташвишга тушган Мартин Брэгг ўз ходимининг тахминлари исботини топаётганини сезди.

– Биз Фафурни русларнинг қўлидан қутқаришимиз керак, – деди Мартин.

– Изоляторга кириб чиқадиган одамингиз борми? – сўради Петрсон.

– Топилади!

– Ишончлими?

– Одамларимнинг бирортаси мени шу пайтгача уялтиргмаган!

– Ўша ишончли одамингизнинг телефон рақамини беринг!

Мартин Брэгг бир неча дақиқа ўйланиб турди. Кеъин хаёлига келган фикрни Петрсонга маълум қилди.

– Мен ҳозироқ Москвага жўнайман, бу ердаги ишларни бошқариб туришни сизнинг зиммангизга юклайман! Чегечидан қўз-қулоқ бўлиб туринг. Унинг босаётган қадами ташвишли! – у шундай деб ўрнидан турди.

МОСКВА – ЛОНДОН – МОСКВА

Мехмонхонадан бир неча қадам нарида турган енгил машинага ўтирган Фафур нотаниш одамнинг кимлиги ва қаёққа олиб кетаётганини билмасди. Уни ўлим чангалидан қутқариб қолди. Шундай бўлгач, бу одамдан ёмонлик кутиш мумкин эмасдек туюларди. Ўрмонзор ўртасидаги йўл Фафурга нотаниш эди. Эллик чақирим юришгач, нотаниш кимса «Волга»ни ўрмон ичига буриб, тўхтатди. Фафурнинг юрагига фулгула

тушди. У ёнида ўтирган Абдусаматга қараб қўйди. Кўлини ён чўнтағига солди. Бироқ қуролини меҳмонхонада – ўлдирилган одамнинг олдида қолдирганини эслади.

– Сиз хавотирланманг, – деди бегона одам Faфурнинг безовталанганинги сезиб. – Бу ерда бажарадиган озгина ишимиз бор, кейин кетамиз!

У машинадан тушди.

– Сизлар ҳам тушсаларинг, – илтимос қилди ҳайдовчи.

Faфур, кейин Абдусамат пастга тушишди. Машинанинг фаралари ёниқ қолганди. Ундан таралаётган ёғду атрофни ёритиб турарди.

– Муҳтарам Faфур жаноблари, – деди нотаниш кимса. – Биз сизнинг ҳаётингиз ва хавфсизлигинизни таъминлашга масъулмиз. Сизни кутаётган одамнинг олдига соғ-саломат етказишимиз шарт! – у шундай деб Абдусаматга қаради. Faфур унинг мақсадини тушунди.

– Йўқ, керак эмас!

– Бошқа иложимиз йўқ!

Абдусаматнинг ранги ўчиб кетди.

Нотаниш кимса чўнтағидаги қуролнинг учини Абдусаматга тўғрилади ва тепкини босди. Варанглаб отилган ўқ плашининг ўнгирини тешиб, Абдусаматнинг кўкрагига қадалди.

– Сенга ишонгандим, – Абдусамат шу сўзларни айтиб, Faфурнинг оёғи остига йиқилди. У қийналиб, азобланиб, жон таслим қилди.

– Марҳамат, ўтиринг! – деди нотаниш кимса.

Улар ўз жойларига ўтиришди. «Волга» йўлга чиқди. Ярим соатлар ўтиб, аэропортга етиб келишди. Машинадан тушишдан аввал нотаниш кимса Faфурнинг қўлига паспорт билан чипта тутқазди.

– Ярим соатдан сўнг Англияга самолёт учади. Хозир йўловчилар чиқарилмоқда. Чипта паспортнинг ичида.

Нотаниш кимса унинг қўлига телефон тутқазди:

– Самолётдан тушганингизда одамларимиз сизга қўнғироқ қилишади.

Faфур бир оғиз гапирмади. Нотаниш кимса машинага ўтириб, орқага қайтди. Faфур бундан кейин нима бўлишини тушуниб етганди. У энди орқага қайтолмасди. Биргина йўл Англияга учиш ва бегона юртда ҳаёт кечириш эди.

Уч соатлик масофада Faфур босиб ўтган ҳаёт йўлини кўз олдига келтирди. Қаерда хатога йўл қўйганини эслади. Бироқ ўзини айбдор, деб топадиган сабаб тополмади. Нима қилган бўлса, ўзи учун ҳақ эди. Энди инглизларга нима учун керак бўлиб қолганини ўйлади. Бундан кейинги ҳаёти бевосита уларга боғлиқ эканлигини, уларга хизмат қилишга мажбурлигини тушунди.

Евтушенко Faфурнинг ғойиб бўлганлигини эшигчач, ўз одамларига топшириқ берди:

– Барча аэропортлар, темир йўл бекатлари яхшилаб текширилсин. Осиё миллатига мансуб бўлган кишилар назоратга олинсин ва қўлларидағи расмга ўхшаш кимса қўлга олинсин.

Бир соатлар ўтиб, одамларидан бири аэропортдан қўнғироқ қилди.

– Faфур 152-рейс билан Англияга учеб кетди.

Faфурни қўлдан чиқариш Евтушенко учун мутлақо мумкин эмасди. Қандай йўл билан бўлмасин, уни Москвага қайтариш лозим эди. Ўзбек разведкаси Fa-

фурни алмашиш учун улар томонидан қўйилган ҳар қандай талабни бажаришга розилик берганди.

Евтушенко ўша захотиёқ Лондондаги резидент билан боғланди. 152-рейс билан кетаётганFaфурни зудлик билан орқага қайтариш вазифасини топшириди. Топшириқни олган резидент аэропортга етиб келишганида самолёт қўнишга ҳозирлик кўраётганди.

Инглизлар меҳмон учун шаҳар марказидаги «Рим» меҳмонхонасидан жой ҳозирлаб, уни шу ерда кутиб олишга қарор қилишганди.

Самолёт қўнганида рус чекистлари иккинчи қаватдан Faфурни кузатишиди. Йўловчилар орасидан уни ажратиб олиш у қадар қийин кечмади. У ичкарига кирди. Шунда ёнидаги телефон жириングлади.

– Алло!

– Это Гафур? – нотаниш одам рус тилида сўзлади.

– Да, я слушаю вас.

– Вы приземлились?

– Да!

– Возьмите такси и приезжайте в гостиницу «Рим». Поднимитесь на пятый этаж. Ваша комната 552-я. Ключ находится в замке. Понятно?

– Спасибо. Понятно!

Fафур ташқарига чиқди. Такси тўхтайдиган майдончага ўтди. У инглиз тилини билмасди. Машинага ўтирганида ҳайдовчига хотель «Рим», деб мурожаат қилди.

Машина жойидан силжиди. Йўлда яна бир йўловчи орқа ўриндиқقا чиқиб олди.

Fафурнинг қўл телефони яна жириинглади. Кутаётган одамлар қўнфироқ қилишаётганини билди. Телефонни қулоғига олишга улгурмади, орқада ўтирган одам тортиб олди.

– Вы успеете позвонить! – деди соф рус тилида.

– Кто вы? – қўрқиб кетган Fafur орқада ўтирган йигитга ўгирилди.

– Вы Fafur Абдусаматович? Вам нужно немедленно вернуться в Москву.

– В Москву? Зачем?

– Вас ждут близкие друзья.

– Я не хочу возвращаться в Москву.

– Здесь ваша жизнь в опасности.

– Я гость, приехал по туристической путёвке. Ничего плохого я не делал.

– Знаем, Вас ищет местная полиция.

– Полиция? На каком основании?

– Вы террорист. Помощник Эргашбая.

– Это ложь!

– Вы убили сотрудника британской разведки.

– Какие у вас доказательства?

Резидент ён чўнтағидан бир неча дона суратни олиб, Fafurning олдига ташлади. Мулла Умар ва Абдуллоҳ билан тушган суратлари орасида у инглиз жосусларидан бирининг бўйнига пичоқ тираб, ўлдираётгани ҳам бор эди. Ким олган? Қандай қилиб? Ахир улар учрашган жойларда бегона ва шубҳали одамлар бўлмаганди-ку?!

Fafur расмларни кўриб, қалтираб кетди.

– Что мне делать?

– У вас два пути: вернуться в Москву или... – рус ёнидан тўппонча олиб, унинг пешонасига тиради.

– Я вернусь...

Машина орқага қайтди.

Бир соатлар ўтиб, «Лондон – Москва» рейси билан қатновчи самолёт учиши керак эди. Руслар учиш вақтини ҳисобга олиб, аэропортга етиб келишди. Резидентлардан бири Fafurning қўлига чипта тутқазди. Изма-из кузатиб туришгани боис, қочолмади. Нихо-

ят, йўловчиларнинг самолётга чиқиши тўхтатилди. Лайнернинг филдираги ердан узилганида бирдан Фафур ўзига келди. «Бу мамлакатдан бошқа юртга учиб кетсан ҳам бўларди-ку?» дея афсусланди.

Резидентлар Москвага қўнғироқ қилишди.

– Приказ выполнен. Объект отправлен!

САМАНГАН

Жаҳонгир лагерга келгунча толиқиб, қон йўқотиб, хушидан айрилиб, ўлиб қолса керак, деб хавотирлангандим. Жони темирдан эканми, йўлдаги азобларга чидаб келди. Замбилга солиб, кўтариб олган жангари-ларга эҳтиёт бўлишларини кўп бор тайинладим. Бутун фикри ёдим уни даволатишга, Ватанга жўнатишга қаратилганди. Лагерга келиб, марказга қасоскор йигит тўғрисида маълумот жўнатдим.

– Тузалишини кутма, зудлик билан лагердан олиб чиқиб яшир. Ватанга ўзимиз олиб ўтамиз, – дейишиди раҳбарлар. – Агар Эргаш Жаҳонгир прокурорнинг ўғли эканлигини билса, ўша заҳотиёқ отиб ташлайди!

Жаҳонгирни кечаси ўғирлашга қарор қилдим. Бу йўлда таваккал қилишдан ўзга чорам йўқ эди. Ёшина йигитнинг жангарилар қўлида ўлиб кетишини истамасдим.

Жаҳонгир ётган чодирга Эргаш бошчилигида учтўрт нафар жангари кириб кетаётганини кўрдим. Юрагим ҳаприқиб кетди. «Ишқилиб, ўлдириб қўйиш-масин-да», деган совуқ фикр миямга урилди. Уларнинг ортидан чодирга кириб бордим.

Эргаш Жаҳонгирнинг тепасида туради. Унинг беўхшов юзи, ялпоқ пешонаси, чўзинчоқ ияги, катта-катта бургут кўзлари бу одамни биргина қонун – зўравонликдан бошқа қонунни тан олмаслигидан да-

рак берарди. Унинг ёнбошида тасбех ўгириб, соқолли киши турарди.

– Адашибсанда-а?! Эргашни излаб, Мирзони ўлдирибсан-да?! Сен қидириб келган одам мен бўла-ман! Кўзларингни очиб, яхшилаб таниб ол! Нариги дунёда ҳам адашиб юрмагин! Бошлиқларинг хом, калласи ишламайдиган одамлар-да, йўқса расмимни кўрсатиб, қайда туришимни тушунтириб қўйишган бўлишарди! Эргашни осонгина тутамиз, деб ўйлашганда-а?! – тўдабоши истеҳзоли қулиб, шу сўзларни айтиб, қўлидаги таёқни Жаҳонгирнинг пўсти шилиниб, эти чиқиб турган юзига санчди. – Қулоқларинг билан эшит: ота-онангни, болангни мен ўлдиртирганман. Уларнинг жони менга керак бўлганди. Хо...xo...ooo! Тўдабоши овозини шу қадар қўйиб кулдики, чодир ичи ларзага келди. Бироқ унинг овозида алам яширин эди, разаб пинҳон эди. Кўпчиликдан яширган дард бор эди. Жаҳонгир куйиб кетган, фақатгина изи қолган қошлари остидаги қизариб кетган кўзларини очди. Тепасида турган қўрбошини таниб, сўзларидан вужудини қалтироқ босиб, ўрнидан туришга хезланди. Кўл-оёқлари амрига итоат этмади. Тўдабоши таёфини унинг пўрсилдоқлар босган кўкрагига санчиб, туришига имкон бермади.

– Кимиirlамай ётавер, ахволингни кўриб турибман!

Эргашнинг разаби қўлига кўчганди. Таёқ билан Жаҳонгирнинг баданидаги пўрсилдоқларни кўчирар, терисини шиларди. Кўчган жойлардан қон аралаш сарфимтир суюқлик чиқарди. Оғриқ зўридан Жаҳонгир типирчиларди-ю, аммо инграмасди. Пасткаш тўдабошининг қошида овозини чиқаришни истамаётгани сезилиб турарди.

– Нега индамайсан, бақирмаяпсан, дод солмаяпсан?! Таёғим қичиқларингни босяптими? Роҳат

оляпсанми, хузур қиляпсанми?! Менда бошқа таёқ ҳам бор!

Жаҳонгир Эргашга қарата тупурди. Бироқ тупуғи етиб келмади. Тўдабоши қутуриб кетди. Орқасида турган ёрдамчилариға қаради. Улардан бири бошлиғининг нима демоқчи бўлганини тушунди. Ташқарига чиқиб кетди. Оғзидан «Астағфируллоҳ» сўзи тушмаётган соқолли кимса бошини чайқаб, «Бу бадбахт сизга қараб тупурди-я, амирим», деб қўйди.

– Сен, прокурорнинг боласи жуда ҳаддингдан ошибсан! Билиб қўй, ота-онангни, болангни қандай азоблаб ўлдирган бўлсам, сенинг бошингга бундан баттар гўр азобларини соламан!

– Бале, ҳақ жазо, – минифирлади соқолли кимса.

Ташқарига чиқиб кетган жангари учи чўғдек ёниб турган симни олиб кирди. Эргаш уни қўлига олди.

– Домла! – деди тўдабоши соқолли кимсага ўгирилиб. – Сотқинлар, бизни ўлдирмоқчи бўлганлар шариатда қандай жазога лойиқ?

– Ўлимга, мулла Эргашбой! Ўлимга!

– Улар ўлганларидан сўнг дўзахга тушадиларми?

– Оре! – кўзларини юмиб, бошини чайқаб, деди соқолли кимса. – Дўзахнинг энг тубига тушадурлар!

– Дўзахда қандай жазоланадилар?

– Туянинг бўйнидай илонларнинг оғзидан чиқадиган оловда куйиб ёнадилар, мулла Эргашбой!

Эргаш Жаҳонгирга қаради.

– Домланинг гапини эшитяпсанми? У шариат номидан гапирди. Илмли одамнинг гапи ҳақ! Отангга ўхшаганлар мени ўлимга маҳкум қилган! Ватан хоинига чиқарган! Сенлар айтгандай бўриман, оғзим қон. Менинг қўлимга тушган одам тирик қолмайди. Айниқса, душманларим! Сенларнинг қонингни ичсам, вужудим яйрайди.

– Бале, – минфирилади соқолли киши.

Эргаш қўлидаги симни Жаҳонгирнинг юраги устига санчди. Кейин айлантириди. Ҳовур кўтарилиб, жиззиллади, эт ҳиди хонани тутди. Соқолли кимса бошини бир ёнга ташлаб, ҳар замонда чайқаб қўярди.

– Мана шу қасоскор юрагингни ўйиб оламан, кейин уни сихга тортиб, чўғда пишираман!

– Бале! – яна тилга кирди соқолли кимса. – Ҳақ жазо!

Жаҳонгир азобларга чидамай ингради, кейин додлади. Эргаш қутурган ит қиёфасига кирди. У алам ва жаҳл билан симни юрак атрофида айлантириб, этни кўйдириб, гўштини тортиб оларди.

Одамни одам томонидан бундай қийноқда ваҳшийларча азобланишини кўришга темирдан кучли асаблар ҳам бардош бера олмайди. Менинг нафрат ва фазабларим томофимга тиқилиб турарди. Қўлим бир неча бор қўйнимдаги тўппончага югуриб, уни суфуриб, хонадаги тўртта қонхўрни отиб ташлагим келарди. Кейинги ишларни, раҳбарларнинг топширигини ўйлаб, ўзими ни зўрға кўлга олардим. Бир пайтлари Крамаренко, «Чекистнинг юраги шишадан нозик, тошдан қаттиқ бўлади», деган эди. Лекин тирик одамнинг юраги ўйиб олинаётганини кўришга тош юракли одам ҳам чидамаса керак. «Сен ифлосни албатта, ўзим суд қиласман, ўзим жазо тайинлайман. Одамлар кимлигини билсин, ҳатто бир пайтлар этагингни ушлаганлар ҳам қилган ишларингдан хабардор бўлсин. Сендай қонхўрнинг ортидан эргашмаган халқимга раҳмат! Сен ўзингни озодман, жазолардан қутулиб юрибман, деб асло ўйлама. Албатта, халқ ва Ватан олдида жавоб берасан!» деган сўзларни ичимда айтдим.

Эргаш ҳушини йўқотган Жаҳонгирнинг кўкрагини титиб ташлади. Қовурғаларини синдириди. Сараган қон

қўллари ва кўйлагини қизил рангга бўяди. Қасоскорнинг сезилар-сезилмас уриб турган юраги очилиб, кўриниб турарди. У бақувват, бардошли йигит экан. Азоб ва қий-нокъларга чидади. Муҳими, қонхўрга ялинмади.

Эргаш симни жаҳл ва нафрат билан Жаҳонгирнинг юрагига бир неча бор санчиб олди-да, чодирдан чиқиб кетди. Соқолли кимса қасоскорнинг жон таслим қилганига ишонч ҳосил қилиб, юзига фотиха тортди.

— Амиримизга қилган суиқасдинг учун энди худонинг олдида жавоб берасан! Хи...хи...ии!..

Соф ўзбек тилида гапирган бу одам мени қизиқтириб қолди. Ким бу? Бу юртга қандай мақсадда ўтган?

ЮРТДА

Шарифни вилоят прокурори Алишер Камолов қабул қилди. Унинг хонасида давлат хавфсизлик хизмати, вилоят ички ишлар бошқармасининг бошлиqlари ҳам ўтиришганди. Шарифнинг рухи тушиб кетганди. Уни бошлаб келган терговчи йўл-йўлакай, «камида ўн беш йилга қамаласан», деб «Жиноят кодекси»дан бир қатор бандларни айтиб, юрагига ваҳима солиб қўйганди. Лекин унинг ўзи ҳам «Ватан душмани, жамият учун ўта хавфли» бўлган бу террорчини идорага олиб келиш учун бошлиқ бир ўзини жўнатганидан ҳайрон эди? Қочиб кетса ёки қаршилик кўрсатса, қўлидан нима ҳам келарди? «Ахир, Эргашдек бузғунчининг лагерида жанговар тайёргарликдан ўтган жосусга ишониб бўладими? Душман ўз оти билан душман-да. Улар пайт пойлайди. Нозик жойингни излайди. Ўзини беозор, мўмин-қобил қилиб кўрсатишади-ю, вақти келганда панд беради. Кутилмаган ишларни амалга оширади. Хорижда уларни шунга ўргатишган, шунгага тарбиялашган. Йўк, буларга раҳм-шафқат қилиш

ярамайди. Улар ватан ва халқ душмани! Қамаш ва жазолаш лозим, бундай кимсаларнинг очиқда юриши жамият учун ўта хавфли», деб дилидан ўтказарди терговчи ёнида келаётган Шарифга бот-бот кўз қирини ташлаб. Бошлиқнинг хаёлига шу фикр келмаганидан ҳайрон бўларди. Айни пайтда у, «Шариф машинадан ўзини ташлаб қочмасмикин?» дея хавотирланиб, унинг қўлидан тобора махкамроқ ушларди. Аммо фермер қимир этмасди, хаёл уммонига фарқ бўлганди. «Қамалиб кетсам, даладаги пахталар нима бўлади? Уларни териб олишга ким жон кўйдиради? Фермадаги молларнинг кўпи бўғоз, болалаш мавсуми бошланмоқда. Ҳушёрлик керак. Кеча-ю кундуз уларнинг ҳолидан хабар олиб туриш лозим. Қишлоқ гузарида битмай қолган ва айни пайтда қурилиш ишлари давом этаётган биноларда ишлаётган усталар-чи? Улар кетиб қолмасмикин? Уларни шаҳардан олиб келгандим», ўйларди Шариф.

Йигитнинг ичини ит тирнаб, дили хуфтон бўлиб, шаҳарга келганини ҳам сезмай қолди.

Вилоят прокурори Шарифни пахта сотиши давлат режасини бажаргани билан қутлади. Ўртадаги илк муносабатни кўриб, терговчининг ҳайрати ошди. Кейин уни эски танишидек хонасига бошлаб кириб кетди. Ичкарида ўтирганлар ҳам ўринларидан туриб, Шариф билан саломлашишди. Аввал дала ишларнинг қандай бораётганини сўрашди. Шундан кейин бўлиб ўтган воқеаларни бир бошдан сўзлаб беришини илтимос қилишди. Шариф Тавилдарага, кейин Саманганга бориб қолганини, у ерда нима ишлар қилганини гапириб берди.

– Унинг пулларини ишлатиб юбордим, аммо олтин тангаларни яшириб қўйганман. Ҳисоб рақамимда маб-

лағим бор, қайтаришим мүмкін! – деди Шариф раис-нинг пулларини ишлатиб юборганидан афсусланиб.

– Қодирни қаңон күргансиз? – сўради Миллий хавфсизлик хизмати раиси.

– Кўрмаганман!

– Эргаш билан алоқаси борми?

– Улар бир-бирларини танишмайди.

– Қодирнинг тириклигига ишонасизми?

– Аниқ бир гап айтолмайман.

– Тирик бўлса, қаерда яшаётган бўлиши мүмкін?

– Афғонистоннинг ўзида ўттизга яқин лагер бор.

Уларнинг бештаси билан Эргаш мунтазам алоқага чиқиб туради. Покистон ҳудудида ҳам шундай лагерлар керагича топилади. Шулардан, бирортасида бўлиши мүмкін.

– Биздаги маълумотларга қараганда, Эргашнинг одамлари орасида Покистондаги «Ал-Ҳаққоний» мадрасасида тайёргарликдан ўтганлари бор.

– Рост. Бундан уч йил муқаддам сиз айтган лагердан уч киши келиб, Эргаш билан сухбатлашишганига гувоҳман. Улар тўдадаги жисмонан бақувватларини танлаб, мадрасага олиб кетишарди.

– Таклиф Эргашдан чиқармиди ёки хорижликларданми? – сўради ички ишлар бошқармасининг бошлифи.

– Менимча, хорижликлардан чиқарди, – деди Шариф.

– Нега шундай деб ўйлайсиз?

– Биринчидан, «Ал-Ҳаққоний» мадрасасида тахсил олаётган талабалар қанча кўп бўлса, уларнинг ўз раҳнамолари олдида ҳурмати ошарди. Иккинчидан, унинг лагерига борган талабалар ўша ернинг ўзидан дунёнинг турли давлатларига айғоқчилик ишларини амалга ошириш ва лагерга янги одамларни топиб келиш мақсадида жўнатиларди.

- Бундан Эргаш манфаатдор бўлармиди?
 - Ҳар бир йигити учун ўн минг доллардан оларди.
 - Мана бу расмдаги йигитларни илгари кўрганмисиз? – Миллий хавфсизлик хизмати раиси Шарифнинг олдига бир неча расм қўйди. Шариф уларни бир боқишаёқ таниди.
 - Булар Эргашнинг яқин одамлари, – деди расмдагиларнинг кимлигини эслаб.
 - Улар сизни ўлдириш мақсадида бу ерга келишган, – деди генерал. – Ходимларимизнинг сергаклиги ва ҳушёрлиги туфайли биз уларни қўлга олдик. Ҳозир хибса да сақланишмоқда!
 - Ахир мен тинч яшаётган бўлсам, нечун ўлдиришмоқчи бўлдийкин? – ҳайрон бўлди Шариф.
 - Сизнинг ҳалол меҳнатга қайтишингиз, эришаётган ютуқларингиз, мамлакатимиз тараққиётига қўшашётган ҳиссангиз, кўплаб ёшларнинг сиздан ибрат олаётгани уларга ёқмаяпти. Давлатимиз раҳбарининг «...қўли қонга беланмаган, адашган кимсаларни афв этиш тўғрисида»ги фармони сиз каби кўплаб ёшларни ватанга қайтарди. Улар мустақил она юртимизнинг тараққиётига ўзларининг меҳнат-шижоатлари билан ҳисса қўшишмоқда. Яқинда ана ўнндай алданган йигирма нафар йигит ўз хоҳишлари билан Қорақум даштларида янги қурилаётган темир йўл қурилишида иштирок этиш учун жўнаб кетишиди. Албатта, қалбидиа юритига ва халқига меҳр-муҳаббат жўш ураётган ёшлар Эргашга ўхшаган кимсаларнинг ғашини келтиради, – деди прокурор.
- Шариф икки ой бурун бўлиб ўтган воқеани эслаб, уларга сўзлаб берди.
- Нега бу ҳакда бизга айтмадингиз? – сўради ички ишлар бошқармасининг бошлифи.

– Бу иш Эргашнинг одамлари томонидан қилинганини билардим. Аммо улар фойиб бўлишганди. Шу сабабли, сизларни безовта қилишни истамадим.

– Бу сизнинг хатоингиз. Нима бўлганда ҳам бизга хабар қилишингиз лозим эди. Ўшанда улар ёшгина бир ходимимизни ўлдиришди. Ҳозир ҳам Эргаш сизнинг ютуқларингиздан, ҳалол меҳнатга қайтганингиздан жиғибийрон бўлиб юрибди. Истаган пайтда одам жўнатиб, сизга суиқасд уюштириши мумкин. Маслаҳатимиз – ҳушёр бўлинг! Бирор хавф-хатарни сезсангиз, бизга хабар қилинг!

– Нима, мени қўйиб юбормоқчимисизлар?

– Биз сизни қамаш ниятида бу ерга таклиф қилмадик, – деди прокурор. – Шунчаки танишиш мақсадида чақиртирдик. Бориб, ўз ишингизни давом эттиинг. Ватанимизнинг ривожига ҳисса қўшаётганингиздан биз ҳам фаҳранамиз, ука.

– Менга ишоняпсизларми?

– Сизга нафақат биз, балки давлатимиз ва хукуматимиз ҳам ишонади.

Шарифнинг кўзларидан ёш чиқиб кетди.

– Тиллаларни нима қиласай?

– Уларни давлат ихтиёрига топширинг!

Шарифнинг кўнгли тоғдек кўтарилиб, хонадан чиқди.

Терговчи оstonада турганди. У ҳар эҳтимолга қарши Шарифни қамаш тўғрисида прокурор санкция берса керак, деб бу ерга навбатчи милиционерни ҳам чақириб кўйганди. Аммо фермернинг ичкаридан хурсанд бўлиб чиқиши унинг бошига бир чеълак совуқ сув қўйиб юборган билан teng бўлди.

ЧЕГАРАДА

Қоратегиндан келган әлликка яқин жангарининг айримлари Эргашга итоат қилишни, буйруқларига бўйсунишни, топширикларини бажаришни хоҳлашмасди. Бу эса одамларининг олдида уни «синдириб», обрўсини тўкиб қўйди. Тўдабошининг юрагида адоват «чўғи» ёнди. Улардан қутулиш йўлини излаётган пайтда, Саланг довонида бўлган воқеа бунга имкон туғдирди.

Амирий жангариларга иккита юк машинада озиқовқат, кийим-кечак жўнатди. Машиналар бугун-эрта Саманганга етиб боришини тўдабошига маълум қилди. Бироқ орадан уч кун ўтса-да, юқдан дарак бўлмади. Тўдабоши хавотирга тушиб, одамларидан беш-олтитасини йўлга чиқарди. Эртаси куни улар қайтиб келишди.

– Хўжайн, довонгача чиқиб келдик. Йўлда бирорта юк ортган машина кўринмади, – дейишиди.

Эргаш уларнинг сўзларига шубҳа қилди.

– Бўлиши мумкин эмас! – деди аччиқланиб. – Амирий жаноблари ёлfon гапирмайди. Машиналар йўлда бўлиши керак!

– Балки қароқчилар тўсиб, юкларни тортиб олишгандир?

– Саланг довони, қолаверса, бизга келадиган барча йўллар мулла Умар ҳазратларининг назоратида. Ҳеч ким бу худудга юрак бетлаб киромайди.

Довоннинг энг баланд тепалигига мулла Умарнинг әлликка яқин қуролланган одами ин қуриб олишганди. Улар Дўстум ва Шоҳ Маъсуд аскарларининг кийимларини кийиб олишар, ўзаро сухбатлашаётганларида ҳам икки қўмондоннинг номларини тилга олиб қўйишарди. Бу билан ўзларини мулла Умарнинг одамлари

эканлигини яширмоқчи бўлишарди. Йўлдан келаётган ҳар бир машина шу ерда чумолидай ўрмалаб тепаликка тирмашар, кейин бир зум қизиган моторларини совутиб, йўлда давом этарди. Жангарилар бу пайтдан фойдаланиб қолишарди. Машиналарни ўраб, ҳайдовчиларни асир олишарди. Юкларни тушириб, машиналарни ҳайдовчиларига қўшиб, пастликка тушириб юборишарди. Уч юз метр пастга ўқдай учиб тушган машиналардан фақатгина бўлакларга ажраб кетган бир қучоқ темир үюми қоларди.

Мулла Умар Амирийнинг топшириғи билан юк ортган иккита машина Эргашнинг лагерига келаётганидан хабардор эди. Қолаверса, Чегечи бу ҳақда унга сим орқали хабар бериб қўйганди. Шунда мулла Умар унга мужмал жавоб қилганди.

– Довонда Дўстум билан Шоҳ Маъсуднинг одамлари изғиб юришибди. Туркия ва Тожикистон орқали бизга келадиган кийим-кечак, озиқ-оқатларни шу ердан туриб йўқ қилишмоқда. Эҳтиёт бўлишни маслаҳат бераман!

Мулла Умар юк йўлдалигини ўша заҳотиёқ тепаликдаги одамларига мъълум қилди.

– Юкларни тортиб олинглар, ҳайдовчиларини машиналарига қўшиб орқага қайтариб юборинглар!

Юк ортган машиналар кечки пайт довонга етиб келди. Жангарилар қўлларига қуролларини олиб, юзларига ниқоб тақиб, йўлга кўндаланг туриб олишди.

– Биз Амирий жанобларининг топшириғи билан мулла Умар ҳазратларининг паноҳида юрган Эргашбойнинг одамларига озиқ-овқат олиб кетяпмиз, – дейишди ҳайдовчилар.

– Биз ҳеч қандай Амирийни ҳам, мулла Умарни ҳам, ўша сенлар айтган Эргашбойни ҳам танимаймиз!

Жонинг чиқмасдан, пешонангга ўқ жойламасимиздан тезда йўқолларинг!

– Унда бизга кимликларингни айтинглар, – илтинос қилди улардан бири. – Бизлар ўз бошлиқларимизга маълум қиласайлик!

– Қулоғинг карми, бизлар мустақил одамлармиз, деб айтдик-ку! – бақирди жангарилаудан бири.

Яна бир ҳайдовчи ёнидан телефонини олиб, бошлиғи билан гаплашмоқчи бўлди. Жангарилаудунга рухсат беришмади. Телефонни олиб, пастига улоқтириб юборишиди.

Ҳайдовчилар орқага қайтишга мажбур бўлишди. Довондан тушиб, Чегечига қароқчилар юкни тортиб олишганини айтишди. Чегечи фазаб отига минди. Эргаш билан телефонда боғланниб, юк Дўстумнинг одамлари томонидан тортиб олинганини маълум қилди.

– Мен бунга тоқат қилолмайман! Ҳар икки душманимизни оёқларим остига олиб эзғилайман! Парвардигорим бу ишда менга мададкор бўлади! – деб бақирди Эргаш.

– Баракалла, Эргашбой, улар жазосиз қолишлари мумкин эмас! – қитиқлаб қўйди Чегечи. – Бу гал уларнинг додини бермасак, эртага устингизга бостириб боришиди. Кудратимиз нималарга қодир эканлигини кўрсатиб қўядиган пайтлар аллақачон келган!

– Фатво беринг, устоз, бугуноқ эллик нафар одамимни улар устига ташлайман.

– Икки-уч кун сабр қилишингизга тўғри келади. Мен мулла Умар жаноблари билан бу тўғрида кенгашиб олишимга тўғри келади.

– Одамларим оч, озиқ-овқат тугаган. Ўтган галги сухбатимизда бу масалада сизни огоҳлантиргандим, – деди Эргаш хайрлашишдан аввал.

– Бўлиб ўтган ишлар тўғрисида Амирий эшитмагани мақсадга мувофиқ.

– Шундайми?

– Озиқ-овқат хақида ҳозирча оғиз очманг.

– Одамларим оч. Егулик қолмади, – яна бир бор такрорлади Эргаш.

– Биз Саланг довонидаги қароқчилар йўқотилмагунча, ҳеч нарса жўнатолмаймиз. Ўзингиз йўлини топинг!

Эргашнинг кўз олдига гапига кирмайдиган қайсар кимсалар келди. «Баҳона топилди», деди ўзига ўзи.

– Мен эллик нафар одамим билан Сариосиё чегарасини бузиб кираман. Одамларнинг мол-қўйларини олиб ўтишади!

– Баракалла, мана энди ақлингиз кирибди, мулла Эргашбой. Давлат чегарасини бузиб ўтишингиз катта шов-шувга сабаб бўлади. Сизнинг нималарга қодир эканлигинизни фанимларингиз билиб қўйишади. Амирий жанобларининг олдида мартабангиз ҳам, обрўингиз ҳам юксалади. Мулла Умар ҳазратлари эса сизни ва йигитларингизни рафбатлантиради. Ишни тезлатинг! Кенгаш ҳисобидан ҳар бир кўнгиллига минг доллардан инъом қилинг!

Эргаш ёмон кўрган жангариларни йиғди. Гурухга Зийнат исмли йигитни бошлиқ этиб тайнинлади. Унинг олдига харитани ёйиб, тушунтирди:

– Шу атрофда юрган чўпонларнинг мол-қўйларини тортиб оласизлар. Ярим тунда уларнинг шохига уч киловаттли чироқларни ўрнатиб, чегара томон ҳайдайсизлар. Аскарлар хавфсираб, эчкиларни ўққа тутишади. Сизлар эса ўқ отилган жойни нишонга оласизлар. Шу тариқа чегарачиларни отиб, ичкарига кириб борасизлар, – деб кўрсатма берди.

– Йигитларимга қанчадан ҳақ тўланади? – сўради Зийнат. У бекордан-бекорга иш қилмасди.

- Хар бирига уч юз доллардан! – деди Эргаш.
- Биз жонимизни гаровга тикиб кетяпмиз! Инсо-финг борми?!

Тұдабошининг юзи қизарди.

- Майли, түрт юз доллардан түлайман.
- Минг доллардан камига иш қылмаймиз! – деди Зийнат қовоғини солиб. – Ичимиздагилардан бири-миз ўққа учиб, қайтиб келмаслигимиз мумкин.

Эргаш ёмон күрган одамларидан қутулишнинг бирдан-бир йўли улар талаб қилаётган пулнинг ҳеч бўлмагандаги ярмини тўлашга мажбурлигини тушунди. «Илоҳим, ҳамманг ўққа учгин, бу ерга қайтиб келмагин», деб ичида худога нола қилди.

- Яхши, беш юздан түлайман, фақат қайтиб келгандарингдан сўнг.

– Олти юз берасан, олдин уч юзини, қолганини келганимизда оламиз! Яна бир гапни айтиб қўяй, мабодо, ичимииздан кимдир ўлиб кетса, унинг ҳақини ҳам менга берасан!

Тұдабоши рози бўлди.

Эллик нафар жангари чегара томон жўнади. Улар тоғдаги чўпонларнинг қўй ва эчкиларини тортиб олишди. Ўзлари форга беркиниб, қош қорайишини кутишибди. Ярим тунда қўй-эчкиларнинг шохларига чироқларни ўрнатиб, чегара томонга ҳайдашди. Аскарлар шу томон келаётган чироқларни кўриб қолишли. Тревога эълон қилинди. Бутун бўлинма оёққа турди. Улар яқинлашиб келаётган жониворларни жангаришлар, деб ўйлашибди. Аскарларнинг огоҳлантиришига қарамай, қоп-қоронги кечада келаётган шарпалар тўхташмасди. Давлат чегараси бузиб ўтилгач, аскарлар ўқ узишга мажбур бўлишди. Автоматлар оғзидан чўғдай ёниб чиқаётган ўқлар улар турган жойни фош қиласиди. Жангариларга шу керак эди. Улар ўзлари

учун хавфсиз бўлган жойда туриб, аскарларни нишонга олишди. Отишма ярим соат давом этди. Ўн беш аскар нобуд бўлди. Жангариilar ўз сафларидан бирор кишини йўқотишмади. Кўшимча кучлар келганида, улар қочиб, аввалдан белгилаb қўйилган форларга беркинишди.

Эрталаб чегарачилар эчкиларнинг ўлигини кўришиди. Жангариilarни излаб, форларга киришди. Осмонга вертолёт кўтарилди. Жангариilarнинг изи кўзга ташланди. Улар форларга яширинишганини билишди. Чегарачилар уларни ҳалқа шаклида ўраб олишди. Зийнатнинг одамлари тирик қолиш учун фақат Абрамов музлиги томон қочишилари мумкин эди. Бу ер азалдан «Ажал водийси», деб номланарди. Шу пайтгacha музликдан бирорта одамнинг тирик чиққанини ҳеч ким билмасди. Зийнат одамларини музлик томон бошлишга мажбур бўлди. Улар муз устига чиқиb олишди. Шу ердан туриб чегарачилар уларни ўққа тутиши мумкин эди. Бироқ улар бундай қилишмади. Ўзга давлатнинг ҳудудига ўтган каллакесарларга қаратा ўқ отиш қонунда тақиқланганди. Шундоқ ҳам худо уларни ажал домига келтириб қўйганини билишарди. Жангариilar нишобликда юришолмади. Оёқлари тойиб, юмалаб кетишарди. Музликнинг охири тубсиз жар эди. Йиқилганлар чархпалакдай айланиб, ўқ мисоли учиб пастга шўнфишарди. Уларни на қуроллари, на бақирган овозлари қутқариб қоларди. Ярим соат ичida эллик нафар жангари жарга фарқ бўлди. Уларнинг ўлим олдидан қичқирган овозлари чегарачиларнинг қулоқларига bemalol эшитилиб турарди. Бирорта тирик жон қолмади. Шу тариқа Эргаш фанимларидан кутулди.

МОСКВА

Аэропортда Faфурни беш нафар хавфсизлик хизмати ходими кутиб олишди. Зинапоядан тушиши биланоқ қўлига кишан солиб, машинага ўтқизиб, идораларига олиб кетишиди. Ўша куни шанба эди. Терговчи қандайдир иш билан Санкт-Петербургга кетганди. Чекистлар тергов ишлари ҳал бўлмагунча, Тошкента га хабар юбормасликка қарор қилишди. Ахир, Faфур улар учун ҳам ҳаводек зарур эди. Россия худудига ташланётган жангариларнинг кўпи айнан Афғонистондаги маҳсус лагерларда тайёргарликдан ўтаётгани, курол-аслаҳа, маблағ ҳам шу юртдан кириб келаётгани уларга аён эди. Тергов жараёнида уларнинг уясини билиб олишни ўйлаганди.

Рухий тушкунлик хаётдан умидини узган Faфурни хаста ҳолатига келтириб қўйганди. Ўзини ўзи ўлдиргиси келар, афсуски, бунинг йўлинни топа олмасди. Қаттиқ ташвишланганидан боши оғир, ўқчир, қусарди. Назоратчи икки бор шифокорни чақиришга мажбур бўлди. Дориларни қабул қилгач, Faфурнинг ахволи андак яхшиланди. Эртаси куни тушдан кейин яна кечаги ҳолат такрорланди. Назоратчи докторга хабар қилди. Камерага олтмиш ёшлардан ўтиб қолган Игнатий исмли шифокор кирди ва беморни диққат билан қўздан кечирди. Назоратчи деворларга ўрнашиб қолган сассиқ исга тоқат қилолмай, эшик ортида қолганди. Доктор маҳбуснинг барча аъзоларини диққат билан текшириди. Илгари қандай касалликка чалинганини сўраб-суриштириди.

– Иложи бўлса, менга беш-ўнта уйқу дори берсангиз, – деди маҳбус.

Игнатий унинг мақсадини тушунди.

– Жонингизга қасд қилмоқчимисиз?

- Мен умримни яшаб бўлдим...
- Ҳаёт ҳали олдинда. Сиз дўстларингизга керак-сиз, – деди паст овозда.

Фафур шифокорнинг нечук бундай сўз айтганини тушунмади.

- Менинг яқинларим ҳам, дўстларим ҳам қолмаган. Аксинча ҳаётим душманларимнинг қўлида. Кўрадиган кунларим азоб-уқубат, қийноқлардан иборат! Бундай ҳаётнинг кимга кераги бор?

– Дўстларингиз йўлингизга кўз тикишмоқда, – боягидан ҳам пастроқ овозда деди Игнатий bemorning гапини эшитмагандек.

Махбуснинг қоронги дили нур киргандек ёришди. У шифокорга юзланди. Кўзларида сирли маъно яши-ринганини сезди ва хаёлидан, «наҳотки мен кимгадир керак бўлсам», деган ўй кечди.

– Ўша дўстларим кимлар экан? – ҳазин товушда сўради.

Доктор учун карта очилганди.

– Қўёш ботганидан кейин назоратчига юрагингиз оғриётганини айтиб, мени чақиртирасиз, тушундингизми?

Фафур бош иргади. Доктор сумкасини кўтариб, ўрнидан турди.

– Агар яна оғриқ безовта қилса, мени чақиртиинг!
– деди эшик олдига етганда овозини баландлатиб.

Назоратчи эшикка қулф солди.

Фафур ўрнидан турди. Хаёлида биргина савол айланарди: «Бу чол ким? Вадимнинг одамларидан эмасми? Нега, «дўстларингиз йўлингизга кўз тикишмоқда», деди. Мен кимга керак бўлиб қолдим?» У қанчалик бош қотирмасин, саволларга жавоб топиш осон эмасди. Хаёлидан кўп нарсаларни ва таниш-би-

лишларини ўтказди, лекин бу ерда унинг жонига оро кирадиган яқин кишиси борлигига ишонмади.

Faфур турмада узок ўтирмаслигини, уни Россия қонунлари бўйича эмас, балки ўзи туғилиб ўсган юртнинг амалдаги қонунларига асосан суд қилишларини яхши биларди. Руслар керакли саволларга жавоб олиб, уни Ўзбекистонга топширишади. У ватанга қарши нималар қилмади? Одамларнинг бойлигини талаш, ўлдириш, биноларни портлатиш, раҳбарларга сунқасдуюштириш учун одамларини тайёрлади. Юрга қайтмоқчи бўлганларни ваҳшийларча ўлдиришга буйруқ берди. Чегечининг пинжига кириб, Ўзбекистондаги тинч вазиятни издан чиқариш, халқни ҳукуматга қарши қуролли исёнга даъват этиш учун бир нечта тизимларни ишлаб чиқди. Буларнинг озми-кўпи ўзбек разведкасига аён. Уларнинг қўлига тушдими, қилган ва айтган ҳар бир иши учун, гапи учун жавоб бериши шарт. Емоқнинг қусмоғи бор...

Faфурнинг назарида вақт имиллаб ўтаётгандек туюларди. Темир панжара билан тўсилган кичкинагина туйнуқдан кўриниб турган қўёш худди тўхтаб қолган соатнинг капгиридек бир жойдан силжимасди. Нихоят, кун ботди, коронғи тушди. Faфур таваккал қилишга қарор қилди. Мушти билан темир эшикни урди. Бир оз ўтиб, йўлакдан назоратчининг қадам товушлари қулоғига чалинди. Faфур икки қўллаб кўксини чангаллади.

– Нима дейсан? – эшик ортида турган назоратчининг овози келди.

– Дўхтирни чақир, юрагим санчяпти!

«Сволоч!» Назоратчи сўкиниб орқага қайтди. Faфур доктор келгунча нима қилиш тўғрисида бош қотирди. Юраги оғриган одамнинг ўтириши ёки тик туриши мумкин эмаслигини биларди. Қулоғига оёқ

товушлари чалиниши биланоқ, ерга ётиб олди. Эшик очилди. Ичкарига Игнатий кириб келди. Faфурнинг бош томонига тиззалаб ўтирди ва сўради:

– Сизга нима бўлди?

– Юрагим... юрагим санчяпти... – ҳаво етишмаёт-гандек зўрға тилга кирди маҳбус.

Шифокор сумкасини титкилади ва шприцни олиб, Faфурнинг орқа томонига санчди. Бир дақиқалар ўтиб, баданга юборилган дори ўз таъсирини ўтказа бошлади. Маҳбуснинг кўзи тинди. Тепасида нур сочиб турган чироқ сўнгандек бўлди.

– Беморни жонлантириш бўлимига олиб бориш керак, «Тез ёрдам» чақиринг! – Игнатий назоратчига шундай деди.

Шифокорнинг бу сўzlари хушдан кетаётган Faфурнинг қулогига жуда ҳам олисдан келгандек эшилди ва кейин ҳеч нарсани сезмай қолганди.

«Тез ёрдам» машинаси келганида Faфур ўликдек қотиб қолганди. Изолятор бошлиғи икки нафар назоратчининг ҳамроҳлигида маҳбусни шаҳар шифохонасига жўнатишга буйруқ берди. Уни жонлантириш бўлимига олиб киришди. Назоратчилар ичкарига кўйилмади. Ўн дақиқалардан сўнг Игнатий қайтиб чиқди ва назоратчиларга маҳбус «юрак хуружидан» вафот этганини маълум қилди. Назоратчилар бу хабарни ўз бошлиқларига маълум қилишди.

Үйига қайтган доктор тун ярмидан ўтган бўлишига қарамай, телефон олдига келди ва керакли рақамларни терди.

– Қулогим сизда? – гўшакни кўтарган кимсанинг уйқусираган овози эшитилди.

– Мурдани ўликхонадан олиб кетишингиз мумкин!

– Ўн дақиқадан сўнг эшигингизни очинг!

Доктор гўшакни жойига қўйиб, соатига қаради. Кейин ювиниш хонасига ўтиб, қўлларини чайди. Иссикқина қаҳва тайёрлаб ичди. Бу орада телефон жиринглади. Игнатий ўрнидан туриб, эшикни очди. Ташқарида ҳеч ким қўринмади. Остонада эса кичкинагина сумка турарди. Доктор уни олди-да, атрофга аланглаб, ҳеч ким йўқлигига ишонч ҳосил қилиб, эшикни қулфлади. Сумкани стол устига қўйиб, очди. Унинг ичида ўн пачка юзталик доллар турарди... Игнатий пулларни эринмасдан санаб чиқди.

– Роппа-роса юз минг, – деди у ўзига ўзи.

ЮРТДА

Зийрак китобхонимизга биз 199... йили катта шаҳарлардан бирида ноқонуний равища тузилган «Адолат лашкарлари» номи билан аталувчи гуруҳ фаолияти ҳамда уларнинг кўз кўриб, қулоқ эшитмаган ишлари тўғрисида ҳикоя қилмоқни ваъда бергандик. Мавриди келди.

Кирқ ёшлардаги Мирзаахмад исмли йигит атрофига йигирмадан зиёд тенгдошини йиғиб, «Адолат лашкарлари» гуруҳини тузди. Улар ўғирлик, безорилик, фоҳишабозлик ва пораҳўрликка қарши курашда милицияга ёрдам берамиз, деган мақсадни ўз олдиларига қўйишишганди. Бир-иккита ўғриларни жиноят устида қўлга туширишди. Одамларнинг мол-қўйларини ўғирлаб кетган жиноятчиларни топишиди. Шу тариқа кўпчиликнинг эътиборига тушишди. Шаҳарда ўғрилар, безорилар кескин камайди. Лашкарларнинг обрўси кун сайин ортиб борди. Молини йўқотган, уйини ўғри урган, қўшниси билан жанжаллашиб қолган, пора талаб қилаётган раҳбарлардан озор чекаётган

одамлар қароргоҳга келиб, мадад сўрашарди. Лашкарлар бир пайтлар донгдор хўжаликнинг каттагина биносини ўзларига бошпана қилиб олишганди. Ҳовлига сўрилар қўйилган, самоварда чой қайнаб турар, иккита дошқозонда шўрва билқилларди. Мадад сўраб келганларнинг олдига аввало таом қўйиларди. Сўнгра Мирзаахмаднинг хузурига олиб киришар, икки қават қўрпача устида ўтирган лашкарбоши уларнинг арзига қулоқ тутарди.

Кўпчиликнинг ишончи Мирзаахмадни талтайтириб юборди. Энди унинг олдига айрим ташкилот ва идораларда иши битмай, сарсон юрганлар ҳам кела бошлиди.

Қўшни тумандан йигирмадан ортиқ одам келишиб, томорқа олишолмаётганини айтишди. Мирзаахмад бу қадар кўп одамларнинг келишини кутмаганди. «Ҳамма менга ишоняптими, демак, улар мен томонда, ортимда куч бор», деб ўйларди.

Лашкарлар кечки пайтлар ўнлаб машиналарга ўтириб, қўлларига ўзларининг байроқларини олиб, машина устида тик туриб, бақириб-чақириб, кўчаларни айланишарди. Уларнинг пайдо бўлиши одамларнинг юрагида вахима ва қўрқув соларди. Намоз пайтида юрганлар ушланиб, ўша жойнинг ўзида эллик дарра билан сийланарди. Лашкарлар қўлларига келиб тушган аризаларда номи қўрсатилган гумондорларнинг ўйларига истаган пайтда бостириб кириб, қўл-оёқларини боғлаб, машинага қўйдай юклаб, кароргоҳларига олиб кетишарди. Уларнинг зўравонлик ва адолатсизлиги аста-секин халқнинг нафрат-ғазабини уйғота бошлиди.

Лашкарлар ҳеч нарсадан тап тортишмасди. Ҳатто, участка нозирларининг огоҳлантиришига ҳам қулоқ

солишишмасди. Аниқроғи, уларга бўйсунишмасди. Милиция ва прокуратура идораларидан очилмай қолган жиноят ишларини талаб қилишарди. Ўн-ўн беш йилги «Дело»ларни титиб, гумондор шахсларни тутиб, идоралариға олиб келишар, уриб, қийнаб, зах ва совук сув тўлдирилган идишларга яланғоч ҳолда солиб, айбини «тан» олишга мажбур қилишарди. Лашкарларнинг қўлига тушган одамларнинг қутулиб чиқишилари учун иккита йўл бор эди. Бири – катта миқдордаги пул, иккинчиси – қўйилган айбни тан олиш. Бундан ташқари улар шахарга кириш ва чиқиш йўлларини назорат қилишарди. Кечалари йўл бўйларида гулхан ёқиб, ўтган машиналарни текширишарди. Ҳар бир одам сўроқ-савол қилинарди. Ўзига тўқ, бой-бадавлат кимсаларнинг уйларига бостириб кириб, қўлларини арқон ёки чилвир ипда боғлаб, қароргоҳга олиб келишарди. Ертўлада беш-олтита кунда, темир занжирлар, махсус чармдан ишланган сўйил деворда осиғлиқ турарди. Айбига иқрор бўлмаганларнинг кийимлари ечилиб, яланғоч ҳолда кундага ётқизилиб, дарра билан саваланаарди. Ўғирликда гумон қилингандарнинг бармоқлари қизиб турган ёғга солинарди. Шунда хам айбига иқрор бўлмаса, «ўғри»нинг қўл ва оёғидан занжирга боғлаб, қўйдек осиб қўйишишарди. Улар соатлаб, баъзан кунлаб шу ҳолатда қолиб кетишишарди. Қийноқларга бардош беролмаганлар «айбини» тан олишга мажбур бўларди. Бундайларга катта миқдорда жарима солинарди.

Ичкарига кирган одамнинг димогига захнинг эмас, гуноҳли ва гуноҳсиз одамларнинг баданидан сачраган қоннинг иси уриларди.

* * *

Шаҳарнинг шимолидаги кичик туманнинг кўп қаватли уйларидан бирида ёшлари етмишдан ўтиб қолган татар аёл номаълум шахслар томонидан ўлдириб кетилди. У ёлғиз яшарди. Ўғли ҳарбий хизматчи бўлиб, Белоруснинг қайсиdir шахрида хизмат қиласарди. Аёл куни билан уйи олдига стул қўйиб, сигарета, семичка сотиб ўтиради. Кампирнинг олдига нафақат кашандалар, балки вақтинча яшаш учун жой сўраб келадиган мижозлар ҳам келиб турарди. Аёл бир пайлари лотерея билетига каттагина пул ютиб олган ва ўша пулларга учта квартира сотиб олганди. Одамларни ижарага қўярди. Тўплаган пулларини белига туғиб сақларди, пулни шу қадар яхши кўрарди, ҳатто устидаги йиртилиб, ямоқ тушмаган жойи қолмаган қўйлагининг ўрнига янгисини сотиб олишга ҳам қизғанарди. Ўша аёлни ўлдириб кетишиди. Сабаби қўпчиликка ноаён бўлса-да, қўни-қўшнилар қотиллик унинг бойлигини ўғирлаш мақсадида амалга оширилганини билишарди. Милиция жиноят содир бўлган жойда қотил томонидан қолдирилган бирорта далилий ашёни тополмади. Қидирув ва суриштирув ишлари натижа бермади. Кампирнинг иссиқ-совуқ маъракаси ўтган куннинг эртасига ўғли етиб келди. У милиция бўлимига борди.

– Бу қанақаси, нега қотил шу кунга қадар топилмади?

– Қидирув ишларини олиб боряпмиз, ходимларимиз ишлашяпти, – деди бошлиқ ўринбосари Жамолиддин Камолиддинов. – Сиз хотиржам бўлинг, қотил, албатта, топилади.

– Қидирув ишларидан қониқмадим, – деди капитан. – Агар қотилни икки кун ичida топмасаларинг, мен лашкарлар бошлиғига учрайман!

– Уларга учрашишни маслаҳат бермайман, ўзингизга қийин бўлади, – деди Камолиддинов. – Биз барча кучни қотилни топишга сафарбар қилганмиз!

Капитан билганидан қолмади. Эртаси куни лашкарларнинг қароргоҳига жўнади.

– Онамни бир ҳафта илгари ўлдириб кетишган. Милиция қотилни ҳанузгача тополгани йўқ, – деди у лашкарлар бошлиғи Мирзааҳмадга.

Ҳарбий одамнинг лашкарлардан мадад сўраб келиши унинг обрўси эди.

– Гумондорларингиз борми? – сўради Мирзааҳмад.

– Қотиллик содир бўлганда мен Белорусда хизматда эдим. Кўни-қўшниларнинг айтишига қараганда, бу ишда Мансур исмли йигитнинг қўли бор экан. Ўша куни онам билан энг охирги сухбатлашган одам ҳам ўша!

– Мансур қаерда?

– Шу ерда, ҳеч нарса бўлмагандек юрибди.

– Милиция сўроқ-савол қилдими?

– Уч кун қамаб, кейин қўйиб юборишибди.

Мирзааҳмад ёрдамчисини чақиртириди.

– Мансурни тутиб келинглар!

Мансурни тунда тутиб келишди. Уни ертўлага олиб тушишди. Оёғидан осилган икки йигитни, қўли қизиган ёғга солинган «ўғри»ни кўрганида Мансурнинг юраги тўхтаб қолаёзди. Улар оғриқ азобидан инграшар, йиғлашарди. Баданлари қон-қушга беланганди.

– Сени нимага бу ерга олиб келганимизни биласанми? – сўради лашкарлардан бири.

– Ўлимдан хабарим бор, аммо нимага олиб келганингни билмайман!

– Анийни нега ўлдиридинг?

– Бу ишда менинг айбим йўқ, милиция ҳам сўроқ қилиб, қўйиб юборган.

– Милиция бошқа, биз бошқамиз. Уларни алдагансан, аммо бизни лақыллатолмайсан! Биз ҳаммасидан хабардормиз! Хүш, Анийни нега ўлдирдинг? – тергов қила бошлади лашкарбоши.

– Ўша куни мен Анийнинг ҳолидан хабар олиб, қишлоққа кетгандим. Гувоҳларим бор.

– Буни мендан шубҳаланмасин, деб атайнин ўйлаб топгансан! Ўз хоҳишинг билан айбингга иқрор бўлмадингми, ўзингдан кўр!

Лашкарбоши шерикларига имо қилди. Улар Мансурнинг қўл-оёқларини боғлашди. Кейин ертўлага олиб тушиб кетишиди. Капитан уларнинг ортидан эргашди. Пастга тушишганда лашкарлардан бири капитаннинг қулоғига шивирлади:

– Эшитишимиизга қараганда, Анийнинг анчагина пуллари ва тилло тақинчоқлари бўлган экан. Шу гап ростми?

Капитан бу ҳақда биларди.

– Ҳа, бир ҳовуч тилло тақинчоқлари, ўн миллион пул бўлган. Анийим ўлимидан бир кун аввал менга телефонда айтганди. Буларни Мансур ўғирлаган бўлиши керак. Пул сизларга, тилло буюмлар эса менга!

– Мақсадимиз ҳам бойликларни қаерга беркитганини аниқлаш, ўлган одам тирилиб келмайди. Бизга бойликларни қаерга яширганини айтса, бас! Ортиқча қийнаб ўтирумаймиз!

Лашкарлар гумон қилинувчини нимкоронги хонага олиб киришди. Каттагина цемент бетон олдида тўхташди.

– Сенга иккита жиноий айб қўйилмоқда. Иккисидан бирисини тан ол! Анийни нега ўлдирдинг?

– Худони ўртага қўйиб қасам ичаманки, Анийни мен ўлдирмаганман!

– Ўлдиргансан!

– Саксон ёшли кампирда қандай адоватим бўлиши мумкин?

– Унинг уйида ўн миллион сўм, бир ҳовуч олтин тақинчоқлар борлигидан хабар топгансан!

– Астағифурллоҳ. Куруқ тухматингдан ўзинг асра, худойим!

– Йўлимизга юрмадинг, ҳароми ўфри! Биз сени яхшиликча сўроқ қилдик. Айбингни тан олмадинг.

– Бери келинг, – деди лашкарлардан бири капитанга. Капитан уларнинг олдига борди. – Оёғидан ушланг. Бир, икки, уч, деганда деворга иргитасиз!

– Деворга? Ўлиб қолса-чи?

– Раҳмингиз келмасин! Онангизни ўлдираётганда, бунинг ҳам кампирга раҳми келмаган!

Мансурнинг қўз олдига улар томонидан бериладиган жазо келди. Лашкарлар одамларни қандай қийнаб, азоблашларини яхши биларди у. Бироқ ялинишни ўзига эп кўрмади.

Мансурни қўл-оёқларидан ушлаб кўтаришди. Бешикдай тебратиб, бир, икки, уч, дея цементли деворга уришди. Зарба кучли эди. Орқаси деворга текканида, Мансур оғриқка чидамай, додлаб юборди. Еган овқати оғзидан отилиб чиқди. Белида шундай қаттиқ оғриқ турдики, нақ бўлмаса, хушидан кетаёзди.

– Анийни ўлдирганингни тан оласанми? – деди лашкарлардан бири гумондорнинг тепасига келиб.

Мансур уларнинг сўзини эшитган бўлса-да, гапиролмади. Бош чайқаб қўйди. Лашкарлар яна бир, икки, уч, дея йигитнинг қўл-оёғидан кўтариб деворга уришди. Бу гал гумон қилинувчининг боши ёрилди. Оғиз-бурнидан қон келди. Учинчи бор уришганда, Мансур ҳеч нарсани билмай ва кўрмай қолди.

– Айбингни тан ол, иқрор бўл! Гапир, бойликларни қаерга беркитгансан! – ўшқирди иккинчи лашкар.

Мансурдан садо чиқмади.

– Гапир, ҳароми! Ҳеч бўлмаса, бойликларни қаерга яширганингни айт?!

Мансур қимир этмасди. Лашкарлар яна бир, икки, уч, деб «айбдор»ни деворга уришди. Улар ҳар гал, «Ўлдирганингни тан оласанми?» деган саволни беришарди. Мансурдан эса садо чиқмасди. Бадани ёрилиб, қонга бўялган Мансур энди оғриқни ҳам ҳис этмасди. Лашкарлар унинг ҳушидан кетганига ишонишмади. Оёқларига кишан солишиди.

– Айбингни тан олишни истамадинг, ит! Энди қўйдай оёғингдан осиб қўямиз, зора, эсинг кириб қолса!

Лашкарлар ҳушсиз Мансурни кўтариб, оёқларидаги занжирни илмоққа илишди. Унинг боши ерга тегай-тегай, деб тебраниб турарди. Оғзидан суюқлик, кейин кон келди. Лашкарлар чарчашганди, қоринлари ҳам очганди. Ташқарига чиқиб, ювениб, овқатланмоқчи бўлишиди.

– Сиз кетишингиз мумкин, – деди улардан бири капитанга. – Бир-икки соат осилиб турса, ўзи тилга киради.

– У ҳушдан кетганга ўхшайди, – деди бир оз хомуш тортиб қолган капитан.

– Бунаقا одамлар ўта муғомбир бўлишади. Кўпини кўрганмиз. Сиз ташвишланманг!

– Балки хақиқатан ҳам анийимни ўлдирмаган бўлса-чи?

– Онангизнинг ўлимидан ярим соат аввал шу йигит уйларингга кирган.

– Қайтиб келайми?

– Овора бўлманг, сизни ўзимиз топамиз!

Капитан ертўладан чиқиб кетди.

Пешин бўлганди. Сўриларга дастурхонлар тўшалганди. Шарақлаб қайнаётган шўрванинг иси ҳавони

тутганди. Лашкарлар қўлларига, кўйлакларига сачраган қонни ювиб, сўрига ўтиришди. Уларга шўрва келтиришди.

– Индамаяпти, ўлдиргани ростга ўхшайди, Асқар,
– деди улардан бири шеригига.

– Капитан қотилни топишни эмас, бойликларни излаётганга ўхшайди.

– Ўн миллионни бизга инъом қилмоқда. Тилло тақинчоқларни қайтариб берамизми?

– Аҳмоқмисан, Саттор? Шунча бойликни-я!

Асқар шеригининг қулоғига шипшиди.

– Агар Мансур бойликларнинг қаердалигини айтса, уни қотил эмас, деб қўйиб юборамиз…

– Кирганингда фақат бойликларни сўра!

– Ишқилиб, ўлиб қолмасин-да!

Бойликлар икки лашкарнинг оромини ўfirланганди. Овқатланиб бўлишгач, яна пастга тушишди. Биринчи хонада оёғидан осилган бандилардан бири алаҳсиради. «Сув, сув беринг, ичим ёниб кетяпти! Олдингизда сув турибди ана, бир пиёла узатинг! Бoshим сувга тегиб турибди-ю, оғзим етмаяпти!» Иккинчиси нуқул инқилларди. Қамчилардан титилиб кетган елкасидан қон томчиларди. Қўли ёғга солинган ўғри эса пўрсилдоқ босган ва шишиб кетган бармоқларига қараганча йиғларди. Унинг ёнида эса тирноқлари суфуриб олинган бошқа йигит бехуш ётарди.

Оёғидан осилган Мансурнинг оғзидан чакиллаб томаётган қон анча жойни эгаллаганди. Кўп овқат еб, зўрга нафас олаётган Асқар Мансурнинг тепасига келди. Энкайиб, унинг кўзларига тикилди. Кейин шеригига юзланиб:

– Саттор, бери кел, манави ўлганга ўхшайди, – деди шеригига.

– Жон бериш осонми? Ўтган ой биттаси бир ҳафта осилиб ётганда ҳам жони чиқмаганди. Томирини ушла-чи!

Саттор энкайиб, Мансурнинг бўйнига бармоини қўйди.

– Урмаяти, ўлганга ўхшайди!

Асқар ишонмай, бармоини Мансурнинг томирига қўйди.

– Нима қилдик энди?

– Капитаннинг ўзи урган, жавобини ўзи беради, – деди Саттор. Улар оёғидан осилган тутқунни занжирдан бўшатишни хаёлларига келтирмай, яна ташқарига чиқишиди. Мирзаҳмаднинг эшиги олдига етганларида, ичкаридан чиқкан лашкар уларга шу сўзни айтди:

– Капитан кетдими?

– Жавоб бердик, нимайди?

– Онасининг қотили топилибди. Ҳозир мелисадан қўнфироқ қилишиди.

Саттор шеригига қаради. У индамай бошини эгиб қолди.

Ичкарида икки лашкар ўтирарди.

Мирзаҳмад икки тонна ёғ олиб келиш учун одамларини шаҳардаги ёғ заводи директорининг ҳузурига жўнатганди. Бироқ бошлиқ уларнинг талабини рад этди. Тарвузлари қўлтиғидан тушиб, қайтиб келишганди.

– Сиз айтган ёғни беролмайман, ҳозирча икки юз килограмм олиб турасизлар, кассага пулинни тўлаб, олиб кетишларинг мумкин.

Лашкар бошлиқقا қаради.

– Ҳазиллашяпсизми, Йўлдош Ботирович?! Бизнинг хўжайин кичкина одаммас. Иккинчидан, ёғни пулга эмас, текинга олиб кетамиз.

– Бошлифингизга айтиб қўйинг, менинг идорамда текинга бериладиган нарсанинг ўзи йўқ! Ҳаммаси халқники! Уларнинг ризқини қийиб, сиз сўраган ёғни ебкетарга беролмайман!

– Ҳазиллашмаяпсизми?

– Жиддий гапирайпман! – деди директор.

– Гапингизга ответ қиласизми?

– Аллоҳнинг ҳузурида ҳам жавоб бераман!

Лашкар Йўлдош Ботировичнинг гапларини оқизмай-томизмай Мирзааҳмаднинг қулогига етказаётганди. Унинг қоши чимирилиб, туклари ҳурпайиб, иссиғи чиқиб кетди.

– Менинг кимлигимни тан олмадими? Пул талаб қилдими, ҳароми? Кунини кўрсатиб қўяман, шошмай турсин!

Мирзааҳмад бу гапларни шу қадар fazab ва нафрат билан айтдики, агар директор қархисида бўлганида фажиб ташлашга тайёр эди.

– Лаънатининг бирор айби борми?

– Ишидан билмадим, аммо одамларимиз унинг микрорайонда бир тул хотинниги кириб-чиқишидан хабар топганлар.

– Бузуқ! – қўлларида қалтироқ турган Мирзааҳмаднинг лабидан шу сўз чиқди. – Изига тушинглар! Ўша хотиннинг уйи атрофига одамларимиздан қўйинглар. Ичкарига кириши билан ушлаб, иккаласини яланғоч қилиб, бўйнига, «мен бузуқман», «мен фоҳишаман», деган ёзувни илиб, эшакка тескари миндириб, шаҳарни айлантиринглар!

– Ҳақ жазо! – кулди лашкарлардан бири.

– Бошқаларга ибрат бўлади, – қўшилди иккинчиси.

– Энди бир дуо қилинг, лашкарбошим!

Мирзааҳмад қўлларини кўтариб, лаблари пичирлаб, ўзича нималардир деб, юзига фотиҳа тортди. Улар чиқиши билан Саттор кирди.

- Тақсир, Анийни ўлдирган бола ўлиб қолибди.
- Ёмон урганмидиларинг?
- Астағфируллоҳ, хўжайин, уни биз урмадик, Анийнинг ўғли, капитан урди.
- Расмга олиб қўйғанмидиларинг?
- Ўзимиз гувоҳмиз-ку!
- Вақти келиб, жавобини ўзи беради.
- Ўлигини нима қиласайлик?
- Кечаси дарёга ташлаб юборинглар!
- Жасади чиқиб қолса, гап-сўз кўпаймайдими?
- Мелисани айблашимиз учун баҳона топилади.

Ҳар доимгидек тунги соат ўнларда ўнта енгил машина қароргоҳдан чиқди. Лашкарлар машиналарнинг устига ўтириб, чироқларни ёқиб, сигналларни чалиб, бақириб-қийқиришиб, ўзларича тунги осойишталикини сақлашга чиқишиганидан элни огоҳ этишди. Машиналардан бири дарё томон бурилди. Сув кўтарилилганди. Машина сув бўйида тўхтади. Икки йигит пастга тушди. Орқа капотни очиб, оғир қопни олиб, сувга ташлашди. Бу Мансурнинг жасади эди.

- Хайрият, хеч ким кўрмади, – деди биринчиси.
- Осонгина қутулдик, – деди иккинчиси.

МОСКВА

Бу хонанинг олдидан ўтган ҳар қандай одамнинг юраги бир бор сесканиб тушади. Ичкаридаги ёритгичлар ишчилар кетиши биланоқ ўчирилади. Фақат ташқаридаги чироқлардан тараалган шуълалар бўёқ чапланган ва чанг-фубор ўтириб қолган ойналар оша ичкарига ўтиб, мармар плитали полни ва унинг ичидаги жихозларни фира-шира ёритиб туради. Гарчи чироқ ёқилмаса-да, кирган одам бемалол ҳаракатланиши мумкин.

Деразадан ошиб ўтган икки кимса эҳтиёткорлик билан қадам босиб, йўлакдан келишарди. Унинг адогида деворга ўрнатилган кичкинагина ёритгич ёниб турарди. Эшикка қулф солинмаган бўлса-да, маҳкам ёпилганди. Нотаниш кимсалардан бири елкасига жасадни ортиб олганди. Паст бўйли кимса эса олдинда йўлбошлилик қилиб борарди. Иккиси эшик олдида тўхташди. Лекин ичкарига киришга шошилишмади. Орқаларига қараб олишди. Кейин пакана бўйли кимса бурагични пастга босди. Эшик овозсиз очилди. Ичкаридан чиққан қўланса ис келгувчиларнинг димогини ёриб юбораёзди. Улар аксириб юборишдан ўзларини зўрга тийишиди. Бурунлари билан нафас олиб ичкарига киришди. Хона каттагина эди, ўнга яқин стол секциялар ёнма-ён қўйилганди. Учтасида мурдалар ётарди. Пакана одам уларнинг бош томонига ўтиб, устига ташланган оқ матони кўтарди. Қотиб қолган совук юзларига диққат билан тикилди. Кейин ҳар бирининг баданини силади.

- Қайси бири? – сўради жасад орқалаб турган кимса.
- Ўртадагиси, – деди шериги.
- Адашмадингми?
- Нега адашай, бадани иссиқ-ку!
- Кўтар!

Пакана одам мурдани кўтарди. Иккинчиси елкасидаги жасадни унинг ўрнига қўйди. Кийимларини алмаштиришди.

Улар орқага қайтишиди. Деразадан ошиб ўтишиб, деворни паналаб анча юришди. Қоровул ухламаганди. Эшик олдидаги хонада ўтиргани боис, орқа деразадан ошиб ўтган одамларни кўрмаганди.

Нотаниш кимсалар мурдани девордан ошириб ўтказишиди. Қоронғи йўл четида енгил машина турарди. Пакана одам чаққонлик билан юхонани очди. Ичи-

га мурдани тиқищди. Бир соатдан кўпроқ йўл босиб, шаҳар четидаги дала ҳовлига келишди. Эллик ёшлардаги тўладан келган уй эгаси уларни қарши олди.

– Хеч ким кўрмадими? – сўради хавотирли оҳангда.

– Ҳаммаси жойида, Стефан! – жавоб қилишди улар.

– Ичкарига олиб киринглар!

Улар мурдани кўтариб, уй эгасининг ортидан эргашиб, хонага киришди ва жасадни диванга ётқизиши. Стефан ҳамёнидан бир неча дона доллар олиб, уларнинг қўлига тутқазди.

– Ортиғи билан!

– Хизматингиздамиз! – дейишди нотаниш кимсалар ва қўлларини қўксиларига қўйиб, хонадан чиқиб кетиши. Стефан мурданинг юзига диққат билан тикилди. Кейин тортмадан дори сўрдирилган шприц олиб, жасаднинг юрагига санчди. Бир неча дақиқадан кейин унинг оқариб кетган юзида тириклик аломатлари зоҳир бўлди. Қотиб қолган мушаклари бўшашиб, қизиллик югурди. Томирларидаги қон харакати тезлашди, юрагининг уриши нормал ҳолга келди. Беш дақиқа ўтиб, «мурда» кўзини очди. У уйқудан турган одамга ўхшарди. Ўзининг бегона жойда ётганини билди.

– Мен қаердаман?

– Дўстларингиз ҳимоясидасиз! – жавоб қилди Стефан.

– Ўрнимдан турсам бўладими?

– Бир оз ётиб, дам олишингизни маслаҳат бераман!

Faфур диванга ёнбошлади. «Ким олиб чиқди мени турмадан? Нима учун мен унга керак бўлиб қолдим?» У қанчалик ўйламасин, миясида айлананаётган саволларга жавоб тополмади. Бу орада Стефан ошхонадан қаҳва олиб чиқди.

– Ичинг, тетиклашасиз!

Қахвани ичгандан кейин Faфур дадиллашди.

– Чўмилиш хонасига кириб, ювиниб олишингиз мумкин, – деди Стефан унга. – Ичкарида сиз учун янги кийимлар тайёrlаб қўйилган.

Йигит чўмилди, соқолини олди. Кийимларини алмаштириди. Хонага қайтиб кирганида диванда нотаниш одам ўтиради. У қирқ ёшдан ўтиб қолган, сариқ юзли, узун бўйли кимса эди. Синчков нигоҳларидан унинг махфий идора ходими эканлигини билиш қийин эмасди. Стефан эса қўринмасди.

– Мен Мартин Бреггман, – ўрнидан туриб, ўзини танишитирди бегона одам. – Сиз билан учрашганимдан баҳтиёрман.

– Сизни биринчи кўришим, – Faфур хижолат тортди.

– Мана, энди биз бир-биrimiz билан яқиндан танишиб оламиз, – Мартин ёнидан Faфурга жой кўрсатди.

– Марҳамат, ўтиринг!

– Мени сизнинг одамларингиз қутқардими?

– Холис хизмат қилдик, жаноб!

– Сабабини тушунириб беролмайсизми?

– Бу сиз учун аҳамиятли эмас, деб ўйлайман.

– Ахир мени кенгаш аъзолари аллақачон ўлимга маҳкум қилишган.

– Биламан, Чегечи ҳам, рус разведкаси ҳам, қолаверса, рус мафияси ҳам изингизга тушишган. Сиздан яшириб ўтирмайман. Кенгашнинг яқинда бўлиб ўтган йиғинида Чегечи бошингиз учун катта маблағ ажратди. Руслар терговдан сўнг сизни ўзбекларнинг қўлига топширишмоқчи эди...

– Мен уларнинг бирортасини тирик қолдирмайман! Айниқса, Эргаш билан Чегечининг қонини ичмай ўлсам, бу дунёдан кўзим очиқ кетади.

– Қасос олишга бу қадар шошилманг. Дунёда ҳамма нарсанинг ўз вақт-соати бор.

– Биласиз, мен ватанга қайтиб боролмайман. Яна қанча яшайман – буни ҳам билмайман. Ҳар дақиқа мен учун фанимат. Эртага афсус қилишни истамайман! Душманларимнинг тирик юриши эса ҳаётим хатарда эканлигини билдиради. Мен бой берган дақиқалар фақат уларнинг фойдасига ишлайди!

– Сизни бу қадар қасоскор эканлигинизни билмас эканман, Faфур жаноблари! Аслида сиз ҳақсиз. Душманларингиз ўта маккор одамлар. Улардан ҳамма ишни кутса бўлади. Шундай бўлса-да, шошилмасликни маслаҳат бераман! Бир-икки ой дам олинг, кейин бу масалани ўйлаб кўрамиз...

Faфур қаршисидаги одамнинг мақсадини аниқроқ билишни истади:

– Фурсатни орқага суришингизнинг сабабини билсан бўладими?

Мартин ўйланиб қолди. Юзидаги бояги табасум сўниб, жиддий қиёфа касб этганди. У мақсадини ошкор этишни истамасди.

– Сиз биз учун кераксиз! – деди ниҳоят.

– Қандай топширифингизни бажаришим керак?

– Бизнинг сизга топшириқ беришга ҳақимиз йўқ.

– Каминани бекордан-бекорга қутқармагандирсиз...

Мартин Брэгг Faфурнинг жиддий ташвишга тушаётганини пайқади. Уни ишонтира оладиган бирор жўяли гап хаёлига келмасди.

– Бизнинг кўмагимиз беғараз, дўстона ёрдам ўрнида қабул қиласиз! – у ўзининг бу гапи билан тортишувга барҳам бермоқчи бўлди. Лекин Faфур саволига аниқ жавоб олишни хоҳларди:

– Ташкилотингиз мени ҳимоясига олишидан қандайдир мақсадни кўзлаганини кўнглим сезиб турибди. Қолаверса, мен очиқ ўйин тарафдориман. Ўзингизга маълум, боя айтганимдек юртимга қайтиб

боролмайман. Бундан ташқари, Москвада ҳам қололмайман. Англияning эшиклари ҳам беркилди. Интерпол изимга тушганини айтмасам ҳам биласиз. Бунинг устига мени изолятордан олиб чиқиш учун каттагина маблағ сарфлаганингизга ақлим етиб турибди.

– Бу қадар хавотирланишингизга асос йўқ, азизим, – яна Faфурни тинчлантиришга уринди Мартин.
– Руслар сизни Англиядан қайтариб келишганини хозирча Тошкентдаги ҳамкасларига маълум қилишмаган. Биз мурдахонада айнан сизга ўхшаган, Осиё миллатига мансуб одамнинг жасадини қолдирганмиз. Улар мурдани ёриб, ўлим сабабларини аниқлашади-ю, ҳафсалалари пир бўлиб, кўмиб юборишади.

Faфур Martinнинг сўзларидан мақсадини фош қилишга шошилмаётганлигини тушунди.

– Мени Москвада қолдирмоқчимисиз? – сўради ўзининг кейинги тақдирини билиш мақсадида.

Martin Брэгг саволга жавоб қайтаришга шошилмади.

– Албатта, бу мамлакатда қолишингиз хатарли. Бизнинг мақсадимиз – сизни ғанимларингиз кўзидан олисроқ жойда сақлаш.

– Қаерда?

– Танлаш имконияти ўзингизда.

Faфур ҳаёти учун хавфсиз бўлган мамлакатни танлаш имкониятини Martinга қайтарди.

– Мени ҳимоя қилиш сизнинг вазифангиз экан, қайси давлатда яшшимни ҳам ўзингиз ҳал қилганингиз маъқул!

Faфур имкониятни қайтаргани Martinни бениҳоя мамнун қилди. Бу эса уни бундан кейин қаршисидаги одамга ҳамда унинг ташкилотига ипсиз боғлаб қўйганини билдиарди.

– Мен сизга тўрт мамлакатдан бирини танлашингизни тавсия қиласман...

– Улар қайси давлатлар экан? – шошиб сўрадиFaур.

– Швейцария, Норвегия, Австрия ва Германия.Хоҳлаганингизни танланг!

Бу давлатларни рус ва ўзбек разведкасининг назаридан четда, деб бўлмасди. Мартин ва унинг ташкилоти Faурни бу мамлакатларда яшаш имкониятини чамалаб чиқсан ҳамда унинг хавфсизлигини таъминлаш масаласига жиддий эътибор беришган.

– Менимча, Австрия маъқулроқ, – деди Faур бироз жимлиқдан кейин.

– Таклифингизни бажонидил қабул қилдим, – мамнуният билан деди Мартин.

У ёнидаги дипломатни очди ва унинг ичидан паспорт билан чекни олиб, Faурга узатди:

– Бу сизнинг янги паспортингиз. Бугундан эътиборан сиз Туркманистон давлатининг фуқаросисиз, исмингиз Нурмурод Давлатмуродов. Мана бу чекда эса бир миллион доллар. Хоҳлаган пайтда эҳтиёжингизга керагини олиб, ишлатишга ҳақлисиз.

– Мен бу ерда узоқ тураманми?

– Одамларимиз эртага сизни Белорусга олиб кетишади. У ердан Венага учасиз. Зальцбургда сизни шинамгина вилла, Германияда ишлаб чиқарилган энг сўнгги русумдаги енгил автомашина ва хизматкор аёл кутмоқда. Ўйлайманки, улар сизга ёқади.

Мартин сирли жилмайиб қўйди. Faурнинг эътибороз билдиришга тили айланмади. Бироқ унинг миясида, «Бу қадар катта миқдордаги бойликлар ниманинг эвазига ҳадя қилинмоқда?» деган савол айланарди. Бугун бўлмаса эртага, албатта, Мартин ёки унинг одамларидан бири у билан учрашувга чиқиши, қандайдир топшириқларни бериши муқаррар эканлигига инонарди. Қувончли томони шунда эдики, рус ёки ўз-

бек разведкаси энди унинг исини ололмайди. Ачинарлиси ва қайгули томони эса, туғилиб ўсган она юртидан олисларга кетади, уни қайтиб кўролмайди.

САМАНГАН

Баширга пакет айтилган одамнинг қўлига топширилганини, «юк»ни эса Ҳикмат олиб кетганини маълум қилгач, лагерга қайтдим. Бу ерда мен қутилмаган воқеанинг устидан чиқдим. Европа давлатларининг биридан келган руҳшунослар камикадзеларни жиҳод жангига тайёрлашаётганди. Ўн олтинчи чодирдагиларнинг қиёфасидан, юриш-туришларидан, бировга қўшилмасликларидан, ўлимни бўйинларига олганликларини билиш қийин эмасди. «Одамнинг қўзларига қараб, унинг дилидаги гапларини уқиб олиш мумкин», дерди бир пайтлар Крамаренко. Мен олислардан бўлса-да, уларнинг юз-қўзларига қараб, камикадзелар ҳар қандай қабиҳ ишдан қайтмасликларини, одам ўлдириш улар учун чумчуқ сўйишдан осон эканлигини, «Жиҳод камари»ни ишга сол!» дейилган буйруқ берилса, заррача иккиланмай, ўзларини истаган жойда портлатиб юборишлари мумкинлигига иқрор бўлдим. Уларни бир сония ҳам кўздан қочирмасликка, имкон топилса, улар орасидан таниш топишни ўйлардим. Афсуски, камикадзелар бегоналарга қўшилишмасди, ташқарига кам чиқишарди. Руҳшунослар улар билан ёлғиз сухбатлашишарди. Машғулотлар чодир ичидаги узлуксиз кун-у тун давом этарди. Баъзида чодир олдидан ўтаётганимда уларнинг, «Жиҳод!» деб қичқирган овозларини эшишиб қолардим. Овозларидан ўзларини ўлимга маҳкум этишганини, ҳеч қандай тўсик уларни танлаган йўл-

ларидан қайтара олмаслигини ҳамда қаҳр-ғазабининг кучлилигини билардим.

Тайёргарликнинг кучайтирилганидан уларни яқин кунлар ичида қаёккадир жўнаб кетишларини билса бўларди. Қайси шаҳарларга боришларини билишим зарур эди. Бошлиқларимнинг кўп бор таъкидлашига қарамай, ўзим учун лагердаги йигитлар орасидан ишончли ёрдамчи топа олмадим. Мурод ҳали ҳам назоратимда эди. Кўз оstimга олганларни синаб кўриш, ишонч ҳосил қилишим учун фурсат лозим эди. Кўпроқ ишлашимга, атрофдагиларнинг ҳар бирининг олаётган нафасидан хабардор бўлишимга, марказ сўрайдиган маълумотларни ўша заҳотиёқ жўнатишга шай турмоғим лозим эди. Айниқса, камикадзелардан бирортасининг чегарани бушиб ўтишига йўл қўймаслик лозим эди.

Кунларнинг бирида, икки камикадзенинг ўзаро гаплашаётгани тасодифан қулоғимга чалиниб қолди.

- Сени қаёқقا жўнатишмоқчи?
- Водилга борасан, дейиши. Сени-чи?
- Мен пойтахтда қоладиган бўлдим.
- Қачон жўнашимизни айтишдими?
- Душанба куни сахарда йўлга чиқармишмиз.
- Хаммамиз бирга кетарканмизми?
- Чегарагача шундай. Ўша ерда бизларни ҳар томонга тарқатиб юборишар экан.
- Билсанг, ўлишни сира истамайман. Ўттиз беш йил яшаб, ҳаётда нимани кўрдим? Ахир, дунёга ўлиш учун келмаганман-ку!
- Ҳай, ҳай, астағфируллоҳ, де! Шайтонга ҳай бер, бундай фикрни миянгдан чиқариб ташла. Анавилар эшитиб қолишиша, терингни шилиб олишади.
- Бизларнинг теримизни аллақачон шилиб олишган.
- Сенга нима бўлди? Нега ўзгариб қолдинг? Аввал бунаقا эмасдинг-ку?!

– Уч кундан бери тушимга онам киради. Кўзи тўла ёш. «Сени шу умидда катта қилганмидим, берган сутимга икки дунёда рози эмасман!» – дейди.

– Тушга ишонаверма.

– Ахир, бизнинг борадиган жойимиз жаннат. Роҳат-фароғат кутмоқда бизни!

Камикадзеларнинг суҳбатларини тинглаб, улар душанба куни йўлга чиқишини билдим. Бунгача уч кун вақт бор. Зудлик билан марказни огоҳлантириш лозим.

* * *

Лагерга келган нотаниш кимсалардан бири соқчининг: «Сабр қилинг, хўжайин бандлар», – деганига қулоқ солмай, Эргашнинг хонасига кириб борди. Унинг ҳаракатларидан эмас, важоҳатидан ҳам қандайдир кўнгилсизлик бўлганини пайқаш қийин эмасди. Мехмоннинг ортидан ичкарига кирдим. У тўдабоши билан салом-алик қилиб ўтирмади.

– Мулла Умар жанобларининг шошилинч топшириғи билан келдим, – деди асабийлашган ҳолда. – Шоҳ Маъсуднинг аскарлари ёрдамга келаётган икки юз нафар одамимизни йўқ қилишди. Ҳазратим қаттиқ дарғазаблар. Изимизга тушган фанимларимиз бугун-эрта бу ерларга ҳам етиб келишлари мумкин. Ҳозироқ омборингиздаги хориждан келтирилган ўқдори ва қурол-аслаҳаларни олиб кетамиз! – деди.

Эргаш бу таклифни ўзига бўлган ишончнинг йўқолиши, деб тушунди.

– Ҳазратимнинг хавотир бўлишларига ўрин йўқ. Хотиржам бўлсинлар. Омборимга ёт одам яқин келолмайди. Ишончли соқчиларни қўйганман!

Вакил тўдабошининг сўзига аҳамият бермади.

— Одамларингизга буюринг, қуролларни машинага юклашсин!

— Қаёққа олиб кетмоқчисизлар? — умидсизлик билан сўради тўдабоши.

— Ҳазратимнинг яқинлари Помир тоғининг этагида қуролларни кутишмоқда.

Эргашнинг кўнгли бирдан юмшади. Қуроллар Помир тоғига олиб бориладиган бўлса, демак, у ерда яна бир лагер иш бошлаган.

— Яхши, мен ҳозир соқчиларга тайинлайман, улар сизларга ёрдам беришади.

Ташқарига чиқдим. Кўпчиликнинг кўзи чодирда эди. Мулла Умарнинг одами нима сабабдан бу қадар шошиб келганини билишга қизиқишаётгани кўзларидан сезилиб турарди. Улардан бири тоқат қилолмай, ёнимга келди. Мурод уч қадам нарида менга юзини тескари ўгириб турган бўлса-да, жавобимни эшитиш учун вужудини қулоққа айлантирганди.

— Нима гап, анавилар нимага келибди? — сўради узун бўйли, қотмадан келган йигит. Унинг исми Зоҳид эди. Эргашнинг ишончли «қулоқ»ларидан бири, кўплаб бегуноҳ йигитларнинг бошига оғир кулфатларни соглан. Ҳатто, айримларини қийнаб ўлдирганидан хабардор эдим.

— Ўқ-дориларни олиб кетишмоқчи экан, — дедим бепарволик билан овозимни баландлатиб.

— Қаёққа олиб кетишмоқчи экан? — унинг қизиқиши ортди.

— Помир тоғига. У ерда қандайдир одамлар кутишчаётганимиш.

Кўзимнинг кири Муродда эди. Тескари қараб турган бўлса-да, сўзларимни эшитганини қулоқларининг чимирилганидан сездим.

Эргаш ичкаридан чиқиб, соқчиларга буюрди:

— Омборни очинглар! Қуролларни машинага юкландар!

Соқчилар яшикларни машинага юклай бошлашди. Омборда анчагина ўқ-дори борлигини шунда билдим.

Бир пайлари бир яшик динамитни яшириб қўйгандим. Бирор билан бирорнинг иши бўлмай турган пайдада улардан фойдаланишга қарор қилдим. Вақт тифиз эди. Ҳаётимнинг хавф остида қолишини ўйлаб ўтирамадим. Жар ичидағи кичкинагина форчадан икки дона динамитни қўйнимга солиб чиқдим. Машина олдига келиб қолганимни ўзим ҳам сезмадим. Ҳаяжонимни босолмасдим. Назаримда ҳамма менга қараб, қўйнимда дўппайиб турган динамитларни кўриб тургандек эди. Соқчилар яшикларнинг ярмини юклаб бўлишганди. Бу ерда узоқ туриш мумкин эмасди. Кимдир чақириб қолиши мумкин. Машинанинг олд томонига ўтдим.

— Қани, йигитлар, тезроқ бўлинглар! — ўзимча яшикларни ичкаридан олиб чиқаётганларга топшириқ бера бошладим. Эҳтиёт бўлиб юкландар, сочилиб кетмасин! Кўзларинг қаёқда, яшикларнинг ораси очиқ қолмоқда. Жипсланглар! Ҳой, Мурод, чиқ, ўзинг жойлаштириб!

Мурод машина устига чиқди ва яшикларни жипслаштириб жойлай бошлашди. Мен кузов ичига тушиб, қўйнимдаги динамитларни жойлашга улгурдим. Назаримда буни ҳеч ким кўрмади, деб ўйлагандим, бироқ кўз қирини тез-тез ташлаб қўйганидан хаёлимга келган фикр ўринсиз эканлигини, қилган ишим Муроднинг эътиборидан четда қолмаганини билдим. Лекин бўлар иш бўлганди, динамитларни қайтариб олишнинг иложи йўқ эди.

«Юк» учун келганлар Эргаш билан хайрлашиб, жўнаб кетишди. Тўдабоши юрагининг бир бўлагидан

айрилгандек, узоқ вақт машина изидан хомуш қараб қолди. Кўзларим билан Муродни изладим. Кўрин-масди у. Қаерга даф бўлган бўлиши мумкин?

Ярим соатлар ўтиб, беш-олти чақирим нарида гум-бурлаган овозлар эшитилди. Кейин бунга ўқ овозла-ри қўшилди. Осмонни қора тутун қоплади. Эргаш ташвишланиб, одамларидан бир нечтасини ўша томон-га жўнатди. Бир соатлар ўтиб, улар қайтиб келишди.

- Машина портлаб кетибди, – дейишди хабарчилар.
- Ким портлатибди? – сўради тўдабоши.
- Назаримда бу душманларнинг иши!

Тўдабоши бошини чанглаб, ярадор айикдай бўки-риб, ерга тиз чўкиб ўтириб қолди. Мурод кечки пайт лагерда пайдо бўлди. Негадир ҳаяжонланарди у...

* * *

Кутилмаганда камикадзеларнинг жўнаши ҳақи-даги хабарни эшитиб қолдим. Марказга маълум қилмоқчи бўлдим. Бирок алоқа воситаси ишламай қолди. Нима қилиш керак? Наҳотки улар юртга ўтиб кетиши-са? Йўқ, бунга йўл қўйиб бўлмайди! Уларнинг битта-си қанчадан-қанча одамларнинг ёстигини қуритади, бошига қулфат, оғат-балоларини солади. Даҳшат-лиси, ўзларини оломон гавжум жойларда портлатиб юборишади. Келажагини ўлимдан сўнг жаннатдан то-пишга ишонган, онглари заҳарланган бу кимсалар че-гарадан ўтадиган бўлса, ватан, халқ олдида кечириб бўлмайдиган мудҳиши хатога йўл қўйиған бўламан. Ай-бимни на қоним билан, на жоним билан юва оламан. Олдимда биргина йўл турарди.

Кечқурун жарга тушдим, динамитларни олиб қайт-дим. Шу куни Эргашнинг элликдан кўпроқ одами Баширнинг топшириғи билан жанубда ҳукмронлик

қилаётган Абдурашид Дўстум аскарларига зарба бериш учун кетишганди. Ҳаво булут эди, майдалаб ёмғир томчиларди. Кўпчилик чодир ичига кириб кетган бўлса-да, ҳали ухлашмаганди. Мен ҳам ётогимга кирдим. Ёстиққа бош қўйиб, чодирни портлатиш ревясини ишлаб чиқдим. Соқчиларни чалғитиб бўлмасди. Айниқса, қоронги тушганда ўн олтинчи чодирга тўдабошидан бошқа ҳеч ким яқин боролмасди. Одамнинг уйқуси келадиган пайт тунги соат икки билан уч оралифи. Ёмғир тезлашарди. Йирик томчилар чодир томини ноғарадек чаларди. Шерикларим ухлаб қолишиди. Соат иккода ўрнимдан турдим. Қўйнимга динамитларни жойладим. Қўллимга бир дона гранатани олдим. Соқчилар сезиб қолишса, чодирга кириб, ўзими ҳам камикадзеларга қўшиб портлатиб юбораман, деб ўйладим.

Соқчилар жойларида кўринишмади. Ёмғирдан қочиб, ичкарига кириб олган бўлишса керак. Ўн олтинчи чодирга яқин бордим. Оёғим ости сув ва лой эди. Қадам босганимда чилпиллаган товуш чиқарарди. Эҳтиёткорлик билан юра бошладим. Чодир эшиги олида ўтирган икки соқчини кўриб қолдим. Бахтимга улар тескари қараб ўтиришарди. Эшикдан киришнинг иложи йўқ. Орқа томондаги деразадан ёки чодирни йиртиб кириш мумкин. Соқчилар шарпамни сезишмади. Сассиз ўтиб кетдим. Ханжар билан чодирни йиртиб, ўзим сифадиган тешик очдим. Камикадзеларнинг ҳаммаси ҳам ухламаганди. Айримлар йўталарди, алаҳсирарди, баъзилар хуррак отарди. Ерга ётиб, илондек судралиб, каравотлар орасидан ўтиб, уч жойга динамит жойладим. Кейин орқага қайтдим. Ташқарига чиққанимда соқчилардан бири эшик олдида чоптирди. Кейин жойига қайтиб ёнбошлади. Мен чодиримга қайтдим.

Ҳаммасини бекам-у кўст бажаргандек эдим, гўё. Динамитлар яна беш дақиқадан кейин ишга тушади. Хаёлимдан, «Портламаса-чи?» деган ўй кетмасди... Икки дақиқа қолганида юрагим ҳаприқди. Болиш билан юзимни тўсдим.

– Оёғингдаги этик меники, ечиб қўй! – ён томонидан овоз келди. Бошимни буриб қарасам Мурод, кўзларини бақрайтириб, менга қараб ётибди. Ток ургандай вужудим жимирилаб кетди. Ташқарига чиққанимни кўрган. Шошилинчда унинг этигини кийиб олган эканман. Кўлимни ёстиқ остига сукдим. Ханжарнинг дастасидан тутдим. Шу пайт ер қимирладими ёки тоғлар қуладими – билмадим, даҳшатли овоз борлиқни титратиб юборди. Динамитлар бирин-кетин ишга тушганди. Осмон ёришиб, теварак-атроф алангичида қолгандай қизил тусга кирди. Жангарилар ўринларидан туриб, бақириб-қийқириб, ялангоч ҳолда ўзларини ташқарига отишли.

Мен учинчи динамитнинг портлашини кутдим. Бироқ у ишга тушмади. Чодиримиз ёнарди. Муродни изладим. Сотиб қўяди, деган хавотир юрагимни мижфиларди. Ташқарига чиқдим. Кўзим ўзларини қаёққа уришни билмай, у ёқдан бу ёққа чопиб юрган жангариларга тушди. Қаршимдан Эргаш чиқди.

– Тезда йигитларни тўпла! – ўшқирди у фазаб ёнган кўзларини менга тикиб.

Учинчи динамит кечикиб, ишга тушди. Камикадзеларнинг чодири ўрнида одамни кўмадиган хандақ пайдо бўлганди. Парча-парча бўлиб кетган чодир бўлаклари ёнарди. Темир каравотлар турли томонга учиб кетганди. Бўлакларга бўлинниб кетган одамларнинг жасади тупроқ остида қолганди. Боши ёрилган, қорни иккига бўлинган, оёқ-қўлларидан ажралган кимсаларнинг фарёди динамитнинг портлашидан ҳам

кучли эди. Осмонга сачраган алантар башқа чодирларга ҳам тушганди. Улар ҳам ёнарди. Ўзига келолмаган жангарилаар нима қилишни билмай, дуч келган томонга қочишарди. Оёфи узилган, ичак-човоғи осилиб қолгандар, кийимларига ўт илашгандар бақириб-чақиришарди. Икки кўзим Муродни изласа-да, атрофда тўзиб юрган одамларни тўплашга уринардим. Бироқ менинг буйруғимга ҳеч ким итоат этмасди.

ИСТАНБУЛ

Евтушенконинг одамлари Вадим Вольфовични қўлга олиш режасини ишлаб чиқишига бўлишса-да, бари бир қочириб юборишиди. Мафия отаси ёрдамчиларининг қўлга тушганини эшитган заҳотиёқ, навбат ўзига келганини тушуниб етганди. Бу ерга ҳам уни излаб келишлари мумкинлигини ўйлади. Пулларини дипломатга жойлаб, машинасига ўтириб, айланма йўллар орқали шаҳардан чиқиб кетди. У Москвада қоломасди. Пойтахтдан тезроқ чиқиб кетиши, акс ҳолда бугун-эрта, албатта, уни тутиб олишлари мумкинлигини биларди. Биргина йўл қўшни давлатлар орқали чет элга қочиш эди.

Вадим Вольфович ўзининг уйдан чиқиб кетаётганинги ҳеч ким билмаслигини, мабодо, бу ерга милиция қидириб келадиган бўлса, кўрган одам «сотиб» қўйиши мумкинлигидан чўчиди.

– Петя, бу ёққа кел!

Хизматкор унинг ортидан эргашиб, ертўлага тушди. Петя остонани босиб ўтиши биланоқ, хўжайнин стволни унинг кўкрагига тиради.

– Ёмон хизмат қилмадинг. Мени кечир, азизим!

Петя хўжайнинг қўлидаги қуролни кўриб, ранги оқариб, тилини чайнаб олган одамдай фўнфиллади-ю,

аммо лабидан бир сўз учиб чиқмади. Отилган ўқ юрагига қадалганди.

Вадим Вольфович машина рулини Украинага бурди. Туни билан йўл босиб, Киевга етиб келди. Бориспол аэропортига келиб, Лондонга учадиган самолётга чипта олди. Самолёт фиддираклари ердан узилгунча юраги пўкиллаб турди. Назарида, уни шу ерда ҳам тутиб олишадигандек туюлди. Осмонга парвоз қилгач, кўрқув, ваҳималар тарқаб кетди-ю, бироқ айнан Лондонга чипта олганидан пушаймон бўлди. Яна Томсоннинг хузурига борадими? Ўша бақалоқ, сўхтаси совуқ кимса билан бир столда ўтирадими?

Мафия сардорини унинг келиши эмас, балки «дори» қизиқтиради. Биринчи сўрайдигани ҳам: «Дори» нима бўлди?» деган савол бўлади. Вольфовичнинг юраги қанчалик сикilmасин, энди орқага қайтиш йўли беркилганди.

ФХХ ходимлари мафия отасининг барча қароргоҳларини тинтиб чиқишиди. Ўлиб ётган хизматкорини кўришгандан кейин уни излаш фойдасиз эканлигини тушунишиди. Раҳбарлар ўзларининг хориждаги резидентларига Вольфовични тутиш тўғрисида буйруқ беришиди. Эртаси куни Борисполдан мафия отасининг Лондонга учиб кетганлиги тўғрисида мълумот келиб тушди. Евтушенконинг Англиядаги одамлари бу тўғрида огохлантирилди. Айни пайтда Вольфовичнинг қочиши ФХХ учун террорчиларнинг султониномини олган Мехмед Чегечи билан ҳисоб-китобга нуқта қўйиш имконини ҳам берганди. Понамарёв уларга барча тафсилотларни сўзлаб берганди.

Евтушенко ўзининг Туркиядаги одамига зудлик билан Чегечига Вадим Вольфовичнинг «саломи»ни топширишни буюрди. Топширикни олган резидент Чегечининг қароргоҳига борди. Эшик олдида уни соқчи қарши олди.

– Чегечи жаноблари билан қўришмоқчиман. У кишига айтадиган муҳим гапим бор, – деди резидент.

– Ким келдилар дейин? – сўради соқчи.

– Мен Англиядан келдим. Томсон жанобларининг одамиман. У киши иш юзасидан топшириқ бергандилар.

– Бир оз кутишингизга тўғри келади, бейим бандлар.

– Шошиб турибман, ҳозир қайтишим керак!

Соқчи хўжайинига қўнғироқ қилди. У пастга тушишини айтди.

Чегечи мафия отасидан хабар кутаётганди. Келган одамини куттиришни истамади.

– Хуш келибсиз! – у меҳмонга қўлини узатди. Келгувчи туркнинг юмшоқ бармоқларини сиқиб, бир сония ушлаб турди.

– Нима гап?! – сўради турк.

– Вадим Вольфович иш юзасидан Лондонга кетган. Бир ҳафтадан сўнг сиз кутаётган «юқ» эгаларининг қўлига етиб боради. Шу хабарни етказгани келдим.

– Вадим Вольфович кейинги пайтда ваъдасида турмайдиган одат чиқарди, – ўзича танбех берган бўлди Чегечи. – Томсон жанобларига айтиб қўйинг, руснинг қулогини «бураб» қўйсин!

– Албатта, бу гапларингиз бугуноқ у кишининг қулоқларига етиб боради!

– Мен рус билан алоқани узаман ва Томсон жаноблари билан эски муносабатни тиклайман. Яна шуни маълум қилингки, у кишини аффондан олиб ўтиладиган «дори»лар билан мунтазам таъминлайман. Умид қиласанки, Томсон жаноблари Россиядан янги дўстлар топади.

– Томсон жаноблари у кишининг бир қошиқ қонларидан кечишингизни сўрайдилар! Вольфович сизга берган ваъдаларини бажариш мақсадида Англияга келганлар!

– Шундай денг, – Чегечининг юзи хижолатдан бир оз қизарди. – Унда мен кутаман!

Чегечи меҳмон билан хайрлашиб, хонасига кўтарилиди. Бир соатлар ўтиб, кафтининг қизиб, қичишаётганини сезди. Ярим тунга бориб қичишиш бутун танасига ёйилди. Кўзларидан уйқу қочди. Эрталаб ойнага қараб, ўзини танимади. Сочлари тўкилиб, пешонаси ялтираб, юзига оппоқ тошмалар тошганди. Чегечи шифокорни чақиритирди. Текширувларда унинг касалига аниқ ташхис қўйишолмади. Икки кундан сўнг террорчилар султони фанга маълум бўлмаган қандайдир касаллик туфайли вафот этганлиги тўғрисида газеталарда хабар босилди. Бироқ Туркия махфий хизмат маҳкамаси Чегечининг ўлимида Англия махфий хизмат агентлигининг кўли бор, деган шубҳада жасадни мархумнинг яқинлагрига бермади. Уни текширувдан ўтказиш мақсадида мамлакатнинг таникли олимлари чақиририлди. Афсуски, ўтказилган текшириш жараёнида ҳам Чегечининг ўлимга олиб келувчи сабаблар мавҳум бўлиб қолди.

ХИРОТ – ЖАЛОЛОБОД

Ниҳоят, Шерхон тилга кирди:

– Сенинг бу ерга қирғиз раҳбарларини кутқариш учун келганингни билдим. Менга бунинг аҳамияти йўқ. Оғир пайтда жонимга оро кириб, бошимни сақлаб қолдинг. Яхшилигингга жавоб қайтармоқчиман.

Сейдаҳмедовнинг таваккал қилишдан бошқа чораси қолмаганди. У куролини чакмонининг ичига яширди.

– Раҳбарлар қаерда, уларни кўрдингми?

– Улар шу ерда, бироқ...

– Уларга бирор гап бўлдими?

– Хавотирланма, икковлари соғ-саломат. Бироқ аввал айтганимдек, уларни эрта-индин бу ердан олиб кетишади.

- Қаёқقا?
- Аниқ бир гап айттолмайман.
- Буни қандай билсам бўлади?
- Сабр қилишингга тўғри келади.
- Қанча кутишим керак?
- Анифини эрталаб айтаман.
- Сени шу ерда кутаман.
- Бу иш бекорга битмайди.
- Талабингни айт?
- Бу юртда ҳамма нарса муллажиринг билан ўлчанади.

– Қанча сўрайсан?

– Мен оладиганимни олдим. Энди бошқаларга узатасан!

- Қанча?
 - Минг доллар!
- Пулни қизғанадиган пайт эмасди.
- Яхши, айтганингни тўлайман, бироқ асиirlарни қутқаришга ёрдам берасан!
 - Бу иш қўлимдан келмайди.

Шерхон хайрлашмасдан жўнаб кетди. Сейдаҳмевдовнинг ҳам бангихонада қиласидиган иши қолмаганди. Эртаси куни кечки пайт у яна шу ерда пайдо бўлди. Шерхон келди.

- Омадинг йўқ экан, биродар, – деди афсусланиб.
- Нима гап? – чекистнинг юрагидан бир нима узилиб тушгандай бўлди.

- Одамларингни олиб кетишибди.
- Олиб кетишибди, қаёқقا?
- Билишинг шарт бўлса, чўзасан.

Сейдаҳмевдов бир дона юзталикни Шерхоннинг олдига ташлади.

- Уларни мулла Умарнинг одамлари олиб кетишибди.
- Мулла Умаринг қаерда?

Шерхон бармоқларини қарсилатиб, «чўз», деган ишорани қилди. Сейдаҳмедов яна юз доллар ташлади.

– У Жалолободда. Агар қўпроқ чўзсанг, сенга ҳамроҳ бўлиб боришим мумкин.

Сейдаҳмедов учун Шерхоннинг бориши ҳаводек зарур эди.

– Қанча сўрайсан?

– Кўп эмас, икки минг.

– Минг оласан. Ёнимда пулим оз.

– Пулинг бўлмаса, боришингнинг фойдаси йўқ. У ерда ҳам иш пул билан битади.

Сейдаҳмедовнинг чўнтағида ярим миллион доллар қолганди. Бу пуллар билан ўз одамларини қутқариб олиши шарт эди. Ёнида шунча пул борлигини Шерхон билса, уни соғ қўймаслигини ўйлаб:

– Қанча пул керак бўлади? – деб сўради.

– Камида ярим миллион!

– Иложини қилиб, топаман, – деди.

– Менга бари бир. Одамларингнинг жони керак бўлса, пулнинг юзига қарамайсан.

– Розиман, лекин бир шартим бор.

– Гапир.

– Худо хайрингни берсин, мендан бошқа пул сўрамагин.

– Шарт қўйма, охун. Истамасанг, бошқа одам ёлла.

Афтон ўрнидан турди. Сейдаҳмедов уни зўрға тўхтатиб қолди.

– Қачон йўлга чиқамиз?

– Вақт кутиб турмайди.

– Мен тайёрман.

Улар ташқарига чиқишиди. Кеч бўлиб қолганди. Олислардан автоматларнинг тириллаши эшитилди. Қаердадир граната портлади. Ёнаётган аланганинг қизил шуъласи кўзга ташланди. Кимдир бақирди,

бошқаси хуштак чалди. Кўчаларда тунги нотинч ҳаёт бошланганди.

– Тўхтамасдан йўл боссак, эрталаб Жалолободга етиб оламиз. Ундан у ёғига яна ўттиз чақирим қолади.

– Бирорта машина ёлласак бўлмайдими? – сўради чекист.

– Ўша машинани қайдан топасан?

Кечаси йўл юриш хатарли эди. Кўчаларда «Толибон»лар изғиб юришарди. Кўлга тушганларни аяб ўтиришмасди. Отиб ташлашар ёки зиндонга ташлашарди. Шерхон лашкарларнинг кўпини танирди. У Сейдахмедовни огоҳлантириб қўйди:

– Йўлимиздан миршаблар чиқса, юзталикни қистириб қўясан.

– Худо йўлиқтирмасин!

Бир чақирим юришмай, икки миршаб чиқди.

– Кимсизлар?!

– Абдулатиф жанобларининг йигитларимиз, – деди Шерхон. – Топшириқ билан Жалолободга кетяпмиз.

– Ҳужжатларинг борми?

Шерхон Сейдахмедовга қараб қўйди. Чекист ёнидан юзталикни олиб, киши билмас Шерхоннинг кафтига қистирди.

– Ҳужжатларимиз жойида, тақсир!

– Бир оз кечикибсизлар, яқинда Жалолободга машина жўнаб кетди-я! – кафтидаги «ҳужжатни» ҳамёнига жойлар экан, деди миршаб.

– Ҳечқиси йўқ, тақсир, худо куч берса, эрталабгача етиб оламиз.

Миршаблардан бири Шерхоннинг овозидан таниб қолди.

– Тўхта, тўхта, сенинг исминг Шерхон эмасми? Вой, аблахей, сени бир ойдан бери қидираман. Сўрамаган одамим қолмади. Эсингдами, мендан қиморда қанча қарз олгандинг?!

– Сени танимай турибман!

– Хали танимай ҳам қолдингми?

Миршаб милтиқнинг қўндоғи билан Шерхоннинг елкасига туширди.

– Ёдингга тушдимми? Қани, пулни чўз!

– Ҳозир ёнимда сариқ чақа ҳам йўқ. Беш-ён кун мухлат бер. Сени ўзим излаб топаман.

– Энди мухлат йўқ. Ҳозир тўламасанг, икковингнинг кийимларингни ечиб, яланфоч қилиб ҳайдайман.

Миршабнинг авзойи бузуқ эди. Вазиятни юмшатиш ёки кескин чора кўриш пайти келганди. Миршаблар уларни ечинтириб, ёnlарини титадиган бўлишса, Сейдаҳмедов ярим миллиондан ажраб қолиши ҳеч гап эмасди. Нима қилиш керак? Чекист атрофга кўз юргуртирди. Ҳеч ким кўринмади. Миршаб Шерхонни ечинтира бошлади. Чекист унинг шериги иягига тирсаги билан урди. У оёғи ердан узилиб, тўнтарилиб тушди. Шериги ҳам орқа миясига тушган зарбадан йиқилди.

– Кочдик! – деди Сейдаҳмедов.

Улар қоронги кўчада тезда кўздан фойиб бўлишди. Ортларидан ўқ овози қувди. Яна аллақаерда бошқалар ҳам ўқ узишди. Тўс-тўполон бошланди.

– Дузд! (Ўғри!)

– Ушланглар!

Кочоқлар тепалик сари чопиб боришарди. Бу йўл иккисига нотаниш эди. Ўқ овозлари, «ушланглар», «тутинглар», деган бақир-чақирлар тинмасди. Қочоқлар яйловга чиқиб қолишли. Фақат тепаликка юриш мумкин эди. Пастда уларни йигирмадан зиёд миршаб қувиб келарди. Ўқ овозлари ва бақир-чақирдан уйғониб кетган одамлар кўчаларга чиқишганди. Чекист шеригининг қўлидан ушлаб, деворни паналаб бораарди. Кутилмагандга муюлишдан чиқсан одамга ўзларини уриб олишиди. У қўрққанидан бақириб, мил-

тифининг тепкисини босиб юборди. Ўқ ҳеч кимга тегмади. Сейдаҳмедов унинг қуролини тортиб олди ва кўкрагига тепди. Нотаниш одам пастликка думалаб кетди. Улар яна қочишиди.

Кутилмаганда тепада бир тўда одам пайдо бўлди. Улар қўлларига чироқ ва машъалалар олиб, бақиришиб, осмонга ўқ узишиб пастга тушиб келишарди. Қоҷоқлар қаёққа яширинишни билмай қолишиди. Фурсат тифиз эди. Ўйламай босилган қадам уларни миршаблар қўлига тутиб бериши мумкин эди. Чекистнинг кўзи қудукқа тушди. Биргина нажот унинг ичига тушиб, яшириниш эди. Сейдаҳмедов пастга тушди. Ортидан Шерхон эргашди. Қудуқ у қадар чуқур бўлмаса-да, сув билан тўла эди. Қувлаб келаётганлар ўтиб кетишгунча совуқ сув ичидаги туришга мажбур эдилар. Ўн дақиқалар ўтиб, одамлар шовқин кўтариб ўтиб кетишиди. Ҳамма ҳам ўтиб кетмаганди. Икки киши қудуқ тепасида қолганди. Улар сигарета чекишиди. Нималардир тўғрисида баҳслашишиди. Совуқ сув қоҷоқларга таъсир қилди. Баданлари музлаб, тишлари такилларди. Шерхонни йўтал тутди. Кафтини оғзига босиб, зўрға чидаб турди. Ўн дақиқалар ўтиб, қудуқ тепасидагилар кетишиди. Қоҷоқлар чиқишиди.

Четга чиқиб, гулхан ёқиб, кийимларини қуритишиди. Кейин йўлда давом этишиди. Тонг ёришганда, Жалолободга кириб келишиди. «Толибонлар»нинг қароргоҳига яна ўн чақирим масофа қолганди.

– Сен шу ерда қоласан, – деди Шерхон. – Мен қароргоҳга кириб, ўзимга таниш одамларни топаман. Билиб қўй, «Толибонлар» одамларингни фақат пулга сотади.

Оқшом тушганида Шерхон қароргоҳдан қайтди. Унинг кайфияти яхши эди.

– Одамларимизни кўрдингми?

- Кўрмадим, лекин шу ерда экан!
- Уларни қутқариш мумкинми?
- Сен билан Ҳоким тўра сухбатлашмоқчи.
- Қачон?
- Эртага эрталаб.

Сейдаҳмедов Ҳоким билан юзма-юз бўлишдан чўчимади. Эрталабгача ўртада бўладиган мулоқотда нималарни гапириш лозимлигини ўйлади.

Улар яна йўлга тушишди. Сейдаҳмедовнинг хаёли ҳамон бўлажак учрашувда эди. Ҳоким унга қандай таклиф ва талабларни қўяди? Яна ўша йўлак масаласини тилга оладими? Бунга қандай жавоб қайтариш керак? Балки бошқа мақсади бордир?

Хаёллар уммонига ботган чекист қанча йўл босганини ҳам сезмади. Улар қароргоҳга тонг гира-ширасида етиб келишди. Лекин ичкарига ҳеч кимни қўйишмасди. Бомдод намозини ўқиб бўлган Ҳокимга унинг келганини маълум қилишди. Ҳоким нонуштадан сўнг уни қабул қилишини маълум қилди.

– Ёнингда нимаки бўлса, менга ташлаб кет. Улар тирноғингдан сочингнинг орасигача текширишади.

Сейдаҳмедов тўппончасини олиб, Шерхоннинг олдига ташлади.

- Бошқа яна ниманг бор?

Сейдаҳмедов бир оз ўйланиб турди. У таваккал қилишдан ўзга иложи йўқлигини тушунди. Белига боғлаб олган пулларни ҳам Шерхоннинг қўлига тутқазди.

– Уларни қутқаришим шарт, – деди-ю, бошқа гапирмади.

Шерхон пулларни қўриб, мийифида кулиб қўйди.

Бир оз фурсат ўтиб, соқчилар келишди ва Сейдаҳмедовни Ҳокимнинг ҳузурига олиб кириб кетишиди. Бомбалар тушиб, бир томони нураб кетган бинони қора кийимли, елкаларига автомат ва гранатомёт

осиб олган соқчилар ўраб олишганди. Уйнинг эшик ва деразалари ёниб кетганлиги боис, қалин қора одеял тортиб қўйилганди. Бу қароргоҳ Ҳокимнинг яширин жойларидан бири эканлигини билдириб турарди. Эшик олдига етишганда соқчилардан бири Сейдаҳмедовнинг ҳамма жойини тинтиб чиқди. Кейин ичкарига киришга рухсат берди. Соқчи қора пардани кўтарганида Сейдаҳмедовнинг қўзи тўрда қўлида тасбех ўтириб ўтирган одамга қўзи тушди...

ЮРТДА

Акмал Сафар томонидан қолдирган маблағларни аста-секинлик билан у айтган ишларга сарф қила бошлади. Масжиднинг нураб қолган деворини бузиб, бир машина фишт тўқтириб, бир ўзи деворни кўтарди. Бунга кўпчиликнинг назари тушди. Ёнига киришди. Одамларга масжид таъмирталаб бўлиб қолганини айтди. Кўни-қўшнилар бобосининг дўкони борлигидан, унинг васиятига кўра тушаётган даромаднинг катта қисмини жўнатиб туришганини билишарди.

– Яқинда олти минг юборишибди. Шуни масжиднинг таъмирига ишлатсан, – деб маҳалла катталарига маслаҳат солди.

– Ҳайрли ишни ният қилибсиз, отангизга минг раҳмат! – маъқуллашди улар.

Маҳалладаги бир-иккита ўзларининг гуноҳларидан чўчиб юрадиган эгри қўлли савдогарлар, «Зора, гуноҳимиз енгилласа», деб атаганларининг юздан бир бўлагини Акмалга келтириб беришди.

– Бирор билмасин, гап-сўз кўпаяди. Намозда дуо қилиб қўясиз, домла почча!

– Эҳсон қилаётганингни ўнг қўлинг билса, чап қўлинг билмаслиги лозим. Китобларда шундай дейилган, – жавоб қиласарди Акмал.

Шу тариқа таъмирга ажратилган пуллар Акмалнинг ёнида қолди. Ҳашар йўли билан масжид тикланди. Сафар башорат қилганидай, Акмал имом бўлди. Бу орада меҳмон яна унинг ҳолидан хабар олгани келди. Ишларидан кўнгли тўлди.

– Умра сафарига тайёрлан, – деди кетиш олдидан.
– Худо насиб қиласа, ўша ерда кўришамиз.

– Чўнтағим сал чатоқроқ эди, – чайналди Акмал.

Сафар: «Берган пулларимни нима қилдинг?» деб сўрамади. Гёё ёдидан қўтариլгандай, ҳамёнидан бир боғлам доллар олиб, олдига ташлади.

– Бугундан ҳаракатингни қил!

Акмалнинг Умра сафарига кетаётганини эшитган ўша савдогарлар тавоф қилгани унинг уйига келишиди.

– Ўша ерда бизни дуо қилиб қўйинг, домла почча, – дейишиди олиб келган ҳадяларини олдига ташлаб. – Сиз борадиган жойни кўриш бизларга ҳам насиб этсин.

– Эҳсонларингни худо даргоҳида қабул қилсин!

Самолёт Жиддага қўниши билан Акмални қандайдир нотаниш одамлар машинасига ўтқизиб, ўзлари билан бирга олиб кетишиди. Бегона уйда Сафар қарши олди.

– Биз сизнинг ишларингиздан мамнунмиз, – деди унинг ёнида ўтирган чўққи соқолли кимса. – Сафар-бекнинг айтишига қараганда, кўп ҳайрли ишларни амалга оширибсиз. Бу ҳаракатни тўхтатманг. Атрофинギзга содик дўстларни жамланг. Улар билан гапгаштак ташкил қилинг. Ишсизлари бўлса, пул билан таъминланг. Тижорат ишлари ила шуғулланишсин.

– Бу... ҳамён чатоқроқ-да, – минфирлади Акмал.

– Пулни биз берамиз. Эллик минг долларни беш кишига тақсимлайсиз. Қайтариш учун икки ой муддат қўясиз. Сўнг яна бешта ишончли одамга берасиз. Шундай қилиб, пул айланаверади, атрофингида содик дўстларингиз ортаверади. Пулни қаердан

оляпсан, деб сўрагувчилар топилса, Хитойдаги бобонгизнинг дўконидан келаётганини айтинг.

– Улардан бизга нима фойда?

– Фойдани эмас, одамларнинг ҳурмат-эътиборини қозонишни ўйланг! Лозим пайтда улар айтган ишларингизни бажаришга мажбур бўлишади. Керак бўлса, сизни шаҳар масжидининг имоми қилиб сайлашади.

– Бирор тийин устама олишни хаёлингга келтирма!

– гап ташлади Сафар.

– Тўй-маъракаларда бериладиган эҳсонларни рад этинг. Шундай қилсангиз, одамларнинг сизга бўлган ҳурмати янада ортади. Ақлли, коммунист, ўқитувчи, муқаддам давлат идораларида ишлаган раҳбарлардан йироқ юринг. Худога ишонмайдиган бу бандалар сизга дўст бўлмайди. Айбингизни қидиради, кўпчилик олдида шарманда қиласди.

Бундай сухбат хар куни давом этарди. Олдига бошқа одамлар келарди. Улар шириңсўз, хушмуомала эдилар, меҳмон уларнинг сўзларини бутун вужуди билан тингларди. Келгувчилар аввалгиларнинг фикрларини такрорлашмасди. Оғизларидан чиқаётган сўзлари Акмал учун янгилик эди. Йиллар давомида ўқиб-ўрганган билимлари, қулоқларига кўрғошиндек қуйилган ҳамда ўзи шу қунгача ҳақ деб билган амаллари заарли эканлигини тушуниб етди. Мияси «тозаланиб», янги фикрлар билан тўлди. Энди унинг онгини ҳеч қандай куч, ҳеч қандай мафқура ўзгартиролмасди. Улар томонидан миясига қуиб қўйилган foяларни энг одил ва ҳақ foя, деб қабул қиласди. Юртга жўнайдиган куни миллатлар ўртасида низо келтириб чиқариш хусусида сабоқ олди.

– Биламиз, сизларда кўп миллат вакиллари яшайди. Улар тобора маҳаллий одамларни ҳар томондан қисиб қўйишмоқда. Мансабдорлар ҳам бошқа миллат

вакилларидир. Бу кетишида улар сизларнинг устин-гиздан ҳукмронлик қилишади. Алам қиладигани кў-чаларнинг, мактабларнинг номлари хам ўша миллат вакиллари номига қўйилган. Нега сизлар ўз жонини юрт озодлиги йўлида тиккан Мадаминбек, Эргашбой, Шерматбек жанобларининг номларини абадий-лаштиришга эътибор бермайсизлар?! Қизларингизни бошқа миллат вакилларига турмушга чиқиб кетаётганига ёки эркакларнинг ўзга миллат аёлларини завжаликка қабул қилишларидан ташвишланмайсизлар?! Бу кетишида миллат йўқолади. Бунга барҳам бериш, миллатнинг келажаги учун жон бериш пайти келди. Одамларда миллат фурури қолмаяпти. Яна бир гап, сиз яшаб турган шаҳарда ўзга миллат аскарлари хизмат қилишмоқда. Ватанни ҳимоя қиладиган ўғлонларингиз эса шимолда – совуқ ўлкаларда юришибди. Масжидларда, гап-гаштакларда буни халққа тушунтириш. Уларни ҳайдаб чиқаринглар! Келгиндиларнинг юрагига ваҳима солиш мақсадида намойишлар уюштиринглар. Боласини бу ерга жўнатаётгандар ташвишга тушсин, «Болаларимизни Ўрта Осиёга жўнатмаймиз!» деб исён кўтаришсин. Сизлар гугурт чақсаларинг бас, олов ўша юртларда ёнади. Шуни халққа ётифи билан тушунтириш. Юртни ўзга миллат вакилларидан поклаш фурсати келди. Умид қиласманки, сиздек юраги ватан ва миллат ишқида ёнган хақиқий инсонлар бу ишни кечиктирмайди.

Сухбат тугагач, унинг олдига Сафар кирди.

- Жўнайдиган вақтинг бўлди, йўлга тайёрлан!
- Мен зиёратга бормадим-ку? – сўради Акмал.
- Зиёратга келгуси йил келасан. Бўл қол, самолётнинг учишига бир соат қолди.

Сафардан қайтгач, Акмалнинг хурмат ва обруси ошиб кетди. Маҳалладагилар уни, «хожи ака», деб

чақиришар, тўй-маъракаларда дастурхоннинг тўрига ўтқизишарди.

Акмал ҳожи ўзининг хурматини синаш мақсадида атайин ўтиришларга беш-ён дақиқа кечикиб борарди. «Қўшни маҳаллада йўриқда эдим, олиб кетишиди», деб баҳона қилиб, номига узр сўрарди.

Акмалнинг зиёратдан қайтганига бир-икки ой ўтса-да, устидаги узун оқ кўйлак, оқ иштон, оқ дўпписи-ни ечмасди. Мақсад, одамларнинг эътиборини тортиш эди. Бозорга тушганида харид қиладиган буюми учун тортишар, сотувчига: «Бизнинг хурматимиз йўқми, азиз жойларни тавоғ қилиб келганмиз-а», – деб қўяр, бечора сотувчи хижолат бўлганидан буюмини икки баробар арzonга беришга мажбур бўлар, ҳожи бобо бунинг эвазига қўлини очиб, дуо қилиб қўярди.

Чўнтағидан Хитойда ишлаб чиқарилган қофозли қанд узилмасди. Қофозининг четига «мусулмонлар учун совға», деган араб имлосидаги ёзув битилганди. Болаларни кўриши биланоқ ширинликларни битта-битта улашиб чиқарди.

– Қани, энди нима дейиш керак? – сўрарди Акмал болалардан.

– Раҳмат! – жўр бўлиб бақиришарди улар.

– Йўқ, ундей эмас, – ўргатарди у. – Раҳмат, ҳожи бобо, денглар-чи?

Болалар яна жўр бўлишарди.

– Раҳмат, ҳожи бобо!

– Баракалла, бу сўзни ёдларингдан чиқарманглар, дурустми?!

Ҳожи бобо тез орада маҳалла болаларини ўзига ўргатиб олди. Уни кўришлари биланоқ олдига, «Ҳожи бобо», – деб қичқириб келишарди.

Акмал ўтиришларда хорижда кўрганларини оғзини кўпиртириб гапиришни ёқтиарди.

– Ҳай, ҳай, иморатларни кўрсангиз эди, одамлари бошқача-да... Бир жойга кирсак, бизни ҳукумат бошлиқларидан кутиб олишди. Ана иззат-у, ана икром. Ҳамма бирдай араб тилида гаплашади. Тили ёқимли. Бегона миллатни кўрмайсиз. Эгниларидағи мана бундай оқ кийимларни айтмайсизми?

– Ҳожи ака, – сабр косаси тўлган кекса ўқитувчилардан бири унинг сўзини бўлди, – сиз қайси давлатда яшайсиз?

Ҳожи бобо муаллимнинг мақсадини тушунмади.

– Алҳамдулиллоҳ, шу юртда, – иккиланиб жавоб қилди у.

– Баракалла, сиз мақтаётган ўша юртни бизнинг ватанимиздан ортиқ жойи бор эканми? Одамларимиздаги меҳр-оқибатни, шаҳар ва қишлоқлардаги покизаликни таққосладингизми? Мен сиз кўрган юртга бор-масам ҳам биламан, ўқиганман, телевизорда кўрганман. Кўчаларда одамлар иш тополмай, бошпанасиз, дараҳтларнинг остида ётганини кўрдингизми? Истрофгарчиликни-чи? Халқимиз ерга увоқ тушса, етти букилиб олади. Кўзига суртиб, оғзига солади ёки бир четга олиб қўяди. Сизнинг ахлат яшиклардаги нонларга кўзингиз тушмадими?! Шахримизда эллиқдан зиёд миллат вакили бир оила, дўст-иноқ бўлиб яшяпти. Инқилобдан аввал араб давлатини орзу қилиб кетган айрим юртдошларимиз ҳали-ҳануз ўша юртнинг фуқароси бўлолмай, бир бошпанага эгалик қилолмай, сарсон-саргардон юришганини кўрмадингизми? «Ватанга қайтсам, она юртимнинг бир ҳовуч тупроғини юз-кўзимга суртиб ўлсам, армоним йўқ», – деб йиғлаётганларни учратмадингизми? Устингиздаги оқ кўйлак билан оқ иштонни келганингиздан бери ечмайсиз. Айтинг-чи, миллатимизнинг дўпписи, чопонидан шулар афзалми? Миллий фуур деган нарса бўлади,

одамда. Биз миллатимизнинг урф-одатлари, миллий кийимлари билан фаҳрланишимиз лозим. Қайсиdir чет давлатнинг кийимини кийганимиз билан биздаги имон-эътиқод ўзгариб қолмайди. Ўзбекнинг дўпписи дунёга машхур. Жаҳон бозорида Марғилон, Наманган хонатласларининг баҳосини биласизми? Устингиздаги оқ сурп аслида ўзбек ҳалқининг миллий фуури – пахтасидан олинган. Дунёning бир қатор мамлакатлари тупроғимизда битган «оқ олтин»ни сотиб олишга йиллаб навбат қутиб туришибди. Фабрика ва заводларимизда ишлаб чиқарилаётган матоларимизни харид қилиш мақсадида буюртма беришмоқда. Устингиздаги кийимларни аслида ўзимизнинг чевар қизларимиз тикиб, борган юртингизга экспорт қилишган. Сиз арабларнинг эндиғина қад ростлаётган бинолари билан эмас, ватанимиз тупроғида етиширилган пахтаси билан, ширин-шакар мевалари билан, дунёни лол қолдирган ҳунармандлари ишлаб чиқараётган буюмлари билан, меҳр-оқибатли инсонлари билан, ватан байроғини баланд кўтараётган ўғил-қизларимизнинг эришаётган ютуқлари билан фаҳрланинг! Кўп миллатли ватанимиздаги ҳалқларнинг тинч-тотув яшाइтгани билан фурурланинг! Бундай тинчлик, осойишталик, айтинг, қайси юртда бор? Умрага бориб келганингиздан бери эгнингиздаги матони мақтайсиз. Атрофингида ўтирганларга бир қаранг, бошларидаги дўппи қандай ярашиб турганини кўряпсизми?! Дунёдаги қайси бир ҳалқнинг мана шундай бош кийими бор? Ёдингизга солиб қўяй, мусулмон дунёсини лол-у хайрон қолдирган ат-Термизий, имом Бухорий, Марғилоний, Баҳовуддин Нақшбандий сингари диний илмларнинг сultonлари айнан биз яшаб турган ЎЗБЕКИСТОН, деган улуг ҳамда қутлуг юрт тупроғида таваллуд тошишган. Ўша арабларга сабоқ беришган. Алифни ўр-

гатишган. Ҳар куни дунёning барча бурчакларидан улуғларимизнинг қабрларини зиёрат этгани одамлар юртимизга оқиб келишмоқда. Шундай буюкларни етказган Ватанимизга таъзим қилишмоқда. Индонезия президенти Сукарто Ҳадис илмининг султони имом Бухорий ҳазратларининг қабрларига қирқ қадам наридан эмаклаб келган экан. Булардан фахрланмай, фуурланмай бўладими, домла? Мусулмон дунёси тан олган, ўша арабларни ҳайратга солган улуғларимизнинг машҳурлигини наҳотки сиздек илмли киши билмаса? Бугунги кунда ҳам олим-у уламоларимиз ёзаётган диний адабиётларни ер юзи мусулмонлари янгилик сифатида эътироф қилишмоқда. Ўнлаб хорижий тилларга ўгирилмоқда.

Домланинг гапини унинг ёнида ўтирган дехқон бобо илиб кетди:

– Икки ой муқаддам бизнинг туманимизга сиз борган юртдан бир олим келди. Косонсой сойига тушиб, бир ховуч сувни бошидан сочиб, «Сизлар жаннатда яшаркансизлар. Аллоҳ бизларга ҳам шундай маъмурчиликни берсин», деб йиғлади.

– Буларнинг барчаси ватанимиздаги тинчликнинг, барқарорликнинг, раҳбарларимизнинг одил сиёсатининг мевасидир! – дейишиди ўтирганлар. – Бунга шукур қилмаган банда Яратганнинг қаҳрига учрайди!

– Яна бир гап, – дея гапни илиб кетди ўтирганлардан бошқаси, – дўконингизнинг тепасига «Ал-Шам», деб ёзиб қўйибсиз. Ўтган-кетганлар ҳайрон. «Ал-Шам» дегани қандай маънони англатади, мен ҳам тушунмай қолдим. Балки сиз «Ал-Шамс» демоқчи бўлгандирсиз? Хорижий номларни қўйишдан мақсад нима? Бу она тилимизга бўлган хурматсизлик эмасми, ҳожи бобо?

Ҳожи бобонинг дами ичига тушди. Ияги остидаги тўрт дона соқолини бармоқлари билан тараб «ҳм», деб

қўйди. Уйига қайтганида, хориждагиларнинг сўзлариға амал қилмаганидан афсусланди. Энди машваратларда, нотаниш ва зиёлилар орасида тилини тишлаб ўтирадиган, бирор юртни мақтаса, ичини каламуш кемираидиган бўлди. Одамлардан, маҳалла-кўйда бўлаётган тўй-маъракалардан айб излайдиган одат чиқарди. Кўп ўтмай, кийимларини ҳам ечиб ташлади. Ўзига яқин одамларни йиғиб, маъруза ўқирди.

– Тоштемир, бекор юрманг иним, тижорат билан машғул бўлинг.

– Холиқназар, сизнинг ҳам ишингизнинг тайини йўқ. Қўқонга бориб, автомашиналарнинг эҳтиёт қисмларини олиб келиб, бозорда қимиirlаб туринг.

– Аҳмадшер эшитишимча, бобонгиз савдогар ўтган экан. У кишининг ишини давом эттирангиз, руҳлари шод бўларди.

– Фанижон, кейинги пайтда уйдан ташқарига чиқмай қўйдингиз? Намозларимизда ҳам қўринмаяпсиз? Уйда ўтириш эркак кишига ярашмайди.

– Нима қилайлик, ҳожи ака, дастимиз калта, озгина сармоя бўлганда эди, сиз айтган ишларни қилган бўлардик.

– Мен ҳаммаларингга ўн минг доллардан сармоя бераман. Ишларингни юргизинглар. Икки-уч ойда қайтарасизлар. Бир тийин ортиқча пулларинг керак эмас. Дуо қилсаларинг, бас!

– Худо ҳайрингизни берсин, ҳожи ака, биздан қайтмаса, болаларимиздан қайтар!

Акмал хориждан олган топшириқларини бекам-у кўст бажариб келарди. Пул туфайли у атрофига юзга яқин одамни йиғди. Сафарнинг топшириғи билан улар ичидан энг садоқатлиларини танлади. Хориждагилар ундан миллатлар ўртасида низо чиқаришга, шов-шувли воқеа содир қилишни кутишарди. Бу режа бир

ҳафта давомида Акмалнинг уйида ишлаб чиқилди. У ниҳоят беш нафар содик одамни ажратиб олди. Улар икки нафар аёлни катта пулга ёллашди. Бир канистр бензинни олиб, шаҳарни томоша қилиш максадида ҳарбий қисмдан чиққан аскарларнинг автобусга чиқишини пойлашди...

ЛОНДОН

Вадим Вольфович аэропортдан Томсонга қўнфироқ қилиб, Лондонга кетаётганини маълум қилди.

Инглиз мафиясининг отаси «юк» ҳамда одамлари ФХХ ходимлари томонидан қўлга олинганидан, унга нисбатан қидирув эълон қилинганидан хабардор эди. Томсон руснинг овозини эшитган заҳотиёқ танаси фазабдан зирқираб кетса-да, ўзини қўлга олди. У билан энди хисоб-китоб қилиш пайти келганини тушунди. Вольфовичнинг борадиган барча эшиклари беркилган, ҳаётига сўнгги нуқта қўйиш факат унинг ихтиёрида эканлигини тушунганди. Ҳеч қандай тавба-тазарулар, ҳаттоқи пуллар ҳам уни ўлим чангалидан кутқариб қололмасди.

— Мен сени уйимда қабул қилломайман, — деди ала-мини ичига ютиб. — Ҳозир одамларим олдингга боришибади. Насиб қилса, бир соатдан кейин кўришамиз.

Бу қадар қўпол муомаладан дили ранжиган рус бу ерга келганидан пушаймон бўлди. Бироқ орқага қайтиш йўли беркилганди. Бир-икки кун туриб, бошқа мамлакатга жўнаб кетишни ўйлади.

Томсоннинг одамлари ўша заҳотиёқ етиб келишди. Вадим Вольфовични машинага ўтқизиб, уни нотаниш томонга олиб кетишди. Руснинг бу юрга биринчи ташрифи эмасди. Илгари беш-олти маротаба Томсон билан учрашгани келганди. Кўришган жойлари хоти-

расида сақланиб қолганди. Ҳозир бораётган жой нотаниш туюлди ва юрагида шубҳа уйғонди. Афсуски, машинадан тушиб қолишнинг, орқага қайтишнинг иложи қолмаганди.

Машина узок юрмади. Шахарга кираверишдаги ресторан олдида тўхтади. Томсоннинг йигитлари хурмат билан Вольфовични ресторанга таклиф қилишди. Ичкарига киргач, ўтирган одамларни қўриб, юрагига ваҳима соглан қўрқув пардаси кўтарилди, кўнглига ёруғлик кирди.

Англия мафиясининг сардори айтилган пайтда Вольфовичнинг олдида пайдо бўлди. Рус унга бўлиб ўтган ишлар тўғрисида кўз ёшларини оқизиб сўзлаб берди. Томсон ўзи учун аҳамиятсиз бўлган ҳикояга қулоқ солишини истамади.

– Бошингга тушган ташвишларга ҳамдардман, бироқ бизнинг ишимизда «айтилган гап – отилган ўқ». Ҳар бир гапимиз учун жавоб беришга мажбурмиз. Шундай бўлгач, мен «мол»ни талаб қилишга ҳақлиман.

– Бунинг иложи йўқ, – очиқчасига тан олди рус. – Мен хонавайрон бўлдим. Мухлат беришингни сўрайман.

– Ортиғи билан имконият яратиб бердим. Энди мендан муҳлат сўрашинг адолатдан эмас.

– Аҳволимни тушун…

– Сенинг бошингга тушган савдо эртага менинг ҳам бошимга тушиши мумкин.

Томсон совуқ кўзларини бир нуқтага тикиб гапиради. Унинг сўзлари Вадим Вольфовичнинг кайфи ни тарқатиб, юрагида қўрқув ҳиссини уйғота бошлиди. «Менга мақсадингни айта қол, ўлдириш ниятинг бўлса, майли кўксимни ўқча тутиб берай, аммо гап билан жонимни суғуриб олма», дейишга тили бир неча бор жуфтланди-ю, бироқ қандайдир умид аҳдидан қайтарарди. Инглизнинг инсофга келиб қолишидан умидвор эди.

– Имкониятларим хали етарли, четда менга хизмат қиладиган одамлар топилади. Бунинг учун фурсат керак, – деде яна бир бор илтимос қилди у.

Томсон ўн йиллик қадрдонининг юрагидаги ғазаб «чўғи»га сув сепишга уринаётганини пайқади. Бу ердан тезроқ чиқиб кетгиси келди.

– Мени афв эт, бажарадиган ишларим бисёр, – Томсон ўрнидан турди ва руснинг қўлини маҳкам сиқиб хайрлашди. У билан келган соқчилар эса негадир ўринларидан қимирлашмади. Вольфовичнинг юрагидаги қўркув яна қайтадан уйғонди. У бетоқатланиб ўтиради. Бу ердан чиқиб кетишни ва соғ-омон ҳеч ким тополмайдиган юртларга кетишни ўйлади.

– Менга руҳсат берсанглар, – деди у ёнида ўтирган Томсоннинг одамларига. – Дам олишим керак, чарчаганман.

– Биз сизни кузатиб қўямиз.

– Кераги йўқ. Шу атрофда меҳмонхона бўлса керак!

– Беш юз метр нарида.

– Миннатдорман!

Вольфович қўлига вискини олди ва қадаҳни тўлдириб, тик турган ҳолда сипкорди. Кейин шляпасини хидлаб, бошига қўндириди-да, ресторани тарк этди.

Ташқарига қоронғи тушганди. Кўчаларда одамлар сийраклашиб қолганди. Машиналар тинимсиз қатнаб турарди. Вольфович йўлакдан меҳмонхона томон кетиб бораради. Кутимаганда юраги дукиллаб ура бошлади. Ортидан изма-из келаётган икки шарпани кўриб, кайфи учиб кетди.

Улар устиларига қора комбинезон, бошларига ҳам худди шундай қора қалпоқ кийиб олишганди. Ўтиш йўлакчасида улар бир-бирларига жуда яқин келишиди. Кутимаганда иккиси бир пайтнинг ўзида русга ташланишди. Улардан бири жимликни бузиб, бақи-

риб юборди. Кекса рус жон-жаҳди билан босқинчиларга қаршилик кўрсатди. Кучли зарбаси ниқобли кимсалардан бирини бир неча қадам нарига учирив юборди. У тўнтирилиб, чалқанча ҳолда асфальт устига бир қоп гўштдек шалоплаб тушди. Орқа мияси тошга урилиб, шу заҳотиёқ хушини йўқотди. Иккинчи босқинчининг мушти қуруқ шамол каби гувуллаб, Вольфовичнинг жағига тегди. Тишлари фирчиллаб кетган руснинг оёқлари бесўнақай гавдасини кўтаролмай букилиб кетди, аммо йиқилмади. Бурнидан оқиб тушаётган қон оғзини, сўнг иякларини ювиб, кўйлагига томарди.

Рус ниқобли одамнинг қўлида ўткир тифли пичоқ борлигини кеч пайқаб қолди. Қаршилик кўрсатишга, ўзини ҳимоя қилишга ҳоли ҳам, кучи ҳам қолмаганди. Пичноқ санчилганини биқинида пайдо бўлган қаттиқ оғриқдан ҳис этди. Вольфович овоз чиқармади. Қаддини букканча қимир этмасдан, унсиз ингради. Юраги бесаранжом уриб турарди. Пичноқ тутган кимса бир неча дақиқа унинг йиқилишини кутиб турди. Тиф учидан қон томарди. Нихоят, Вольфович ерга тиз чўжалади ҳамда шу ҳолда бир муддат ўтириб қолди. У мисоли шамолда қолган ёлғиз дараҳтдай чайқаларди. Кейин йиқилди. Қотил мурданинг чўнтакларини титди. Бир даста пулни ва билагидаги олтин соатини ечиб олди. Шундан кейин ерда ҳали ҳам чўзилиб ётган шеригига қаради. У бир оз ўзига келган ва кўзлари очик ҳолда ётарди.

– Тур ўрнингдан!

У шеригининг қўлидан тортди. Бир амаллаб ўрнидан турғазди. Иккиси номаълум томон бурилиб кетишиди. Бир оз юришгач, бошлиқларига қўнфироқ қилишиди.

– Эшитаман, – Томсоннинг овози келгач, телефондаги одам паст овозда шундай жавоб қилди:

– Рус «ухлади».

– Зудлик билан аэропортга боринглар. Буюмлар сақланадиган камерада Вольфовичнинг дипломати бор. Уни олиб, бир хафта шаҳардан ташқарига чиқиб кетинглар. Керак пайтингларда ўзим чақирираман.

– Хизмат ҳақимизни ким тўлайди?

Дипломатда руснинг ўн миллион доллар маблағи борлиғидан Томсон аллақачон хабар топганди.

– Дипломатнинг ичидаги пулларнинг ҳаммаси сизларга!

– Код рақамини айтинг.

Мафия отаси рус яхши кўрадиган рақамни хотирасида сақлаб қолганди.

– 1951.

УЧРАШУВ

Нихоят, янги ходим учрашувга чиқиш вақтини маълум қилди. Лагердаги ишлар ва Faурнинг фойиб бўлиши ҳақидаги маълумотлар тўпланиб қолганди. Учрашувни тоқатсизлик билан кутардим. Биз учрашдик.

– Фамилиям Маҳмудов. Бундан буёғига бирга ишлаймиз! – деди ўрта бўйли, буғдойюзли ходим. У қирқ ёшлар атрофидаги, кўринишдан бақувват йигит эди.

Ўзимни таништирмадим. Мен ҳақимдаги маълумотларга эга эканлигини билардим.

Бўлиб ўтган ишлар ҳақида ахборот бердим.

– Ашур харитани вақтида етказиб келди. «Илонгор» ичидаги қуролларни олиб чиқиб кетдик. Ходимларимизнинг хабар қилишича, биздан кейин форда мулланинг одамлари пайдо бўлган. Фор ичини тинтиб, қуролларни тополмай, форни портлатиб кетишибди.

Ашурнинг соғ-саломат юртига етиб олганидан ва харитани марказга топширганидан хурсанд бўлдим. «Тора бора» форидан олиб ўтган мактуб ҳақида айтдим:

– Жилдинг беш жойига муҳр босилганди. Шу сабабли, уни очмадим.

– Яхши қилибсан. Унда Чеченистонга қўшимча кучлар ташлаш ҳақида ёзилган. Маълумотларга қараганда, Хаттоб танг аҳволда. Руслар жангариларни тўрт томондан ўраб олишган. Қочишнинг иложини тополмаяпти. Ўрмонларда яшаб юрибди. Қўшимча кучлар, қурол-аслаҳа, озиқ-овқат тугаган. Араб ва Африка давлатларидан Чеченистонга ўтиш истагида юрганлар кўпаймоқда. Хаттоб уларга катта миқдорда пул ваъда қилган. Бироқ пуллар қалбаки. Чеченистондаги урушнинг барҳам топиши хорижлик жангариларнинг раҳбарларига бевосита боғлиқ. Руслар Чеченистонга ўтиши мумкин бўлган жангариларнинг қачон ва қайси йўлақдан кириб боришлари билан қизиқмоқда. Ёрдам сўрашмоқда. Раҳбарият шу ҳақда сендан маълумот кутади.

– Қўлимдан келганича топшириқни бажараман, – дедим.

– Мирзаахмаднинг қабрини очиб кўрдик. Суд тиббий-экспертизаси жасад бошқа одамники эканлиги тўғрисида хulosса берди.

– Қаёқقا кетган бўлиши мумкин?

– Биздаги маълумотларга қараганда, шу ерда.

– Бўлиши мумкин эмас!

– Биз ҳам шундай фикрда эдик, бироқ қўшимча маълумотлар буни тасдиқламоқда.

– Агар Эргаш унинг шу ердалигини билганда, аллақачон шов-шув кўтарган бўларди.

– Буни Мирзаахмад билан ишлаётган айrim хорижий мамлакатларнинг маҳфий хизмат идораларининг ходимларигина билади. Лашкарбоши уларнинг қўлида, Эргашнинг кўзидан йироқда яшириб юрган бўлишлари эҳтимолдан узоқ эмас.

Маҳмудов лашкарлар етакчисининг расмини кўрсатди.

- Кошининг тепасидаги чандиқни эслаб қол!
- Унинг юзидағи бошқа белгиларни ҳам хотирамга мухрладим.
- Шариф исмли йигитни танирмидинг?
- У ҳақда эшитганман.. Айтишларича, юртта ўтиб кетган ва қайтиб келмаган, фермер бўлиб ишлаётганмиш.
- Шундай, унинг ҳалол меҳнатга қайтиши Эргашга ёқмаяпти. Йўқотишга кўп уринди... Унинг юртта қандай мақсадда ўтганини биласанми?
- Қизиқмаган эканман.
- «Олтинтопар» қишлоғида Баҳодирхон исмли колхоз раисининг ўғли Қодир Шўро аскарлари сафида шу юртда хизмат қилган. Жангарилар қўлида ҳалок бўлган. Шарифнинг айтишига қараганда, утирик. Ҳатто, Қодирнинг суратларини олиб ўтган. Биз Мудофаа вазирлигининг архив ҳужжатларини кўтардик, унда Қодирнинг Кондаҳар шахри яқинидаги қишлоқлардан бирида ҳалок бўлганлиги қайд этилган.
- Суратлар қалбаки эмасми?
- Техник экспертиза уларни қалбаки эмаслигини тасдиқлади.
- Қабрини очиш керак, ДНК орқали жасаднинг шахсини аниқлаш мумкин-ку!
- Бунинг учун қўлимизда етарли далил йўқ. Отноасининг розилигини ололмаймиз. Прокурор ҳам бунга розилик бермайди.
- Уни тутиш керак, шундайми?
- Ўйлаганимиздек, Қодир ҳозир Афғонистонда бўлса, унинг қаерда яшаётганини ва кимларнинг паноҳида эканлигини, турган манзилини аниқлашимиз зарур. Шарифнинг маълум қилишича, Қундуз шахри атрофидаги жангарилар тайёрлаш лагеридан бўлиши мумкин.
- Қундузда анчагина лагер бор.

- Яқин орада у ерга борганмисан?
- Фақат армиядалигимда хизмат юзасидан уч-тўрт маротаба маҳсус топшириқ билан ўтганман.
- Лагерлар сонини ва кимлар уларга етакчилик қилишини аниқлаш керак. Балки Қундузга ўтиш имкони топилиб қолар.
- Бу Эргашга боғлиқ!
- Эргашнинг тўдасида Қундузга қатнайдиган одамлар топиладими?
- Уни Қундуздаги ашаддий жангари мулла билан алоқаси бор. Лекин хозирда у Қирғизистонда қолиб кетган, деган миш-мишлар юрибди.
- Лагерга қайтгач, бу масала билан қизиқиб кўраман. Менинча, Қодир билан бирга хизмат қилган юртдаги аскарлар билан гаплашиб керакдир? Улардан кўп маълумотларни олиш мумкин.
- Бу масалага юртга қайтиб борганимдан кейин астойдил шуғулланаман.

Маҳмудов ёнидан Қодирнинг суратини олиб кўрсатди. Мен унинг юз тузилишини эслаб қолдим ва суратни бошлифимга қайтардим.

– Faфур лагерда кўринмай қолди. Эргаш уни қочиб кетган, деб гап тарқатмоқда. Кенгашда ҳам бошлиқларига шуни маълум қилди. Унинг айтишига қараганда, Faфур 150 килограмм тоза героинни ва икки миллион долларни ўзи билан олиб кетганмиш.

– Бу Faфурга нисбатан тухмат. Эргашнинг ўзи яширган ёки ўзлаштириб юборган. Биздаги маълумотларга қараганда, яқинда Покистоннинг Лоҳур шахридаги баҳаво жойлардан бир миллион долларга иккинчи хотини Уркияга дала ховли олиб берган.

- Бундан кенгаш раҳбарлари бехабар!
- Тез орада бу янгилик уларнинг қулоғига етиб боради!

Маҳмудов хайрлашаётганида, кўзларидан нимадир демоқчи бўлаётганини сезиб қолдим.

– Менга бошқа топшириғингиз йўқми?
– Ўғлинг катта бўлиб қолдими?
– Қачон тўй қилиб берасиз, деб ҳол-жонимга қўй-
маяпти, – дедим ҳазиллашиб.
– Балки уни ватанга жўнаторсан?
– Ўрганиб қолганман. Кўрмасам соғинаман!
– Ишингга омад!
Янги бошлиғим қўлимни қисиб хайрлашди, ортга
қайтдим...

ЮРТДА

Йўлдош Ботировичнинг аёли икки йил муқаддам
вафот этганди. Яқинларининг қистови билан кичик
тумандаги бева аёлни шаръий йўл билан никоҳлаб
олганди. Ботирович кунда бўлмаса-да, ҳафтада бир
шу хонадонга келиб-кетиб турарди. Ҳовли атрофига
қўйилган лашкарлар, нихоят, унинг келганини бош-
лиқларига маълум қилишди. Ўн дақиқада ўнга яқин
лашкар уй атрофида пайдо бўлишди. Эшикни тақил-
латишиди. Бунга ҳам қаноат қилмай, тепиб, синдириб
ичкарига киришди.

Йўлдош Ботирович диванда дам олиб ётганди.
Эшикни бузиб киргандарнинг афт-англорларини кўр-
ди-ю, булар Мирзаҳмаднинг одамлари эканлигини
билди. Ўша кунги воқеа ёдига тушди. Лашкарлар уй
эгасининг қаршилигига қарамай, қўлларини боғлаш-
ди. Ошхонада овқат қилаётган Самиянинг ҳам қўлла-
рини боғлашди. Устидаги халатини йиртиб ташлаш-
ди. Иккисини яланғоч ҳолда олдиларига солиб,
пастга олиб тушишди. Лашкарлардан бири олдиндан
тайёрлаб қўйилган эшакни олиб келди. Бир зумда те-
варак-атрофни томошибинлар ўраб олишди. Ҳамма
ярим яланғоч Ботировични қўллари билан қўрсатиб,

масхара қилиб, қотиб-қотиб кулишарди. «Бу қўши-
миз, Самияни шаръий никоҳлаб олганди», дейдиган
одам топилмади. Яқинлари ҳам тилларини тишлаш-
ди. Лашкарлар Ботировичнинг гапларига қулоқ со-
лишмади. Самияни эшакка тескари миндиришди.
Картондаги «Мен фоҳишаман», деган ёзувни бўйни-
га осишли. Одамлар ёзувни ўқиб, яна кулишди. Боти-
ровичнинг ҳам бўйнига «Мен бузуқман», деган ёзувни
илишди. Кўлига эшакнинг арқонини тутқазишли.

– Қани, ҳайда манноп, шаҳар бўйлаб ўзингнинг
кимлигингни халққа кўрсат! – дейишли.

Ботирович арқонни ташлаб юборди.

– Эшигимни бузиб киришга нима ҳақларинг бор,
сенларнинг! – деди алам билан қўлларини мушт қи-
либ. – Сенлар ўзи кимсанлар?!

– Уй сеникими ёки мана бу хонимчаникими?!

– Кимники бўлишидан қатъи назар, бузиб киришга
ким ҳуқуқ берди, сенларга?!

– Ҳозир саволни биз берамиз. Сен бизнинг қўли-
миздасан. Айб устида қўлга тушдинг. Давлат идора-
сида ишлайдиган раҳбар фоҳишалик қилганини эл
билиб қўйсин. Тушундингми, қани, эшакни ҳайда!

Лашкарлардан бирининг қўлидаги қамчи хавода
чийиллаб, Ботировичнинг гарданига тушиб, баданида
қонталаш излар ҳосил қилди. Иккинчи лашкар югу-
риб келди-да, ерда ётган арқонни олиб, Ботирович-
нинг белига боғлаб қўйди ва эшакнинг орқасига ўтиб,
чотининг орасига тепди.

– Чу, жонивор! Мана бу шариат ургурларни шаҳар
бўйлаб сайр қилдир-чи!

Ботирович қимиirlамади. Эшак судради. Белига
боғланган арқон уни юришга мажбур қилди. Лашкар-
лардан бири тинимсиз эшакни тепиб, ҳайдаб бораиди.
Унга тескари ўтириб, бошини эгиб олган Самиянинг

юзини түзғиб кетгән сочлары түсганди. У ҳиқиллаб ийғларди. Болалар қий-чув күтариб, күлларига илингән нарса билан жониворни уришарди. Лашкарлар ўз ишларидан хурсанд, мукофот олишга кетаётгандай гердайиб боришарди.

– Қаранглар, анави аёлни эшакка тескари миндириб қўйишибди! Худди қадимдагидай!

– Фоҳишани тутишибдими?!

– Ўйнаши билан ушлашибди-я! Қойил!

– Кап-катта одам экан!

– Балки бирорта идоранинг бошлиғидир?!

– Кўрган куни курсин, бу кунидан ўлгани яхши!

– Шуларнинг касофатига шахримиздан барака кўтариляпти!

– Кўчага олиб чиқиб, ҳамманинг олдида шарманда қилиш шартмикин?!

Узук-юлуқ гап-сўзлар Ботировичнинг қулоғига эмас, юрагига ўқдай санчиларди. Қаердандир милиция етиб келди.

– Бу қанақаси, бундай қилишга ким рухсат берди, сизларга?! – деди милиционер эшак ҳайдаб бораётган лашкарларга.

– Биз «Адолат лашкарлари»миз, бизнинг ишимизга аралашманг! – жеркиб берди олдинда бораётган лашкарлардан бири. – Биз фоҳишани ўйнаши билан ётган жойида тутиб олдик. Халқ уларнинг афтини кўриб, кимлигини билиб қўйсин. Манави эшак етаклаган одамни танийсизми? Яхшилаб қаранг! Вилоят кенгашининг депутати! Катта заводнинг директори!

– Ким бўлишидан қатъи назар, инсонни таҳқирлашга, унинг қадрини оёғости қилишга ким хуқуқ берди сизларга?! Бунинг учун қонун олдида жавоб берасизлар! Мен устинглардан прокуратурага рапорт ёзаман!

– Сенинг қонунингда мумкин бўлмаса мумкин эмасdir, аммо бизнинг қонунимизда бу ман қилинмаган.

Сазойи қилиш буюрилган! Тирикрай қабрга тиқиш буюрилган! Пахсадевор остига бостириш буюрилган! Тушундингми?! Ҳозир бизнинг қонунимиз ишляяпти! Йўлимиздан қоч!

– Талаб қиласан, қонунни бузманглар! Ҳозироқ иккисини бўшатинглар!

– Талаб қиласан, Ҳимани талаб қиласан?! Яхшиликча кетмасанг, эшакнинг арқонини ўзингга ушлатиб қўямиз! Буларни шахар бўйлаб ўзинг айлантирасан! Ёки манави бузуқдан пора олиб турасанми?

Лашкарлар қотиб-қотиб кулишди. Милиционер яна нимадир демоқчи эди, лашкарлардан иккитаси келиб, унинг кўкрагидан суреб, четга чиқариб, бошидаги шапкасини улоқтириб юбориши.

– Яхшиликча ишимизга аралашма, акс холда, сени ҳам эшакка тескари миндириб, анави бузуқнинг ёнига қўшиб қўямиз!

Милиционер лашкарлардан бирига ташланди. Лекин кўкрагига тушган тепкидан ўша заҳотиёқ ерга йиқилди. Ўрнидан турганида уни тепган лашкар қамчини ҳавода айлантириб, Ботировичнинг гарданига соларди.

– Кани юр, илдамроқ бўл, манноп! Бунакада тонг отгунча шаҳарни айланишга улгурмаймиз!

Ботировичнинг юраги бардош беролмади. У йиқилди. Лашкарлар унинг қўлидан тортиб судрашди. Коптоказдай тепиши.

– Бу номеринг ўтмайди, тур ўрнингдан! Халқ сени кўрсин, нима ишлар билан шуғулланишингни билсин!
– деб бақириши.

Бироқ Ботирович ўрнидан туролмади. Елкасига тушган қамчининг оғригини ҳам ҳис этмади.

– Тур деяпман сенга ёки ўйнашингнинг олдига ўтқизиб қўяйликми?

Милиционер ўрнидан туриб, яна лашкарларнинг олдига келди. Ботировични савалаган лашкарнинг кў-

лидаги қамчини юлиб олмоқчи бўлди. Бироқ лашкар уни ўзига яқин келтирмади.

– Бас, етар, ҳаддингдан ошма! Қонунларимизни оёфости қилма! – деди милиционер лашкарга қўзларини ўқдай тикиб.

– Шўро қонунлари билан бизни қўрқитмоқчимисан, абрах!

Милиционер жағига тушган муштдан ерга тўнтирилиб йикилди ва бир муддат хушсиз ётди.

Ботировичнинг ранги ўчиб, бадани музлаб борарди. Лашкарлардан бири буни пайқаб қолди.

– Ўлиб қолганга ўхшайди! – деди у оғзидан қон келётган раҳбарга қараб.

– Номус кучлилик қилибди-да! – хиринглади шериги.

– Бу кунидан ўлгани яхши-да!

Улар Ботировични қолдириб, болалардан бирининг қўлига пул бериб, эшакнинг арқонини қўлига тутқазишиди.

– Қани, шербола, эшакни судра-чи! – лашкар жониворнинг орқасига ўхшатиб тепди. – Чу, жонивор!

Бу пайтда атрофни ўраб олган оломон тарқаб кетганди. Ўтган-кетганлар лашкарларга нафрат билан, эшакка тескари миндирилган аёлга эса ачиниш билан қараб ўтишарди.

– «Адолат лашкарлари» шулар бўлса, ҳолимиз не кечаркин?!

– Худонинг ўзи бизларни паноҳида асрасин!

– Вакти келиб, ҳукуматнинг ўзи буларнинг танобини тортиб қўяди!

Айни пайтда худди шундай воқеа шаҳарга яқин бўлган туман марказида ҳам содир бўлганди.

ПРИМОРСКИЙ ЎЛКАСИ

Приморский ўлка ички ишлар бошқармаси ходимлари миллатлар ўртасида низо чиқариш ва диний ақидапарастлик ғояларини тарғиб қиласидиган варақаларни чегарадан олиб ўтишга уринган Хитой Халқ Республикаси фуқароларидан бирини қўлга олишди. Суриштирув жараёнида у Хитой Халқ Республикаси фуқароси Тиян Жон исмли шахснинг топшириғи билан бундай варақаларни мамлакат ичкарисига олиб ўтаётганини тан олди. Тиян Жоннинг шахсига доир маълумотлар йифилди. Кейинги етти йил давомида у сохта паспортлар ёрдамида давлат чегарасидан олти маротаба ўтгани аниқланди. Тиян Жонни Қозогистон ва Ўзбекистон ҳудудига бориб туриши, у ерда ҳозирча шахси аниқланмаган уйғур миллатига мансуб фуқаролар билан учрашиб, варақаларни уларнинг қўлига топшираётганлиги ҳам ойдинлашди. Ички ишлар бошқармаси Тиян Жонни қўлга олиш тўғрисида 16 ноябрда Ўзбекистон Ички ишлар вазирлигига қуйидаги хабарномани йўллади.

ХАБАРНОМА

Приморский ўлка ижроия қўмитаси ички ишлар бошқармаси Сизга ушбуни ёзib маълум қиласики, ҳозирда қидирудва бўлган Хитой Халқ Республикаси фуқароси Тиян Жон Ўзбекистон ва Қозогистонга 1949 йили муҳожир сифатида кўчиб ўтган уйғур миллатига мансуб бўлган Хитой Халқ Республикаси собиқ фуқаролари билан жиноий тўда ташкил этиши, миллатлар ўртасида низо чиқариш, диний-ақидапарастлик ғояларини тарғиб этиши мақсадида Сафар, Жавлон, Жўрабой исмларига берилган сохта

паспорт билан Ўзбекистонда бўлган. Қўлимиздаги маълумотларга кўра, фуқаро Тиян Жон ўтган йилнинг 11 марта ва 22 июль кунларида Фарғона водийси шаҳарларига бориб, уйгур миллатига мансуб муҳожирлар билан учрашган. Бироқ уларнинг шахси ва яаш жойларини аниқлаш имкони бўлмаган. Тиян Жонни қўлга олишда ёрдам беришингизни сўрайман.

Приморский ўлка ижроия қўмитаси ички ишлар бошқармаси бошлиги генерал Ю.С.Тимошенко.

Хабарнома барча вилоят ички ишлар бошқармасига жўнатилди. Шу кундан эътиборан Тиян Жонга нисбатан қидирув ҳамда у учрашган одамларнинг шахсини аниқлаш ишлари бошланди.

ВЕНА

Faфур ўзига ажратилган дала ҳовлини кўриб, «Умримнинг қолган қисмини шундай гўзал кошонада ўтказар эканман-да», деб ўйлади. Мартин Брэгг «совфа» қилган олти сотихли ҳовлида барча шароитлар мухайё эди. Ҳақиқатан ҳам бу ер жаннатнинг ўзи эди. Дала ҳовлининг бир томони тоғларга туташиб кетган, икки ёнидан шарқираб катта анҳор оқарди. Кўм-кўк ўт-майсалар киши қалбига хузур баҳш этарди. Faфур болалигига ўқиган ва эшитган эртаклардаги шоҳона қасрнинг эгаси бўлиб қолгандек хис этди ўзини... Эшик олдида уни йигирма беш ёшлардаги қиз қарши олди.

— Мен сизнинг хизматкорингизман, исмим Пайва! – ўзини таништириди у рус тилида.

Faфур қиздан кўзини ололмай қолди. Буғдоранг юзи, қошлари остидаги тиниқ кўзлари бир пайтлар кўнгил қўйган қизи Санамни эслатди. Юзининг чў-

зинчоқлигини ҳисобга олмаганда, худди эгизаклар каби ўхшаш эди.

– Пайва хоним, сизни Санам, деб чақирсам бўладими? – сўради ичкарига киришганда.

– Санам? Бу нима дегани? Қиз боланинг исмими?

– Шундай!

– Сабабини эшитишни истардим…

Faфур яширмади:

– У менинг болаликдаги севгилим эди. Армиядагимда ота-онаси бошқа йигитга турмушга узатиб юборган. Сиз унга ўхшаб кетаркансиз!

– Мени ўз исмим билан аташингизни илтимос қиласман! – қизнинг овозидан бир оз аччиқланганини билиш мумкин эди.

– Майли, сиз истаганча бўлсин, – кўнди Faфур.

Юзи қизарган Пайва:

– Ваннани тайёрлаб қўйғанман, чўмилишингиз мумкин! – деб хонани тарк этди.

Faфур кунларни хавотирда ўтказарди. Мартиннинг одамлари бугун бўлмаса эртага келиб, қандайдир топшириқ беришларидан чўчирди. Аммо у қутаётган кимса келмади. Кейинчалик Faфур буларни эсдан чиқарди. Уйда ўтириб, зерика бошлади. Бу орада Пайва билан муносабатлари яхшиланиб қолганди. Дам олиш кунлари иккиси шаҳарни саир қилишга чиқишарди.

Дарвоқе, Карлсон Faфурнинг Москвада вафот этгани тўғрисидаги хабарни ўша пайтнинг ўзидаёқ Чегечининг қулоғига етказганди. Ўз навбатида бу янгиликдан Эргаш билан Баширни ҳам огоҳ этганди. Хушхабар улар томонидан мамнуният билан қабул қилинди ва ўзларининг ашаддий душманларидан қутулишганидан мамнун бўлишганди.

Кунларнинг бирида дала ҳовли эшиги олдида нотаниш кимса пайдо бўлди. Ўша куни Faфур қандайдир

юмуш билан шаҳарга кетганди. Пайва меҳмонни қарши олди. Аёл уни яхши танирди.

– Барвакт келибсан, ахир ҳали олти ой бўлгани йўқ-ку! – деди уни ичкарига таклиф қиларкан.

– Ишлар кўпайиб кетди. Бошлиқнинг топширифи билан келдим.

– Уни олиб кетмоқчимисан?

– Шундай!

– Мен бунга йўл кўймайман. Уни тинч қўйишишингни истайман. Агар гапларимга қулоқ солмай, олиб кетсанг, чидамай, ўлиб қоламан.

– Ҳомиладор бўлдингми? – аёлнинг бир оз дўмпайиб қолган қорнига ишора қилиб сўради меҳмон.

– Ҳомилам уч ярим ойлик бўлди, – Пайва ўрталаридағи муносабатни яшириб ўтирмади.

– Буни отаси биладими?

– Ўзимдан кўпроқ эҳтиётлайди...

– Жуда яхши, бўлажак фарзанди уни сенга боғлаб туради. Қаерда бўлмасин, сени эслайди, талпиниб яшайди. Вақти келиб, отасининг ўрнини босади, деган умиддаман!

– Мен боламнинг отасининг йўлидан боришини истамайман!

– Сен истайсанми, истамайсанми, унинг томиридаFaфурнинг қони оқмоқда.

– Боламда менинг ҳам қоним бор. Уни сутим билан боқаман ва албатта, уни яхши инсон қилиб тарбиялайман.

– Назаримда сен анча ўзгариб қолибсан, Пайва.

– Мен боламни ҳам, Faфурни ҳам йўқотиб қўйишдан қўрқаман, Хелмар! Қолган умримни осуда ҳаёт қўйнида ўтказиш ниятидаман!

– Бу дунёга ҳаммамиз омонатмиз, азизам!

– Ё худойимей, қаердан ҳам уни менга йўликтирдинг?

Пайванинг кўзларидан изтироб ёшлари сизиб чиқди. Хелмар унга тикилиб туарар экан, юзи масхараомуз табассумдан хунуклашиб кетди. «Йигит юрагингдан урибди, бечора, лекин уни қанчалик қаттиқ севмагин, бари бир унутишга мажбурсан», деган фикрни кўнглидан ўтказди.

Ховлида машина овози эштилмаганида, иккисининг ўртасида яна қандай гап-сўзлар ўтарди, буниси бизга қоронги бўлиб қолди. Пайва кўз ёшларини артиб, ташқарига чиқди.

– Сени сўраб келишди? – деди Faфурнинг олдига бориб.

Кутилмаган хабардан унинг юраги сесканиб кетди. Зарба ўтказиб юборган боксчикек турган жойида бир сония эсанкираб қолди. Кейин ўзига келди.

– Ким экан? – паст ва титроқ овозда сўради у.

Пайва Хелмарни фош қилиши мумкин эмасди.

– Кимлигини айтмади, – ёлғон гапирганидан аёлнинг юзи қизариб кетди.

Faфур ичкарига кирди.

– Сизга жаноб Мартин Бреггнинг қизғин саломини олиб келдим, – меҳмон Faфурни шундай сўзлар билан қарши олди. Кейин ўзини таништириди: – Менинг исмим Хелмар, Мартиннинг ёрдамчисиман!

– Танишганимдан хурсандман, – бошини эгиб, деди Faфур.

Пайва столни егулик ва ширинликларга тўлдириб, чиқиб кетди.

– Жаноб Мартин мени унутиб юборган, деб ўйлагандим, – гап бошлади Faфур.

– Сиз у жанобнинг доимо диққат-эътиборидасиз. Кейинги пайларда ишлари кўпайиб кетди, сиздан ҳол-аҳвол сўрашни каминанинг ихтиёрига топширдилар.

– Миннатдорчилигимни етказиб қўясиш, деган умиддаман.

– Албатта!

– Менга қандай хабар йўлладилар?

– Хабарингиз борми-йўқми, билмадим, кенгашнинг ўқ томирлари узилди. Абдуллоҳ заҳарланиб ўлди. Туркон хоним самолётда юраги хуруж қилиб, жон таслим қилди. Яқинда Чегечи ҳам шифокорлар аниқ ташхис қўёлмаган қандайдир касаллик сабабли ҳалок бўлди.

– Бу кенгашнинг фожиаси. Демак, асосий илдизлар қирқилган экан, кенгаш ҳам ўз-ўзидан пароканда бўлиб кетади...

– Афсуски, саволингизга ижобий жавоб қайтарол майман, жаноб. Амирийтирик экан, бунга йўл кўймайди. Сафдошларининг ўлимидан қаттиқ ташвишланмади. Баширнинг номига юборган мактуби бизнинг қўлимиизга тушди. Унда айтилишича, қайтадан кенгаш тузиш ниятида, ҳатто янги номзодларнинг рўйхатини тузган.

– Бунга Баширнинг муносабати қандай?

– Табиийки, у Амирийнинг ташаббусини қўллаб-қувватлайди...

– Нима сабабдан?

– Ўзингизга маълумки, Амирий Европа давлатларидағи бир қатор наркокурьерларни «дори» билан таъминлаб келади. Ўтган йилнинг ўзида у Эргаш орқали ташқарига йигирма миллион долларлик «дори» чиқарди. Уч миллионни Эргашнинг одамларини кийинтиришга ва озиқ-овқат билан таъминлашга сарфлади. Бир ярим миллионини эса Баширга инъом қилди. Агар кенгаш тарқалиб кетса, Амирийнинг Афғонистон билан алоқаси узилади. Шунинг учун кенгашни ушлаб туришга тиш-тирноғи билан кураш-

моқда. Эргаш ҳам бу ўйиндан четда қолаётгани йўқ. Тўдабоши Баширдан катта миқдорда «дори» олиб, Вольфовичга сотган. «ПулниFaфур олиб қочиб кетди», деб унга сизни айбдор қилиб кўрсатган. Қолаверса, Абдуллоҳ томонидан берилган «дори»нинг пулининизга тўнкаб, ўзи ўзлаштириб юборган.

– Бу ўта кетган пасткашлик! Мен уни соғ қўймайман!

– Башир билан Амирий тўдабошидан хитланиб қолишган, – Faфурнинг сўзини эшитмагандай гапида давом этди Хелмар. – Биздаги маълумотларга кўра, Амирийни Мирзааҳмад исмли йигит қизиқтириб қолган. Сиз уни танийсизми?

Faфур Мирзааҳмадни кўрмаганди.

– У ҳақда эшитганман, аммо учрашмаганман. Каерда яшаётганини биласизми?

– Ҳозирча унинг яшаётган жойи бизга маълум эмас. Айрим маълумотларга қараганда, Пешоварда дейишади.

– Баширнинг муносабати қандай?

– Мирзааҳмаднинг номзодини инкор этди.

Faфур алам билан кўлларини бир-бирига уриб қўйди.

– Қандай йўл билан бўлмасин, Эргашни йўқотиш зарур!

Хелмар сухбатдошининг аччиқланганини билди. Бу Хелмарга қўл келди.

– Башир уни ўз химоясига олган. Ҳозир унинг маҳсус соқчилари тўдабошини қўриқлашмоқда. Уларнинг руҳсатисиз бир қадам ҳам четга чиқолмайди.

– Эргаш тирик экан, ўрнини Мирзааҳмадга топшириб қўймайди. Тўдада тарафдорлари анчагина, қон тўқилиши мумкин! Бунинг учун жангариilar ўртасида унга қарши фитна уюштириш даркор.

– Ўйлаган режангизни қувватлайман. Лекин бу ишни ким бажаради?

– Ишончли одам топиш керак!

— Гапларингиз асосли. Бу ишни бажарадиган одам ўта довюрак, шу билан бирга, тўдада обрўси баланд бўлиши керак.

Хелмар ҳар бир сўзи билан мақсадига яқинлашаётганди.

— Мен тўданинг ичига киролмайман.

— Ишончли одамларингиз бордир?

Фафур бир оз ўйланиб турди. Кейин:

— Топилади, — деди яқинларини кўз олдига келтириб.

— Ўшаларни ишга соласиз!

— Улар қуруққа иш қилишмайди...

— Маблағ биздан!

— Эргашнинг ўрнига ким тайинланади?

Хелмар мийифида кулди:

— Сиздан бошқа номзод йўқ, жаноб!

— Ахир мен улар томонидан ўлимга маҳкум қилинганман-ку!

— Ҳукм ўқиган одамлар ўлиб кетишиди. Баширни ишонтиришни бизга қўйиб беринг!

Фафур Хелмарнинг мақсадини тушуниб етди.

— Унда мен Афғонистонга қайтиб боришим керак экан-да?

— Мени тўғри тушунганингиздан миннатдорман, жаноб! Агар биз Эргашни ўртадан олиб ташласак, Башир, «Эргашнинг ўлимида Амирийнинг қўли бор», деб ўйлади. Натижада қайтадан тузилиши режалаштираётган кенгаш ўз-ўзидан барҳам топади.

— Кенгашнинг тикланишидан нечук тавишга тушмоқдасиз?

— Биз сизнинг раҳбарлигингида янги кенгаш ташкил қиласиз!

— Мен қачон жўнашим керак?

— Вақт фақат бизнинг фойдамизга ишлаши лозим.

Рози бўлсангиз, индинга Эронга учадиган самолётга чипта олиб қўяман.

- Эрондан ўтиш хатарли.
 - Одамларимиз сизга ёрдам беришади.
 - Масофа олис. Адашиб қолишим мумкин.
 - Чегарада ҳам одамимиз сизни кутиб олади.
- Тегишли кўрсатмаларни ундан оласиз. Хизматингизда транспорт бўлади.

Хелмар қўл соатига қаради. Кетиш фурсати етганди.

- Эртага кечки тунги соат ўн бир яримда сизни Вена халқаро аэропортида кутаман!

Хелмар шу сўзларни айтиб, хонадан чиқиб кетди. Faфур уни кузатишга чиқмади. Юрагини қоронфилик коплаганди.

Ичкарига Пайва кириб келди. У эшик ортида туриб, Хелмарнинг барча сўзларини эшитганди.

- Нега рози бўлдинг? – аёлнинг кўзлари ёшланганди.
- Ахир мен фарзанд кутяпман, десанг бўларди-ку!
- Мени тўғри тушун, бундай қилолмайман. Улар мени ўлимдан, азоб-уқубатлардан, энг муҳими, ўз ватанимга топширишларидан кутқариб қолищди.

– Ниманинг эвазига? Буни ҳеч ўйлаб кўрдингми? Улар сенинг кўлинг билан йўлига кирмаган душманларидан қасос олишмоқчи. Сен ўлиб кетасанми, тирик коласанми, бу билан уларнинг ишлари йўқ.

– Ҳозир фалаба улар томонида. Мен эса мағлубиятга учраган одамман. Топшириқларини бажариб қайтганимдан сўнг, улар билан алоқани батамом узаман.

– Сендан ўтиниб сўрайман, ҳозироқ унга телефон қил, мени кутманглар, боролмайман, деб айт!

- Бу гапни айта олмайман, Пайва.
- У ерда сени ўлим кутмоқда! Рози бўлсанг, ҳозироқ бу ердан кетамиз!
- Кетамиз? Қаерга?
- Германияга! У ерда тоғлар ичидаги бобомнинг дала ҳовлиси бор. Уни мендан бошқа ҳеч ким билмайди.

Қолган умримизни ўша ерда ўтказамиз! Беш-ўн йил уларнинг кўзига кўринмасак, бизларни батамом унубтиб юборишиди.

- Мен бундай қилолмайман, Пайва.
- Сен адашаяпсан,Faфур! Вақти келиб, пушаймон бўлласан!
- Кўркма, менга жин урмайди!
Киз жим қолди.
- Сени бу қадар севиб қоламан, деб сира ўйламагандим, азизим, – деди бир оздан кейин.
- Сени учратмаганимда мен ҳам аллақачон ёлфизликка чидамай, ўлиб кетардим. Тақдир сендай оқила кизни менга ато қилганидан бир умр миннатдорман.
- Юрагим хавотирда, худди сени йўқотиб қўядигандайман...
- Мен, албатта қайтаман. Боламиз туғилгунча уйда бўламан. Кейин уни иккимиз катта қиламиз.
- Пайва Faфурнинг кўксига бошини қўйди. У унсиз йиғларди...
 - Сени кутаман, азизим...
 - Мен албатта қайтиб келаман...
 - Тўдабоши бўлишни асло хаёлингга келтирма!
 - Эргашдан қасос олсан бас, менга бошқа ҳеч нарса керак эмас!
- Улар бир-бирларини бағирларига босишиди...

МАЪЛУМОТНОМАДАН

Зелимхон Абдулмуслимович Яндарбиев – 1952 йилда Қозогистон Республикасида тугилган, миллиати – чечен. Чеченистондаги сепаратчилар ҳаракатининг фаол иштирокчиси 1996-1997 йилларда Чечен-Ичкерия Республикаси президенти вазифасини бажарган. Россия ҳарбийларига қарши жанговар ҳаракатларда фаол иштирок этган. Россия ҳудудида

содир этилган террорчилек ҳаракатларининг иштирокчиси сифатида айбланади. 2001 йили унга нисбатан Интерпол томонидан қидирув эълон қилинганди. БМТ томонидан тузилган террорчилар рўйхатига киритилган.

Зелимхон 1969 йили оиласи билан Чеченистонга кўчиб келади. 17 ёшидан бошлаб, гишт терувчи бўлиб иш бошлийди. 1972 йили ҳарбий хизматга чақирилади. Армия сафидан қайтиб келгач, нефть қидирув экспедициясида қудук қазувчи бўлиб ишлайди. Ишдан ажralмаган ҳолда, Чечен-Ингушетия университетининг филология факультетига ўқишига киради. 1981 йили университетни тамомлагач, нашриётда мусахҳизлик қилади.

1985-1986 йилларда СССР Ёзувчилар уюшмасида бадиий адабиётларни тарзиб қилиш билан машул бўлади. 1989 йилдан бошлаб, Чечен-Ингушетия Автоном Республикаси Ёзувчилар уюшмасида адабий маслаҳатчи лавозимига тайинланади. Қайта қуриш даврида ўзининг сиёсий фаолиятини бошлайди.

1987-1989 йилларда Москвадаги Максим Горький номидаги олий адабиёт курсида таҳсил олган. Бир неча шеърий китобларнинг муаллифи.

1990 йилнинг май ойидан бошлаб, сиёсий фаолиятда фаол иштирок этади.

1993 йилнинг 17 апрелида Жоҳар Дудаевнинг фармонига биноан, Ичкериянинг вице-президенти лавозимига тайинланади.

1993 йилнинг 1 октябрида Зелимхон Яндарбиеевга нисбатан биринчи бор суиқасд уюштирилди. Машинадан тушаётган пайтда номаълум шахс гранатомётдан унга қаратма 2 та граната улоктиради, лекин бундан ҳеч ким шикастланмайди.

Яндарбиеев 1995 йилнинг январь ойи ўртасида Грознийнинг марказий қисмини ҳимоя қилишда сепаратчиларга бошчилек қилади.

1996 йили Лъвовда унинг «Чеченистанда жанг ва озодлик» китоби нашр этилади.

1996 йилнинг 28 майида чечен делегациясига раҳбарлик қилиб, Москва шаҳрига келади ва Россия давлати раҳбари билан музокаралар ўтказади.

1996 йилнинг августидаги Яндарбиев бошчилигидаги жангарилар Грозний шаҳрига ҳужум уюширишади. 16 август куни Яндарбиев ва Россия Хавфсизлик кенгаши котиби генерал Александр Лебедь ўртасида ўқ отишни тўхтатиш тўғрисидаги битим имзоланади.

1997 йил ЧИР президенти лавозимига Аслан Масхадов сайлангач, Салмон Радуев бошчилик қилаётган миллий радикал оппозицияси сафига қўшилади. Кейинчалик Шамил Басаев томонидан тузилган оппозиция куиларини қўллаб-қувватлади.

1999 йилнинг август ойида Догистондаги жангариларнинг гояларини қўллаб-қувватлади. Октябрь ойида Масхадовнинг буйруги билан ЧИРнинг мусулмон мамлакатларидағи элчиси ва маслаҳатчиси лавозимини эгаллайди.

2000 йилнинг январида эса ЧИР Афғонистондаги вакили лавозимига тайинланади. «Талибонлар» раҳбари мулла Умар билан икки маротаба учрашади. Усама бин Ладен уни қабул қилмайди.

Бир муддат Бирлашган Араб Амирликларида яшди. Мамлакатдаги сепаратчиларни сиёсий қўллаб туриш мақсадида Яқин Шарқ мамлакатларига ташриф буюради.

2001 йилнинг 9 октябрида Интерпол томонидан Масхадов, Закаев ва Нуҳаевлар қатори Яндарбиевга нисбатан қидириув эълон қилинади.

2004 йилнинг февралида Доха шаҳрида ўлдирилган. Уйланган, уч қиз ва икки ўғли бўлган.

АФГОНИСТОН

Зелимхоннинг ташрифи мулла Умарни ажаблантиrmади. Келиши аён эди унга. Аскарларини руслар ўраб олишганини, ўқ-дориларининг таги кўриниб қолганини биларди. Ҳалқани ёриб чиқсагина, уни қўллаб турган мамлакатлар билан узилиб қолган алоқани тиклаш ҳамда ичкарига қурол-яроғлар олиб кириш мумкин эди.

Дастлабки учрашувда ўртага ташланган айрим масалаларнинг ечими ҳал этилмаган бўлса-да, қурол-аслаҳалар жўнатилган, афсуски, маблағ шу кунга қадар мулла Умарнинг ҳамёнига келиб тушмаганди. Шу нарса «Толибонлар» етакчисини ҳамиша ташвишга соларди.

Зелимхон мулла Умарнинг хузурига қуруқ қўл билан келмаганди. Гарданида осилиб турган қарзни нақд пул ҳисобидан тўлай олмаса-да, унинг ўрнини босадиган қимматбаҳо буюмларни кўтариб келганди. Мулла Умарнинг совуқ қарши олганини сезиб, зер-у забарларни унинг олдига ташлади.

– Ҳазратим, қарзимизни вақтида қайтаролмаганим учун каминани афв этинг, – дея узр сўради. – Бу буюмларни пул ўрнида қабул қиласиз, деган умиддаман. Ўртамизда яна миллион доллар қоляпти. Қисқа фурсат ичида уни ҳам тўлайман.

Мулла Умарнинг юзига қон югурди. Олдидаги буюмларни санаб ўтирумади. Назари тушгандаёқ қийматини чамалашга улгурганди.

– Ваъдангизга вафо қилишингизни биламан, аммо бошингизга тушган мусибатлар мени жиддий ташвишга солиб қўйди. Эшитишимга қараганда, ўрислар сиз эгаллаб турган худудларни босиб олганмиш.

– Шундай, – бош иргади Зелимхон. – Ҳозир омборимизда ўқ-дорилар тугаган. Бир дона ўқ олтиндан

қиммат бўлиб турибди. Ёрдам бермасангиз, одамларим қирилиб кетади.

– Мендан нима истайсиз? – сўради мулла Умар гарчи Зелимхоннинг мақсадини англаб етган бўлса-да.

– Сўрайдиганим – қурол, ўқ-дори!

Умар бошини кўтарди. Ўнг кўзидағи қора боғични кафти билан босиб қўйди.

– Ироқ, Покистон, Саудия Арабистонидаги дўстларимиз яқинда бизга юз дона «Зенит» ракеталарини, икки мингта жанговар қурол-яроғларни жўнатишган.

– Агар шунча қурол-аслаҳам бўлганида, мен ўрисларнинг барча тўсиқларини янчиб, уларни мамлакат ҳудудидан чиқариб ташлаган бўлардим, – шошқалоқлик билан Умарнинг сўзини кесди Зелимхон.

– Мен шуларнинг барчасини сизга инъом этаман! – юпқа лабларида нимтабассум билан жавоб қилди мулла Умар. – Бироқ қуролларни чегарадан олиб ўтишга ақлингиз етадими?

– Ташвишланманг, ҳазратим, худо бизга ёр! Гарчи чегарамизни ўрислар қўриқлашаётган бўлишса-да, биз яқинда қуролларни ичкарига киритиш мумкин бўлган янги йўлак топганмиз. У эски фор бўлиб, узунлиги салкам уч чақирим келади. Буни ҳозирча ўзимиздан бошқа ҳеч ким билмайди.

– Унда аввалги тузган шартномамизга бир оз ўзгартириш киритамиз. Қуроллар учун ўн фоиз қўшимча ҳақ тўлайсиз.

Мулла Умар томонидан билдирилган фикр жиддий эди. Бироқ Зелимхонни бу ерга келишидан асосий мақсади қурол ундириш бўлганлиги учун ҳам унинг таклифини рад этолмади.

– Розиман, ҳазратим. Лекин одамларингиз қуролларни чегарагача етказиб беришлари керак.

– Таклифингизни қабул қилдим!

- Мен сиздан қанча қарздор бўлиб қоламан?
- Нари-бериси билан юз миллион!

Хисоб-китобда адашмайдиган Зелимхон мулла Умар айтган пулдан заррача сесканмади. Тортишиб ўтиришни хаёлига ҳам келтирмади. Фикри ёди бошлиқларининг топширигини бажаришда эди. У тасдиқ маъносида бош ирғаб қўйди. Бироқ мулла Умар ҳам аноий эмасди. Ҳамиша икки томонлама фойда кўриши ни ёқтиради.

– Сизга яна нима керак? – мулойимлик билан сўради «Толибонлар» етакчиси.

Зелимхон тешанинг сопини ўзидан чиқаришни ўйлади. Афтондан олиб ўтадиган «дори»ларни ишончли одамлари орқали хорижга чиқариб, ундан каттароқ фойда кўришини ва пулнинг маълум қисмини Умардан олган қарзини ёпишга сарф қилишни ўйларди.

- Беш юз килограмм тоза героин.
- Харидорларингиз борми?
- Четдан одам топдим.
- Улар ишончлими? Аввалгилариdek панд бериб, қочиб кетмайдими?
- Пулни санаб, героинни олишади.
- Анча ақлингиз кириб қолибди, Зелимхон.
- Йўқчилик кўзларимни очиб қўйди, ҳазратим.
- Мен бераётган ёрдам аввало сиз учун тухфа. Аслида бундай ёрдамни бефараз, ҳеч қандай олди-бердисиз амалга оширмоғим керак. Аммо ўзингизга маълумки, ўттиз-қирқ минг сино қўлимга қараб турибди. Уларни кийинтиришим, озиқ-овқат билан таъминлашм даркор. Атрофимда фанимларим ҳам керагидан бисёр. Салгина бўш келсан, мени мамлакатдан қувиб чиқаришади ва яна хукмронлик тизгинини ўз қўлларига олишади. Шундай бўлгач, ёвларга қарши аёвсиз курашмоқ даркор.

Зелимхон мулла Умарнинг нимага ишора қилаётганини фаҳмлади:

– Ҳазратим, – деди ўртага чўккан жимликни бузиб,
– мен юртимнинг мустақиллигига жонимни тиккан жангчиман.

Мулла Умар шу пайтгача юрагида сақлаб келган гапларини айтиш фурсати келганини тушунди.

– Кўлимдан келган барча ёрдамимни сиздан аямадим. Ўтган йилнинг ўзида юзлаб тажрибали жангчиларимни, Эрон ва Мисрдан олинган қурол-аслаҳаларни, ҳар бири ўн минг доллар турадиган портловчи мосламаларни юбордим. Бундай куч ва қуроллар билан сиз бутун бир Ўрисияни вайрон қилиб ташлашингиз мумкин эди. Афсуски, улардан фойдалана олмадингиз. Грознийни уларнинг кўлига топширдингиз. Охир-оқибат, одамларингиз ўрмонларда ҳаёт кечирмоқда. Эртага нима бўлади? Мамлакат яна ўрисларнинг кўлида қоладими?

– Ҳазратим, шуни унутмангки, биз ўзимиз танланган йўлдан қайтмаймиз. Сўнгги қонимиз қолгунча курашамиз. Ўрислар бизни енгишлари мумкин, аммо тиз чўқтиришолмайди.

Мулла Умар жилмайди. Юзидағи тўнғиб қолган қаҳр-ғазаб аломатлари кўтарилди.

– Менинг ишларим сизга сабоқ бўлсин, – насиҳатомуз гап бошлади «Толибонлар» етакчиси. – Кўнглим бўш бўлганида, одамларга раҳм-шафқат қилганимда, мамлакат тепасига келмаган бўлардим. Мен душманларимни аяб ўтирумадим. Кобулга кириб келганимда, аввало, мени қўллаб-кувватламайдиган одамларнинг бошини сиртмоққа илдим. Шаҳар кўчаларида хозир ҳам дин душманларининг саноқсиз жасадлари ҳафталааб осилиб турибди. Биламан, ўрислар катта куч...

Маслаҳатим, улар билан фақат битим тузинг, бундан бошқа чорангиз йўқ.

– Биз бу ҳақда Ўрсия ҳукуматига бир неча бор таклиф киритдик. Черномирдин «Россия бандитлар билан шартнома имзоламайди», деб рад этди.

– Сиз шундай йўл тутингки, битим тузиш ташаббуси айнан уларнинг ўзидан чиқсин.

– Биз барча чораларни қўрдик. Бироқ уларни сулҳ тузишга мажбур қиласидиган сабаб тополмадик.

– Ўрсия ўзининг ер ости бойликларини, албатта, сизнинг мамлакатингиз ҳудудидан олиб ўтади. Уларни портлатинг!

– Украина билан алоқамиз бузилиб қолиши мумкин...

– Қўлингизда ўрисларнинг асирга олинган қанча аскари бор?

– Икки юзга яқин...

– Улар орасида раҳбарлар ҳам борми?

– Бор.

– Уларни алмаштириш таклифини ўртага ташланг.

– Буни ўрис ҳукумати хоҳламади.

– Унда ҳукумат бошлиқларининг, Думада ўтирганларнинг қитифига тегадиган, қаҳрини қўзғатадиган ишларни ўйлаб топинг. Бу гапларимни яна ёдингизга солиб қўйишим мумкин. Ўрис миллатига мансуб одамлар яшайдиган уйларни, болалар боғчаларини, мактабларни портлатинг. Ҳукумат бошлиғига, «Кунинга асирга олинган аскарларнинг ўнтадан бошини узиб ташлайман», деб пўписа қилинг ва шундай қилинг ҳам. Шаҳарни вайрон қилинг, ёниб кулга айлансин, ер билан битта бўлсин, лекин сиз тантана қилинг, ҳукумат идорасининг тепасига байроғингизни тикинг. Вайрон бўлган бинолар учун маблағни мен тўлайман. Шунда ўрислар сизга қулоқ солишга, шартларингизга

кўнишга мажбур бўлади. Қўлимиизда қирғин куролла-ри мавжуд. Ўрисларинг бошига офат балосини ёғди-ришга мажбуриз. Мамлакатингизга қайтган заҳо-tingиз одамларингиз билан давлат бошлиғи Ельцин билан музокара ўтказиш масаласини кенгашинг ва бу ҳақда жаҳон ахборот оммаси вакилларини хабар-дор қилинг. Шундай режа ишлаб чиқингки, ўрислар-га қўядиган талаблар жаҳон аҳлига манзур бўлсин ва буни дунё аҳли қўллаб-кувватласин. Ельцин сиз би-лан музокара ўтказишга шошсин. Шунда ҳам қулоқ солмаса, бошқа чора қўллашга мажбуриз...

– Насиҳатларингиз учун миннатдорман, ҳазратим.
Бу масалани борган қунимоқ муҳокама қиласман.

– Менга Мисрдан янги қурол тухфа қилишди...

Зелимхоннинг қулоқлари динг бўлди:

– Қандай қурол экан у?

– Эшитган бўлсангиз керак, эгасиз бошқарилади-ган, учар ликопчага ўхшайдиган жисм. У ердан эллик метр баландликда, овоз чиқармасдан учади. Кўзга ташланмайди. Ҳавонинг рангига уйғунлашган. Йўна-лишни аниқлаб ҳаракатга келтирсангиз бас, айтилган манзилга борганда ўзи шарпасиз худди муз каби эриб кетади. Зарраларидан хосил бўлган ҳид одамлар-ни заҳарлаб, мия фаолиятини кескин ҳолатда ишдан чиқаради. Унинг ҳиди тахминан бир километр квад-рат жойдаги тирик жонни фалаж қиласми.

Яндарбиевнинг қизиқиши ортди.

– Ҳақиқатан ҳам ажойиб қурол экан, мен бундай товушсиз парвоз қиласиган жисмлар ҳақида эшитган-дим-у, аммо заҳар тарқатишини билмасдим. Нархи қанча экан?

Мулла Умар янги қуролни Зелимхон харид қили-шини биларди.

– Ўн миллион доллар!

– Чакки эмас! Буни менга беришингизга умид қилсам бўладими?

– Мен бу қуролни сотиб олинг, деган мақсадда айтмадим. Қўлимизда ўша учар жисмнинг расмлари бор. Сиз оммавий ахборот воситалари ходимларига қўлингизда шундай қурол борлигини айтсангиз, бас. Улар ўша заҳотиёқ шов-шув кўтаришади. Бу ҳам қўрқитиш сиёсатининг бир тури.

Зелимхоннинг ҳафсаласи пир бўлди.

– Учар жисмни менга инъом қиласиз, деган умидда эдим.

– Агар сиз билан тиллаша олсак, инъом қилишим ҳам мумкин!

Зелимхон «Толибонлар» етакчиси ўзининг қандайдир шартларини қўйишга чоғланаётганини сезди.

– Агар ўрислар сиз билан сулҳ тузишни рад этишса, мен шу қуролни сизга тухфа қиласман!

– Кўнглимни тоғдек кўтардингиз, ҳазратим!

– Биз сизнинг энг ишончли ва содик дўстларингизмиз!

– Бизга ваъда қилинган қуроллар қачон йўлга чиқади?

– Одамларим бир ой ичида чегарага етказиб беришади.

– Бир ой узоқ муддат, ҳазратим.

«Толибонлар» етакчиси бош иргаб қўйди, кейин шундай деди:

– Менинг арзимас шартим бор, Зелимхон.

– Эшитаман.

– Биринчидан, қарзингизни олти ой ичида қайтарасиз, иккинчидан, мамлакатда мустақиллик эълон қилган кунингиздан бошлаб, ҳокимиятни фақат бизнинг кўрсатмамиз билан бошқарасиз. Юрtingизда шариат қонунлари ҳукм суради. Бундан ташқари, биз ўзимизнинг ҳарбий базамизни жануби-шарқий ҳудудларингизга жойлаштирамиз. Чеченистон Афғонистоннинг автоном бўлаги сифатида қолади.

Таклиф Зелимхоннинг юрагига нишдек санчилди. Ўрнидан туриб кетишга ҳам тайёр эди, бироқ кўз олдига ўқ-дориси тугаб бораётган аскарлари келди. Уларнинг тақдири Зелимхоннинг хонадан чиқиб кетишига имкон бермади.

– Бу масалани жиддий ўйлаб кўришимиз керак, – деди ўзини зўрға босиб.

Мулла Умар унинг овозидан дили ранжиганини сезди. Чўзинчоқ юзида зухур бўлган табассум ортида, «Бўйнинггача қарзга ботириб қўяйки, таклифларимга ўзинг рози бўлганингни билмай қоласан», деган маъно пинхон эди.

– Ўйлайманки, ўйлаш учун бир ой муддат сизга етади!

– Курол-яроғлар, героин йўлга чиқишига умид қилсан бўладими, ҳазратим?

– Албатта. Ўзимнинг ишончли вакилимни ҳам юкка кўшиб жўнатаман. У менинг элчим сифатида олдингизда юради.

– Одамингиз мен билан кетадими?

– Юқ билан боради.

Зелимхон зудлик билан ортга қайтиши лозим эди. У ўрнидан турди. Улар бир-бирларини бағирларига босиб, хайрлашдилар.

Мулла Умар, «Чеченистонга кимни жўнатиш керак», деган саволга жавоб излади ва бу борада Баширнинг маслаҳатига муҳтоҷлик сезиб, у билан учрашишни дилига туғиб қўйди.

* * *

Разведка ишлари бўйича маслаҳатчи Акрам Зафарий мамлакатнинг шимолидан нохуш хабар келтирганди. У яширин маълумотни «Толибонлар» кенгашининг аъзолари олдида фош қилди.

– Бизнинг илтимосимизга кўра, араб давлатларидан ёрдамга келаётган юз нафар жангчи «Ўлик довонда» ўқقا тутилиб, ҳаммалари ҳалок бўлишган. Уларнинг барчаси Африка ва Ироқда махсус тайёргарликдан ўтган, жанг сирларидан яхшигина хабардор жангчилар эди. Айгоқчиларимизнинг хабарига кўра, бу ишни Шоҳ Маъсуднинг одамлари амалга оширишган.

– Шоҳ Маъсуд уларнинг келаётганини кимдан эшишибди? – савол ташлади кенгаш аъзоларидан бири. – Ахир уларнинг келиши қаттиқ сир сақлананаётганди-ку!

– Абдурашид Дўстум билан Шоҳ Маъсуд қачонгacha бизнинг одамларимизни ўлдиради? Уларга қарши жиддий чора кўришнинг вақти келмадими? Айгоқчилар учун миллионлаб пулларни сарф қилдик, бироқ натижага чиқмади. Нега шу пайтгача уларнинг бирортаси орадан олиб ташланмади? Улар йўқотилмас экан, биз хотиржам яшай олмаймиз! Хавф-хатар ҳамиша изимиздан қувиб юради!

– Жўнатган одамларимизнинг бирортасини қўлидан ҳеч нарса келмаяпти. Мана, Эргаш бизга қандай ваъдаларни бермаганди. Бироқ жўнатган одами қўлга тушиб, ҳаммамизни шарманда қилиб қолмай, балки биздан эҳтиёт бўлишадиган бўлишди. «Сен жўнатган одамлар менинг қандай қудратга эга эканлигимни билиб қўйисин», деган маънода икки қулоғини кесиб, қайтариб юборишибди.

– Бу бизнинг устимиздан қулиш!

– Абдурашид Дўстумдан хавотирланиш ўринсиз. Уни қўллайдиган Шўро ҳукумати парчаланиб, йўқ бўлиб кетди. Энди уни текинга қурол-аслаҳа билан таъминлайдиган аҳмоқ йўқ. Шоҳни йиқитсан, у ёлғизланиб қолади. Мамлакат тасарруфимизга тўла ўтади.

– Ҳар икки қўмондонни тирик қолдириб бўлмайди. Кенгашнинг аввалги ҳукми ўз кучида қолади.

– Ўлим! – дейишиди ўтирганлар бир овоздан қўлла-
рини кўкка кўтариб, юзларига фотиҳа тортишар экан.

– Ўлим! – тасбех ўгириб ўтирган мулла Умарнинг
ёрдамчиси Юнус Холис ҳам бу сўзни баланд овозда
такрорлади.

– Шохнинг аскарлари орасида нечта айфоқчингиз
бор? – сўради Юнус Холис Акрам Зафарийдан.

– Тўртта!

– Тўртта жосус шу пайтгача нега топшириқни бажа-
ра олмаяпти?

– Фурсат кутишмоқда. Ахир улар дабдурустдан ҳу-
жум қилишолмайди.

– Бошқа йўл топишимииз керак, – деди Мудофаа
ишлари бошлиғи Сайфиддин. – Шундай йўл топай-
ликки, Шоҳ Маъсуд бизнинг домимизга тушганини
ўзи пайқамай қолсин.

– Кейинги пайтларда биз эгаллаб олган кўпгина
худудларга Шоҳ Маъсуднинг аскарлари ҳужум қил-
моқда. Халқ ичида унинг тарафдорлари кўпаймоқда.
Ўтган бир ой ичида Шоҳга нисбатан ўн олти маротаба
суиқасд уюштиридик. Афсуски, қўмондон омон қолди.
Хозир унинг соқчилари аввалгидан ҳушёр бўлиб қо-
лишган. Пашшанинг қанотини ҳам текшириб, олдига
киритишмоқда.

– Кенгаш йиғилишидаги махфий гап-сўзлар, маъ-
лумотлар, ишлаб чиқилган режалар қўмондоннинг
қулоғига етиб бораётгани мени ташвишлантиримоқда,
– деди Мудофаа ишлари бошлиғи. – Қандахордаги
лагеримизда элликта одамимиз портлатиб юборилди,
«Тора-Бора» горида сақланаётган катта миқдордаги
курол-аслаҳаларимиз ўғирлаб кетилди, Абдурашид
Дўстумни тинчтиш учун юборилган ўн нафар ху-
фиянинг ҳаммаси қўлга тушиб, боши узиб ташланди.
Қўшинларимизнинг Хиротга уюштирадиган ҳужуми

фош бўлиб, одамларимизни асирга олишди. Жалолободдаги аскарларимиз яшаётган фор портлатилди. Файзиободдаги техникаларимизни тортиб олишди. Покистондан кириб келган минг дона қурол-аслаҳа ва ўқ дорилар юкланган машина қўлга тушди, энг яқин одамларимиздан Файзуллоҳ ибн Аловиддин ўғирлаб кетилди. Англиядан келган йўриқчилар асирга олинди. Эргашнинг лагерида тайёргарликдан ўтиб бўлган камикадзеларнинг чодири портлатилди. Бу ишларнинг тепасида Дўстум ва Шоҳ Маъсуд турибди.

– Кимдир режаларимизни уларнинг қулогига етказмоқда. Ичимизда хоин бор! Абдурашид Дўстум ва Шоҳ Маъсуд эгаллаб турган ҳудудга уюширадиган махфий жангимизни пайқаб қолишиди. Одамларимиз улар томонидан қўйилган пистирмага илинишиди. Демак, улар биздан ҳушёр, биздан чақонроқ!

– Куни кеча Маъсуднинг аскарлари қўшинларимизни Кундуз вилоятидан қувиб чиқаришиди.

– Ҳозиргача бирортангиз қўмондонларни ўлдириш режасини ишлаб чиқдингизми? Мулла Умар ҳазратлари уларни бир ой муддат ичида йўқотиш вазифасини топширгандилар. Нега бу иш шу кунгача орқага сурилмоқда?

Ўтирганлар бошларини эгишди. Юнус Холис Зрафорийга юзланди.

– Одамларингиз келтираётган маълумотларнинг бирортаси ўзини оқламади. Ёлғон ахборотларга ишониб, катта кучларимизни йўқотяпмиз. Менга аниқ жавоб беринг, бир ой ичида Шоҳ Маъсуднинг, Дўстумнинг қанча аскарларини асирга олдингиз? Қўлингизда катта куч бўла туриб, Дўстумни кичкинагина бир қишлоқдан қувиб чиқаролмаяпсиз!

– Жаноблари ҳақ сўзни сўзладингиз, биз кўп хатоларга йўл қўйдик, – деди Зрафорий. – Буни қон билан ювсак-да кетмайди! Бир ҳафта муддат беринг, шахсан

ўзим Шоҳ Маъсуднинг бошини кесиб, оёғингиз остига юмалатаман!

— Менга бошини келтираман, деб катта кетманг. Жони узилганини эшитсан ҳам дардим енгиллашади. Шоҳ Маъсуд ўн кун ичида ўлдирилмас экан, Зафарий жаноблари, ўзингизга шаҳар ўртасидан дор ясашингизга тўғри келади. Мен ва одамларим бошингизни сиртмоққа илиш учун ҳузурингизга боришимиз шарт эмас. Каллангизни ўз қўлингиз билан сиртмоққа илганингизни эшитсан бўлди. Бошингиз омон қолиши учун ҳозирданоқ одамларингизни ишга солинг. Шоҳ Маъсуднинг жони учун қанча маблағ кетса, хазинадан ишлатинг, — деди Юнус Холис айғоқчилар бошлиғига.

— Эштишимга қараганда, яқин кунлар ичида қўмондон хорижлик оммавий ахборот воситалари ходимларига интервью бермоқчи эмиш, — деди кенгаш аъзоларидан бири. — Хуфияларингизни мухбирлар ичига киритинг. Улар бу имкониятдан фойдаланишсин!

— Хабарим бор, — деди айғоқчилар бошлиғи Юнус Холисга ўгирилиб. — Бироқ йифин фақат Америка ва Европа давлатларидан келган мухбирларга мўлжалланганмиш.

— Дўстларимиз билан маслаҳатлашинг, ўшалар йўл кўрсатишади! Улар бизни ҳар жиҳатдан қўллаб келишмоқда! Ўйлайманки, таклифимизни хурсандчиклик билан қабул қилишади.

— Бугуноқ улар билан учрашаман!

— Чеченистонга кетаётган олти нафар йўриқчиларни, қурол-аслаҳамиз ортилган машинани кимлар портлатганлигини аниқладингизми? — Юнус Холис миршаблар бошлигининг ёрдамчиси Ходи Қамбарга юзланди.

— Текширув ўтказдик. Тирик қолган йўриқчи бу ишда Эргашнинг одамларининг қўли бор, деди.

– Ким экан ўша одам, сўрадингизми?

– Бўрон!

– Бўрон? Қайси Бўрон? – Юнус Холис чўчиб тушган одамдай гавдасини орқага ташлади. Ёрдамчиларидан бири шивирлади.

– Яқинда кенгашга аъзо бўлган йигит. Унинг олдида яна бир йигит бўлган.

– Бўлиши мумкин эмас! – деди Зафарий овози титраб. – У бизнинг одамимиз. Биз учун ишляяпти!

– Афсуски, йўриқчи шундай кўрсатма берди. Қурол-аслаҳалар юкланаётган пайтда у машина атрофида бўлган. Ҳатто, машинага чиқиб, тушган!

Маслаҳатчилардан бири қўшимча қилди:

– Жаноблари катта миқдорда маблағ сарфлаб, беш ойдан бери ажнабий йўриқчилар томонидан тайёргарликдан ўтган камикадзеларнинг портлатилишида ҳам Бўроннинг қўли бўлиши мумкин, тақсир! Яна шуни айтаманки, Эргашга нома олиб кетаётган уч нафар одамимиз айнан унинг худудига киргандан сўнг изсиз йўқолган! Портлаш содир бўлган жойдан эксперталар тошлар остига яширилган гранатомётни топиб олишди. Унинг қўндоғига «Розиқ», деб ёзилган. Текшириш чоғида машинага айнан мана шу қуролдан ўқузилган.

Юнус Холиснинг рангида қон қолмади.

– Розиқ ким?

– Ўзимизнинг аскарлардан бўлиб чиқди. У шериклари билан Эргашга Башир жанобларининг махфий мактубини олиб кетаётганида отиб ўлдирилганди. Одамларимиз уни ва шерикларининг жасадини тошлар орасидан топиб олишди. Мурдалар ёнидан мактуб чиқмади. Муҳими шундаки, улар отиб ўлдирилмаган. Бўйинларига олмос қадалган. Буни фақат пухта тайёргарликдан ўтган жосусгина амалга ошириши мумкин.

Юнус Холис қалтираб кетди:

– Бўронни ҳозироқ тутиб, олдимга келтиринглар!

Уни ўзим сўроқ қиласман. Бу ишларда қўли борлиги исботлангудек бўлса, илонларга қонини сўрдириб, устига тоғларнинг тошини бостираман!

– Бўрон ҳозир Башир жанобларининг топширифи билан Қирғизистон чегарасига кетган.

– Нима сабабдан?

– Хаттоб жаноблари номига битилган махфий мактубни одамларимиздан бирининг қўлига топшириш мақсадида.

– Баширга хабар қилинг, Бўрон орқали юборилган пакетнинг муҳри бузилганми, йўқми, зудлик билан аниқласин! Агар бузилган бўлса, сизлар қўйган айбларни исботлаб ўтириш фойдасиз! – Юнус Холис миршаблар бошлиғига юзланди. – Одамларингизга тайинланг, Бўрон лагерда пайдо бўлиши биланоқ ушлаб, хузуримга келтиришсан! Яна бир топшириқ, унинг ўғилчаси Робия исмли аёлнинг қўлида. Уни ҳам бу ерга келтиринглар! Боласини оёғидан осиб қўйсак, айбини тан олишга мажбур бўлади!

– Бош устига, ҳазратим...

Зафарий жўнаш олдидан Юнус Холисдан сўради:

– Бўроннинг ишлари ҳақида мулла Умар жанобларини огоҳ этайми?

– Ҳозирча шошилманг, биз барча айбларни бўйнига қўяйлик, кейин маълум қиласиз!

Зафарий «дўстлар» билан учрашгани уларнинг қароргохига жўнаб кетди.

* * *

Кутилмаганда мулла Умар Баширни йўқлаб қолди. У ўша заҳотиёқ ҳазратнинг ҳузурига жўнаб кетди. Йўл тинч эмасди. Шоҳ Маъсуднинг одамлари тунда шаҳарга кириб келган ва «Толибонлар»га қарши кутилмаган зарбаларни беришганди. Элликка яқин соқчи мулла Умарнинг қароргоҳини ўраб олишганди. Улар Баширнинг келишидан хабардор бўлишса керакки, машинадан тушиши биланоқ, уни ичкарига бошлаб киришди. «Толибонлар» етакчиси меҳмонни ўрнидан туриб кутиб олди.

– Хуш келибсан!

Башир унинг қўлларини олиб, кўзига суртди.

– Тангirim умрингизни узоқ қилсин, ҳазратим.

Мулла Умар меҳмонни тужунидан ясалган кўрпачага таклиф қилди:

– Усама жанобларидан янги топшириқ олдим, – деди у қўлидаги тасбехни ўгириб.

– У зоти шарифнинг ҳайрли топшириқларини баҷариш ҳаммамизнинг бурчимиздир.

– Баракалла! Не қилса ҳам Тангirim бизларни ягона мақсад йўлида бирлаштирган.

– Қуллуқ! – таъзим қилди айғоқчи.

Мулла Умар бир зум жим қолди, кейин Баширнинг чўзинчоқ юзига тикилиб, гапида давом этди:

– Қиблагоҳимизнинг мақсадлари – Чеченистондан русларни тезроқ ҳайдаб чиқариш. Минг афсуслар бўлсинки, ул ўлкада фанимларимизга қарши олиб борилаётган жанг бизни қувонтирадиган даражада эмас. Ҳаммамизга ойдек равшанки, Россия ҳукумати Чеченистоннинг мустақиллигини тан олмаяпти. Улар ўз армиясини, ҳарбий базаларини мамлакат ҳудудидан олиб чиқиб кетмаяпти. Мустақиллик учун курашаёт-

ган биродарларимизни ҳар томондан ўраб, танг аҳволга солиб қўймоқда.

– Кескин чоралар кўриш пайти келди! – фикр билдириди Башир.

– Чеченистон ҳуқуматининг амалдаги раҳбари муҳтарам Зелимхон Яндарбиев бир неча бор Московга мурожаат қилди. Унинг талабларига қулоқ соладиган раҳбар топилмади. Ўзингга маълумки, Зелимхон олдимга келиб, мендан ёрдам кучлари сўраган. Унинг таклифларини ўша пайтнинг ўзидаёқ раҳнамомизнинг қулоқларига етказгандим. Жаноблари озодлик жангчиларини ҳар томонлама қўллаб-қувватлаш, рағбатлантириш мақсадида икки юз нафар синони (аскарни) ва катта миқдорда маблағ жўнатгандилар. Бахтга қарши, натижа биз кутгандек бўлмади. Шундан кейин биз Зелимхонга Москвага боришни, Борис Ельцин билан бир столда юзма-юз ўтириб, музокара ўtkазишни ва бу музокарада фақат бир масала – ўрислар ўз армиясини мустақил Чеченистон давлатидан тезда олиб чиқиб кетиш масаласини ўртага қўйиши топширдик. Зелимхон таклифни қабул қилди.

– Музокаралар қачон ўтказилади? – юзи бир оз жиддий тус олган Башир Умарнинг сўзини кесди.

– Музокаралар ҳозир ҳам давом этмоқда. Яқин кунларда бир тўхтамга келамиз.

– Сиз Россия ҳуқуматининг Яндарбиев билан бўлиб ўтадиган музокарасининг ижобий томонга ҳал этилишига ишонасизми? – кутилмаганда оғзидан чиқиб кетган саволдан Баширнинг юзи қизариб кетди.

– Назаримда сен Зелимхоннинг Борис Ельцин билан бўладиган учрашувига шубҳа билан қарамоқдасан?

Башир мақсадини яширмади.

– Руслар Яндарбиевни тан олмайди! Қолаверса, Усама жаноблари, «ўрис давлати ҳеч қачон мусулмонларга таҳдид солмайди», деб айтганлар.

– Ваъдалар берилаверади, сўзлар айтилаверади. Жаноблари вазиятга қараб иш кўришни яхши кўрадилар. Олампаноҳнинг Покистоннинг Лахур шахрида мухбирлар билан бўлган учрашув чофида, «уруш кетаётган давлатлардаги мусулмонларни мунтазам равишда молиявий жиҳатдан қўллаб-қувватлаб турман», деб очиқ айтганлар. Сен назоратга олган Эргаш ҳам у муҳтарам зотдан йилига уч миллион доллар олиб туришини ўзинг яхши биласан. Араб давлатларидан бизнинг юртимизга келган 2000 минг нафар мужоҳидни ҳозиргача ўз ҳисобларидан боқмоқдалар. Бундан ташқари, Фаластин «Мусулмон биродарлар» жамиятининг бошлиғи Абдулло Аъзам жаноблари ҳам мусулмонларга «Хизмат кўрсатиш ташкилоти» томонидан катта миқдорда маблағ ажратганлар. Билиб қўй, Зелимхоннинг ортида катта куч турибди. Усама жаноблари яқин кунлар ичида ўзларининг ўнлаб тажрибали йўриқчиларини, маслаҳатчиларини, сиёsatчиларини, башоратчиларини Чеченистонга юбормоқчи бўлиб турибдилар. Яндарбиев Москвадан қуруқ қўл билан қайтадиган бўлса, мамлакат ичида яшайдиган русийзабон миллатларнинг бошига қандай савдолар тушишини одамзот узок йилларгача унутолмай юради! Қолаверса, Ельциннинг ҳаёти ҳам унинг қўлида. Биз шундай тактика ишлаб чиқдикки, агар Яндарбиев Москвада музокараларни ижобий ҳал этолмаса, Ельцин Грознийга ташриф буюришга ўз-ўзидан мажбур бўлади. Бу ердан ўз юртига соғ-омон кетишининг эса иккита йўли бор. Яндарбиевнинг талабларини бажаради ёки...

– Ҳазратим, яқинда рус ҳукуматининг раҳбари Черномирдин: «Биз чечен жангарилари билан ҳеч қачон бир курси атрофида ўтириб, маслаҳатлашмаймиз», деб очиқ баёнот берди.

Мулла Умар бошидаги салласини тўғрилади.

– Биз шундай ишларни амалга оширамизки, унинг ўзи музокара ўтказишга шошиб қолади, – гапида давом этди мулла Умар ўнг кўзини боғлаб олган қора боғични кафти билан текислаб. – Энди асосий масала-га ўтсак. Яндарбиев Усама жанобларидан жуда катта миқдорда қарз сўрамоқда. Олампаноҳ унинг илтимо-сини рад этмадилар. Эллик миллион доллар инъом қилдилар.

– Аллоҳ у кишининг бойликларини бундан-да зиёда қилсан!

– Олампаноҳ куни кеча каминани ҳузурларига чақириб, «Бу гал маблағ билан ишончли одамни ҳам қўшиб жўнатишимиз керак, Яндарбиев аввалги пуларни нима мақсадда ишлатгани менга қоронғи бўлиб қолди», деб маслаҳат солдилар. Мен у зотнинг сўзла-рини маъқулладим.

– Ишончли одам топилдими? – сўради Башир мул-ланинг мақсадини тушуниб.

– Шу мақсадда сени бу ерга чақиртирдим. Биз топ-ган одам Яндарбиевнинг ёнида юриши ва жаноблари томонидан берилган маблағнинг ҳар бир тийини қандай ишларга сарфланаётганинг ҳисобини олиши даркор. Жўнатадиган одамимиз ўта зийрак ҳамда хи-соб-китобни яхши билиши даркор.

– Таклифингиз ўринли, – деди Башир. – Сиз кимни юборишни лойик топдингиз?

– Мен аввалига Эргашни танлагандим. Ўзингга маълумки, у Чеченистонда бўлиб, дўстларимизда яхши таассурот қолдирганди.

– Уни жўнатиб бўлмайди. Руслар ҳам, ўзбеклар ҳам қидиришмоқда. Интерпол изига тушган! Бундан ташқари, лагердаги вазият ўта қалтис. Одамлар тиф устида тургандек яшашмоқда. Эргашни жўнатадиган бўлсак, йигитлари қочиб кетади.

«Толибонлар» етакчиси чуқур ўйга толди ва ниҳоят сўради:

– Кенгашнинг янги аъзоси айни кунларда нима ишлар билан банд?

Башир гап Бўрон ҳақида кетаётганлигини дарров фаҳмлади:

– Жанобларининг ашаддий душмани бўлмиш Абдурашид Дўстумнинг изига тушган. Унинг ожиз томонларини ўрганмоқда.

– Унга бўлган ишончинг баландлигини биламан. Эшитишинг қараганда, кенгаш йифинида ҳам яхши фикрларни билдириб, Амирий жанобларининг ҳамд-у саносига мушарраф бўлибди.

– Шундай! Бироқ у таклифимизга рози бўлармикин?

– Кўндирасан! Нима қилса ҳам унинг ватани – Афғонистон. Бизнинг йўлимизга юришга мажбур!

– У қаҷон жўнаши керак?

– Буни беш-олти кун ичида сенга маълум қиласман. Ҳозироқ у билан учрашиб гаплаш, тайёргарлигини кўрсин. Чеченистонга кетаётганини ҳеч ким билмасин. Ҳатто Эргаш ҳам!

* * *

Мулла Умарнинг хонасидан чиққан Башир Эргашга телефон қилди.

– Бўронни ҳозироқ менинг олдимга жўнатинг!

– Уни Юнус Холиснинг одамлари олиб кетишиди, – жавоб қилди Эргаш.

– Нимага?

– Машинадаги қурол-аслаҳаларни портлатишда қўли бор, деб гумон қилишмоқда!

– Бу қандай ярамаслик!

– Улар сўзларимга қулоқ солишмади, тақсир!
– Юнус Холиснинг куни битган кўринади!
Башир телефонни ўчирди ва машинасига ўтириб,
Юнус Холиснинг идорасига жўнаб кетди...

ЮРТДА

Бу қишлоқда ҳафтанинг якшанба кунлари бозор бўлади. Водийнинг кўп жойларидан ҳунармандлар, дехқонлар, косиблар ўз маҳсулотларини олиб келиб сотишади. Бозор ўртасидаги икки асрга тенгдош сада ўз тарихида илк бор танасига боғлаб ташланган инсоннинг ох-зорларига гувоҳ бўлди. Сададан йигирма қадам нарида раста бўлиб, унинг устига турли ўлчамдаги оёқ кийимлари териб қўйилганди. Сотувчи бир пайтлар нуфузли ташкилотда ишлаб, порахўрлиги туфайли вазифасидан четлатилган эллик беш ёшлардаги Тўйчи исмли одам эди. Ўзгаларга ҳамиша шубҳа ва гумон билан қаровчи бу кимса ўтган-кетганларнинг қўлидаги буюмлардан кўз узмасди. Унинг нигохи бир жуфт калишни қўлтифига қистириб, оломон ичидаги кетиб бораётган йигитда тўхтади. Назарида, у растадаги калишлардан бирини ўғирлаб кетаётгандай эди.

– Тўхта! – Тўйчи йигитнинг ортидан қичқирди. Бироқ овозини фала-фовур ютиб юборганлиги боис, йигитнинг қулоғига етиб бормади. Тўйчи раста устидан ошиб ўтиб, одамларни суриб-туртиб, йигитга етиб олди. Қўлидан калишни юлиб олди.

– Халойик, ўғрини тутдим! – қичқирди у бир қўли билан йигитнинг билагидан чанглаб, иккинчиси билан калишни баланд кўтариб.

Ўтаётган-кетаётганлар тўхташди. Бир зумда тумонат одам тўпланди.

– Мен ўғирлик қилмадим, ака! Калишни ўз пулимга сотиб олдим!

Тўйчи йигитга нафрат билан қаради:

– Тонма, хунаса! Қандай ўғирлаганингни ўз кўзим билан кўрдим. Шу билан башарангга солайми, абллаҳ! Бу меники! Ўғирлагансан! – у баланд овозда бақириб, атрофдагиларнинг диққатини жалб қиласарди.

«Ўғрини тутишибди», деган гап қанот қоқиб, оғиздан-оғизга ўтди. Бозорда «Адолат лашкарлари» гурхининг аъзолари юришганди. Улар етиб келишди.

– Биз – лашкарлармиз, нима гап? – сўради улардан бири дўкончидан.

– Ўғрини ушладим, – деди у калишни кўрсатиб. – Кўлтиғига қистириб кетаётганида тутдим.

Лашкарлар йигитнинг қўлларини қайиришди.

– Арқон келтиринглар! – улардан бири шериклари-га бўйруқ берди.

Қўли орқасига қайрилган, боши кўкрагига тегиб турган йигит нима дейишни билмай, қалтираб туарди. Ўзига нисбатан нафрат билан боқиб турган нигоҳларга қарашга ботинолмасди. Кўзларидан сизиб чиқаётган ёш ёноқларини ювиб тушарди. Атрофга тўпланганларнинг, «Бунақаларни боплаб адабини бериш керак, яхшиям лашкарлар бор», деган гаплари қулоғига чалиниб туарди. Бу сўзлар табиийки, лашкарларни рухлантириб юборганди. «Ўғри»ни садага боғлашди. Картон қофозга «Мен ўғриман», деган сўзи ёзив, бўйнига илишди.

– Халойик, бундайларнинг юзига тупуриш керак! – деди оломон ичидан кимдир.

Уч-тўрт одам «ўғри»нинг юзига туфлашди. Томошабинлар борган сайин кўпайиб бораарди. Кимдир қарғарди, кимдир сўкарди ва яна кимдир туртиб ўтарди.

– Ёшгина йигит экан, нима қиласарди, бироннинг молини ўғирлаб?

– Бу ернинг одамига ўхшамайди!

– Йигит бечоранинг биронта яқини йўқмикин?

– Кўрган кунинг курсин!

– Кўлини жоди билан кесиш керак!

– Пахсанинг тагига бостиранг ҳам оз!

Одамлар орасини ёриб, кекса чол чиқди.

– Хой, мўминлар, бу йигитнинг ўғирлик қилганини дўқончидан бошқа ким кўрган? Бирорта холис борми? – сўради у атрофдагиларга қараб. Ҳеч кимдан садо чиқмади. Фала-ғовур босилди. Чол лашкарлардан бирининг ёқасидан тутди: – Урушда ҳам бундай пасткашликни кўрмаганман. Ҳеч бир халқ ўз миллатини бу қадар хўрламайди. Исботсиз, далилсиз одамни бир чайқовчининг гапига ишониб, айбдор қилишга ким ҳуқуқ берди, сенларга?! Сенлар ўзи кимсанлар, қанақа лашкарсанлар? Сенлар кимни қўриқлаяпсанлар?! Давлат йўқми, мелиса ўлдими? Ҳеч гапдан ҳеч гап йўқ муттаҳам бир юлғичнинг гапига учиб, бечора йигитни ўғри, деб бадном қилмоқчимисанлар?! Унинг фурурини синдиromoқчимисанлар? Бу болани сенлар ўз фарзандинг ўрнига қўйиб кўрдингми?

– Ҳов, ота, бизларни ким деб ўйлаяпсиз? Биз «Адолат лашкарлари»миз, юртни ўғрилардан, безорилардан ҳимоя қиласиз, деб қасам ичганмиз!

– Сен-а?! – қария лашкарнинг қўзларига бокди. – Сен п...нг қотмай, оқ-корани танимай, халқни ҳимоя қилмоқчимисан?! Кимдан ҳимоя қиласан?! Ўз халқини ҳимоя қиладиган давлат бор, унинг эгаси бор, мелисаси бор, аскарлари бор! Биз ҳали давлатсиз, пошибонсиз қолганимиз йўқ! Илоҳим, кунимиз сенга ўхшаган мишиқиларга қолмасин! Индамасак, бошимизга чиқиб сийдигингни оқизасанлар! Худо сенларнинг қўлингга қаратгилик қилмасин! Бу йигитнинг ўғирлик қилганига мен ишонмайман! Қўзларига қара, устидаги кийимларига қара! Бечора одамга ўхшайди. Уни ҳозироқ қўйиб юбор!

– Магазинчи бизга ёлғон гапирмайды! Ахир у амалдор бўлиб ишлаган. Ўғриларни қўлга олишни билади. Ана, қаранг, қўлида калиш турибди, далилий ашё эмасми бу? – лашкар ўзини оқлаш учун дўкончининг қўлидаги оёқ кийимини тортиб олди.

– Мен буни бошқа магазиндан сотиб олганман, – зўрға тилга кирди дараҳтга боғланган йигит.

– Алдама! – ўшқирди лашкарлардан бири. – Кўлимиизда далил бор, гувоҳимиз бор! – у калиш билан йигитнинг бошига солди.

– Урма! – боягидан товушини баландлатди қария.

– Кўйиб юбор!

– Менга қаранг, ота, – деди иккинчи лашкар чолнинг олдига келиб. Улар атрофни ўраб олган одамларга ўзларини қўрсатиш ва ҳақликларини исботлаш учун жон-жаҳдлари билан чиранардилар. – Боя айтдим, биз – лашкарлармиз деб, бирорни ноҳақ айбламаймиз. Худодан қўрқамиш! Бориб ишингизни қилинг, бизнинг ишга аралашманг! Ёки сиз ҳам шерикмисиз?!

Чол тутаб кетди. У чекинишни, чорасиз йигитни уларнинг қўлига топшириб кетишни истамасди. Лашкарлардан бири чолнинг қўлидан тортди.

– Кетинг бу ердан!

– Яқинлашма, пичофим қонсираб турибди, ҳамманги тилиб ташлайман! – деди чол қиндан пичофини суфуриб. Лашкар қариянинг важоҳатидан қўрқиб чекинди. Одамлар бир чолга, бир лашкарларга қарашарди. Ҳақ билан ноҳақликнинг тўқнашуви эди, бу.

Оломоннинг орасини ёриб, ўрта ёшлардаги одам чиқди. Ҳамма унга қаради. Лашкарларнинг каттаси бўлса керак, деб ўйлашди.

– Мен тижоратчиман, – деди у овозини баландлатиб. – Бу йигитни танийман, калишни мендан сотиб олган! Ҳатто, беш сўм пули етмай, келаси бозор ташлаб кетишга сўз берганди!

Одамлар енгил тин олишди. Оғзидан бад сўзлар чиққан кимсаларнинг боши ҳам бўлди. «Адолат лашкарлари»нинг қаерга даф бўлишганини ҳеч ким кўрмай қолди. Бу уларнинг шармандали мағлубияти эди. Бу одамлар қалбидаги уларга бўлган ишончнинг сўниши эди. Чоларқонни кесиб ташлади. Йигит бехуш йиқилди.

ИСТАНБУЛ

Чегечининг ўлемидан сўнг унга тегишли бўлган барча мол-мулклар ва туаржой бинолари қонун бўйича Гўзалга мерос сифатида қолиши лозим эди. Бироқ ота-бала ўртасидаги можаролардан хабардор бўлган соқчилар хўжайинлари ўлган куниёқ унинг бойликларини ўғирлаб қочишга тушдилар. Гўзал бу ишнинг олдини олиш мақсадида ишончли соқчиларни олиб қолди ва уларнинг ойлигини икки баробарга кўтарди. Ўғриларни тутиб келишни буюрди. Соқчилар уларни тез орада тутиб келиб, Гўзалинг оёғи остига тиз чўқтиришди. У бевафо хизматкорларига раҳм-шафқат қилмади. Бўйниларига тош боғлаб, тириклай денгизга чўқтириб юборди.

Гўзалга падарининг бехисоб бойликлари қатори, темир сандигида сақланётган муҳим ҳужжатлар ҳам мерос қолганди. Отасининг ишларидан хабардор бўлганлиги сабабли, бу ҳужжатларнинг нималарга қодирлигини, қолаверса, Амирий зудлик билан етиб келишини ва қофозларни талаб қилишини биларди. Гўзал отасининг жасадини тупроққа қўйган куни туни бўйи мижжа қоқмай, қофозларни бирма-бир кўздан кечириди ва уларнинг кутганидан ҳам муҳимлигини тушунди. Махсус хизмат идораларининг ходимлари бежиз отасининг изига тушмаганини, унинг сирли ўлемида айнан ўшаларнинг қўли борлигини англади.

Гўзал Амирийнинг келишини кутарди. Ҳужжатларнинг барчаси унинг ташкилоти томонидан узоқ йиллар давомида ишлаб чиқилгани, ташкилотнинг Осиё мамлакатлари, шунингдек, Европа давлатларида ҳам амалга оширилиши мумкин бўлган режалар, ўнлаб давлатларда иш юритаётган жосусларга топширилган ўта муҳим вазифалар, уларнинг шахси билан боғлиқ маълумотлар, энг асосийси, истаган пайтда ўз-ўзини портлатишга тайёр камикадзеларнинг исм-шарифи, манзили сақланарди. Бундан ташқари, қурол-яроф ишлаб чиқариш билан шуғулланувчи ихтирочилар, оммавий қирғин қуроллари ишлаб чиқариш, одамларни фалаж қилиш, ақлдан оздириш, сув ҳавзаларини заҳарлашда ишлатиладиган маҳсус дориларни тайёрлаш билан шуғулланувчи кимёгарларга берилган маҳфий топшириқлар, дунёning бир қатор давлатларида кули кўкка совурилиши лозим бўлган бинолар, иншотлар, ҳарбий обьектлар, завод-фабрикалар, сувости ва устида юрадиган танкерларнинг йўналишлари ҳам жой олганди. Гўзал уларни кўздан кечириб, Амирийнинг ташкилоти нималарга қодир эканлигига ва бу ишларнинг тепасида айнан отаси турганига амин бўлди. Гўзал қофозларнинг ичидан кераклисини ажратиб, яширишга қарор қилди.

Чегечининг вафоти тўғрисидаги хабар Амирийнинг қулогига ҳали унинг жасади тупроққа қўйилмасдан аввал етиб борди. Шу заҳотиёқ юрагини хавотир ўртади. Ўзини қўйгани жой тополмай қолди. Уни саффошининг ўлими эмас, аксинча, қўлидаги хужжатлар ташвишга солганди. Улар бегона қўлга тушса, кенгашнинг сири фош бўлади, юзлаб одамлар темир панжара ортида ўтиради, жаҳоннинг бир қатор мамлакатларидағи банкларда сақланаётган миллионлаб пуллар мусодара бўлади.

У Туркияга парвоз қилишга мажбур бўлди. Шошилишининг сабаби шунда эдики, бу ўлкадан янги одамлар топишни, сафини аввалгидек мустаҳкамлашни, Афғонистондаги тўдани бевосита ўзи бошқаришни ўйлаганди. Истанбулдан ўзига янги қароргоҳ сотиб олиш мақсади ҳам йўқ эмасди.

Амирий эртаси куни Гўзалнинг уйида пайдо бўлди.

— Бошингизга тушган мусибатни эшитиб, чукур қайфуга ботдим, хоним. Менинг таъзиямни қабул қилинг. Билсангиз, биз падарингиз билан йигирма йиллик қадрдон дўст эдик. Кенгашнинг ишига оид маълумотлар у кишининг қўлида сақланарди. Ижозат берсангиз, ўша қофозларни олиб кетсам.

— Отам ўлими олдидан сизни кўп эсладилар, — деди Гўзал Амирийнинг мақсадини тушуниб. — Бироқ сиз айтган қофозлардан мен мутлақо бехабарман.

Амирийнинг тили қотиб қолди. «Ҳақиқатан ҳам қиз бехабарми?» деб ўйлади. Унга ортиқча саволлар бериб, қизиқишини уйғотишни истамади. Назарида, азадор қиз отасининг жасадини бағрига олган тупроқ совумасдан бундай қофозлар билан қизиқмаслиги табий эди.

— Рухсат берсангиз, мен дўстимнинг ишхонасидағи хужжатларни кўздан кечирсам.

Гўзал эътиroz билдирамади. Меҳмонни отасининг ишхонасига кузатиб қўйди.

— Бемалол ишлашингиз мумкин, ҳеч ким сизга халақит бермайди.

Амирий қонсиз лабларида сунъий табассум билан миннатдорчилигини изҳор қилган бўлди. Гўзал чиқиб кетиши олдидан темир сандиқнинг калитини ҳам топширди. Қария ўзини хотиржам сезди. Хужжатлар жойида турганига ишонди. У шошмасдан иш бошлади. Аввал тортмадаги қофозлар билан танишди, кейин темир сандиқни очиб, бир кўтарим жилдларни олди.

Уларни вараклаб, кўз югуртириб чиқар экан, излаган қофозларини тополмай юраги фаш бўлди. «Қаёқда қолган бўлиши мумкин? Наҳотки Чегечининг жонига қасд қилганлар уларни олиб кетишган бўлса? Йўқ, бу хонадонга бегона одам киролмайди, кирганда ҳам қофозларни тополмайди.»

Кекса жосуснинг хаёлига келаётган ўйлар баданини музлатиб, юрагини хаприқтириб юборди. У ўрнидан турди ва бориб сандиқни синчилаб кўздан кечириди. Афсуски, дилига нур соладиган қофоз топилмади. Хаёлида ягона савол айланарди: «Гўзал сандиқни очган, қофозларни яширган!»

Чол икки қўлини сандиқ қирғоfiga тираб турар экан, димогига антиқа ис урилди. Бу аёллар ишлатадиган атири иси эди. Амирий шубҳасининг ўринли эканлигига амин бўлди. Ташқарига чиқиб, Гўзалга рўпара бўлишдан аввал қофозларни такроран кўздан кечиришга қарор қилди. Шу чоғ ичкарига қизнинг ўзи кириб келди.

– Хўш, излаган нарсангизни топдингизми, афандим?

Қизнинг овози Амирийнинг қулоғига худди масхара қилаётган одамнинг овозидек ёқимсиз эшитилди ва бундан аччиқланди:

– Афсуски, тополмадим. Балки отангиз уни бошқа жойга яширгандир? – ўзини зўрға босиб сўради қария. Уй бекаси ҳам қариянинг мулоим сўзлари замирида аччиқ кесатиқ ҳамда ўтли фазаб пинҳонлигини пайқади:

– Сизга отамнинг хонасини кўрсатдим. У бошқа хонада ишламасди ва ишга оид барча ҳужжатларни шу сандиқда сақларди. Балки яхшироқ қарамагандирсиз? – деди.

– Назарим тушмаган жой қолмади. Барча қофозларни вараклаб чиқдим. Яқин ўртада бу хонага нотаниш одам кирмаганмиди?

Амирий босиқлик билан сўзласа-да, овози титраб, асабийлашаётганини фош қиласарди.

– Уйимиз ҳамиша отамнинг сиз каби олисдан келган азиз меҳмонлари билан гавжум бўларди, афандим. Уларнинг қай бирларини назарда тутаётганингизни айтсангиз?

Амирий ростмана аччиқланди:

– Мени майна қилманг, хоним, хужжатлар турадиган сандиқ отангизнинг вафотидан кейин очилган. Очилганда ҳам эркак кишининг қўли билан эмас, сиздек оқ билакли ойимчанинг қўли билан очилган!

– Мендан шубҳаланяпсизми?

– Шубҳаланишимга асосим бор!

– Исботланг!

Амирий ёнидан соч толасини олиб кўрсатди.

– Нима бу? – қиз пинагини бузмади.

– Наҳотки соч толангизни танимаган бўлсангиз!

– Бу соч менини эканлигини қайдан била қолдингиз? – деди беътиборлик билан. – Икки энлик соч эркакларда ҳам бўлади!

Амирий нима дейишини билмай, тили қотиб қолди. Хонага хизматкор аёл кирмаганида Гўзал ўзини оқлаш учун яна нималар деган бўларди, бу ёфи энди бизга қоронги эди...

– Хоним, фарзандингиз уйғонди!

Гўзал меҳмонга енгил таъзим қилиб, уни хонада танҳо қолдириб, чиқиб кетди. Остонадан ўтаётганида кўнглига келган гапни айтди:

– Балки назарингиз тушмаган бирор жой қолгандир? Яхшилаб изланг, зора, топилиб қолса!

Амирий титраётган қўлини костюмининг чўнтағига солди ва тўппончанинг совук дастасидан маҳкам чангллаб уни суfurди. Бу пайтда Гўзал кўздан ғойиб

бўлганди. Амирий қўлига қуролини олди ва қизнинг ортидан эргашиб, унинг хонасига кириб борди.

Шу жойда биз ҳикоямизнинг давомини кейинга қолдириб, хужжатларнинг йўқолиши хусусида ўқувчиларимизни огоҳ қилсак.

* * *

Оғир хасталикка чалиниб, эс-хуши кирди-чиқди бўлиб, тўшакда ўлим шарбатига ташна бўлиб ётган Чегечининг кийимларини алмаштириш, таҳоратини янгилаш, овқатлантириш Ҳасаннинг зиммасига юклатилганди. Қария ёнига келиб-кетаётган одамларни танимай қолганди. Ҳасан деярли ҳар соатда қариянинг оғзига дори томизарди. Ўша куни Чегечининг кийимларини алмаштираётib, ёстиқ остидаги калитга кўзи тушиб қолди. Бу хужжатлар сақланадиган пўлат сандиқнинг очкичи эканлигини билди. Хонада ўзидан бошқа кимса йўқ, Гўзал иш билан шаҳарга тушиб кетган, соқчилар пастда тушлик қилишаётганди. Бундан фойдаланиб қолиш лозим эди. Ҳасан сандиқни очиб, бир кўтарим қофозларни олди. Улар ичидан ўзи излаган хужжатларни топди. Уларни шу холда олиб чиқиб кетиб бўлмасди. Хизматкорлар шубҳаланиб қолиши мумкин. Ҳасан сигарета доналари титилиб, мохоркаси сочилиб кетган киссасидан телефонни олиб, қофозларни биттама-битта суратга олди. Кейин жилдларни боягидек тахлаб, жойига солиб, сандиқни қулфлади. Калитни жойига кўйди.

Ҳасан резидентга қўнфироқ қилди.

- Сиз билан учрашмоқчиман.
- Ярим соатдан кейин денгиз бўйидаги ошхонада кут. Ҳасан айтилган жойга кечикиб етиб борди.
- Мен ҳужжатларни топдим, – деди у қўл телефонини резидентнинг олдига суриб.

– Хужжатлар биз излаган маълумотлар эканлигига ишончинг комилми?

– Шундай!

Улар аппаратларини алмашиши.

– Бугуноқ юртга қайт! – деди резидент. – Энди бу ерда қолишинг хатарли.

– Бирдан йўқолиб қолсам, Гўзал мендан шубҳала-нади. Яна бирор ҳафта туриб кетаман.

– Амирий келиши мумкин.

– У билан танишсам, ёмон бўлмасди.

– Унинг кўзига кўринмаганинг маъқул. У синчков, ҳар нарсага шубҳа билан қарашга одатланган. Хужжатларнинг титилганини сезиб қолса, сени азоблаши мумкин.

– Мен ҳеч қандай из қолдирмадим.

Резидент ўрнидан турди. Ҳасан уйга қайтганида, Чегечи жон таслим қилганди.

* * *

Юзи таниб бўлмас даражада ўзгариб кетган Амирий хонага кириб келганида фарзандига кўкрак сути бериб ўтирган Гўзал унинг важоҳатини кўриб, юраги сесканиб кетди. Қиз чолнинг косасига сифмаган кўзла-рига, кейин оқариб кетган афтига ва ниҳоят, қўлидаги тўппончага назар ташлади. «Наҳотки отиб ташласа?» деган фикр хаёлидан ўтди. Қичқириб юборишдан ўзини зўрға тийди. Боласини бағрига қаттикроқ босди ва отилиши керак бўлган ўқ чақалогига тегиб кетмаслиги учун гавдасини тескари буриб олди. Амирий қизнинг тепасига келди. Қўрқув туфайли Гўзалнинг кўкрагидан сут қочганди ва очиқкан боласи сийнасини тишлаб олганини ҳам сезмади.

– Ҳужжатларни қаерга яширдинг?! – ниҳоят, сўради Амирий. – Гапир, айтмасант, болангни отиб ташлайман!

Хонада жонига оро кирадиган, боласини тўппончанинг ўқидан ҳимоя қиласидиган хизматкорлар ҳам, ҳатто Ҳасан ҳам йўқлигини ўйлаган қиз атайин овозини баландлатди:

– Боя айтдим-ку, билмайман, деб!

– Бу уйда сен билмайдиган нарсанинг бўлиши мумкин эмас! Гапир, ҳужжатларни қаерга беркитдинг?

– Ҳазратим, мен ростдан ҳам билмайман!

Амирийнинг назарида қиз ёлғон сўзлаётгандек тујолди. Гўзалнинг кўркув акс этган кўзлари ниманидир яшираётганини фош қилиб турарди. Чол қиз ўтирган жойга яқин келди ва тўппончанинг учини гўдакнинг пешонасига тиради.

– Боламга тегманг! – Гўзал чақалоқни маҳкамроқ қучоқлаб, йиғлаб юборди.

– Бир дақиқа муҳлат, айтмасант, отаман!

Чолнинг важоҳати кўркинчли эди. Айтган гапидан қайтмаслиги билиниб турарди. Ялиниб-ёлвориш билан аҳдидан қайтариб бўлмаслигини тушунган Гўзал баттар қўрқди. Фарзандини тўппончанинг ўқидан асрайдиган нарса ҳақиқатни айтиш, ҳужжатлар яширилган жойни кўрсатиш эди. Қарияга бу жимжитлик ёқмади.

– Муҳлат тугади! – Амирий тўппончанинг оғзини боланинг пешонасига қаттиқроқ тиради. Гўдак йиғлаб юборди. Гўзал қўрқиб, «айтаман», деган сўз оғзидан чиқиб кетганини ўзи сезмади.

Амирий гумони тўғрилигини тушунди, тўппончани боланинг пешонасидан олди.

Гўзал жим эди. Бола эса бифиллаб йиғларди. Тоқати тоқ бўлган Амирий сўради:

– Гапир, қайси тешикка тиққандинг?!

- Хонада...
- Қайси хонада?
- Ўзимнинг хонамда!
- Кўрсат!

Гўзал боласини бағрига босганича, ортидан чолни эр-гаштириб, хонасига кирди. Шкафнинг остидан яширган қоғозларни олиб, Амирийнинг қўлига тутқазди.

- Мана, ҳаммаси, биронта варағига ҳам тегманман!

Амирийнинг хаёлига бошқа фикр келди.

- Нима мақсадда яширган эдинг, буларни?
- Ўзим... шунчаки!

– Кимгадир топширмоқчи бўлгандирсан?

Чолнинг саволи қизни баттар қўрқув тўрига ўрапди. У титрарди. Боласи эса бифилларди.

– Гапир! Кимга топширмоқчи бўлгандинг?!

Қоғозлар остида отасининг тўппончаси борлиги Гў-залнинг ёдига тушиб қолди. Уни олиб, Амирийни отиб ташлагиси келди. Қўлини қурол томон чўзди. Амирий буни пайқаб қолди.

– Ортиқча ҳаракат қила қўрма, қизим!

Гўзал худди чўғни ушлаб оладигандек қўлини тортиб олди. Чол саволини такрорлади:

– Сен бу қоғозларни кимга бермоқчи эдинг?!

Гўзал оғзига қулф тушгандек чолнинг саволига жавоб қайтара олмади.

– Айтасанми ёки...

– Ҳеч кимга! – минфиirlади қиз.

– Унда нега яширдинг?!

– Ўфиirlаб кетишларидан қўрққандим.

– Кимлар ўфиirlаб кетиши мумкин эди?

– Уйимизга ҳар тоифадаги одамлар келади, афандим. Уларнинг қай бирига ишонишими билмасам...

– Сен айтган одамлар кимлар? Уларни танийсанми?

Гўзал энди таваккал қилиши, нима бўлса ҳам бу одамни тезроқ уйдан чиқариб юборишни ўйларди.

– Афсуски, уларнинг ҳеч қайсиларини танимайман!
– Унда нега шубҳаландинг? Бирор асосинг борки, хужжатларни яширгансан!

– Тангрини ўртага қўйиб қасам ичаманки, хақиқатан ҳам мен падаримнинг олдига келадиган одамларни танимайман!

– Танимаган одамларингдан шубҳаланишинг қизиқ. Балки улар нима тўғрисида гаплашишганини эшитгандирсан?

Амирий томонидан берилаётган саволлар Гўзални тубсиз жар қаърига тортиб бораётгандай эди. Қиз ҳам, унинг қучоғидаги гўдак ҳам ҳиқиллаб йигларди.

– Ўзгаларнинг сўзларига қулоқ тутишга одатланмаганман, афандим!

– Юрагим сезиб турибди, сен кимлар биландир алоқадасан! Хужжатни уларга етказиб бермоқчи бўлгансан! Айтмоқчи, покистонлик Ҳасан деган йигитга турмушга чиққанмишсан? Эринг қаерда?

– Бозорга кетган.

– Қачон қайтади?

Гўзал бирдан Амирий Ҳасанни бекорга сўрамаганини, унинг пешонасига ҳам тўппонча тираб қийнаши мумкинлигини ўйлади.

– Билмадим...

Қария тўппонча учини боланинг пешонасига тўғрилади.

– Саволимни эшитмадинг чофи, мен Ҳасан қачон келади, деб сўрадим, – унинг юзи боягидек қўрқинчли тус олганди.

Гўзалнинг қаттиқ қўрқанлигини кўзлари сотиб қўйди.

– Келадиган вақти бўлди.

— Кўрдингми, бу савил ахмоқни ақлли қиласди, ёлғончини ростгўйликка ўргатади, — деди тўппончани қизнинг кўзига яқин келтириб.

Амирий кўз қири билан дераза ортини кузатиб турарди. Ҳовлида хизматкор аёлдан бошқа ҳеч ким қолмаганди. Амирий Гўзални аллақачон бир ёқли қилиши мумкин эди. Бироқ кутилмаганда хаёлига Ҳасан келиб қолди. Уни кутишга мажбур бўлди. Шубҳасининг бир учи унга бориб тақалмаганида аллақачон бу хонани қонга бўяб, тарқ этган бўларди. Ниҳоят, кўча эшик очилди ва ичкарига Ҳасан кириб келди. Амирий Гўзалга яқинлашди. Қизнинг юраги патиллади. Қария мусибат оловини ёқмоқчилигини кўнгли сезди.

— Мен ҳамма гапни айтдим, яна нима истайсиз?

Қариянинг нияти ёмонлигини юзига ёйилган совуқ табассум фош қилиб турарди.

— Ўзингга ўхшаркан, — Амирий гўдакка ишора қилди. — Кўкрагингни тут!

Бу сўз Гўзални боласига қарашга мажбур қилди. Сийнасини тутган заҳотиёқ бола ухлаб қолди. Чол шуни кутганди. Тўппончанинг қўндоғи билан Гўзалнинг энсасига урди. Боши ёрилган, қизил қонга қора соchlари бўялган аёл боласини қучоқлаганча мўйса-фиднинг оёғи остига йиқилди. Амирий қўшни хонага ўтди. Ҳасанни шу ерда кутиб олмоқчи бўлди. Ичкарига Ҳасан кириб келди. Хонадаги совуқ сукунатдан ичкарида нимадир бўлганини сезди. Амирий тўппончасини ушлаганча эшик ортида турарди.

— Гўзал, қанисан?

Жавоб бўлмади.

— Гўзал!

Ҳасан эшик ортида кимдир турганини сезди ва кескин бурилди. Юзини соқол қоплаган, совуқ башарали, кўзлари чақнаб турган кекса одам боши узра кўтарган

тўйпончанинг дастаси билан йигитнинг миясига урди. У ўзини четга олишга улгурмади.

Амирий керакли қофозларни олиб, ташқарига чиқди. Хизматкор аёл унинг чиқиб кетаётганига кўзи тушмади. Амирий такси ёллаб, меҳмонхонага жўнади. Энди бу ерда узоқ қололмаслигини, Гўзал ҳушига келса, полициягами ёки яқинларигами хабар бериб, уни тутиб келтиришни буюриши мумкинлигини ўйлади. Амирий шунча ташвиш билан юртига қайта олмасди ҳам. Башир билан учрашиб, бўлиб ўтган ишлардан уни огоҳ қилишни ўйлади.

АФГОНИСТОН

Аҳмад Шоҳ Маъсуднинг муҳбирлар билан ўтказдиган мулоқотига қисқа вақт ажратилганди. Учрашувга ўн иккита давлатдан муҳбирлар келишганди. Ўша куни саркарданинг кайфияти у қадар яхши эмасди. Соқчилар бошлиғи учрашувни бошқа кунга қолдиришни айтди, бироқ маслаҳатчилар розилик беришмади. Муҳбирлар кичкинагина хонага тўпланишди. Уларнинг ичида Зафарийнинг одами ҳам бор эди. Бир кун аввал унинг қўлига хорижий давлат паспортини топширганди. Суратга олиш аппаратини ишлатиш сирларини ўргатишганди. Ичкарига кирганида нотаниш одамлардан бири унинг қулоғига шивирлади:

– Олдинги қаторга ўтма, ўртада тургин. Шоҳ Маъсудни саволга тутишларини кут. Сухбат авжига мингандан қизил тугмачани босасан! Ҳаяжонланма, қўлинг қалтирамасин! Ёнингдагиларга қарама, икки қўзинг камерада бўлсин! Акс ҳолда, соқчилар шубҳаланиб қолишлари мумкин.

Нотаниш одам маслаҳатни бериб, кўздан фойиб бўлди. Зафарийнинг одами муҳбирлар билан қароргоҳга

кирди. Саркарда ичкаридан чиқиб келди. Тасвири камерани қўлига олди. Объективни Шоҳ Маъсудга тўғрилади. Вужуди аллақандай ҳаяжондан титрай бошлади. Қўлидан камера тушиб кетадигандек қалтирарди. Хонани ўраб олган соқчилар Зафарийнинг одами қаттиқ ҳаяжондалигини, камерасининг тинимсиз титраётганини пайқашмади. Чунки у мухбирлар орасида қолиб, тансоқчиларнинг кўзларига яхши кўринмасди.

Шоҳ Маъсуд саволлар гирдобига тушиб қолди. Суҳбат қизиб кетди. Совуқ тер босган тасвиричининг бармоғи суратга олиш тугмачаси устида турган бўлса-да, босишга шошилмасди. Босса нима бўлишини биларди. Назарида вақт ўтаётгандек, суҳбат якунланадигандек туюларди. Ички туйғулари жунбишга келди. Юрагининг қаъридан нидо келди: «Қайт бу йўлингдан, бармоқларингни тугмачадан ол, акс ҳолда, ўзинг қолиб атрофингдаги гуноҳсиз, беайб одамлар ҳам ўлиб кетади!» Айни чоғда унинг қалбида кўнглидан кечётган фикрларга қарши иккинчи фикр уйғонганди. У ҳам ўз ҳукмини ўтказишга уринарди: «Ваъда бергансан, хиёнат қила кўрма! Топшириқни бажармасанг, сени отиб ташлашади. Қани, ўзингни қўлга ол, тугмачани бос!»

Суҳбат яримлаганди. Тасвиричининг вужуди қаттироқ титрарди. Қўлидаги камера тушиб кетадигандек чайқаларди. Қўмондоннинг кўзи айнан бешинчи камера ушлаб турган тасвиричига тушди. «Нега ҳаяжонланмоқда, кўзлари худди ўлимни кутаётган одамдек бежо. Шоҳ Маъсуд кўз қирини соқчиларига ташлади. Бироқ уларнинг бургуткўзлари бошқа томонда эди. Мухбирларнинг кетма-кет бераёттан саволлари тугамасди. Саркарда берилган саволларга қисқа ва лўнда жавоб қайтарар ва тезроқ мухбирлар

даврасини тарк этишни ўйларди. Нихоят, Шоҳ Маъсуднинг безовталанганини соқчилар тушуниб қолишиди. Улардан бири олдинги каторга ўтди. Унинг эътиборини бешинчи камера олдида безовталаниб турган мухбир тортди. У тасвирчига ўхшамасди. Тансоқчи мухбирлар орасини ёриб ўтиб, тасвирчининг орқа томонида пайдо бўлди. Бироқ қўли етиб бормади. «Мухбир» ўзи томон келаётган соқчини кўриб қолди. Кўркув унинг қўлларини ҳаракатга келтириди.

Бомба парчалари Шоҳ Маъсаднинг баданини тешиб юборди. Қорайган ва титилиб кетган юзидан қон томарди. Кучли тўлқин эшик олдига улоқтириб ташлаганди уни. Мурдалар қора тутун босиб, тупроқлари тўзиб кетган ерда чўзилиб ётар, ярадорлар оғриқдан инграшар ва йиғлашарди. Ҳавони аччиқ хид босган, қора тутун булатлар мисоли ер бағирлаб сузарди. Соқчиларнинг айримлари ўлган, ярадорлари ўринларидан туришга ҳаракат қилишар, тириклари эса тутун ичидан саркардани излашарди. Жангчилар тезда қуролланиб, атрофни ўраб олишиди.

Соқчилар Шоҳ Маъсадни кўтариб, чодирга олиб киришди. Шифокорлар ёрдам кўрсатишиди. Ҳаётини сақлаб қолиш учун курашдилар. Бироқ унинг жароҳатлари жиддий эди. Зудлик билан операция қилиш лозимлигини айтишиди. Соқчилар Тожикистон хукумати билан боғланиб, Шоҳ Маъсаднинг хаёти хавф устида эканлигини маълум қилишиди. Душанбе кўмондонни пойтахтдаги ҳарбий госпиталга жойлаштиришга розилик берди. Қўмондонни вертолётга олиб чиқишиди. Учувчилар йўналишини Душанбе томонга буришди. Уларни пойтахтда «Тез ёрдам» машиналари кутарди. Россия ва Тожикистоннинг таниқли жарроҳлари операция хонасига чақирилганди. Афсуски, Шоҳ Маъсад вертолёт чегарани кесиб ўтаетганида жон таслим қилди...

ЖАЛОЛОБОД

Сейдаҳмедов ичкари кирди-ю, тўрда ўтирган одамга кўзи тўхтади. Қаршисидаги кимса шаҳар ҳокими эмас, балки «Толибонлар» етакчисининг ёрдамчиси Юнус Холис эканлигини билди.

- Сен ким бўласан?
- Шаҳар губернаторининг ёрдамчиси! – жавоб берди чекист.
- Одамларингни кўргани келдингми?
- Олиб кетгани!
- Жуда баланддан келдинг-ку! Ҳукуматинг биз қўйган талабга рози бўлмагунча, улар зинданда ётади!
- Зинданда?!?
- Ажабланма, биз асиrlарни ташқарида сақла-маймиз!
- Адолатсизлик! – эътиroz билдириди Сейдаҳмедов.
- Уларни ер остида ушлаб туришингиз учун қандай гуноҳ ва айблари сабаб бўлди?!
- Сенинг давлатинг қонунларида бундай жазо йўқ-дир, аммо бизнинг ўрганса арзийдиган ва бошқаларга ибрат қилиб қўрсатадиган жазо усулларимиз бор. Истасам, сени ҳам ҳозир ватандошларинг олдига ташла-тиб қўйишим мумкин! Ўйлайманки, бизнинг такли-фимиз сенинг ҳукуматинг томонидан қабул қилинган бўлиши керак. Шундайми?
- Ҳукуматим сизлар қўйган таклифга ҳеч қачон рози бўлмайди!

Юнус Холиснинг туси ўзгарди.

- Унда одамларингни қайтиб кўрмайсан. Биз шаҳар марказига дор ясад, осамиз!
- Улар дорга осиладиган гуноҳ қилишмаган, аксин-ча, сизлар ватанимиз чегарасини бузиб кириб, уларни гаровга олиб келгансизлар!

– Бошинг жойида туришини истасанг, тилингни калта қил!

Сейдахмедов рўпарасида ўтирган қора саллали ёрдамчи ҳар қандай ишдан қайтмаслигини, у билан эҳтиёт бўлиб гаплашиш лозимлигини тушунди.

– Бошқа талаб қўйинг, бажарамиз, – деди муросага келиш мақсадида.

– Яна қандай талаб қўйишим мумкин? – истеҳзоли жилмайди ёрдамчи.

Чекистнинг боши қотди. Сўнгти имкониятни ишга солди.

– Мени мулла Умар билан учраштиринг.

Холиснинг қошлари чимирилди.

– Ҳазратим сени қабул қилмайдилар. Мен у киши нинг номларидан иш бажараман!

– Мен бандилар учун товон тўлайман!

– Сотиб олмоқчимисан?

– Пул ҳаммага керак!

– Қанча узатмоқчисан?

– Сиз сўранг!

– Бир миллион доллар!

– Ҳозир Қирғизистон давлатининг банкида ҳам сиз сўраган ақча йўқ.

– Унда эллик дона «Калашников» берасан!

– Армиямиз энди шаклланяпти, руслар қуролларини олиб чиқиб кетишган! Ҳар бир асир учун юз мингдан тўлайман!

– Сенларда одамнинг боши арzon тураркан, – ёрдамчининг бир оз юмшагани сўзларидан билинди.

– Бўладиган гапни гаплашайлик.

Юнус Холис, гап тамом, дегандек, ўрнидан турди. Сейдахмедов қуруқ қўл билан юртига қайтолмасди.

– Яхши, юз эллик минг доллардан тўлайман. Ўйлаб кўринг, катта пул ваъда қиляпман. Уларни ўлдирсангиз, фақат ютқазасиз.

— Лекин сенинг раҳбарларинг бизнинг нималарга кодирлигимизни билиб қўйишиади!

— Бегуноҳларнинг боши дорга илинса, миллионлаб одамлар сизнинг қонунларингиздан нафратланади. Дунёга шарманда бўласиз!

Ёрдамчи бугун бўлмаса эртага уларни озод қилишга мажбур эди. Тутқунлар билан Баширнинг одамлари бир хафта ишлашди. Икки кун олдин Баширнинг ўзи унга асиrlарни қийнамасликни, ортидан одам келса, қўйиб юборишни тайинлаганди. Бироқ у ҳам уч-тўрт танга ишлаб олишни ўйлади. Бекордан-бекорга қўйиб юбориш кимга ҳам керак?

— Ҳар бир бош учун икки юз мингдан тўлайсан. Бу охирги қарорим! – деди.

— Ишонсам бўладими?

— Пулни тўлассанг, одамларим сизларни чегарагача кузатиб боришади.

Сейдаҳмедов ташқарига чиққанида Шерхонни то-
полнади. «Қаерга даф бўлди? Қочиб кетдими? – кат-
та пулни қўлига тутқазиб, хато қилганидан пушаймон
бўлган чекистнинг бадани музлади. – Энди нима қила-
ман? Пулни тўламасам, жангарилар уларни зиндан-
дан чиқармайди. Шунча кундан бери қилинган ҳара-
катим ҳавога учиб кетади-ку!»

Ташқаридан оёқ товушлари эшитилди. Ичкари-
га Шерхон кириб келди. Сейдаҳмедовнинг кўнгли
жойига тушди.

— Келишдингларми? – сўради Шерхон бепарволик
билан.

— Пулни бер!

— Кўндиришингга ишонгандим. Айтмаганмидим,
бу мамлакатда ҳамма нарсани пул ҳал қиласи, деб, –
Шерхон тугунни узатди.

Сейдаҳмедов Юнус Холиснинг хузурига қайтди.

– Айтганингиз, санаб олинг!

Пулни кўриб, ёрдамчининг тунд юзи ёришиб кетди. Бу совуқ кулги эди. Чекистнинг юрагига вахима тушди. «Ўзимни ҳам зинданга ташлаб қўймасайди», деб ўйлади.

Ҳамон пулни кафтида ушлаб турган ёрдамчи ортига бурилди:

– Соқчи!

Икки нафар барзанги кириб келди.

– Буюринг, тақсир!

Юнус Холис рангida қон қолмаган Сейдаҳмедовга ишора қилди.

– Буни зинданга олиб боринглар!

Соқчилар чекистнинг қўлларига ёпишди. Ёрдамчи қўлини кўтарди. Бу, «тегма», деган ишора эди.

– Зинданда ётган бандиларни чиқариб, учаласини чегарагача кузатиб қўйинглар!

– Хўп бўлади, тақсир!

Улар зиндан тепасига боришли. Олтита қулғни очиб, темир панжарани кўтаришли. Озиб-тўзиб, соқоллари ўсиб кетган тутқунларни тепага тортиб олиши. Сейдаҳмедов улар билан кўришиб, соқчилар кузатувида чегара томон йўл олиши.

Бу пайтда Юнус Холис Баширга қўнфироқ қилди.

– Бандиларнинг ортидан шаҳар ҳокимининг ёрдамчиси келди.

– Сиз уларни қўйиб юбордингизми?

– Худди айтганингиздек бўлди.

– Қанча ақча тўлашди?

– Беш юз минг доллар!

– Бу маблағ уларнинг боши учун чой-чақадек гап. Энг муҳими, ҳоким ёрдамчиси юртига бориб, «Мен ўз одамларимизни ақча билан қутқариб келдим», деб ҳаммага жар солади.

- Шундай!
- Лекин ёрдамчи сизга берган ваъдасига хиёнат қилмасмикин?
- Хотиржам бўлинг, Башир жаноблари! Одамларим унинг ақлини киритиб қўйишган.
- Шериги шубҳаланмайдими?
- Бунинг чорасини кўриб қўйғанмиз!
- Қандай чора кўрдингиз?
- Овқатига ажойиб малҳам қўшиб берганмиз. Узоги билан ўн беш кун ичидаги жигари эриб кетади.
- Бундай гўзал фикр каллангизга келганига қойилман!
- Тарбиянгизни олганмиз-да, Башир жаноблари!
- Аллоҳ ёр бўлсин!

ЮРТДА

Машваратдан изза бўлиб чиққан Акмал бир пайтлар пул бериб, савдо ва тижорат ишларига машғул қилган одамларини чақиртиди. Ҳаммаларининг иши юришиб, қўлларига пул тушиб, айримлари олган сармояларини қайтариб берганди. Бундай одамларга ҳожи бобо, «Биродарларим, бу пулларни ўзларингга ўхшаган кам даромадли, аммо лафзи бутун, динимиз йўлига содиқ кимсаларга беринглар, ўшалар ҳам ишлатсин», деб насиҳат қилиб қўяр, улар ҳожи бо-бонинг айтганини қилиб, содиқ одамларни излаб то-пар, сармояларни уларга беришарди. Шу тариқа Акмал атрофига одамларни кўпроқ йиға бошлади. Улар ҳалқа шаклида бир-бирига уланиб кетганди.

– Ишларингдан мамнунман, – деди ҳожи бобо ўтизга яқин одамга қарата. – Ҳаммаларинг бир ишнинг этагини тутиб, ёмон бўлмадиларинг, қўлларинг пул кўрди.

– Сизга мингдан-минг раҳмат, ҳожи бобо. Илоҳим, умрингиз узун бўлсин. Ҳақингизга ҳар кун дуодамиз!

– Мана, сафимиз ҳам анча кенгайиб қолиби. Бир жамоат бўлдик. Муқаддас китобларда, «бирлашинглар, фирмә бўлинглар», дейилган.

– Албатта! – маъқуллашди ўтирганлар.

– Фирқанинг ўз низоми, бадали бўлиши керак, дурустми? Сизлардан анчагина пуллар йифилиб қолган. Мен уларни қорнимга емай, фирмәмизни ривожлантириш мақсадида асраб юрибман. Шу маблағни ўрисча тил билан айтганда, фонд қилсак, яхши-ёмон кунларимизда кор келиб қолади. Бундан ташқари, пулга муҳтоҷ биродарларимизга хайри эҳсон қилсак, нима дейсизлар?

– Жуда маъқул, ҳожи бобо!

– Замон нотинч, қўшни давлатларда бўлаётган тўполонлардан ўзларингиз огоҳсизлар. Шунга сизларнинг маслаҳатларингиз зарур бўлиб қолди.

– Сиз нима десангиз, биз рози, ҳожи бобо.

– Баракалла! Ҳар эҳтимолга қарши ўзимизни безори, ўғрилар, босқинчилар ҳужумидан ҳимоя қилиш мақсадида ўн-ўн бешта қурол сотиб олсак, деган ниятдаман.

– Яхши таклиф, аммо қуролни қаердан топамиз?

– Менда бир фикр бор. Қурол сотиб олиш ўрнига шу савилни ўзимиз ишласак, қандоқ бўларкин? – деди ўтирганлардан бири.

– Маъруфжоннинг гапида жон бор, – гапга қўшилди меҳмонлардан бири. – Масалан, ўзимиз темир-терсак билан шуғулланамиз. Қандай металлдан қурол ясалишини биламиз. Қолаверса, менинг бир рус ошнам бор. Бир пайтлар қурол ишлаб чиқарадиган заводда ишлаган.

– Отангизга раҳмат, Аминжон, – бирдан ҳожи бо-бонинг руҳи кўтарилиб кетди.

– Ўша ошнангизни топсак бўладими?

— Албатта, керак бўлса, бугуноқ ҳузурингизга бошлаб келаман!

— Бошлаб келишингиз шарт эмас, қадрдоним, аммо ўзингизнинг номингиздан тайинланг, беш-ўнта тўп-понча ясад берсин, ҳақини тўлайман, денг!

— Менинг ҳам бир танишим бор, — гапга қўшилди Маъруфжон. — Қилич билан ханжарларни шундай қойил қилиб ясайдики, унинг олдида Дамашқ қиличлари ҳам ип эшолмайди.

— Мана, кўрдиларингми, орамизда қандай ишбильармон дўстларимиз бор, — мақтаб қўйди ҳожи бобо.

— Фақат уларни ишлата билишимиз керак. Лекин биродарлар, бир нарсани эсларингдан чиқарманлар. Замон нозик. Дўст-у душман кўп. Бизни кўролмайдиганлар бисёр. Бу ерда айтилган гаплар «болаламаслиги» шарт. Шунинг учун мана шу муқаддас китобни кўлимиизга олиб, Тангрига ваъда бериб қўяйлик.

— Бир оғиз сўзингиз, ҳожи бобо! — тўпланганлар қўлларини кўксиларига қўйишидди.

Мехмонларни кузатаётганда ҳожи бобо Маъруфжонни олиб қолди.

— Сиздан хурсандман, иним. Икки-уч ой ичида одамлар сафини ўттизтага етказибсиз. Ҳаммалари худди мен ўйлагандек, мўмин-қобил кўринади. Уларнинг сонини яна кўпайтиринг, шундай йўл ўйлаб топингки, уларнинг ўзлари сизни излаб топишсин. Худди ҳалقا сингари бир-бирига боғланиб кетаверсин. Пулни аяб ўтирманг.

— Пул қурғур шундай шираки, етти ёт бегоналарни ҳам худди туғишганлардек яқин қилиб қўяр экан, ҳожи бобо!

Енгил қулишидди.

— Ҳаммага ҳам ишонаверманг. Намозхонларни, худодан қўрқадиганларни изланг!

- Топган одамларимнинг бирортаси шубҳа уйғотдими, ҳожи бобо?
- Мендан насиҳат, Маъруфжон.
- Қуллуқ!
- Бизнинг топшириқ нима бўлди, иним?
- Ҳаммаси тайёр, ҳожи бобо.
- Назаримда чўзилиб кетди.
- Шу ҳафтада амалга оширамиз.
- Одамларингиз хушёрми?
- Ҳаммаси тилига маҳкам.
- Ишни амалга ошириб, шерикларингиз билан бир-икки кун шаҳарда кўринмай турасизлар-да.
- Кўқонга жўнаймиз, яқин биродаримиз тўй қилаётган, ўша ерда бўламиз.
- Баракалла!
- Энди бир дуо қилинг, ҳожи бобо!

Акмал қўлларини кўтарди.

– Ишингизнинг ривожини берсин!

Меҳмонни кузатиб қўйган Акмалнинг хаёлига кутилмаганди дилини ғаш қилган муаллим келди. Юрагига ундан қасос олишни туғиб қўйганди. Бу чўф дақиқа сайин вужудини кўйдиради. Ҳозир унинг тафти кучайди. Лашкарбошининг олдига бормоқчи бўлди-ю, Маъруф амалга ошироқчи бўлган ишнинг бажарилишини кутишга қарор қилди.

* * *

Ва ниҳоят, кутилган воқеа содир бўлди. Хизмат бурчини ўтаб бўлган, она юртларига жўнашларига саноқли кунлар қолган беш нафар аскар ўзлари учун қадрдон бўлиб қолган шаҳарнинг гўзал жойларини сўнгги бор томоша қилиш ниятида бошлиқларидан рухсат олишди. Аскарларнинг ташқарига чиқишини

кузатиб турган Акмалнинг одамлари уларни кўриб, ўйлаган режаларини амалга ошириш фурсати келганини тушунишди. Аскарлар автобусга чиқиши биланоқ ортларидан эргашишди. Йўловчилар қўп эмасди. Ҳарбийлар бўш ўриндиқларга ўтириб, ҳазил-муто-йиба қилишиб боришар экан, Акмалнинг одамлари: «Ишни одамлар гавжум жойда бошлаш керак, тезда оломон тўпланади. Шундай қилсак, ҳамма иш биз кутгандай бўлади», деб ўйлашарди. Улар билан бирга чиқсан аёл эса аскарларга яқин жойга ўтириди. У тез-тез орқасига қараб қўяр, шерикларининг ишорасини кутар, бироқ топшириқ берадиганлар жим эди. «Имо қилишимиз биланоқ аскарлардан бирига ташланасан, кўкрагимни ушлади, деб бақирасан», дея уқтиришганди. Аёлнинг ёши ўтиб, юзларига ажин тушиб қолган бўлса-да, пардоз, устидаги эгнига ёпишиб турган атлас кўйлаги уни кўркам қилиб кўрсатарди.

Автобус бекатлардаги йўловчиларни йифиб келарди. Дам олиш куни бўлгани учун кўчаларда одамлар гавжум эди. Автобус шаҳарга кириб келди. Марказий универмагга яқинлашганида Акмалнинг одамларидан бири аёлга, «бошла», дегандек ишора қилди. Йўловчилар тирбанд бўлгани учун аскарлар аёлга яқин туришганди. Аёл улардан бирини атайн туртиб юборди.

– Мунча менга суйкалмасанг! – деди овозини баландлатиб. Аскар унинг сўзига тушунмади. Одамлар йигитга олайиб қарашганидан аёл ёмон сўз айтганини тушунди. Аскар томонидан жавоб сўзи айтилмаса-да, аёл жаврашдан тўхтамади. – Кўлинг кўкрагимда пишириб қўйибдими, шилқим, уялмайсанми, онанг tengi аёлга кўз олайтиргани?

Аёл шу қадар баланд овозда гапирадики, ўтирганларнинг ҳаммаси бўйинларини чўзиб олдинга қарашди. Акмалнинг одамларига шу керак эди.

- Ким экан, онаси тенги аёлга кўз олайтирадиган?
- Ноинсоф!
- Уялмаганини қаранглар!
- Ўзи булар ҳаддидан ошиб кетди!
- Бизнинг эркакларда ор-номус қолмаган!
- Нега қараб турибсанлар! Ур!

Акмалнинг одамларидан бири йўловчиларни туртиб-суреб, олдинга ўтди. Бир-иккита ёшлар бақириб-чақиришди. Фала-ғовур кўтарилиди, тўс-тўполон бошланди. Акмалнинг одамлари аскарларга ташлашишди. Ҳарбийлар нима сабабдан одамлар уларни ураётганини тушунишмасди. Ўзларини химоя қилиш мақсадида улар томонидан берилаётган зарбалардан қочмоқчи бўлишарди. Ҳайдовчи тўс-тўполоннинг шиддатли тус олишидан чўчиб, машинани йўлнинг ўртасида тўхтатди ва эшикларни очиб, ўзи пастга тушди. Худди шу пайт светофор олдида турган милиционер ҳуштагини чуриллатиб, ҳайдовчини чақирди. Йўловчилар пастга тушишди. Акмалнинг одамлари эшикни тўсиб, аскарларни туширишмади. Аскарлар кўнгилсиз воқеа бўлганини сезишарди. Улар худди қафас ичига солинган қушларга ўхшашарди. Ташқарига чиқадиган жой излашарди. Акмалнинг одамларидан бири олдиндан тайёрлаб кўйилган мойни сепиб юборди. Бошқаси зудлик билан эшикни беркитди. Беш аскар автобус ичидаги қолди. Кимдир ёқиб ташлаган гугурт шу захотиёқ мой устига тушиб, гуриллаб алганга олди. Олов ва тутундан аскарлар эшикни тополмай қолишли. Деразалар темир панжара билан маҳкамлаб ташланганди. Олов бир сониядаёқ шиддатли тус олди. Аскарларнинг кийимларига илашди. Беш дақиқада автобус ёниб кетди. Атрофни ўраб олган оломон нима қилишни билмас, аскарларни ичкаридан олиб чиқиши йўлини топишолмасди. Акмалнинг одамлари бу би-

лан тинчиб қолишмади. Ташқариди, «Нима бўлиди, автобусни ким ёкиб юборибди?» деб сўраганларга, «Беш-олтита аскар бир аёлга тегажаклик қилишган экан, эри ўт қўйиб юборибди», деб гап тарқатишарди.

Ўт ўчириш машинаси етиб келди. Ёнгин ўчирилганида, автобусдан фақат қорайган темир корпус қолганди. Ичкарида куйиб кетган аскарлар худди фўла сингари чўзилиб ётишарди.

* * *

Шаҳар марказида автобусга қўшиб беш аскарнинг ёкиб юборилганидан қувонган Акмал ниҳоят, кўпчилик олдида уялтириб, дилини хуфтон қилган муаллимдан ўч олиш мақсадида Мирзааҳмаднинг идорасига боришга қарор қилди. Шом қоронғиси чодир ташлаётган, лашкарларнинг барчаси ўз қароргоҳларига йиғилиб, топшириқ олишга ҳозирлик кўраётган бир пайтда ичкарига кириб келди. Лашкарларнинг кўпчилиги ҳожи бобони танирди ва ўз бошлиqlари билан яхши муносабатдалигидан хабардор эди. Шу сабабли, уни тавозе билан кутиб олишди.

– Лашкарбоши шу ердамилар? – сўради Акмал соқчилар билан кўришиб бўлгач.

– Ҳозиргина келдилар.

– Сұхбатларини олмоқчи эдим.

– Ҳожи бобо, амиримиз сизни куттириб қўймаслигимизни тайинлаганлар.

– Баракалла. Умрлари узун, давлатлари бундан-да зиёда бўлсин!

Акмал ичкарига кирди. Мирзааҳмад уни иззатикром билан кутиб олди. Безатилган ва ноз-у неъматларга тўла дастурхон тепасига ўтқизди. Бир муддат у ёқ бу ёқдан сұхбатлашиб ўтиришди. Ниҳоят, ҳожи бобо ёрилди:

- Бу Пўлат муаллим кўп ҳаддидан ошмокда.
- Сизни хафа қилдими, тақсир?
- Динимизга, биздек ҳожиларга қарши чиқмоқда.

Бадкарда бизларни саводсизликда айбламоқда.

- Йигитларим шохини синдириб қўяди, ҳожим.
- Қўпчилик олдида мени кўп уялтириди.
- Очифини айтаверинг...
- Мен араб юртини орзу қиласмишман, ўз юртимдаги ўзгаришлардан фахрланмайдиган, бадкор эмишман. Уларга эргашманг, деб айтди...
- Сиздек мўътабар одамнинг шаънига бундай бўйтон гапларни айтган тилларни кесиш керак.
- Йигитларингиз танобини тортиб қўймаса бўлмайди, иним. Қўйиб берсак, сиз-у биздек одамларнинг ҳурматини ер билан тенг қиласди, дурустми?
- Ҳаддидан ошибди-да, – бошини чайқади лашкарбоши.
- Шундай.
- Мен йигитларимга тайинлайман, бугун тунда тутиб келишиб, эрталабгача совуқ сув солинган бетонховузда ушлаб туришади.
- Бу жазоингиздан у кадар қўнглим тўлмайди, иним Мирзаҳмад. Агар маслаҳатимга қулоқ солсангиз, мен йўлда бир режани пишишиб келдим.
- Айтинг, қулоғим сизда.

Акмал оғзини лашкарбошининг қулоғига яқинлаштириб, режасини айтди.

- Ўзининг қизи эмасми?
- Уч ойлигида боқиб олган.
- Рози бўлармикин?
- Рози бўлмай, қаерга борарди? Кўчадаги гап-сўзларга қараганда, қиз отасидан безиб юрганмиш. Ўзининг ҳам тарбияси чатокроқ. Кўча қизига айланиб қолган, зангар!

— Аввал уни бу ерга олиб келамиз. Яхшилаб тарбия-
лаймиз. Кейин сиз ўйлаган режани амалга оширамиз.

— Маяқул, лекин бу ишни чўзиб ўтирунг, дурустми?

— Хотиржам бўлинг, ҳожим, ҳаммаси сиз ўйлаган-
дек бўлади.

— Ишондим...

— Мени уялтирунг...

Акмал оқ яктагининг ички чўнтағидан бир боғлам
пул олиб, Мирзаахмад ўтирган кўрпаҷанинг орасига
тиқиб қўйди.

— Нима қиляпсиз, ҳожим?

— Насиб, мулла Мирзаахмад, сизга атаганимиз...

— Қандоқ бўларкин, ҳожим?

— Хи...хи... — Акмал кулди. — Хижолат бўлманг, са-
вобли ишга ишлатасиз...

— Шундайми? Унда бир дуо қилинг!

Акмал қўлларини боши узра қўтарди...

* * *

Лашкарлар Каримани тунги соат ўнларда тутиб
келишди ва тўғри лашкарбошининг ҳузурига олиб
киришди.

— Хўш, сени бу ерга нима мақсадда олиб келгани-
мизни биласанми?

Киз қўрқувдан даф-даф қалтиради.

— Мен гуноҳ иш қилмадим.

— Гуноҳ қилмаганингни биламан, аммо сени бошқа
мақсадда олиб келдик. Бизга ёрдам берасан!

Кариманинг чехрасига қон юурди.

— Қўлимдан келса жоним билан.

— Қўлингдан кўп иш келишини биламиз!

— Айтинг.

- Отанг маҳалла-кўй олдида одамларимизнинг шаънига бўлмафур сўзларни айтиб, шарманда қилаётганмиш.
 - Отамнинг тили заҳар.
 - Эшитишимизча, сени ҳам ранжитаётганмиш.
 - Ишламаганим, ўқимаганим учун ҳар куни дашном берадилар. Бир ишнинг этагини тут, элга, юртга нафинг тегсин, деб тергайдилар. Кўчада юришим ҳам ёқмайди.
 - Мана, кўрдингми, отанг ҳатто сени кўчага чиқишингни ҳам қўролмайди. Бугундан бошлаб, бизда ишлайсан!
 - Нима иш қиласан?
 - Одамларимга овқат пиширасан, ҳовлини супуриб-сидирасан. Ора-сира бир-иккита топшириқ чиқиб қолса, шуларни бажариб турасан.
 - Қандай топшириқ? – қизиқиб сўради Карима.
 - Вақти келганда, ўзим айтаман. Ҳозир ошхонага бориб, ишни бошла! Билиб қўй, қочадиган бўлсанг, бутун шаҳарга шарманда қиласан!
- Карима шу кундан бошлаб, лашкарлар қароргоҳида қолди. Уйига ҳам бормай, ошхонада ётиб турди. Эрталаб барвақт туриб, ҳовли супурар, олиб келинган озиқ-овқатларни омборга жойлар, пешинлик ва кечки овқатларни пиширишда ошпазга ёрдам берарди. Бу ердаги ҳаёт негадир унга ёқмади. Кўчага чиққиси келарди. Лекин лашкарбошининг дашномини эшитишдан, «Бутун шаҳарга шарманда қиласан!» деган гапидан кўрқарди.

* * *

Кариманинг лашкарлар сафига қўшилиб, уларнинг идорасида хизмат қилаётгани қирқ йил қишлоқ мактабида ўқитувчилик қилган Пўлат муаллимнинг

юрагини милтиқнинг ўқидай тешиб ўтди. Бу гапга кўпчилик ишонмаса-да, кўзлари билан кўрганлар бор эди. «Лашкарларга овқат пишираётганини ўз кўзим билан кўрдим, – дейишарди улар бошларини афсус билан чайқаб. – Қизи тушмагур, келиб-келиб ўшаларга қўшилиб кетганини қаранг. Ким ўйлабди дейсиз, болаларни ҳалолликка ўргатган, таълим-тарбия берган одамнинг фарзанди қон сўргувчиларнинг хизматини қилади, деб.»

Пўлат ака чидаёлмади. У Каримани олдига ўтқизди:

– Лашкарларнинг хизматини қилаётганмишсан, шу гап ростми?

– Ота, – Карима ҳақиқатни айтишга мажбур эди, – мен уларга шунчаки ошпазман!

– Бугундан бошлаб, у ерга қадамингни босмайсан! Улар халқнинг нафратига дучор бўлишяпти! Одамларнинг қонини тўкишмокда. Қонунларимизни оёғости қилишяпти!

– Мен энди уларнинг сафидан чиқолмайман!

– Нега? Ким сени мажбур қилиб ушлаб турибди?

– Қасам ичганман!

– Қасам? Нима деб қасам ичгансан?

Пўлат аканинг fazabi қайнади. Сочлари тикка бўлиб, дўпписи кўтарилди. Ёнида ўтирган қизига биринчи бор нафрат билан тикилди.

– Сўраманг ота, буни айтиб бўлмайди.

– Айтасан!

– Ота!

– Улардан кечмас экансан, мени ота дема!

– Ота, ахир мен қасам ичганман, бузолмайман!

– Сен ичган қасам ўз халқингга, юрtingга бўлган муҳаббатдан устунми? Одам қасамни фақат ватанга содик инсон бўлиш учун, унинг душманларига қарши курашиб учун, юртни обод ва озод этиш мақсадида ичади. Қандайдир бизга ёт тўдаларга қўшилиш,

уларнинг топширигини бажариш, ўз халқини қийнаб, азоблаш мақсадида ичилган қасам – қасам эмас! Ўйлаб кўрдингми, сенга қасам ичирган одамлар асли кимлар? Мақсадлари нима? Бировнинг қонини тўккан одам иккинчи бир одамни ўлдириш мақсадида қасам ичса, бу Аллоҳнинг фазабини қўзғийди.

– Нима десангиз денг, аммо мен ичган қасамимни бузолмайман! – деди Карима аччиқланиб.

Пўлат муаллимнинг бармоқлари мушт бўлиб тугилди. Ўт чақнаб турган кўзларига қизи ватанфуруш хоиндай кўринди. Бўғзига қадалган аччиқ аламни базўр ичига ютди. Қизини бу йўлдан қандай қайтариш мумкин ва нима қилса, улардан юз ўгиради? Лашкарларнинг маконига қайтиб қадам босмайдиган бирор сабаб топиш керак. Узоқ йиллар болаларга сабоқ бериб, ҳаммаларини тўғри йўлга солган Пўлат муаллим айни пайтда караҳт бўлиб қолганди.

– Мен сени уларнинг олдига қайтиб боришингга йўл кўймайман, – деди босиқлик ва айни пайтда ялинувчан оҳангда. Қайсар ва ўжар табиатли, кейинги пайтда кўча тарбиясини олган Карима отасининг кўзларидан томиб, ажин босган, эти кетиб устихони қолган юзига оқиб тушаётган ёшларга у қадар аҳамият бермади. Юрагида меҳр уйғонмади. Аксинча, отасининг илтимос оҳангидагайтан сўзларидан баттар қайсарлиги тутди:

- Қасамимни бузмайман!
- Бузасан!
- Мен отангман!
- Бузмайман!
- Оқ қиласман!
- Ўгайсиз!
- Бу сўзни айтгани қандай тилинг борди?!

Муаллимнинг вужудини қақшатиб тилидан учиб чиққан бу сўз Каримага пашша чаққанчалик таъсир қилмади.

— Оқ қилсангиз ҳам, кечсангиз ҳам, ахдимдан қайтмайман! — деди пинагини бузмай.

— Хали сен шу даражага етиб бордингми? Қандайдир тайин-түйини йўқ, халқни талаётган безори бир тўдани, деб ўз падарингдан тонмоқчимисан? Уларни мендан азиз, деб билдингми?

— Қандай тушунсангиз, шундай қабул қилинг! Энди мен ёш бола эмасман! Танлаган йўлимдан сиз тугул ҳатто Тангри ҳам қайтаролмайди!

— Ё, Раббим! — Пўлат муаллим гўё тилини бехосдан чайнаб олган одамдай инграб юборди. — Наҳотки бу сенинг сўзларинг бўлса, Карима?! Қулоқларимга ишонмайман, қизим. Тавба қил, жон қизим. Ёшим етмишга борганда, юзимни ерга қаратма, ўша бадкорларга қўшилма, болам. Қайт йўлингдан!

— Қулоғингизга чалинаётган бу сўзлар ўз аҳидан қайтмайдиган қизингизнинг оғзидан чиқмоқда!

Пўлат муаллим титраб кетди:

— Оқпадар! Сендай қизим йўқ! Берган тузимга икки дунёда ҳам рози эмасман!

Кекса муаллим бу сўзларни алам билан эмас, балки юрагида вулқондек тўлиб-тошиб чиқаётган нафрат билан айтди. Юраги тўшини ёриб чиқкудек гурсиллаб уради. Боласини тўғри йўлга юришни истамаётганидан кекса муаллим ҳиқиллаб йиғларди.

Карима отаси томонидан аччиқ ҳамда аламга йўғрилган бу гаплар ўзига тегишли эмасдек пинагини бузмай, безрайиб тураверди. Кўпдан бери дилига туғиб юрган гапларини айтиш фурсати келганини тушубниб етди.

— Сизнинг қарғишингиз менга тегмайди!

Бу гап муаллимнинг хаста юрагига пичоқдек санчилди. Наҳотки йигирма йил тарбиялаган, меҳрини берган қизи айтаётган бўлса, бу сўзларни? Муаллим-

нинг боши айланиб, кўзи тиниб, йиқилиб тушишига бир баҳя қолди. Карима ўз ўқини нишонга бехато урган мергандек заҳарханда табассуми лабларига ёйилган ҳолда уйни тарк этди. Кўча эшикка борганида қўллари билан деворга суюниб, оппоқ сочли боши қўксига осилиб тушган отасининг сўзи қулоқларига етиб борди.

– Қизим, тўхта... – Каримани бағрига қайтариб олиш мақсадида тағин илтижо қилди муаллим.

Қиз отасининг сўзларини әшитмагандек, эшикни зарда билан ёпиб, фойиб бўлди.

Пўлат муаллим нима қилишни билмай қолди. Боши айланиб, кўзи тиниб, маст одамдек чайқаларди. Нур кетиб, хира тортиб қолган кўзларидан аччиқ ва аламли ёшлар оқарди. У ўзининг синганини, эл олдиди шарманда бўлганини тушуниб етди. Умр бўйи болаларни ҳалолликка, покликка етаклаган, ватанни севишга, элни ардоқлашга ўргатган муаллим бу шармандагарчиликдан бўйи ҳам бир қарич чўкиб, қадди аввалгидан ҳам букилиб, бечораҳол аҳволга тушиб қолганди. Ахир, Каримани оқ қилгани билан, уйдан ҳайдаб согани билан, ўгай бўлса ҳам қизи эмасми, йигирма йил бағрига босиб катта қилмадими?! Карима ундан тонди, бироқ ҳалқ-чи? Ҳалқ нима деб ўйлайди? Қиз отам эмассан, деб юзига согани билан бари бир эл-юрт уни қишлоқ мактабида узоқ йиллар болаларга сабоқ берган Пўлат муаллимнинг фарзанди, деб билади-ку! Қўшни қишлоқдан кўчиб келганини, шу ўгай қизни асраб олганини шу пайтгача бирор юзига солмаган. Карима падаридан тониб, уни ташлаб кетса-да, бари бир шу ерда, шу юртда яшайди-ку! Шу юртнинг тупроғини кўз қорачифидай асрраган, севган ва ардоқлаган, қўксига мустақиллик шаббодаси текканидан сўнг дунёга ном таратаётган ватанга фарзан-

дининг хиёнат қилишига йўл қўйиб бўладими? Бу қандай маломат, бу қандай кўргулик? Кимдир чидаши мумкиндири, аммо Пўлат муаллимдек инсон бу иснодларга, бу маломатларга ҳеч қачон чидамайди. Ўлганида, жасади тупроққа қўйилганда, суюклари чириб кетаётганда ҳам қабрида тик туради ва юртга хиёнат қилган қизини лаънатлайди.

Карима гўё отасининг бўғзига пичоқ тортиб, чалажон қилиб чиқиб кетгандек эди. Бундан кўра ўлдирив, қўмиб кетгани маъқул эди.

Ота олов ичида қолгандай вужуди қизиб борарди. Фазабдан чақнаган кўзларига олам зимистон кўринарди. У ҳеч нарсани ҳис этмас, ҳеч нарсани қўрмас, фақат хаёли ва ўйидан, «менинг фарзандим ўз халқи ва ватанига хиёнат қилиши мумкин эмас», деган фикр ўтарди.

Пўлат муаллимнинг кўзи тўнгакка санчилган болтага тушмаганида у яна қанча фурсат деворга суюниб турарди, буниси бизга коронги эди. Яқинда қишига ўтин фамлайман, деб ўткирлатиб келган болта унинг юрагидаги аламли алангани ўчириши мумкиндеқ туълди. Уни қўлига олди. Қизининг ортидан кўчага чиқди. Карима йўлнинг ўртасида орқа-олдига қарамай, қароргоҳ томон кетиб борарди. Бир қўлида болта кўтарган, яланг бош, аёзда қолган одамдек дилдираб бораётган Пўлат муаллим қайноқ тупроққа озгин ва суюклардан иборат бўлган оёқ изларини муҳрдай босиб, қизининг ортидан чопиб борарди.

– Қайт, қизим! Мени шарманда қилма! Агар сен лашкарларга қўшилиб кетсанг, мени тириклай гўрга тиққан бўласан. Маҳаллада бош кўтариб юролмайдиган бўлиб қоламан. Сендан ўтиниб сўрайман, қизим, уйга қайт! – ўзи сезмаган ҳолда Кариманинг изидан қичқириб борарди кекса муаллим. Унинг бўғиқ ово-

зида ғазаб билан бирга илтижо ҳам бор әди. Карима қайрилмади. У падарининг овозини эшитмагандай, илдам кетиб бораради. Пўлат муаллим қўлидаги болта тушиб кетмаслик учун маҳкам чангллаб қадамини илдамлатарди.

Ўн қадам масофа қолганида қиз ортига қайрилди ва қўлидаги болтани маҳкам чангллаб, терга ботиб, кўзлари чақнаб, ҳансираф, келаётган отасига яна ўзининг қатъий сўзини эслатди:

– Нега изимдан эргашиб келмоқдасиз? Мен ўзимнинг қароримни айтдим-ку! Болта билан кўрқитиб, аҳдимдан қайтаролмайсиз!

– Мени маломатга қўйма, жон қизим! Эл-юрт олдида бошимни эгма! – ялиниб илтижо қиларди Пўлат муаллим. У қўлига болтани нима мақсадда олганини биларди, аммо уни ишга солишга юраги дов бермасди. Ич-ичидан қизининг, «отажон, кечиринг, ёшлик қилибман», деб тавба қилишини истарди. «Шунда ҳаммаси яхши бўлади, фарзандимни бағримга босиб, яна уйга қайтаман», деб умид қиларди кекса муаллим.

– Жоним қизим, кимки юртига хиёнат қилса, икки қўзи оқиб тушади, кўр бўлади, унутма буни! Ҳозир тавба қилмасанг, қачондир ичинг эзилади, пушаймон бўласан!..

– Сиз кимсизки, маломатдан, шарманда бўлишдан чўчисангиз? Эл олдида, қишлоқда сариқ чақачалик қадр-қимматингиз, обрўингиз йўқ! Болаларни ўқитганман, дейсиз, аммо ўша ўқувчиларингиздан бирорратси сизни ҳурмат қилмайди-ку! Аҳволингизга қаранг, сувга тушган мушук боласига ўхшайсиз-а!

Карима аччиқ-аччиқ сўзларни айтиб, отасининг янада шармандасини чиқариб, ўзига ўзлигини танитиб қўймоқчи бўлди. Пўлат муаллим унинг сўзларини оғир олмади. Ҳаммасини кечиришга тайёр әди, факат қизи уйга қайтса, лашкарлар қароргоҳига бормаслик-

ка сўз берса, бас. Лекин у бундай қилмади. Ортига кескин қайрилиб, йўлида кетаверди. Пўлат муаллимнинг вужуди олов ичида қолгандай баттар қизиб кетди. Бирдан фазаби қайнаб, кўзига ҳеч нарса қўринмай қолди. Болтанинг сопидан янада маҳкамроқ чанглаб, қизининг изидан чопди. Ҳеч қандай қуч энди уни аҳдидан қайтаролмасди. Пўлат муаллим қизига яқинлашай деганда, бирдан юрагида қаттиқ санчиқ турди ва бутун вужудига ёйилиб кетди. Баданидаги иссиқ тер ўрнини совуқ, шилимшиқ тер қоплади. Муаллим оёқларига кишан солингандай таққа тўхтаб қолди. Кўлидаги болта оғирлик қилди. Уни ерга ташлаб юборди. У қўллари билан саншиб оғриётган юрагини мижғилади. Қалтираётган тиззалари нимжон гавдасини кўтаролмай букилиб борарди. Бирор бўғаётгандек нафаси қисиб, ҳансирар, бўғиларди. У мунгли кўзларини тобора йироқлаб бораётган қизига тикди. Шунда ҳам уни ортга қайтаргиси келди. «Қайт» деган сўзни кўп бор айтмоқчи бўлди-ю, , аммо тилидан чиқмади. Мадорсиз ва совуқ терга ботган қўйи ерга йиқилар экан, бутун кучини тўплаб, намсиз лаблари орасидан ўша сўнгги сўз учиб чиқди:

— Қайт, қизим...

КОБУЛ

Амирий буюмларини йифишириб, аэропортга жўнади. Кобулга боришга ва Башир билан учрашиб, келгусидаги ишларни режалаштириб олишга қарор қилганди. Эрон орқали Афғонистонга ўтиш хатарли бўлганлиги боис, Покистонга жўнашни маъқул топди. Қандаҳорга кириб олса, Баширни топишга қийналмайди.

Парвозга яrim соат қолганида аэропортга келди. Иккита полициячи ўтиш йўлагида туришганини кўриб, юрагига фулгула тушди. «Нега бу қадар ҳая-

жонланмоқдаман? Улар мени кутиб туришгани йўқ, хизмат бурчини ўташмоқда», деди ўзига ўзи. Чүнтағидан тинчлантирувчи дори олиб тилининг остига ташлади. Чиптага муҳр бостирди. Энди у полициячилар турган йўлақдан ўтиши лозим эди. Қариянинг ортга қайтиши мумкин эмасди. Бошини қўтариб, дадил қадам ташлаб, йўлак томон юрди. Шундай бўлса-да, оёқлари бўшашиб, баданини муздек тер қоплади. Ранги қандай ахволдалигини билмаса-да, хар қалай оқариб кетганини биларди. Орадаги масофа икки қадам қолганида, Амирий кўз қирини полициячиларга ташлади. Иккиси ҳам нигоҳларини қарияга ўқдай қадаб туришарди. Шунда Амирий шартта ортига бурилиб кетмоқчи бўлди. Бироқ ортидан келаётган йўловчилар бунга имкон бермади.

– Сизга нима бўлди, афандим? – полициячилардан бири Амирийнинг қўлидан ушлади.

– Бошим айлангандек бўлди, ўғлим, – чолнинг тилига шу сўз келди.

– Дўхтир чақирайликми?

Чолнинг ортидан келаётган йўловчи Амирийнинг жонига оро кирди.

– Қаричилик, – деди у полициячига. – Ташвишланманг, ўтиб кетади. Ўзим шифокорман, бу парвоз олдидаги ҳаяжонланиш!

Нотаниш кимса шундай деб, Амирийнинг қўлтифидан олиб, назорат йўлагидан олиб ўтди.

Самолёт фидираклари ердан узилгач, у қўрқувни унутди ва бошини суюнчиқقا ташлаб, «Ўзингга шукур», дея худога ҳамд-у санолар айтди.

Покистонга келгач, эски танишларидан бирига сим қоқди.

– Одамларингга буюр, мени Қандаҳоргача кузатиб қўйишин. Башир жаноблари билан учрашмоқчиман. Иложи бўлса, уни ҳам огоҳлантириб қўйсанг! – деди.

– Ўн дақиқада одамларим олдингда бўлишади! – жавоб қайтарди таниши.

Амирийнинг олдига икки нафар покистонлик келди. Уни машинага ўтқизиб, тоғлар томон йўл олишди. Бу орада Амирийнинг таниши Баширга сим қоқиб, Амирийнинг йўлдалигини маълум қилди.

– Одамларингизга тайинланг, уни Кобулга олиб келишаверсин. Менинг Қандаҳорга боришга вақтим йўқ, – деди Башир.

Машина Қандаҳорда тўхтади. Бу ерда Амирийни бошқа кишилар кутиб олишди ва ўзларининг машиналарига ўтқизиб, Кобулга йўл олишди.

Башир устозини иззат-икром билан кутиб олди. Амирий ўзининг қандай мақсадда бу ерга келганини ҳамда Гўзал билан бўлиб ўтган воқеалар тўғрисида гапирмоқчи эди. Кутилмаганда мавзу ўзгариб кетди.

– Кенгашнинг садоқатли одамларидан жудо бўлдик. Бу биз учун катта йўқотиш, муҳтарам Башир жаноблари. Мана энди кенгашнинг асосий устунлари – сиз билан мен қолдик. Аслида, бутун ишнинг жилови иккимизнинг қўлимизда.

– Нияtingиз холислигини, қўлингиз очиқлигини биламан, ҳазратим. Биз сафдошларимизни йўқотганимиз билан кенгашнинг фаолияти тўхтаб қолмайди. Мени йўқлаб келганингиздан бошим осмонга етди.

– Шундай, азизим. Одамларимизнинг ўрнини босадиган ишончли ҳамкорларни топмоғимиз лозим. Ҳамманинг нигоҳи бизда.

– Сиз билан бизнинг ишончимизни қозонадиган одамларни топиш қийин эмас. Кўпчилик биздан ўзларини четга олмоқда. Менинг фикримча, изимизга бизларни бир-биримиздан айирмоқчи бўлган ғанимлар тушган.

– Улар мақсадларига етолмайдилар, – эътиroz билдириди Башир. – Аксинча, бизни қўллайдиган дўстла-

римиз етарли. Назаримда одамларимизнинг йўқотилишига, айнан Абдуллоҳ сабабчи бўлган. Ўша қунги йиғинда очиқдан-очиқ у америкаликлардан, разведка бошқармасидан юз ўтирганини айтганди.

– Ўйнаб гапирсанг ҳам, ўйлаб гапир, дейишган. Абдуллоҳ каттагина наркобизнес сифатида бир қатор мамлакат полициячиларнинг эътиборига тушган. Янглишмасам, Интерпол уни қамоқقا олиш тўғрисида яширин кўрсатма берганидан ўзингиз ҳам хабардор эдингиз.

– Эътиroz билдиришга ҳақим йўқ, Башир жанобла-ри. Абдуллоҳ ўзини ўзи сотиб қўйди. Унинг ўлимида Интерпол ходимларининг қўли борлигига шубҳа қилмайман.

– Уни кўпчилик хушламасди.

– Мехмед Чегечининг ўлимига нима дейсиз? Турк полисларининг аниқлашича, у қандайдир доридан заҳарланганмиш. Мен унинг ўлимида инглизларнинг қўли бор, деб ўйлайман.

Башир инглизларга қарши салбий фикр билдиришга қарши бўлиб қолмай, балки шундай фикрда бўлган кишиларни ёқтирмасди.

– Инглиз махсус хизмати уни ҳамиша қўллаб келган. Менимча, унинг ўлимида ракибларининг қўли бор.

– Кимни назарда тутаётганингизни билсан бўладими? – Баширнинг оғзидағи чиқаётган сўзлар Амирийни сеҳрлаб олгандек ва айни пайтда юрагида қўрқув хисларини ўйғотганди. – Бир пайтлар кенгашга аъзо бўлиш истагида юрганлар унинг қотили эмасмикин, деб ўйлайман. Ахир, Чегечи жаноблари очиқдан-очиқ уларнинг сафимизга қўшилишини инкор қилган.

– Фикрингизни қувватлайман! Туркон хонимнинг ўлими-чи? Бу ҳам тасодифми? Ким унинг ўлимида фанимларимизнинг қўли йўқ, деб ўйлайди?

Амирийнинг юзи дув қизарди. Чехрасидаги ўзгаришни сездириб қўймаслик мақсадида дераза олдига келди ва ташқарига тикилиб:

– Энди бизнинг орқага чекинишга ҳақимиз йўқ, – деди. – Бошлаган ишимизнинг ниҳоясини кўришимиз керак ёки шу мақсад йўлида қурбон бўламиш!

– Мулла Умар ҳазратлари Эргашдан шубҳаланиб юрибди, – деди Башир паст овозда Амирийга яқин келиб.

– Ҳазратни шубҳалантирадиган бирор асос топилгандир-да.

– Кейинги икки ой ичидаги лагерда кўпгина кўнгилсизликлар содир бўлди. Қурол-аслаҳа ортган машинализмий йўлда портлади. Орадан ҳеч қанча ўтмай, уч нафар одамимиз ўлдирилди.

– Гумон қилинувчилар топилдими?

– Гумон Бўрондан эди, уни сўроқ қилишди, аммо айборд Мурод исмли йигит бўлиб чиқди. Сўроқ чоғидаги мақсади Бўронни ҳам, Эргашни ҳам ўлдириш эканлигини айтиб берди.

– Бўроннинг бу ишларда айбордлиги исботланмадими?

– Асло!

– Хайрият. Агар у айборд бўлганда иккимизнинг бошимизда ҳазратнинг таёфи синарди.

– Балки сизни таёқ билан урарлар, аммо мени отиб ташлашарди.

– Бўрон ҳозир лагердами?

– Уни муҳим ишга жалб қилдик.

– Унутманг, Башир жаноблари, Бўрон кенгашнинг тирик қолган учинчи аъзоси. Сиз билан биз бажарадиган ишларни энди унинг зиммасига юклаймиз. Бошқа ишларга жалб этишингизга қаршиман.

– Менга қолса, унинг лагерда бўлгани ва у ердаги маҳфий маълумотлардан бизни огоҳ қилиб тургани

минг чандон афзал эди. Бироқ топшириқни мен эмас, ҳазратим бердилар!

– Ҳазратим?

– Шундай!

– Демак, ҳазратимнинг ҳам ишончига кирибди-да.

– Бу бизнинг фалабамиз!

Иккаласи жим қолди. Баширнинг сўзлари Амирийни ўйлантириб қўйди ва Туркиядаги воқеа хаёлидан кўтарилиди. Бир оздан сўнг Башир Усама бин Ладен кенгашнинг ишини жонлантириш мақсадида хайр-у эҳсон қилмоқчилигини айтди.

– Жаноблари кенгашни қайтадан тиклаш мақсадида жамғармамизга юз миллион доллар ўтказиб беришга қарор қилдилар.

– Нақадар қувончли хабар! Бин Ладен жаноблари га менинг адоксиз ташаккуримни етказиб қўясиз, деган умиддаман. Ва у кишини ишонтирингки, биз кенгаш ишини яқин кунлар ичida қайтадан тиклаймиз. Атрофимизга фояларимизга содик одамларни жамлаймиз! Биз ҳамиша жанобларининг хизматида бўламиз!

– Албатта, бу самимий тилакларингиз тез кунлар ичida жанобларининг қулогига етиб боради.

– Сиз Эргаш билан алоқани мустаҳкамланг, одамларидан тез-тез хабар олиб туринг. Улар қочиб кетадиган бўлса, унинг сариқ чақалик қадри қолмайди бизга. Яна бир гап, – овозини пасайтириб деди Амирий, – ҳозирча ҳазратим инъом қилаётган юз миллион доллар ҳақида Эргаш эшитмагани маъқул.

– Сабаб?

– Маблагни талон-торож қилиши ва ўзининг манфаатлари йўлида ишлатиб юбориши мумкин.

– Лагерда шароит оғир, тақсир. Бундан ҳазратим хабардорлар.

– Унда ўзингиз лагердагилар учун керакли буюмларни харид қилиб жўнатинг.

Бу ҳазрат томонидан тухфа қилинган моянани қўлдан чиқариб юбормаслик мақсадида бўлган Баширнинг кутган жавоби эди.

– Мақсадим, икки лагердагиларни бирлаштириб, Эргашнинг ўрнига Мирзони қўйиш эди. Афсуски, уни ҳам ўлдириб, ўнг қўлимни кесиши, – деди Башир бир оз жимлиқдан кейин.

– Лагерда тартиб-интизом изга солинмас экан, ўзаро келишмовчиликлар вужудга келиб, одамлар бир-бирининг гўштини ейишаверади.

– Бунинг учун ишончли одам топишимиз лозим.

– Агар қарши бўлмасангиз, менда бир номзод бор.

– Ким экан?

Башир номзоднинг номини айтишга шошилмади. Дераза олдига келди ва ойнадан ташқарига қараганча жавоб қилди.

– Мирзааҳмад!

Амирий ялт этиб, Баширга қаради.

– Қайси Мирзааҳмадни назарда тутганингизни билмадим?!

– Наҳотки хотирангиздан қўтарилиган бўлса? – Башир юзини буриб, Амирийнинг кўзларига тикилди.

– Кейинги пайтларда хотирам нафақат одамларнинг исмини, балки бажаришим лозим бўлган ишларимга ҳам панд бермоқда.

Башир номзодни Амирийнинг ёдига солиб қўйди:

– Мен номини тилга олган одам Эргашнинг ҳамшахри. «Адолат лашкарлари»нинг етакчиси. Ҳокимиётни эгаллаб олганда, сиз уни муборакбод этиб, одамларингиз орқали унга катта микдорда маблағ жўнатгансиз.

Амирий сукутга чўмди ва бир оздан сўнг эслади.

– У ҳозир қаерда?

– Паноҳимизда!

– Нега шу пайтгача мени хабардор қилмадингиз?

Амирий бу гапи билан, «сен мендан кўп сирларни яшириб юрган экансан-да», демоқчи бўлганини Башир тушунди. Юзи қизарди.

– Очиғи, Мирзааҳмаднинг тириклигини ва бизда яшаётганини Эргаш ҳам билмайди. Уни, «ўз қўлим билан ўлдирганман», деб мақтаниб юрибди. Шу ердагини билса, ўртада қонли низо чиқиши муқаррар. Шунинг учун унинг паноҳимиздалигини нафақат сиздан, балки ҳазратимдан ҳам яшириб келдим. Вақти соати келганда, ҳар иккингизга ётифи билан тушунтираман, деб ўйлагандим. Бунинг учун менинг бир қошиқ қонимдан кечасиз, деб умид қиласман.

Амирий бир оз ўйланиб турди-да:

– Мени у билан учраштира оласизми? – деб сўради.

Амирий лашкарбоши билан ҳозиргача кўришмаган, сухбатлашмаган бўлса-да, юртида қандай ишларни амалга оширганидан яхшигина хабардор эди ва фойибан унга меҳр қўйиб қолганди.

– Бу ерда сизларни учраштириш хатарли.

– Сабаб?

Мирзааҳмад Кашмирий жаноблари одамларининг назоратида. Сизни у билан пинҳона учрашганингизни билиб қолса, ҳазратимнинг қулоғига ёмон сўзларни етказиши мумкин. Яххиси, биз учрашувни бу ерда эмас, балки сизнинг қароргоҳингизда ташкиллаштирамиз!

– Узоқ куттирмайсиз, деган умддаман, Башир жаноблари!

– Албатта!

– Уларни яраптирсак, қандай бўлади?

– Бир-бирларини кечиришларига ишонмайман. Лекин менинг бошқа режам бор.

– Хўш?

– Бир пайлар кенгашнинг йиғилишида Эргашнинг одамларини Помир тоғларига кўчириш ҳақида маслаҳатлашгандик.

– Эсимда! – Амирий бош иргади.

– Биз уларни Помир тоғига кўчирамиз, у ердан эса Қирғизистонга олиб ўтамиз. Мирзаахмаднинг онаси қирғиз, қариндошлари Бишкекда яшайди. «Дори» ларимизни мамлакат ичига олиб кириш ва у ердан Руссияга чиқаришда унинг яқинлари бизга ёрдам беради.

Таклиф Амирийга эриш туюлди. Баширга чақчайиб қаради. Унинг кўзлари тубида, «сенинг мақсадинг пул ишлаш», деган маъно зухур эди.

– Биргина шу иш билан лашкарбошини ва унинг одамларини банд қилиш мумкинмикин, Башир жаноблари? «Дори» бизни маблағ билан таъминлайди, аммо мақсадимиз бошқа. Буни унутманг!

Башир хатосини тўғрилашга шоҳди.

– Бундан ташқари, лашкарбошининг одамлари Қирғизистонда бир қатор тартибсизликларни келтириб чиқаради. Ҳозирда бизнинг ишончли одамларимиз у ерда ишлашмоқда.

– Мени дўппидай давлат қизиқтирмайди, муҳтарам Башир жаноблари. Мен ўз олдимга бутун Ўрта Осиёни ишғол қилиш, уни бирлаштириш ҳамда муқаддас байроғимизни унинг осмонида ҳилпирашини ўз олдимга вазифа қилиб қўйганман. Маблағ ва бойликларимни, эллик йиллик куч-қудратимни шу мақсад йўлига сарфлаганман. Бир кун бўлса ҳам ягона түфостида бирлашган Ўрта Осиёда ҳукмронлигимни ўрнатишшим шарт!

– Биз Марказий Осиёни бирдан ишғол этолмаймиз. Бунга кучимиз ҳам, қудратимиз ҳам етмайди. Ўзингизга аёнки, Шўро ҳукуматини ағдариб ташлаш учун манаман деган қудратли давлатлар етмиш йил

иш олиб бориши. Биз ҳамкорларимиз билан ишлаб чиққан тизимлар асосида иш юритсаккина, Туркистон томига байроғингизни тикишингиз мумкин.

Амирийнинг юзлари буришиб кетди. Тилига келган сўзларни ўйлаб ўтирамай, айтиб юборди:

– Сиз мени ўзингизнинг яқин ҳамкорингиз деб билар экансиз, нечук тарафкашларингиз томонидан ишлаб чиқилган тизимдан бехабарман? Буни тушунтириб беринг!

– Ўринли савол. Бизни қўллаб турган ташкилотлар сизни ўзларининг энг ишончили ва содиқ одами, деб ҳисоблашади. Бироқ кенгаш аъзоларининг ҳаммасига ҳам ишониб бўлмайди. Уларнинг орасида сирларимизни ўзгалар қулогига етказиб турадиган сотқинлар бўлиши табиий. Эсингизда бўлса, Туркон хоним сиз ишониб топширган овозёзгични Эргашнинг тўшагигда унтиб қолдирган. Бахтимизга у лақмалик қилиб ишлатишни билмаган. Борди-ю, шу асбоб ғанимларимизнинг қўлига тушиб қолганида нима бўларди? Сиз билан бизга дийдор кўришлик охиратга қолармиди? Ҳар қадамда ўзбекларнинг иттифоқчилари – руслар, қозоқларнинг пиҳини ёрган жосуслари изғиб юришибди, – Башир бирдан қизишиб кетганини сезди ва тилини тишлади. Гапларининг замерида Абдуллоҳга ишора қилаётганини Амирий пайқаб қолди ва юрагида шубҳа уйғониб, Баширга фалати қараб қўйди. У ҳам аллақачон сотилиб, уларнинг чизган чизифидан чиқмай, ноғорасига ўйнаб, қулогига қўрғошиндай қуишиган гапларини бу ерда булбулдай сайраганини билди.

– Менимча, бизнинг суҳбатимиз сиёsat майдонига айланиб кетмоқда. Мендан кўра ўзингизга яхши аёнки, Ўзбекистон кун сайин мудофаа қудратини мустаҳкамлаб, бутун Осиёда энг қудратли давлатга айланаб қолди. Жаҳон ҳамжамияти олдида обрў-эътибори юксалмоқда!

– Шубҳам йўқ, ҳазратим! Мудофаа құдрати қанчалик устун бўлмасин, у мамлакат ичида эмас, балки чегарадан ташқарида керак бўлади. Сиз билан биз мафкуравий жанг олиб борамиз! Ўзимизнинг фояларимиз ва ташвиқотларимиз билангина одамлар онгини тубдан ўзгартириб, уларни ўз томонимизга оғдиришимиз мумкин. Билиб қўйинг, бугунги кунда мафкуравий фоя атомдан кучли. У ёндиримайди, куйдирмайди, вайрон ҳам қилмайди, фақат онгни, дунёқарашни заҳарлайди. Заҳарланган одам эса ўзининг ота-онасини ҳам, боласини ҳам танимайди. У мисоли икки бошли аждарга ўхшайди, мурватини бураб қўйсанг, айтган топширифингни бажаради. Биз ўзимизнинг мафкуравий фояларимизни киритсак, билингки, қурол-аслаҳаларга, заҳарли кимёвий дориларга сарф қиласидан миллиардлаб пулларни тежаб қолган бўламиз. Энди жанг майдонида фоялар фояларга қарши курашади. Кимнинг фояси кучли бўлса, у тантана қиласи. Менинг одамларим айни кунларда Ўрта Осиёнинг барча шаҳарларида, ҳаттоқи, қишлоқларида ҳам бизга ҳамкорлик қилаётган ташкилотлар томонидан узоқ йиллар давомида ишлаб чиқилган фояларни тарғиб қилиш, миллий низоларни вужудга келтириш, миллат ва әлатлар ўртасида адоватли урушлар оловини ёқишга туртки бўладиган сабабларни излашмоқда. Агар телевизорни кузатиб бораётган бўлсангиз, яқинда Қирғизистондаги депутатларимиздан бири бутун әлга қаратади: «Қирғизистон ягона тилга ўтиши лозим. Ўзбекми, русми, қайси миллат бўлишидан қатъи назар, қирғиз тилида гапириши шарт. Мансаб қурсиларида фақат миллатнинг ҳақиқий эгалари ўтиради», деган фикрни олдинга сурди. Мана шу фоянинг ўзи Қирғизистонда яшаётган кўп миллатли халқлар ўртасида катта шов-шувга, ҳаттоқи, келишмовчиликка сабаб

бўлди. Яна бир кутилаётган нарса, бу мамлакатнинг жанубидаги русийзабон миллат вакилларининг фарзандлари ўқийдиган мактабларни тамоман беркитиши масаласини айнан уйфур маънавият марказининг вакили олға сурди. Булар миллатларни қаттиқ ташвишга солиб қўйгани foяларимизнинг нақадар таъсирли эканлигини билдириб турибди.

Баширнинг сўзларига жимгина қулоқ солган Амрий юзидаги заҳарханда табассумни фош қилмасликка уриниб, ўзини зўрға қўлга олиб ўтириди. Айниқса, кейинги гапларида озгина бўлса-да, жон борлигини тан олди. Ноибнинг мамлакатдаги миллатларни ташвишга солишининг ўзиёқ Баширнинг сўзлари нақадар ҳақлигини исботлаганди. Хозирги кунда бундай гапларни ва таклифларни хоҳлаганча ва истаганча тўқиб чиқариб, одамларда тушкунлик кайфиятини уйғотиш ҳеч гап эмаслигини Амрий ҳам яхши биларди. Бироқ унинг барча гапларини маъқуллаб бўлмасди. Ўзбекистон халқи, айниқса, мустақиллик йилларида туғилган ёшлар онгини ҳеч қандай foя, ҳеч қандай мафкура буза олмаслигини биларди. Ёшларнинг онги давлат томонидан ишлаб чиқилган foялар билан тўлдирилган, ёт мафкураларга ўрин қолдирмаганди. Ватанпарварлик руҳи ёшларнинг қон-қонига сингиб кетган.

Чолнинг кўнглидан бир-бирига қарама-қарши фикрлар кечди.

– Ўзбеклар билан қирғизлар бир-бирларининг қонларини ичади, деб ўйлайсизми? – сўради у паст товшуда. – Икки қардош халқ сиз ишлаб чиққан foялар жангига бир-бирининг қонини тўкмайди. Адашдингиз, азизим. Эт билан тирноқни, қуда-андани, қон-қариндошли ажратиб бўлармиди? Ўшдаги, Жалолободдаги, Боткендаги, Ўзгандаги, Ола-буқадаги қайси ўз-

бекнинг хонадонига кирманг, қирғиздан келини бор.
Сиз ишлаб чиққан фоялар бу икки миллатга таъсир қилмайди, деб қўрқаман!

– Бу сизнинг фикрингиз, ҳазратим! Биз ишлаб чиққан фоялар нафақат икки миллатни, нафақат қуда-андани, балки ота билан болани, ака билан укани ҳам бир-биридан айиради. Керак бўлса, ота ўз боласининг қонини ичади. Фояларимизнинг нималарга қодир эканлигини билмайсиз-да. Фоялар таъсирига берилган одамлар манқуртга, ёвга айланиб кетади. Қўлларига қилич тутқазиб қўйсангиз, бас, рўпарасидан чиққан одамнинг кимлигини сўраб-суроштирумай бўйнига солаверади.

– Бу мафкуравий урушингиздан мен нималарни ютишим мумкин? – савол ташлади Амирий.

– Сиз ютадиган нарса битта – ота-боболарингиз орзу қилган она Туркистоннинг беҳисоб бойликлари! Биз Бишкекда миллатларни бир-бирига гижгижлаб, ўзаро низоларни келтириб чиқаролсак, ҳеч бўлмаганда бир қошиқ қон тўка олсак, билингки, Ўзбекистон ҳукумати ўзининг одамларига ҳар жиҳатдан ёрдам беришга мажбур бўлади. Армиясини Қирғизистонга киритади. Мана шу пайтда биз ўз аскарларимизни ташлаймиз. Ўртада қиёмат қойим бошланади. Қирғизистон иккинчи Афғонистонга айланади!

– Сиз қўшни давлат ўз армиясини Қирғизистонга киритишига ишонаяпсизми?

– Гапларимга шубҳа қилмасангиз бўларди, ҳазратим!

– Сиз ишлаб чиққан тизим амалга ошиши учун яна қанча вақт даркор?

– Аниқ муддатни айтольмайман, – қисқа жавоб қилди Башир. У жазавага тушиб, қўп гапириб юборганини ҳамда ўз сирларини фош қилиб ташлаганини бирдан тушуниб етди. – Қолаверса, бу биргина менинг

ишим эмас, бу ерда юрган Эргаш ва Мирзаахмаднинг йигитларига ҳам боғлиқ.

– Сизнинг сўзларингиздан шундай хулоса чиқариш мумкинки, биз зудлик билан Эргашнинг қўлидаги бир гурух одамларни Мирзаахмадга топширишимиз керак.

– Шундай, бироқ бизнинг режамидан Эргаш ҳозирча бехабар бўлгани мақсадга мувофиқдир. Куч – бирлашишда!

– Тушунтириброк гапиринг!

– Айни пайтда Эргаш ўзининг ташвишига ўралашиб қолди. «Толибонлар» халқни ўз ортидан эргаштиромади. Абдурашид Дўстум иттифоқчилари билан тил биректириб, унинг аскарларини ҳар томондан ўраб олмоқда. Ҳазратнинг оддий халқ бошига солган қаро қунлари ва мамлакатнинг турли жойларидағи нодир ёдгорликларни портлатиб, вайрон қилгани умумжаҳон аҳлининг нафратини қўзғатмоқда. Бу жангда мулла Умарнинг шонли юриши узоққа бормаслигига ақлим етиб турибди. Агар ҳазрат мағлубиятга учраса, билингки, Дўстум ўша куниёқ Эргашни тириклай кўмиб юборади. Маслаҳатим шуки, зудлик билан Мирзаахмадни лагерь бошлиғи этиб тайинлаш ва Эргашни ўртадан олиб ташлаш керак. Умид қиласманки, бу таклифим сизни беэътибор қолдирмайди.

Амирий ўйланиб қолди. Назарида, Башир ҳақ, унинг учун жон куйдираётгандай туюлди. Энди ўз дардини тўкиш мавриди келганини тушунди.

– Чегечининг қизи бизга хиёнат қилди, биродар.

– Хиёнат?!

– Шундай! Ярамас қиз отасининг пўлат сандифида сақланётган муҳим хужжатларни яшириб қўйган экан. Назаримда уни кимгадир топширмоқчи бўлган. Худога минг қатла шукурки, бунинг олдини олдик.

Баширнинг қути ўчиб кетди.

– Буни қандай аниқладингиз?

Амирий тафсилотни айтди.

– Ҳакиқатан ҳам маълумотлар Гўзалнинг қўлига тушган бўлса, сиримиз фош бўлибди, ҳазратим. Одамларимизнинг ўлимида унинг қўли бўлса ҳам ажаб эмас.

Иккаласи жим қолди ва хаёлларига ҳар турли фикрларни келтириши.

– Қиз нима мақсадда хужжатларни яширганини билишимиз керак. Бу жиддий масала. Гўзал қайсиdir давлатнинг махфий хизмат идораси билан алоқада бўлган, деган шубҳам бор эди.

– Шубҳангиз ўринли. Гўзал маълумотларни уларга топширмоқчи бўлган. Яхшики, биз бунинг олдини олдик. Назаримда одамларимизнинг бирин-кетин йўқ қилинишида сиз айтган идора билан Гўзалнинг алоқаси сабаб бўлиши мумкин. Ахир, Чегечи жанобларининг идорасидаги учрашув сир сақланган. Бундан фақат Гўзал огоҳ бўлиши мумкин.

Амирий қайсиdir жихатдан ҳақ эди. Ҳакиқатан ҳам кенгаш аъзолари Туркиядаги йифиндан кейин қисқа муддат ичида бирин-кетин ўлдирилди. Кимнинг қўли билан, деган саволга иккисида ҳам Гўзалнинг қўли билан, деган шубҳа пайдо бўлди. Абдуллоҳнинг қотили изига тушган полиция бу сирли жиноятнинг жумбогини ҳанузгача очолмаяпти. Буниси ҳам етмагандек, ўша кунги кенгаш йиғилишида рус мафияси билан алоқани мустаҳкамлаш, Россияда ишлаб чиқарилган муҳим қуролни сотиб олиш мақсадида Вадим Вольфовичга юборилган «дори» қўлга тушди. Орадан қисқа фурсат ўтмай, рус мафияси отасининг жасади Италиядан топилди. Мана энди ҳаммаси ойдинлашмоқда. Наҳотки Чегечидек ташкилот ишига жонини фидо қилган одамнинг фарзанди хоин бўлиб чиқса?!

– Бу ҳақда мен ҳам бош қотирдим. Бироқ бизнинг тахминларимизни исботлайдиган далил топилмади.

– Қандай маслаҳат берасиз, муҳтарам Башир жаноблари? – сўради Амирий.

Қўпорувчилик ишлари бошлиғи хаёлида айланаётган жумбоқли саволга шундай жавоб берди:

– Агар мумкин бўлса, мен қўлингиздаги ҳужжатларни кўздан кечириб чиқсан.

– Бажонидил, – кенгаш бошлиғи жилдни шеригига узатди.

Ўта синчков, инжиқтабиатли Башир замонавий криминалистикадан яхши хабардор бўлиб қолмай, балки унда бу соҳага нисбатан туфма қобилият ҳам мавжуд эди. У ёнидан лупа олиб, жилддаги варакларни кўздан кечирди. Ёзувларга жиддий эътибор қаратди. Бир соатдан кўпроқ шуғулланиб, мулоҳазасини айтишга шошилмай ўрнидан турди. У тарқоқ фикрларини жамлаш мақсадида дераза ёнига келди ва ташқарига тикилганча, бир неча дақиқа ўй суриб турди. Бутун вужуди қулоққа айланган Амирий унинг муҳим гап айтишини қутиб, нафасини ичига ютган кўйи тик туарди.

– Ҳазратим, – дея гап бошлади ниҳоят, – мен айтадиган сўзлардан ўйлайманки, дилингиз ранжимайди.

Амирийнинг қути ўчди ва орқа ўгириб турган Баширнинг олдига яқинроқ келди. Унинг озғин елкасига қўлини ташлади.

– Аксинча, мен сизни ўзимнинг энг содик ҳамда ишончли сафдошим деб биламан, муҳтарам Башир жаноблари. Дилингизга қандай гап келган бўлса, бемалол айтаверинг!

– Бу ҳужжатларнинг махфийлиги қолмаган. Улар аллақачон тегишли идораларга етиб борган ва айни пайтда бизнинг топшириғимизни бажариб юрган

одамлар назорат остига олинган. Мабодо, бу ишда ўзбек разведкасининг қўли бўлса, бу ерда Эргашни ушлаб туриш ортиқча. Одамларини юртларига жўнатишнинг ҳам зарурати йўқ. Улар фош бўлган!

— Асосланг, азизим? — оёқ-қўли қалтираб кетган Амирийнинг овози худди йиғлаётган одамнинг товушидек титраб чиқди.

— Варақларда нафақат Гўзалнинг лаб бўёқлари, балки бошқа одамнинг бармоқ излари ҳам қолган. Бу эркак кишиники!

— Бу ишда икки кишининг қўли бор, демоқчимисиз?

— Мутлақо ҳақсиз, ҳазратим! Гўзал қофозларни варақлаётганда бармоғини кўп бор бўёқ суртилган лабига теккизган ва бу бўёқлар қофозда қолган.

Қаттиқ ҳаяжонланган Амирийнинг юраги гурсиллаб уради. Унга ортиқча ҳаяжонланиш мумкин эмасди. Чўнтағидан дори олиб, тилининг тагига ташлади.

— Ишонгим келмаяпти...

— Гўзал чекадими?

— Йўқ!

— Чегечи жаноблари ҳам чекармиди?

— Асло!

Башир варақлардан бирини Амирийнинг димогига яқинлаштируди.

— Хидланг-чи?

Амирий қофозни димогига яқинлаштируди. Ундан тамакининг иси анқиётганини сезди.

— Назаримда бу ҳужжат билан танишган одам Гўзалнинг хонадонида хизмат қиласди. Агар у ташқаридан келганида ёки бегона бўлганида ҳужжатларни битта қўймай, ўзи билан олиб кетарди. Хизмат қилаётган одамдан гумонсирашимнинг сабаби шундаки, у қофозларни шошқалоқлик билан кўздан кечирган. Варақларнинг буклангани ва фижимлангани бундан

далолат бериб турибди. Менимча, биз шубҳаланаётган кимса техника воситаси ёрдамида ҳужжатдан нусха кўчирган. Улар бу ишни Гўзал билан ҳамкорликда бажаришганида, қиз қофозларни яшириб ўтирасди. Қолаверса, тамаки ҳиди қофозга ўрнашиб қолганига бир ҳафта бўлган.

Амирий унсиз инграб юборди.

- Энди нима қиламиз, мухтарам Башир жаноблари?
- Афсуски, ўйинни бой бердик.
- Нима, мени тамом бўлди, демоқчимисиз? Мен орқага қайтадиганлар тоифасидан эмасман, – аччиқланди Амирий.
- Мени тўғри тушунсангиз керак, деб ўйлагандим, ҳазратим. Сизни мақсад ва режаларингиздан қайтдингиз, демоқчи эмасман. Аксинча, бу қофозларни ёқиб юборинг, энди биз бошқа режа ишлаб чиқамиз, демоқчиман.

Амирий жим қолди. Энди у Чегечининг уйида ҳужжатлар билан қизиқадиган кимлар бўлишини ўйлай бошлади. Бир пайтлар Чегечи унга сим орқали Покистондан келган нотаниш йигит қизи билан турмуш қурганини ва қаттиқ фазабланиб, уни дала ҳовлига жўнатиб юборганини эслади. «Бу ўшанинг иши», деб ўйлади. Гўзал билан бекорга яқинлашмаган. Ўзбек ёки рус разведкасининг одами бўлиши керак. Улардан бошқа хеч ким қофозларга қизиқмайди. Амирий хаёлидан ўтказган фикрларни Баширга айтишга мажбур бўлди.

- Чегечи ўлимидан олдин қизи ажнабий фуқарога турмушга чиққанини, бундан аччиқланиб, уни дала ҳовлисига жўнатиб юборганини айтганди.
- Бундай шубҳа ва гумонлар бўлиши табиий. Бироқ бизни шубҳалар қизиқтирумайди, аниқ фактларга асосланишимиз лозим, ҳазратим.
- Юрагим қасос ўтида қовурилмоқда.

– Қизишиманг, ҳазратим. Ҳаммаси ўрнига тушади.

Улар яна жим қолиши. Башир боя унтутиб қолдирган гапларини давом эттирмоқчи бўлиб, Амирийга юзланди:

– Одамларимиз икки ой муқаддам қирғиз хукуматининг нуфузли раҳбарларидан иккитасини асирга олишганди. Биз уларни зинданда сақладик. Одамларим бандилар билан ишлаши. Улардан бири биз билан ҳамкорлик қилишга кўнди. Яқинда иккисини ватанига жўнатиб юбордик.

– Сабаб?

– Сабаб шундаки, биз билан ҳамкорлик қилмоқчи бўлган одам ҳозирги кунда топшириқларимизни баҗариб, одамларимизни ўта муҳим маълумотлар билан таъминламоқда. Қирғизистонга кириб боришимиз учун йўлак очмоқда.

– Тაҳсинга лойиқ! Сизнинг тактикангизга ҳамиша қойил қолганман, азизим! Мана, энди менинг кўнглим тўқ. Хотиржам уйимга қайтсан бўлади.

– Ҳозирча шу ерда қоласиз. Бу ишларнинг тепасида ўзингиз туришингиз керак.

– Қандоқ бўларкин, мен...

Амирийнинг кетмоқчи бўлганини Башир сезди ва унинг сўзини бўлди.

– Эртага кечки пайт сизни ўз қароргоҳимга олиб кетаман. Бугун шу ерда тунайсиз!

Амирий эътиroz билдирамди.

ЮРТДА

Ўшанда лашкарлар ўз сафларини кун сайин кенгайтириб боришарди. Шаҳарга қўшни бўлган туманларда ҳам идораларини очишга, ёшларни сафларига тортишга ҳаракат қилишарди. Бироқ улар билан тил

топишолмасди. Қайсар ва ўжар йигитлар тўп-тўп бўлиб, уларни қишлоқларига киритишмасди. Лашкарлар гапларига кирмаган йигитларни уйларига ярим тунда бостириб кириб, қароргоҳларига олиб кетишарди. Ертўлага қамаб, қўл-оёқларини занжирга боғлаб, кўйдай осиб қўйишарди.

Ўша куни тўрт йигит лашкарларни қишлоқдан қувиб солишди. Аламзада лашкарлар кечаси келиб, уларни қароргоҳларига олиб кетишди. Йигитларни ертўлага олиб тушишди. «Биз билан ишлашга рози бўлмагунингча, оёқларингдан осиглиқ турасанлар», деб дарра билан савалашди. Йигитлар чурқ этишмади. Уч-тўрт кундан кейин ўзларига келиб қолишар, бизга қўшилишар, деган мақсадда чиқиб кетишди.

Лашкарлар йигитларни олиб кетганидан қишлоқ одамлари эрталаб хабар топишди. Оломон йифилиб, уларнинг қароргоҳига юриш бошлади. Буни эшитган лашкарбоши ёрдамчиларини чақирди.

– Одамларнинг йўлини тўсинглар, нима талаб қилишайтган бўлса, бажаринглар, бу ерга яқинлаштира қўрманглар! – деб топшириқ берди.

– Кеча тунда олиб келган йигитларни чиқаришимиз керак, уларни бўшатмасак, орқага қайтишмайди, – деди ёрдамчилардан бири.

Мирзааҳмаднинг юрагига фулфула тушди. Йигитларни озод қилса, обрёси тўкилишини, бўшатмаса, одамлар тўс-тўполон қўтариб, қароргоҳини вайрон қилиб ташлашини ўйлади. Йўлбошчи билан гаплашишга мажбур бўлди. У ўттиз ёшлардаги Азамат исмли йигит эди.

– Лашкарларинг бегуноҳ одамларни уриб, жигарини тўкиб юборди. Ўз халқини қўриқлайдиган, асрайдиган ҳукуматимиз бор, милициямиз бор, армиямиз бор! Биз уларга ишонамиз, сени эса тан олмаймиз.

Мақсадинг бизга равшан. Биз сендеқ ҳаром йўл билан пул топишни, бойлик орттиришни, эски жамият аравасини тараққий этаётган жамиятимизнинг ойдин йўлига судраб кирмоқчи бўлган нияти бузук, қалби нопок, фаразгўй, бузфунчи кимсаларга қарши жонимиз чиққунча курашамиз. Сендеқ душманларга сафимиизда ҳам, юртимиз тупроғида ҳам ўрин йўқ! Ота-боболаримиз орзу қилган мустақилликка энди эришдик. Осмонимизда байроғимиз хилпираб турибди. Ноқонуний равишида лашкарлар тузиб, одамларимизни қўрқитиб, қийнаб, ўз томонимга оғдираман, шу йўл билан юртни қўлга киритаман, ўзимнинг ақидапа-растлик ҳиди анқиб турган давлатимни тузаман, деб ўйлама! Бу юртнинг ўз келажагига ишонган, юрагида Ватан ишқи ёнган, унга меҳр қўйган, мустақиллигини ҳимоя қиласидиган, шон-шуҳратини, довругини дунёга танита оладидиган, келажак сари интилаётган ёшлари бор. Бугундан эътиборан лашкарларингни фаолиятига чек қўясан! Акс ҳолда, ҳаммангни битта қўймай гўрга тиқаман!

Мирзаҳмаднинг тили қотиб қолди. Қархисида вужудидан фазаб ёғилиб турган Алпомищдек йигитнинг гапини қайтаргудек бўлса, бошини узиб ташлаши мумкинлигини сезиб турарди. Важоҳати қўрқинчли эди.

– Мен ўз одамларим билан милицияга ёрдам бераман, халқни жиноятчи, ўғрилардан, безорилардан ҳимоя қиласман, деб қасам итганман. Мақсадим – юртда осудаликни сақлаш! – деди вазиятни юмшатиш мақсадида.

– Сен бу ишга тумшуғингни суқмай қўя қол! Жиноятчиларнинг танобини тортиб қўйишга милициямизнинг кучи ҳам, құдрати ҳам етади. Қолаверса, уларнинг ортида қўп миллатли халқимиз турибди. Сен гумон қилиб, идорангга олиб келиб, оёғидан осиб қўйган одамларнинг қўпи бегуноҳ. Қилмаган айбла-

рини бўйнига қўйиб, пул ундириш мақсадида тутиб келганингни халқ билади! Фаолиятингни тўхтатмасанг, йигитларим идорангга қўшиб, одамларингга ҳам ўт қўйиб юборади!

Лашкарбоши тошдек қотиб қолди.

– Майли, ҳозир шерикларингга жавоб бераман,
– деди илиги қалтираб. – Бироқ унутма, яқин кунлар ичida милициянг менинг измимга итоат қиласди.
Ўшанда сен билан гаплашаман.

– Сен ҳам унутма, – деди унинг сўзларига жавобан Азамат, – бирорта одамнинг бурни ноҳақ қонар экан ёки бирортасини уйидан ноқонуний равишда олиб чиқиб кетар экан йигитларим билан келиб қунингни кўрсатиб қўяман!

Бу лашкарбошининг ilk бор таслим бўлиши эди.

Мирзааҳмад қандай қилиб бўлмасин, одамларнинг эътиборига тушишни, ортидан оломонни эргаштиришни, кун сайин тўклилаётган обрўсини тиклашни ўйларди ва бунинг учун йўл ахтарарди. Кейинги пайларда унга ишонч билан қараган одамларнинг ҳафсаласи пир бўлиб, олдига ҳеч ким келмай қўйганди. Устига-устак, прокуратурага чакиришиб, тушунтириш хати ҳам олишганди. Мирзааҳмад ўзининг аввалиги шуҳратини тиклашни, одамларда ўзига нисбатан ишонч уйғотишни ўйларди. «Нима қилсан, одамлар оптимдан эргашади, мени қўллайди?» деган саволга жавоб тополмасди.

Шундай кунларнинг бирида шаҳар четида яшовчи беш-ён одам унинг ҳузурига кириб келди. Уларнинг кўпчилиги савдогар, муқаддам турли идораларда ишлаб, қинғир ишлари очилиб, суднинг қора курсисида ўтириб чиққан товламачилар эди. «Маҳалий ҳукумат бошлиқлари бизнинг аризамизни иnobатга олмаяпти. Томорқа сўраб, ариза берганимизга

бир йилдан ўтиб қолди», деб шикоят қилишди улар. Одамларнинг қароргоҳга бош уриб келиши, арз-дод қилиши Мирзааҳмадга қўл келди. У ёнига беш-олтита лашкарни олиб, ортидан шикоятчиларни эргаштириб, улар яшаётган маҳаллага жўнади. Маҳалланинг этаги пахтазор эди. Лашкарларнинг келганини эшитиб, яна ўн-ўн бешта одам қўшилди. Улар ҳам кўпдан бери томорқа олишолмаётганини айтишди. Мирзааҳмад атрофида одамларнинг кўпаяётганидан, ҳаммалари унга умид билан қараб туришганидан баттар ҳаволанди. Маҳалла оқсоқоли келди.

– Бу ерга мактаб, болалар боғчаси қурилади. Томорқа учун ер майдонини қўшни картадан ажратганимиз. Туман катталари аризачиларга пахта хосили йиғиб олинганидан кейин ер ажратиб беришни айтган! – деди.

Мирзааҳмад оқсоқолнинг гапига қулоқ солмади. Одамларига ҳар бир шикоятчига олти сотихдан ер ажратиб беришни буюрди.

Мана шу воеадан сўнг Мирзааҳмад тўғрисида яна ҳар турли гап-сўзлар «болалади». Ўлиб бораётган обўёси тиклангандек эди. Бир пайтлар унинг буйруғи билан шаҳардаги икки мингдан ортиқ хонадонга радио ўрнатилганди. Идорасидан бошқариб туриладиган радио орқали у деярли ҳар куни маъруза ўқиб турарди. Одамлар кимдан жабр кўрсалар, уйини ўғри урса ёки қўшниси билан жанжаллашиб қолса, қароргоҳга келиб мурожаат қилишларини сўрарди. Аслида, лашкарбошининг нияти бузук эди. Одамларнинг эътиборини қозониб, истаган пайтда халқни оёққа турғазиш ҳамда кўпдан бери ўйлаб юрган мақсадини амалга ошириш эди.

Нихоят, лашкарбоши халқни оёққа турғазишга ун-дайдиган маърузасини ўқиди. Одамларни ёш болала-

рини эргаштириб, шаҳар кўчаларига чиқишга ундаdi. Бунга қуидаги воқеа сабаб бўлганди.

Хизмат бурчини ўтаётган аскарлардан бири сувга чўкиб ҳалок бўлган, ҳарбийлар жасадни шаҳарга олиб келишганди. Лашкарлар бундан тезда хабар тошиди. Тобутни ҳарбийлардан олиб, ўзлари калтаклашди. Вилоят ҳарбий комиссариатининг бошлиғи Қамбар уларга қаршилик кўрсатди. Бироқ кўзи қонга тўлган лашкарлар полковникни аяб ўтиришмади. Калтаклашди. Сўнг тобутни кўтариб, шаҳар маркази томон юришди. «Фарзандларимизни узоқ юртларга жўнатганлиги учун раҳбарлар жавоб бериссин», деб бақиришди. Шу пайтда Мирзааҳмад радио орқали оломонни шаҳар кўчаларига чиқишга даъват этди. Лашкарлар тобутни кўтариб, ортларидан оломонни эргаштириб, партия кўмитаси биноси томон селдек оқиб келишарди. Улар бақириб-чақириб, амалдаги раҳбарларнинг зудлик билан ўз лавозимларидан бўшашларини талаб қилишарди. Олдинда лашкарбошининг одамлари жасад солинган тобутни кўтариб боришарди. Аввалдан ўргатилган сўзларни баланд овозда бақириб айтишарди. Партия кўмитаси биносини бир гуруҳ милиция ходимлари ўраб олишганди. Оломон биринчи жонли тўсиқни писанд қилмай босиб ўтди. Милиция ходимлари бир неча бор овозкучайтиргич орқали мурожаат қилиб, тарқалишни буюришди. Бироқ уларга ҳеч ким қулоқ солмади. Милиция ходимларини тутиб-сурниб, ўзларига йўл очиб боришарди. Оломон иккинчи жонли тўсиқни ҳам шундай шиддат ила босиб ўтди. Милиционерлар оломонга бас келолмасликларини билиб, орқага чекинишга мажбур бўлишди. Шу тариқа одамлар бинога яқинлашиб қолишиди. Уларнинг кўпи тош, ўроқ, бешлик ва кетмон билан қуролланиб олишганди. Лашкарларнинг қўли-

да эса мой тўлдирилган идишлар бор эди. Улар бинога яқинлашишлари биланоқ тошларни отишлари, ойнапарни синдиришлари, қўлларидағи мойни сепиб, ўт қўйишлари керак эди. Режа шундай тузилганди. Бино ишғол қилингач, бу ерга Мирзаахмад жойлашиши ва оломон олдида ўзини Фарфона водийсининг амири, деб эълон қилиши лозим эди. Бир тўда хорижий газета ва радио мухбирлари қўлларидағи камера ва фотоаппаратларни ишга солиб, суратга олиш билан банд эдилар. Улар қандай қилсак, олган суратимиз ишончли чиқади, қандай қилсак, одамлар бизнинг суратларимизни кўриб, катта исён бўлганига ишонишиади, деб гоҳ оломон олдига тушишар, гоҳ йўлни тўсиб турган милиционерларни ҳар турли кўринишида плёнкаларга муҳрлашарди. Улар ўқ узилишини, қон тўкилишини, ҳеч бўлмаганда, бирорта милиция ходими қўлидаги автоматни боши узра кўтаришини кутишарди. Нихоят, сўнгги тўсиқ ҳам босиб ўтилди. Бинога ўттиз-қирқ қадам қолганди. Милициянинг қўлидан ҳеч нарса келмади. Болаларга қарата ўқ узмади, қон тўкилмади. Улардаги инсонпарварлик бунга йўл қўймаганди. Кўзи қонга тўлган лашкарлар энди, «сен қилмадинг, биз қиласиз» қабилида бинога хужум бошлашлари ва қўлларидағи тош билан мойларни ирфитишлари, ҳамма томонга ўт қўйишлари лозим эди. Фақат бунинг учун яна бир неча қадамни босиб ўтмоқ керак. Уларнинг кўзларида ўзларининг дастлабки фалабаларига бўлган ишонч учқуни ялтираб турарди. Оломоннинг ортидан келаётган Мирзаахмад мамнун эди. Ахир, қувонмасдан бўлармиди? Одамлари милиция қўйган тўсиқларни босиб ўтишди. Яна бир неча дақиқадан сўнг ўзи оломон олдига чиқиб, нутқ ирод қилади. Ҳокими-ят қўлига ўтганлигини ва амир бўлганлигини айтади. Мухбирлар янги амирни суратга олишади ва маълум

соатлардан сўнг бутун дунё радио ва телевидениела-рида, «Лашкарларнинг йўлбошчиси Мирзааҳмад партия қўмитаси биносини ишғол қилиб, уни ўз қароргохига айлантирди», деган овоза тарқалади.

«Бироқ ўқ отилмагани, қон тўкилмагани чатоқ бўлди-да», дея афсусланиб қўярди сафнинг охирида ширин хаёллар оғушида келаётган Мирзааҳмад.

Бинога яқин жойда шу худуднинг участка нозири майор Умархон Исҳоқов турарди. Милиционернинг бундай тўполонга илк бор дуч келиши эди. Селдай оқиб, тўлқиндай тошиб келаётган одамларни қандай қилиб бўлмасин йўлини тўсиш, тарқатиб юбориш кераклигини, акс ҳолда улар бинонинг ойналарини синдириб, ёқиб, вайрон қилиб ташлашлари мумкин эканлигини тушуниб етганди. У шу худудга ўн йил нозирлик қилиб, кекса-ю ёшларни беш қўлидек таниб, кўпчиликнинг иссиқ-совуқ маъракасида бош бўлган, одамлар билан аҳил-иноқ бўлиб кетганди. Олдинда келаётган ёшларни таниди. Ўз навбатида улар ҳам Умархонни яхши танишар, хурматини жойига қўйишар, у билан худди яқин кишиларидек муомалада бўлишарди.

Исҳоқов йўлнинг ўртасига чиқди ва қўлларини ба-ланд кўтариб, оломонга мурожаат қилди:

– Тўхтанглар! – майорнинг овози момақалдироқ-дек гумбурлаб чиқди. Ранги оқариб кетганди. Эгнида-ги узун плаши кузнинг совуқ эпкинида ҳилпиради. Ортда турган милиция ходимлари, «ҳозир оломон Умархонни тошбўрон қилиб ташлайди», деб ўйлашганди. Бироқ хеч кимнинг қўлидаги тош отилмади. Улар шундоқ қаршиларида турган милиция ходими-ни танишди ва қадамлари бир оз секинлашди. Майор яна бир бор, «Тўхтанглар!» деб мурожаат қилганида шовқин-сурон ва бақир-чақирлар босилди. Олдинда келаётганларнинг айримларида иккиланиш пайдо

бўлди. Худди темир тўсиққа дуч келгандай, бирдан тўхташди. Милиционер катта-катта кўзларини оломондан узмай, уларга тик боқиб туарди. Умархон бир қарашдаёқ олдинги сафдагиларнинг кўпчилигини таниб, кимнинг фарзанди эканлигини эслашга улгурганди. Ўз навбатида улар ҳам ўзларига қадрдон бўлиб қолган майорнинг кўзларига боқишга истиҳола қила бошлашганди. Бироқ тобутни кўтариб олган лашкарларгина, «Нега олдиндагилар тўхташди?» деб безовталашишар эди.

– Қаёққа кетяпсизлар?! Мақсадларинг нима?! Сизларнинг қўлларингга ким тош тутқазди?! Қани уларнинг ўзлари?! Кимнинг биносини вайрон қилмоқчи-сизлар?! Азиз жигаргўшаларим, бу йўлдан қайтинглар! Мақсади бузук, фаламис кимсалар қўлингизга тош тутқазиб, жар ёқасига келтириб қўйибди-ку?! Бир умр ўз миллатдошларинг, ватандошларинг олдида юзларинг шувут бўлишини, бу ишларинг учун ота-боболаринг қабрларида тик туришини биласизларми?! Ҳой, Жавоҳир, ҳой Қамбар, Сайфиддин! Сизлар кимнинг зурриётлари эканликларингни унутманглар. Боболаринг шу юрт учун, мустақиллигимиз учун, эртанги порлоқ келажагимиз учун курашган инсонлар эди. Ҳамидулло, Жаҳонгир, иниларим? Сизлар ҳалол меҳнат ортидан баҳт топган, покиза луқма бериб боқсан одамларнинг фарзандларисизлар! Юртнинг бир биносига тош отиш ватанга тош отиш билан баробар! Ҳошимжон, жигарим, отанг шу биноларга фишт урган, умри меҳнатда ўтган ҳалол инсон эди. Сарвар, сенга нима бўлди?! Қайси шайтон йўлдан оздирди?! Қилаётган ишингнинг оқибатини ўйлаб кўрдингми, жияним? Одам ҳам ўз юртига, ўз ватанига, ўз ҳалқига, келажагига тош отадими?! Отанг фронтда қон кечган инсон эди. Ватанингга, келажагингга тош отмоқчи

бўлганингни, ортингдаги бузғунчи фаламислар сафига қўшилиб қолганингни руҳи кўриб, бошинг узра чирқиллаб юрмаяптимикин? Жигарларим, ўйлаб иш кўринглар! Мустақил ватанимизнинг тақдирини ёт унсурларга, фаламисларга, ватанфуруш хоинларга топшириб қўймайлик! Уларнинг алдовига учманлар! Бу йўлдан қайтинглар! Тобутга солиб, кўтариб юрган йигитнинг руҳини ҳам безовта қилманлар!

Майор бу сўзларни йиғлаб, кўзларида ёш билан шу қадар баланд овозда айтдики, ҳатто, сафнинг охирида турганлар ҳам эшилди. Умархоннинг овози кутилмаганда фиппа бўғилди. Кўзларидан ёш оқиб тушарди. У йиғларди. Йиғлаётганини ҳамма кўриб, билиб турарди. Майорни таниган, ўз навбатида, у номини тилга олган йигитлар бирин-кетин бошларини эгиб, қўлларидаги тошларни оёқлари остига ташлаб, орқага қайтишди. Борликқа шу қадар жимжитлик чўккан эдики, одамларнинг нафас олишлари эшилilarди. Бу жимжитлик Мирзааҳмадга ёқмади. Гўё оломон ичida ўзига ўқиладиган хукмни кутаётганга ўхшарди.

– Нега ҳамманг соқов бўлиб қолдиларинг! Олдинга ўтларинг, одамларни тошбўрон қилишга даъват этларинг! – овозининг борича қичқирди лашкарбoshi. Бироқ унинг овозига ҳеч ким қулоқ солмади. Ўн дақиқада оломон билан тўлган майдонда фақат милиция ходимлари, партия қўмитаси раҳбарлари, ҳарбий комиссариатдан келган вакилларгина қолди. Майор ҳамон қўлларини боши узра кўтариб, кўзларидан оқаётган ёшни тиёлмай йиғларди.

Саросимага тушган лашкарлар елкаларидаги тобутни йўлнинг ўртасига ташлаб кетишди. Милиция ходимлари ва ҳарбийлар маййитни кўтариб, қабристон томон юришди. Элликдан зиёд халқ посбони уларга эргашди. Аскарнинг жасадини иззат-икром билан

қабрга қўйиши. Халқ ўз қилмишидан қаттиқ уялди ва қалбларида милицияга бўлган ишонч ва меҳр аввалгидан-да кучайди.

КУТИЛМАГАН УЧРАШУВ

Сафар Акмални унутмаганди. Унинг кўп ишларни амалга оширганига ҳамиша тан бериб келарди. Бироқ эҳтиётсизлиги оқибатида Афғонистонга қочишга мажбур бўлди. Бир муддат Қоратегинда, кейин Самангандан яшаётганидан, айниқса, Эргашнинг тўдасига қўшилиб олганидан мамнун эди. Унинг қўли билан узоқ йиллар давомида ўйлаб, режалаштириб келаётган ишларни энди амалга ошириш мумкин эди. Бироқ Амирий шу кунгача лагердагиларни озиқ-овқат билан таъминлаб келаётгани, Башир эса қўналға бергани сабабли, Эргаш билан учрашиш имкони туғилмаганди. Кенгаш раҳбарининг сирли ўлимидан сўнг Сафар учун Самангана ўтиш эшиклари очилди. Шунда ҳам мақсадини ўз тили билан тўдабошига айтишни истамади. Бу ишда Акмалнинг ёрдамидан фойдаланмоқчи бўлди.

У хорижий радиостанциянинг муҳбири никоби остида лагерга кириб келди. Муҳбирлар билан сухбатлашишни хуш кўрадиган Эргаш бу гал уни нохуш ҳайфиятда қарши олди.

– Чегечининг вафотидан кейин кенгаш тарқаб кетганмиш? – савол ташлади Сафар.

– Кенгаш ҳеч қачон тарқаб кетмайди, – жавоб қилди тўдабоши. – Чегечининг ўрнини босадиган Амирий ҳазратлари бор!

– Чегечининг ишини ким давом эттиради?

– Албатта, Амирий ҳазратлари.

– Эшитишимга қараганда, ҳозир одамларингизнинг аҳволи танг, озиқ-овқат етишмаётганмиш?

– Бу ўткинчи ҳолат. Ўйлайманки, яқин кунларда Амирий ҳазратлари бизга озиқ-овқат жүнатадилар.

– Лагердагиларнинг ахволи оғир. Бошқа жой беришса, кўчиб кетасизми?

Мухбир бу саволни нима мақсадда берганини Эргаш тушунмади.

– Бу бошлиқларимизга боғлиқ.

– Одамларнинг кўпи қочиб кетаётганмиш, шу ростми?

– Қочоқлар ҳеч қачон ўз ватанларига қайтиб боролмайдилар!

Сафар Амирийнинг лагердагиларга сарф қиласидан ортиқча маблағи йўқлигини, кенгашнинг барча маблағи Чегечининг хисобида туришини биларди. Шундай бўлгач, узоги билан бир ой ичидан Эргашнинг танг ахволга тушиши муқаррарлигига кўзи етди. «Мухбир» жўнаш олдидан Акмал билан кўришди, уни холи жойга таклиф қилди. Акмал меҳмонни танимади. Сафар ўзини танитгач, ёқасини ушлаб, қулочини ёйиб, уни бағрига тортмоқчи бўлди. Аммо «мухбир», «ҳожати йўқ, ўнлаб кўзлар бизни кузатиб турибди», деганидан кейин ёйилган қўлларини аста туширишга мажбур бўлди.

– Биз сизни йўқотиб қўйдик. Шу сабабли, бобонгизнинг пулларини Швейцария банкига қўйишга мажбур бўлдик. Истаган пайтда ўзингизга тегиши лозим бўлган юз минг долларни олишингиз мумкин. Хоҳласангиз, номингизга берилган чекни ташлаб кетаман.

– Асло ҳожати йўқ, – эътиroz билдириди қувониб кетган Акмал. – Кўриб турибсиз, атрофимда ашаддий безорилар, ўғрилар, одамнинг бошини бир долларга узишга тайёр каллакесарлар юрибди. Киссамда юз минг доллар чек борлигини билишса, қайтиб келганингизда суюкларимни ҳам тополмайсиз.

– Унда менинг қўлимда туради, – ишонч билан деди Сафар.

- Сизга бир илтимосим бор.
- Сўранг!
- Мени тезроқ бу ердан олиб кетсангиз. Одамхўрлар ичида яшаш жонимга тегди!
- Албатта, олиб кетамиз, бироқ бу ердан тезроқ силжиш ўзингизга боғлик.
- Нима қилишим керак?
- Эргаш танг аҳволда. Озиқ-овқатнинг таги кўришиб қолган.
- Тўдабошининг умиди Амирийдан.
- Унинг ҳам тўдабошидан ҳафсаласи пир бўлган. Тўдабоши ким суюк ташларкин, деб турган кучукка ўхшаб қолди. Башир келтирган беш миллионлик «дори»ни Россия ва Ўзбекистон чекистлари ушлаб қолди. Ҳозир иккисининг орасидан ола мушук ўтган.
- Мен булардан бехабар эканман! – деди ҳайрон бўлган Акмал. – Энди бизга ҳеч ким ёрдам бермайдими?
- Таклифларимизга рози бўлса, биз одамларини озиқ-овқат, кийим-кечак ва замонавий қурол-аслаҳалар билан таъминлашимиз мумкин. Ҳатто, Пешоварга кўчириб кетамиз. Йигитлари латта чодирларда бургага талашиб қолади, яшамайди, балки замонавий уйларда туришади.
- Бунинг учун нима қилиш керак?
- Амирий ва Баширдан юз ўтириб, «Туркистон Ислом уйғониш ҳаракати» партияси сафига қўшилиши лозим.
- Таклифни Эргашбой қабул қиласмикин? – сўради Акмал бошини чайқаб.
- Сизнинг вазифангиз унга тушунтириш ва кўндириш!
- Менинг-а?! Ахир, бундай масалада у билан сухбатлашиш осон эмас. Хоин деб бошимни узиб ташлайди. У ҳатто туқсан онасини ҳам танимайди!
- Ҷўчиманг. У тез орада шаштидан тушади. Кемаси сувга фарқ бўлмоқда. Сиз таклифларимизни тушун-

тирасиз. Биз томонга ўтган куниёқ лагерга ўн тонна озиқ-овқат келади. Тез орада одамларини Пешоварга кўчирамиз.

– Ўта қалтис ишни топширдингиз...

– Яна бир гап, уни биз томонимизга оғдирган куннингиз сиз учун ота юртингизнинг эшиклари очилади.

Акмал ўйланиб қолди. Сафар ваъда қилган юз минг долларни қўлга киритиш ҳамда жонига теккан дала-даштдан тезроқ кетишига бўлган умид таклифни етказишига мажбур қилди.

– Кўлимдан келганча ҳаракат қиласман. Сиз билан қачон кўришамиз?

– Бир ойдан кейин ўзим келасман!

Сафар ўрнидан турди. Акмал билан хайрлашиб, жўнаб кетди. Беш-ўн кун ичida тўдабошининг хузурига киришига Акмалнинг юраги чопмай юрди. Сафар башорат қилгандай, лагердаги вазият кун сайин мураккаблашиб бораради. Озиқ-овқатнинг таги кўринган, жангарилар ўртасида келишмовчиликлар ва айни пайтда Эргашга нисбатан ишончсизлик кучая бошланганди. Ниҳоят, Акмал тўдабошининг хузурига киришига жазм қилди.

– Нима гап, қози? – сўради тўдабоши бўшаб қолган ароқ шишиласини четга суриб.

– Суҳбатингизни олгим келди, амирим.

– Бекорга кирмагансан! Кўзларингдан ниманидир айтмоқчи бўлганингни сезиб турибман.

– Ўта сергак одамсиз-да, амирим.

– Чайналмай очишини айт, нима гап?

– Сўзларим ёқмаса, бир қошиқ қонимдан кечасиз, амирим...

– Гапир!

– Сизга ва одамларингизга ёрдам берадиган ҳомий топилди.

– Ҳомий? Ҳозир ҳамма бизга нафратли қўзини тикиб турганида, бошимизни силайдиган ўша меҳрибон қўл эгаси ким экан?

– Уйфуристонлик биродарларимиз.

– Уйфуристонлик? Шу пайтгача бирорта уйтур билан дўстлашмаганман. Улар мени қаердан таниб қолишибди?

– Сиз ҳайрли ишларнинг тепасида турибсиз, амирим. Бундай инсонни Аллоҳ ҳам, бандаси ҳам қўллайди-да.

Эргаш танг ахволда қолган пайтда ёрдам берадиган одамнинг топилганидан ич-ичидан қувонди.

– Хўш, ўша уйфурлар ниманинг эвазига менга ёрдам беришмоқчи?

– Амирим, уламолар мусулмон мусулмонга бошига мусибат тушганда ёрдам қўлини чўзиши, холидан хабар олиши вожиб, дейишган! Уйтур дўстларингиз андак қийналганингизни эшитиб, холисанилло ёрдам беришмоқчи. Агар истасангиз, одамларингизни Пешоварга олиб кетишмоқчи.

Тўдабошининг кўзлари мошдек очилди. Башир билан Амирий уни ўз ҳолига ташлаб қўйган бир пайтда, наҳотки унга ёрдам берадиган ҳомийлар топилгани чин бўлса? Башир жой бердим, деб уни бургадек талади. Чегечи бир олам пул йиғиб, ўлиб кетди. Кемаси чўкиб бораётган бир пайтда худди ер тубидан чиққандай кўмак берадиган одамнинг топилиши Эргашга мўъжизадек туюлди. Ҳомийнинг мақсадини билишга, инчунин, ўша ҳомий бекордан-бекорга муруват кўрсатмаслигини, «олижаноблик» ортида қандайдир мақсад яширинганини ўйлади. Акмал билан ошкора гаплашишга, ўргада бўлаётган гаплар икковларининг орасида сир сақланишини ўйлади.

– Менга тўғрисини айт, – деди жиддийлашиб, – сен айтган одамнинг мақсади нима?! Нима эвазига ёрдам бермоқчи?

Акмал хўжайиннинг овозидан жаҳли чиқмаганлигини, аксинча, ўша сахий кимсага суюниши мумкинлигини тушунди. Ётиғи билан тушунтиришда давом этди:

– Уларга сиздан хеч қандай ёрдам керак эмас, амирим. Мақсадлари савоб йўлида ҳайр қилиш!

– Мени лақиллатма! – аччиқланди тўдабоши. – Хозир ота болага, бола отага текинга ёрдам бермайди. Ҳатто, савоб ишнинг замирида ҳам манфаат яширган. Эҳсон қиласиганлар олдинга муштдай суяк ташлаб қўйишади-да, кейин ёмон кўрганларини талашибади. Аламларини, ўчларини шу йўл билан олишади. Улар деганинг ким?

– «Туркистон Ислом уйғониш ҳаракати партияси» сизни ва одамларингизни озиқ-овқат, кийим-кечак ва замонавий қурол-аслаҳалар билан таъминламоқчи.

Эргаш йўғон бўйини буриб, ичкилиқдан қизариб кетган юзини Акмалга тикди:

– Бу гапларни ким ўргатди сенга?

Қозининг оёқлари қалтираб, тили танглайига ёпишиб қолди.

– Гапир!

Нихоят, Сафарнинг номини тилга олишга мажбур бўлди.

– Ўн кун илгари лагерга келган мухбир мен билан сухбатлашаётib, амирингиз «Туркистон Ислом уйғониш ҳаракати» партиясига қўшилса, деб таклиф киритганди.

– Нега бу гапни ўша пайтнинг ўзида айтмадинг, тўнка?

– Амирим, ўша кунлари нимадандир жаҳлингиз чиқиб, юрагингиз фаш бўлиб юргандингиз...

– Одамларим яхши яшаса, лагердаги шароит дуруст бўлса, мени ҳеч ким хафа қилолмайди! Минг бор

афсуски, мен кўп алдандим, кўп қоқилдим. Кўзим шу кунгача очилмади, қози!

– Худо хоҳласа, бундан кейин ҳаммаси изга тушиб кетади, амирим. Кўнглим сезиб турибди, бошингиз узра баҳт қуши айланмоқда.

– Бир ювуқлиниңг, бир ювуқсизниң дуоси тегади, дейишади. Зора, айтганингдек ишларим ўнгланиб кетса!

Эргашни хаёл олиб қочди. Ҳақиқатан ҳам шу кунларда у сувга фарқ бўлаётган одамга ўхшарди. Тўрт томони денгиз, на одамзот, на кема кўринади. Нима қилиш керак? Кимдан ёрдам сўраш лозим? Бундай пайтда ҳатто душманинг ҳам кўзингга яқин одамингдек кўринади. Шу кунгача кимлар тоғ-тоғ ваъдаларни бермади. Аммо натижа қани? Одамлари икки кундан бери бир маҳал овқатланишга ўтиб олишган. Кўпчилик қишлоқларга чиқиб, талончилик билан қорнини тўйғазиб юрибди. Эрта-индин бу жойларни Дўстум эгаллаб олса, нима қилади? Ортидан эргашганларни қаёққа олиб қочади? Ким бошпана беради? Уйфурнинг шунчаки савоб, деб ҳайр қилишининг тагида қандай мақсад яшириниб ётган бўлишидан қатъи назар, унинг ёрдамидан юз ўгирмаслик даркор. Ўз оғзи билан ваъда берибдими, демак, улар билан алоқа ўрнатишни кечиктирмаслик зарур. Бундан бошлиқлар хабар топгудай бўлса, нима дейиши керак?

– Сен айтган одамлар билан алоқа қилганимизни Амирий эшитиб қолгудек бўлса, аччиқланмасмикин?

– Эргаш ҳаётида илк бор маслаҳат оҳангиди Акмалга шундай савол билан мурожаат қилди.

– Амирим, – аста сўз бошлади қози, – сизнинг қудратингизга шубҳа қилмайман, аммо озгина муғом-бирлик ҳам даркор. Уйфур дўстларимизнинг раъйини қайтарманг. Тил учида бўлса ҳам ўйлаб кўраман, денг. Шу баҳона оз-моз озиқ-овқат, кийим-кечак ундириб

олинг. Бу йил қиши қаттиқ келиши мумкин. Одамларимиз очлик азобидан қийналишмоқда.

Эргашнинг боши қетди. Хаёли хар томонга тўзиб кетди. Қозининг таклифини рад этса, одамлари қочиб кетиши мумкин.

– Айтган танишинг қачон келади?

– Бир ой ичида!

– Унгача одамларим тош чайнайдими?

– Розилигингизни маълум қилсанм, озиқ-овқат кела-ди, амирим!

– Унда ҳозироқ розилигимни маълум қил!

Юраги жойига тушган қози қўлини кўксига қўйиб, тўдабошининг хонасидан илк бор кўнгли ёришиб чиқиб кетди. У эшикни беркитишга улгурмади. Соқчи кириб келди.

– Башир жанобларининг олдидан хабарчи келди. Сиз билан учрашмоқчи экан, – деди.

– Айт, кирсин!

Соқчи таъзим қилиб чиқиб кетди ва хиёл ўтмай ортидан қотмадан келган, найнов кимсани эргаштириб кирди.

– Ҳазрат сизнинг ёрдамигизга муҳтоҷ бўлиб қолдилар, тақсир, – деди меҳмон.

– Куломим сизда, жаноблари бизга қандай вазифа юкламоқдалар?

– Ҳазратнинг бир тўда одамлари Тожикистон ва Ўзбекистон орқали Қирғизистонга ўтиши керак. Биз барча йўлларни ўргандик. Ўзингизга аёнки, бу йил қиши қаттиқ келиб, тоғларга қор қалин тушди. Довоңлар хатарли. Бунинг устига «Аждарфор» қирғиз аскарлари томонидан қаттиқ қўриқланмоқда. Ҳазратим биз учун энг ишончли йўл Тожикистон орқали кириб бориш, дедилар.

– Тожикистон орқали кириб бориладиган бўлса, Башир жаноблари ўз одамларига бугуноқ жаноза ўқишлари мумкин!

- Сабаб?
- Улар Ўзбекистон чегарасини кесиб ўтишларига тўғри келади. Биласизки, ўзбеклар чегараларини қаттиқ қўриқлашади.
- Ҳазратим ҳам сиз айтган фикрда эдилар. Бироқ бундан ўзга йўл тополмадилар-да! Тожикистондан кириб борсак, Шоҳимардонда тўхтаб, кейин Қирғизистонга ўтиш осон, деб ўйлашди.
- Башир жаноблари йўлнинг яқинлигини ўйлабдилар-у, аммо одамларининг ҳаётини ўйламабдилар-да!
- Энди бу уларнинг иши. Сиз-у бизнинг вазифамиз – айтилган топшириқни бажариш!
- Эргаш бир оз ўйланиб тургач, сўради:
- Мақсадлари нима?
- Мен бундан беҳабарман, муҳтарам Эргашбой. Эшитишмга қараганда, улар қандайдир «Соқов» деб номланган операцияни амалга оширишмоқчи.
- Йигирмата одам бутун бир мамлакатга қарши қурашиши кулгили эмасми? Мен юзлаб одамларим билан чегарани бузиб ўтолмаганман. Йигирмата одамнинг қўлидан нима ҳам келарди?
- Менимча, сиз ишонмаётган йигирмата одамнинг қўлидан кўп ишлар келади, Эргашбой жаноблари. Уларнинг ҳаммаси ажнабий. Африкаликлар, покистонликлар ва аффонлар. Улар миллатлар ўртасида низо чиқариб, тезда изларига қайтишади. Операциянинг «Соқов», деб номланиши шунга ишора.
- Эргашнинг юрагига бир парча муз тушди. Башир нега айнан унинг одамларидан эмас, ажнабийлар кутидан фойдаланмоқчи? Бу билан уни синдиromoқчилими? Сенсиз ҳам қўлимдан кўп ишлар келади, демокчими ёки Қирғизистонда хунрезликни амалга ошириб, Эргашга ибрат қилиб кўрсатмоқчими?
- Мендан қандай ёрдам керак?

- Одамларингиз уларни Панж дарёсидан ўтказиб қўйишлари лозим.
- Демак, йўлбошловчи керак, денг?
- Тушунганингиз учун қуллук!
- Одамлар қачон келади?
- Аниқ вақтини билмайман. Йўлбошловчини ҳозир ўзим билан олиб кетаман!
- Кимни жўнатишни ҳам билмайман. Одамларимнинг қўпчилиги йўлни яхши билишмайди.
- Йигитларингиз орасида тожиклар бордир?
- Эргаш бир оз ўйланиб, меҳмонга юзланди:
- Тожиклар бор, аммо уларни сизга қўшиб берсам, орқага қайтармикин?
- Таваккал қиласиз-да, – деди у зерикарли оҳангда.
- Қайтиб келишни истамаса, тоғларнинг тепасида музлатиб қўямиз.
- Эргаш ўрнидан турди ва меҳмонни эргаштириб, ташқарига чиқди...

ЮРТДА

Афғонистондан қайтиб келган Маҳмудов Қодир хақида янги жилд очиб, маълумотлар йиғишга киришиди. Туман мудофаа бўлимидан берилган хабарномада Қодир билан бир қисмда хизмат бурчини адо этган аскарларнинг шахси маълум қилинганди. Баҳтга қарши ҳозирги кунда уларнинг қўпчилиги собиқ иттифоқдош республикаларда яшашаётганлиги маълум бўлди. Ўзбекистондан Faфур билан Рустам ва Нодир исмли йигитлар бир қисмда хизмат бурчларини ўташган. Faфур бир взводда, Носир Хатамов эса бошқа ротада бўлган. Шундай бўлса-да, улар бир-бирлари билан тез-тез учрашиб туришган, деб ўйлади полковник. Айниқса, Faфурни бирга бўлиши Маҳмудов учун

кутилмаган тасодиф эди. Ўрганилаётган шахснинг ҳаёти ҳамда тақдири ҳақида айнан ундан кўплаб маълумотларни олиш мумкинлиги билиниб турарди. Рустам бошқа ротада бўлса-да, Қодирни яхши таниши мумкин, жангта бирга кирган бўлишлари ҳам эҳтимолдан йироқ эмас, деб ўйларди Маҳмудов. Рота командири Михаил Алексеевич Кузьмичевнинг ҳам шахсига оид бир қанча маълумот жамланди. У Қодирнинг ўлими қайд қилинган куни оғир яраланган ва маҳсус самолётда Тошкентдаги ҳарбий госпиталга жўнатилган. Ҳозирда Краснодар ўлкасида яшамоқда. Урушдан кейин унга Совет Иттифоқи Қаҳрамони унвони берилган. Маҳмудов Федарал хавфсизлик хизмати Краснодар ўлка бошқармасига Кузьмичевдан Қодирнинг тақдири ҳақидаги фикрларини жўнатишларини сўраб, шошилинч топшириқнома жўнатди. Ўзи эса Хатамов яшаётган вилоятга ўтиб, у билан сухбатлашишга қарор қилди. Ходимлар полковникни қизиқтирган шахс ҳақида қисқача маълумотнома тайёрлашди.

МАЪЛУМОТНОМАДАН

Нодир Хатамов 1957 йилда туғилган. 1976 йили Совет армияси сафига хизматга чақирилиб, хизматни Афғонистондаги чекланган совет қўшинлари таркибида ўтаган. 1977 йилнинг 29 майида мужоҳидлар билан бўлган жангда Қандаҳор шаҳри атрофидаги қишлоқардан бирида яраланган. Мужоҳидлар уни ва шерикларини асирга олиб, Покистоннинг Пешовар вилоятидан ўн чақирим наридаги Бадабер қишилогида жойлашган лагерга келтириб ташлашган. Кўзголон пайтида тутқунларнинг барчаси артиллерия ва ҳарбий самолётлардан ўққа тутмилган. Тутқунлар йўқ қилинган. Уч аскар яраланиб, ерости биноси ичи-

да қолиб кетган, Хатамов ҳамда унинг шериклари мужоҳидлар томонидан бошқа лагерга олиб ўтилган. Бурҳониддин Раббонийнинг топшириги билан учала асир озод қилинган. Хатамов 1991 йили қишлоғига қайтиб келган.

Махмудовнинг ягона умиди Хатамовдан эди. Биргина у Қодирнинг тақдирини ҳакида маълумот берини ва кўнглидаги ягона умидга хукм ўқиши мумкин эди. Эртаси куни полковник сабиқ афрончи яшаётган қишлоққа жўнади. Қодирнинг расмини кўрсатди. Афрончи бир кўрищаёқ сабиқ қуролдош дўстини таниди.

– Биз у билан бирга бир қисмда хизмат қилганмиз. Лекин взводимиз бошқа-бошқа бўлганлиги учун ҳафталаб кўришмасдик, – деди Хатамов ўша йиллардаги воқеаларни эслаб.

– Сўнгги бор қачон ва қаерда кўришгансизлар?

– Бизни мой олиб келиш учун Қандахорга жўнашибди. Олтита машинани иккита БТР ҳамда ўттизата аскар кўриқлаб бораардик. Қодир ҳам биз билан бирга эди. У орқадаги БТРда келарди. Разведкачиларимизнинг маълумотига қараганда, йўл душманлардан тозаланганди. Шу сабабли, ўзимизни хотиржам ҳис этиб бораардик. Бизлар яхшигина қуроллангандик. БТРларда яқинда ишлаб чиқарилган янги пулемётлар бор эди. Бу қурол ҳар қандай вазиятда ҳам душман қўлига тушиши мумкин эмасди. Агарда ўққа тутиладиган бўлсак, уни йўқотишимиш шарт эди. Икки тоғ оралиғидан ўтиб бораётганимизда, мужоҳидлар бизларни қўққисдан ўққа тутиб қолишибди. Гранатомётдан отилган ўқлардан бири БТРнинг олд томонига тегди. Машина ишдан чиқди. Матор учди. Ёғ машиналаридан иккитаси портлади. Отишма бошланди. Душман-

лар қулай жойга ўрнашиб олганди. Тепадан туриб бизларни нишонга олиш ўнғай эди. Мужоҳидлар отган ўқларнинг кўпи аскарларга тегарди. Дайди ўқлардан бири командиримизни ерга йиқитди. У йўл устида ётарди. Эмаклаб бориб, уни судраб тошлар панасига олиб ўтдим. Командирликни зиммамга олдим.

БТРдаги пулемёт ёдимга тушиб қолди. Эмаклаб бориб уни олиб тушдим ва душманларни ўққа тутдим. Отилган ўқлар тошларни ўпириб, титиб ташларди. Жанг узоқ давом этди. Ўн олтида аскар қолгандик. Душманлар бизни ҳар томондан ўраб келишарди. Ўқи тугаган пулемётни тошлар орасига яширдим. Мужоҳидлар ҳаммамизни асирга олишди. Қўлларимизни ва қўзларимизни боғлаб, тоғ ичидағи йўлдан но маълум томонга олиб кетишли. Узоқ юрдик. Қўзимни очишганда саҳро ўртасида тиконли сим билан ўралган жойга етиб келганимизни билдим. Бу Покистон ҳудудига қарашли Пешовор вилоятидан 10 чақирим ичкарида, Афғонистон чегарасидан эса 20 чақирим ташқаридағи Бадабер қишлоғи эди. Бизни тутқунликда ушлаб турган лагернинг номи ҳам Бадабер эди. Унга ўта жаҳлдор, шафқатсиз одам – Холид ибн Валид рахбарлик қиласарди.

Асирга олинган Совет ва афон армиясининг аскарлари ер остидаги қоронфи зинданларда сақланарди. Бошқа давлатлардан мужоҳидларга ёрдам бериш учун келган кўнгиллилар ҳам шу лагерда тайёргарликдан ўтиб, Афғонистондаги мужоҳидлар сафига жўнатиларди. Бизларни – ўн тўрт нафар тутқунни кундуз кунлари ишлаш учун ташқарига олиб чиқишарди. Асиrlар билан лагер ходимларининг алоқада бўлиши қатъий ман қилинганди. Шароит оғир эди. Аскарларни истаганча калтаклаш, оғир ишларни ба-

жаришга мажбурлаш хуқуқи соқчиларга берилганди. Итоат этмаганларни оч қолдиришарди. АҚШ, Миср, Покистон ва Хитойдан келган йўриқчилар асиirlар билан ишлашарди. Ўзларига ишлашга мажбур қилишарди. Лагер ҳудуди беш юз гектар майдонни ўз ичига олган, олтмиш беш нафар соқчи кеча-ю кундуз атрофни қўриқлаб туришарди. Кошишнинг иложи йўқ эди. Бизларни Бадабер зиндонларида сақланаётганимиздан узоқ вақтгача совет ҳарбийлари бехабар бўлишган. 40 армия разведка бошқармаси бошлиғи, генерал майор Кокорин ўзининг хотираларида хам шу хақда ёзиб қолдирган. Қачонки, Покистон ҳарбий ҳаво кучлари лагерни бомбардимон қилаётгандаги экипаж аъзоси билан авиабаза алоқачилари ўртасидаги радиоалоқа тутиб олгунгача Шўро ҳарбийлари бехабар бўлган.

Таҳқирлашлар, хўрлашлар жонимиздан ўтиб кетгач, лагерни олиш режасини ишлаб чиқдик. Биринчи навбатда, радиоалоқа ўрнатилган хонанини эгаллаш, кейин эса қурол-яроғлар, ўқ-дорилар сақланадиган олтита омборга ҳужум бошлашимиз лозим эди. Узоқ тайёргарлик кўрдик. Соқчиларнинг алмашадиган, овқатланадиган вақтлари, уларнинг қайси томонга кўпроқ эътибор қаратишлари, туннинг қайси соатида уйқу элтишигача ўрганилди. Тунда соқчилар ҳушёрликни оширишлари ва ҳар икки соатда алмасиб туришлари аниқлангач, ярим тунда уларга қарши ҳужум уюштириш мумкин эмас, деган қарорга келинди. Шундан сўнг намоз ўқиши пайтлари ўрганилди. Турма ходимлари ва хизматчилари бомдод намозини ўқишаётгандаги ўн тўрт нафар тутқин кичик-кичик гурухларга бўлиндик. Биринчи гурух иккита соқчини қуролсизлантириб, омборларни эгаллади. Барчамиз қуроллан-

дик. Отишмада бизнинг қўлимиз баланд келди. Аммо Бурхониддин Раббонийнинг буйруғи билан тезда қўшимча жангарилар ёрдамга етиб келишди. Уларга қаршилик кўрсатишга ўзимизда куч топдик. Отишмалар узок давом этди. Бронетехника, артиллерия билан қуролланган Покистон армияси ҳам ёрдамга келди. Ҳаводан хужум уюштирилди. Раббоний бизларга қуролларни ташлашни ва таслим бўлишни, бунинг эвазига ҳаётимизни сақлаб қолишга ваъда берди. Биз ундан элчихона ходимлари билан алоқа ўрнатишими учун алоқа воситаларини беришни талаб қилдик. Талабимиз инобатта олинмади. Жанг янада шиддатли тус олди. Омбордаги минглаб қуроллар, ракеталар, пулемётлар қўлимизда эди. Раббонийнинг талабини қондирмаганимиздан сўнг лагер ракета ва артиллериядан ўққа тутилди. Покистон ҳарбий ҳаво кучларининг самолётлари ва вертолётлари лагер осмонида пайдо бўлди. Улар бомбалар ташлашди. Омборлардаги ўқ-дорилар портлади, ракеталар турли томонга учеб, олти ярим чақирим наридаги қишлоқни кулга айлантириди. Лагердан бир ҳовуч тупроқ қолди. Учишигини зиндан ичидаги оғир яралangan ҳолда бехуш қолгандик. Бизни бу ердан олиб кетишди. Орадан беш йил ўтиб, Раббонийнинг буйруғи билан мени озод қилишди. Қодир масаласига келадиган бўлсак, уни сўнгти бор 1985 йил 7 март кунги Қандаҳор йўлидаги отишма чоғида кўрганман. 1991 йили юртга қайтиб келганимда, уни мужоҳидлар билан бўлган жангда пулемётни ва командири Михаил Алексеевич Кузьмичевнинг ҳаётини сақлаб қолиб, ўзи ҳалок бўлганини, ўлимидан сўнг, «Қизил юлдуз» ордени билан мукофотланганини эшитдим.

– Ахир, пулемёт билан командирингизнинг ҳаётини сиз сақлаб қолгандингиз. Нега бунга эътиroz билдиримдингиз? – сўради Махмудов.

– Қандай эътиroz билдиришим мумкин? Мен тутқунга олинганман.

– Кузьмичев буни тасдиқлаши мумкин эди-ку!

– У ҳеч нарсани эслай олмасди.

– Урушдан кейин у билан кўришдингизми?

– Биз мактублар орқали боғландик, аммо унинг ҳаётини сақлаб қолганимни эслатишни истамадим.

– Йўлда қочишга уринганлар, отиб ташланганлар бўлгандир?

– Бўлган, лекин мен уларнинг сонини билмайман.

– Кўлга тушган ва лагерда сақланган аскарларнинг сони ва исми шарифи қандайдир ҳужжатларда сақлангандир?

– Биласизми, бизларни лагерга олиб келишганда, Покистон разведкаси ходими Юсуф Аҳмад ўлган ва лагерга олиб кетилган барча офицер ва аскарларнинг ёнларидаги ҳужжатларини олиб қўйилган, уларнинг шахси аниқланиб, рўйхати тузилган. Бу маълумот муъжоҳидлар етакчиларидан бири афғонистонлик Бол Зиё қўлида ҳам бўлиши мумкин. Чунки у Аҳмад билан биргаликда ўлик ва тирикларнинг рўйхатини тузишарди.

– Сиз буни қаердан биласиз?

– Юсуф Аҳмад ва Бол Зиё вақти-вақти билан бизларни сўроққа чақириб, ўзлари рўйхатга олган аскарлар ҳақида маълумот беришимизни талаб қилишган.

– Рўйхатда неча кишининг номи бор эди?

– Қисмдан мой олиб келиш учун йўлга чиқкан барча аскарларнинг исми шарифи, туғилган жойлари бўлган! Мени сўроққа олиб чиқишганда ўша рўйхатга кўзим тушган.

— Кузьмичев билан Қодир қандай тирик қолган бўлиши мумкин, ахир, жангарилар ўлганларни текшириб кўрган. Қодир қисмга қайтган бўлса, жасади солинган тобут уйига жўнатилмасди. Мудофаа вазирлиги берган маълумотномада Қодир 7 март кунги Қандаҳор яқинидаги тоф оралиғида бўлган жангда вафот этган дейилган. Маълумотномада чалкашлик бўлиши мумкин эмас. Лекин қандай қилиб у командирининг ҳаётини сақлаб қолди?

— Бу саволга Кузьмичев аниқ жавоб бериши мумкин. Қодир эса жангарилар қўлида ўлган ёки миналардан бирига дуч келиб, портлаб кетган бўлиши мумкин.

Махмудовнинг кўнглидаги Қодирнинг ҳозирда Афғонистоннинг қайсиdir шаҳридан лагерлардан бирида йўриқчилик қилаётганига бўлган ишонч сўнди. У вафот этган. Лекин қаерда? Ким кўрган? Кузьмичевнинг кўрсатмасигина полковникнинг шубҳала-рига ойдинлик киритиши мумкин.

Орадан бир ҳафта ўтиб, Махмудов Краснодардан хабарнома олди. Унда ёзилишича, Кузьмичев ҳакиқатан ҳам ўз қўл остида хизмат бурчини адо этган Қодирнинг Қандаҳор йўлидаги отишма чоғида ҳалок бўлганлигини, ўлимидан сўнг у «Қизил юлдуз» ордени билан мукофотланганини маълум қилганди. Бу хабар чиндан ҳам полковник кўнглининг бир четида ли-пиллаб турган сўнгги умид чироғини сўндириди. Қўлидаги ишни ҳаракатдан тўхтатиш керак, деган саволга бошини қотириб ўтирмаса ҳам бўлади. Кутимаганда полковникнинг миясига, «Қодир снаряд тегиб ҳалоқ бўлган бўлса, тошлар остига яшириб қўйилган пулемётни ва Кузьмичевнинг ҳаётини сақлаб қолганини раҳбариятга ким маълум қилди?» деган фикр келди.

Яна юрагини шубҳа эгаллади. Аниқ қарорга келиши учун қўшимча маълумот йиғиш кераклигини тушунган полковник узоқ мулоҳазадан кейин Покистондаги резидентга ва Бўронга шошилинч топшириқ жўнатишга қарор қилди. Резидентга Юсуф Аҳмад тирик бўлса, у билан алоқага чиқиш ва 7 март куни бўлган жангда асирга олинган ва ҳалок бўлган аскарларнинг рўйхатини ҳар қандай йўл билан бўлса-да, олишни топшириди. Бўронга эса агар Бол Зиё ҳозирда «Толибонлар» сафида хизмат қилаётган бўлса, у билан учрашишга, Қодир ҳақида эҳтиёткорлик билан ундан маълумот олиш вазифасини юклади. Полковникнинг қўлида учинчи кузир, энг сўнгги имконият бу – Fafur эди. У лагердан қочган бўлса-да, тақдирига лоқайд қараб бўлмасди. Қодир билан боғлиқ барча ишлардан хабардор бўлиши мумкин. 7 март кунги отишмада иштирок этган аскарларнинг ҳаёти тўғрисида батафсил маълумотга эга. Кимларнинг омон қолгани фақат унгагина аён бўлиши мумкин. Дарвоқе, Fafur ўша кунги жангда қандай қилиб омон қолди?.. Ҳужжатларида асирга тушгани, мужоҳидлар билан алоқада бўлгани қайд этилмаган. Яхши тавсифномалар берилган ва рағбатлантирилган. Лагердан қочгани рост бўлса, қаерга ва қайси давлатга яшириниши мумкин? Афғонистонда қололмайди, «Толибонлар» уни тутиб, Баширнинг қўлига топширишларини билади. Четга чиқиб кетган!

Махмудов харита олдига келди. Афғонистонни ўраб турган чегарадош давлатларга кўз ташлади ва фикрлашда давом этди.

Лагердан қочишга жиддий сабаб бормиди? Бўрон жўнаттган хабарларда Эргаш билан ўрталарида келишмовчиликлар юзага келгани маълум қилинган.

Ўша келишмовчиликлар юзага келишига сабаб нима? Усама ва кенгаш раҳбарлари томонидан жангариларга ажратилган маблағларми? Ўтган йилнинг ўзида тўдабоши Араб давлатларидан бир ярим миллион доллардан учта дала ҳовли сотиб олганидан Маҳмудов хабардор эди. Эргаш жангариларнигина эмас, балки яқин одамларини ҳам иқтисодий жиҳатдан тақдирлашни унутиб қўйганиFaфурга ёқмаган бўлиши табиий. Тўдабошидан яширинча героинларни йифиб, қаергадир яшириб қўйган ёки Бўрон айтганидек, 150 килограмм «дори»ни олиб қочган. Бунча «юк»ни бир ўзи олиб қочолмайди. Атрофида шериклари бўлиши керак. Бўрон, бир ўзи фойиб бўлган, деди. Шериклари кимлар, четданми? Четдан бўлса, қайси давлат фуқаролари? Улар героинни қайси давлат ҳудудидан олиб ўтишади? Эронга ўтолмайди. Наркокуръерларнинг зинданда хом гўшт еявериб, қурт босиб ўлишидан қўрқади. Покистон унинг учун оғзини очиб турган икки бошли аждар. Туркияда Чегечи бор. Турк бозорларига «қора дори» кирса, палисадан олдин бурни сезади. Биргина йўл – Қирғизистон ёки Тоҷикистон. Маҳмудов шу икки давлатга кўзини тикиб, узоқ туриб қолди. Айни дамда улардан бирини инкор этмоғи лозим эди. Тоҷикистондан кўзларини олиб Қирғизистонга қадади. Сабаби, «Толибонлар»га қарши қучлар айнан Тоҷикистон билан чегарадош ҳудудларда куч йиғишмоқда. Қолаверса, унинг чегарасини руслар қўриқлашади. Сарҳадни кесиб ўтиш осон эмас. Қирғизистон унинг учун хатарли эмас. Тоғнинг совуқларига чидаса, жарларга қуламаса, қор босган чўққилардан ошибб ўтса, бас. Россияга чиқиб олиши ва ўзининг эски танишлари билан алоқа ўрнатиши, олиб ўтган «дори»сини пуллаши мумкин. Россияда ҳам

узоқ қололмайди. Вадим Вольфович бор. Қўли магнитга ўхшайди, қаерга чўзса, излаган одами ер остида бўлса ҳам чиқади. Fafur Европада ҳам яшай олмайди. Буюк Британия маҳсус хизмат идораси ходими билан жанжаллашиб, уни ўлдирган. Бундан Лондон бехабар бўлса, рус чекистлари қўлларидағи далиллар билан уларнинг қулоғини қиздириб қўйишга қодир.

Шу куни полковник Покистонга, Афғонистонга шошилинч топшириқнома жўнатди. Москвадаги ҳамкаслари билан боғланиб, Fafurning Россияга чиқиб кетган бўлиши мумкинлигини, уни қўлга олишда ёрдам беришларини сўради.

Олтинчи китоб тугади.

МУНДАРИЖА

Бишкек – Москва.....	3
Киргизистон – Хирот	7
Дубай.....	14
Москва – Лондон – Москва	24
Саманган	29
Юртда	33
Чегарада.....	38
Москва.....	44
Юртда	48
Москва	59
Саманган	66
Истанбул	74
Хирот – Жалолобод	77
Юртда	84
Лондон.....	93
Учрашув.....	97
Юртда	101
Приморский ўлкаси	106
Хабарнома	106
Вена.....	107
Афғонистон.....	118
Юртда	137
Истанбул	141
Афғонистон.....	152
Жалолобод	155
Юртда	159
Кобул.....	175
Юртда	193
Кутилмаган учрашув	203
Юртда	212

Адабий-бадиий нашр

ИСОҚЖОН НИШОНОВ

**АФГОН ШАМОЛИ
«АДОЛАТ ЛАШКАРЛАРИ»**

*Роман
Олтинчи китоб*

Тўлдирилган қайта нашри

Муҳаррир
Сайёра МЕЛИҚЎЗИЕВА

Мусаххих
Муҳайё РИХСИБЕКОВА

Бадиий муҳаррир
Уйғун СОЛИХОВ

Саҳифаловчи
Суннат МУСАМЕДОВ

Техник муҳаррир
Умидбек ЯҲШИМОВ

Лицензия рақами: АI № 252, 2014 йил 02.10да берилган.

Босишга 2016 йил 26.08да рухсат этилди.

Бичими 84x108^{1/32}.

Босма табори 7,0. Шартли босма табори 11,76.

Гарнитура «Peterburg». Офсет қофоз.

Адади 5000 нусха. Буюртма № 174.

Баҳоси келишилган нархда.

«Янги аср авлоди» НММда тайёрланди.
100113. Тошкент, Чилонзор-8, Қатортол кўчаси, 60.

Мурожаат учун телефонлар:

нашр бўлими – 147-00-14; 129-09-72;
маркетинг бўлими – 128-78-43; 397-10-87;
факс – 273-00-14;
e-mail: yangiasravlodi@mail.ru